



7

1-d

20



7.-1.d.20.

~~FF~~
~~I~~
~~34~~

117
1
12



SERIES
EPISCOPORUM
ARCHIEPISCOPORUM
ET
ELECTORUM
MOGUNTINORUM, TREVIREN-
SIUM ET COLONIENSIIUM.

Unà cum
REFLEXIONIBVS HISTORICIS

Contra
Ioannem Hübnerum & alios Scriptores Heterodoxos &c.

Sub
AUSPICIO & PATROCINIO
REVERENDISSIMI, PERILLUSTRIS AC GENEROSI
DOMINI DOMINI
CASIMIRI ANTONII

Liberi Baronis à Sickingen &c. Ecclesiarum Metropolitanæ
Moguntinensis & Cathedralis Constantiensis, nec non Eque-
strium ad S. Albanum Moguntia & Brusalia Canonico
Capitulari &c. Domini Patroni sui perquam
Gratiosi.


ROTTWILÆ IN LUCEM EDIDIT MDCCXXV.

P. GREGORIUS KOLB S. J.

Historiæ quondam Prof. Ordinarius.

Sumptibus GEORGII SCHLÜTER & MARTINI HAPPACH,
TYPIS IOANNIS GEORGII KENNERKNECHT.





REVERENDISSIME
AC PERILLUSTRIS
DOMINE PATRONE
Perquam Gratiſe,



NEc parva, nec pauca ſunt, quæ Superi conceſſerunt
tibi munera ; virtus nimirum , doctrina &
eximiæ naturæ dotes , quibus emines , te Ca-
thedralis Eccleſiæ non unius tantum favori-
bus , & plurimorum affectu , ac veneratione dignum fa-
ciunt. Quidquid illi in alios diſperſum vident , in te uno
collectum prædicant , vel ipſo etiam corpore tuo animi
majoris magno teſte ; ut aded ſpei publicæ pars magna
quieſcat in te , in cujus virtute , prudentia & ſingulari
humanitate Magnates exemplum ſuſpiciunt ; inferiores
verò fortunarum ſuarum ac neceſſitatum meritò Tutorem
agnoscunt. Dum in Eccleſia Canonicus verſaris , ita
te geris , ut natus factus Eccleſiæ videaris ; quamvis te
Sæculum longo tempore ſit viſum invidere , ſeriùs quàm
par eſt , liberum tibi ex foro in chorum concedens tran-

fitum. Pluribus non audeo onerare modestiam tuam, quæ silentii præceptum ita meo imposuit calamo, ut nec de tuis virtutibus, nec de avitæ Familiæ Sickingianæ dotibus plura liceat scribere; mavis nimirum ex norma virtutis vivere, atque adeò laudes mereri, quàm laudari. At hoc ipsum inter multa alia novo est argumento, ut non verear te Synopsis Historicæ meæ Patronum appellare: modestiam enim hanc tuam singularem cum pluribus perspectam habeam, & Historiæ, præsertim Sacræ, cùm æstimatorem eximium te esse abundè intelligam, à Reverendissimo nomine tuo aliquam illi commendationem obtineri possè confido; judicabunt namque periti, esse aliquid in hoc tenui compendio, quod legi mereatur, cùm tuum sua in fronte nomen præferat. Privata mea nomina, quibus jam à pluribus annis me tibi, universæque, verè Perillustri Familiæ tuæ devinctum profiteor, tacitus prætereo; cùm dignè me illis respondere non posse lubens confitear. Deus Optimus Maximus, Pientissimus votis meis id tribuat, ut diuturna cum incolumitate in te eximia hæc decora tua pluribus incrementis augeat, & ad tuam pariter totiùsque Ecclesiæ felicitatem consummet. Ita cum omnibus bonis ardentissimè exoptat

REVERENDISSIMÆ AC PERILLUSTRIS
DOMINATIONIS TUÆ

Servorum infimus

Gregorius Kolb, S. J.



FACULTAS R. P. PROVINCIALIS.

Cum D. Georgius Schlüter & D. Martinus Happach, Bibliopolæ Augustani prima editione vulgare desiderent Seriem Archiepiscoporum simul ac Electorum Moguntiae, Trevirorum & Coloniae, à P. Gregorio Kolb Societatis IESV sacerdote conscriptam; Ego Franciscus Xaverius Hallauer, Societatis IESV per Germaniam Superiorem Præpositus Provincialis, potestate ab Adm. R. Patre Nostro Michaeli Tamburino, Societatis nostræ Præposito Generali, mihi concessa, eisdem ad hanc Editionem primam, facultatem impertio. In cujus Confirmationem has literas chirographo meo, & consueto Officii sigillo munitas dedi. Rottvilæ 25. Iulij 1725.

FRANCISCUS XAVERIUS
HALLAUER.



PRÆFATIO AD LECTOREM.


Tu es Petrus & super hanc Petram ædificabo Eccle-
siam meam, & portæ inferi non prævalebunt
adversus eam. Matth. 16. v. 18.

Est hoc verbi divini oraculum; est Christi Sponsi divi-
nissimi Ecclesiam sibi sponsam amoris vinculo devin-
cientis promissum fidelissimum; est Supremi quondam
in se ipso, nunc verò in Vicario suo visibilis Pastoris &
Episcopi dictum datumque Agnis atque Ovibus solatium ad spem
firmam excitandam efficacissimum; est omnia prævidentis, &
providentissimi donum Dei ædificantis Architecti præfagium ad-
versus quasvis rimas & ruinas potentissimum. Præfagium &
promissum hoc cœleste meritò videri potest datum atque serva-
tum esse non Romanæ duntaxat Ecclesiæ, sed & aliis Ecclesiis
cum Romana penitus unitis & adunatis, quarum cum plurimæ
numerentur, inter primas numeranda venit Ecclesia Germanica,
pluribus iisque principibus innixa columnis. Columnam unam
Prin-

Principem jure dicimus Moguntinam, alteram Trevirensē, huic proximam Coloniensem. Est Romana Ecclesia Mater; Romanæ Matris Ecclesiæ sunt eadem Ecclesiæ Filix Germanæ. Est Romana Ecclesia Mons Dei; illæ supra Montem Dei arces positæ. Est Romana Ecclesia navigium Petri maximum; illæ sunt petrinæ naves minores. Dum persecutiones maximas perpeffa est Mater fortissima; in persecutionibus fuerunt & Filix invictissima. Dum Mons Dei obsidiones sustinuit gravissimas ipse immotus & immobilis; impetus quoque vehementissimos repulerunt arces inexpugnabiles. Dum Petri navigium inter tempestates, fluctus & procellas jactatum fuit absque naufragio, non unus duntaxat Neptunus adversus Triremes Germaniæ iratum caput incassum extulit, vocatis licet in suppetias orcinis copiis, quas inter classem inimicam adornârunt tyrannis, hæresis, schisma, & scelera alia maxima vitiorum duces. Neque has leves aut breves velitationes, sed pugnas gravissimas fuisse experientia docuit. Et quidem jam primis à Nativitate Domini seculis pugnas similes pugnare cœperunt etiam Moguntia, Trevis, Colonia, & temporis successu Salisburgi, Visuntii & Episcopatibus minoribus, tyranni veriùs quàm Principis nomine digni Duces. Tyrannis successerunt & accesserunt Simoniaci, Ariani, Eutychni, Iconomachi, & his nostris seculis absque suo nomine notissimi, quos inter & sibi non ultimum pugnandi locum vendicavit Hübnerus cum sociis Scriptoribus & Lectoribus haud paucis, quorum arma quàm sint fortia adversus Pontifices Romanos & Cæsares, cum absque nostro vulnere exceperimus; ordo præliorum jam exigit, ut experiamur, quàm acuta sint tela aut jacula præsentia, quæ in Germaniæ Archipræsules & horum Suffraganeos contorserunt. Si victi fuerimus, victas dabimus manus: si vicerimus, devictos manu tenebimus, & propiùs in Ecclesiam Germanam, ac inde in Romanam reductos servabimus. Primo cujuscunque loco gesta Archipræsulum, Moguntini nimirum, Trevirensis

rensis & Colonienſis pauca compendiò dabimus: tum verò Reflexiones addere liceat, in quibus peramicè cum hoſte pugnabimus. Cæterùm Lectorum commonitum volo, Hübneri tomulos diverſa Editione typis impreſſos, continere paginas diverſis omnino numeris notatas: unde ſi paginarum numeri hoc in opusculo expreſſi non conveniant cum Editione poſteriori, conveniunt tamen cum priori, & certè cum ſubſtantia utriuſque Editionis. Denique defectus typi, typographi & correctoris excuſabunt facilè Lectorum peritia & patientia,





SERIES
EPISCOPORUM
MOGUNTIAE.
PERIODUS I.

SECVLVM PRIMVM.

I. D. CRESCENS.

Retro Apostolorum Principi, & Paulo gentium
Doctori non absimiles dedit Discipulos gratia Ser-
uatoris nostri in omnes abundantissima. Hac ea-
dem gratia & vocatione prorsus singulari excitati,
quot regna & provincias tum in Asia, tum in Euro-
a peragraverint iidem Apostolorum Principes, ritè credentibus
estatur locupletissimè Sacer Codex non magis humanâ manu ex-
ratus, aut à spiritu privato, quàm divino consilio probatus &
A Dei

Dei scriptus digito. Inter utriusque Doctoris Discipulos numeratus jam abhinc seculis ferè XVII. D. Crescens, à D. Paulo Præceptore principijs imbutus Apostolicis, à D. Petro autem omnium Pontificum primipilo Episcopus probatus & confirmatus, non unius tantum regni provincias giganteis quasi passibus est emensus, ut ad optatam metam pertingeret. Non desunt fortè Scriptores, qui in Asiæ provincias, præsertim verò in Galatiam abiisse autumârunt. In Italia hausisse præcepta à Magistris, rerum ordinem ritè arbitrantibus, non est dubium. Viennæ in Gallia tempore aliquanto sedisse Episcopum contendunt Galli maximè. Omnium Episcoporum Moguntia primum Evangelij semen seminasse, zizania eradicasse, virtutes plantasse, idolorum delubra destruxisse, ut Sedes prima cederetur Deo, & altera Episcopo, non tantum Orthodoxi concedunt, sed toto capite annuunt etiam Recentiores Heterodoxi non pauci. Annis 22. Moguntia Supremum Antistitem sedisse scribit Trithemius D. Crescentis observator sedulus. Trithemio in enumeratis annis conformes sunt annales Moguntini. Inter Martyres emiuisse imperante Trajano an. Christi 102. aut 103. concordis sententia tradiderunt Authores Itali, Galli, Germani &c. à quibus dissentit neutiquam Martyrologium Latinum. Exuvias tanti Martyris Moguntia in æde S. Hilarii sepultas primò, & inde in in S. Albani templum translatas esse, exhibent monumenta antiquissima, quibus accessit novum hoc ornamentum Poeticum in basilica arcis Moguntina scriptum:

Bis Moguntinis undenos præfuit annos,
 Et vitâ clarus, clarus & eloquiò,
 Martyriumque tulit Trajano Principe, Christi
 Dum Decades denas auxerat una trias,

Reflexio

REFLEXIO

supra Seriem Moguntinam Singularis.

Tametſi multis in rebus neceſſe non ſit Hiſtorico, Hiſtoriam ſuam nimiùm anxie ſtabilire probatiſſimorum authorum firmitate, aut Argumentorum aliorum graviffimo ondere, ut tamen id faciat, ſuadet perſæpe efficacius neceſſitate conſilium. Ea ſunt inſuper tempora & hominum mores hac nostra ætate, ut quamvis paſſim Heterodoxorum viri plurimi Hiſtoriam ſcribant, nec tamen probata authoritate, nec ratione pſi communiant, aliorum nihilominus Hiſtorias non Hiſtorias, ſed fabulas continuò aut calumnias dicant, niſi testimoniis omnium exceptione majoribus obruantur, & velut torrente rationum ad ſenſum rapiantur: quamvis ſic etiam frons & oculi ſæpe mentiuntur, oratio verò ſæpiſſimè; ut nimirum celetur inimica victoria, & qua ſemel eſt imbuta recens odorem ſervet teſta diu. Vel ut pertiùs dicam, ne deſeri à ſuis videatur malè fundata ſuper fabulas doctrina etiam dogmatica. Quamvis igitur hoc loco fortè nec Hübnerum, nec Hübnero ſimilem naçtus ſim adverſarium, ſum de D. Creſcente Moguntia Epifcopo primo cœpi dicere; conſultiſſimum tamen mihi fore prævideo, ſi ferè ſingula geſtorum capita majora authoritate communivero:

Quæritur itaque I. An in Galatiam miſſus venerit
D. Creſcens?

Q. II. An Viennem Gallia pervenerit?

Q. III. Si eò pervenerit, an nihilominus annis 22, Moguntia Epifcopus ſederit?

Q. IV. An ab Apoſtolis Epifcopus miſſus venerit?

Reſpondetur ad I. Etſi epistolam Doçtoris gentium ad Tinotheum datam perfunçtorie tantum legenti poſſit apparere, D. Creſcentem tetendiſſe in Aſia Galatiam, minimè verò in Gal-

liam, aut aditas Rheno provincias, hæc tamen duo posteriora membra, minimè verò membrum antèrius testantur auctoritate sua maxima DD. Epiphanius, Hieronymus, Sophronius, Theodoretus, Ado, Beda, Ufuardus, aliique authores magno numero à P. Serario lib. 2. de rebus Mogunt. relati, quâ unanimi sententia tradunt, Galatiæ nomine appellatas fuisse seculis antiquissimis Galliam aliasque Rheno propinquas Provincias.

R. ad II. & III. Viennam Galliæ advenisse D. Crescentem, & multo fortassis tempore populum Orthodoxâ doctrinâ & Christianis moribus instruxisse, produnt nobis Ado, Beda, Ufuardus, & Petrus Cluniacensis, nec non Martyrologium Romanum die 27. Junij; nemo tamen authorum horum aut aliorum inficias ibit, D. Crescentem Moguntinis præfuisse Episcopum. Quin si fingamus etiam, hunc ipsum D. Pauli discipulum aliquo tempore divina explicasse præcepta in Asiæ Galatia, in Italia, Gallia & quibusdam Germaniæ provinciis; Moguntia perinde tamen nec pilus adimitur: superavit enim ætate sua annos omnino 80. ex communi hac de re Scribentium mente. Quippe in Galatiam si missus abiit, abiisse eo tempore certum est, quo Magister Paulus alteram dedit ad Timotheum epistolam: annis verò novem ante D. Pauli Martyrium scriptam fuisse, argumentis probat Baronius, quamvis nonnihil refragentur D. Hieronymus, & Eusebius, seriùs eam conscriptam esse affirmantes. Si igitur horum opinionem amplecti & dicere fas sit, anno Pauli postremo epistolam hanc scriptam, & Crescentem in Galatiam missum venisse, haud adversabimur dictis his nostris: namque D. Paulus an. post natum Servatorem 96. capite plexus sub Nerone, D. Crescens verò, an. 102. aut 103. sub Trajano passus est: annorum igitur 33. intervallum inter D. Pauli & huius discipuli Crescentis fata intercessit: cui si demantur 22. anni Moguntia numerati; annos omnes reliquos vendicant sibi Galatia & Gallia
Vienna

Vienna, nimirum annos 11. Quod si tot annorum spatium non efficiat aut Gallis aut Galatis, quis jure affirmare poterit, D. Crescentem eo, quo Moguntinis leges explicavit tempore, nunquam excurrisset in provincias alias nunc propinquas, nunc remotas? abhorruerunt certè ab hac sedendi more & mora antissimorum Episcoporum plerique, dum oves pascebant, & non pascula nunquam non inquirebant.

R. ad IV. Inter D. Pauli discipulos floruisse Crescentem iam, consensu maximo tradidèrunt Patres & Historici tum antiqui, tum medij, tum recentiores, quorum omnium recenset nomina Serarius lib. sui cap. 11. pag. 226. An verò à Paulo, an à Apostolorum Principe Petro Episcopus missus venerit in Galiam, aut si mavis, in Germaniam, tam parùm dissentire videntur authores gravissimi, ut qui in ea missione partem Petro, & intertem Paulo tribuerit, omne purè tulerit: misit nimirum Petrus, misit & Paulus; hic discipulum ille Episcopum. Quin etiam suo modo Crescentem Apostoli omnes censendi sunt juxta illud, quod habet lib. 1. Constitut. Apostol. cap. 47. *Crescentem Episcopum Ecclesiarum Galatiæ Ordinavimus.*

Fallitur nimirum maximopere, qui in Apostolorum Collectione dissensionibus multis aut discordiis locum fuisse existimat: putat unum & membra plura concordēs servabant animos; quam concordiam procul dubio à Divino Spiritu datam cum negare non sustinerent Heterodoxorum multi, finxerunt duo humana capita, Petrum & Paulum Ecclesiæ præesse jussos ab uno supremo capite Christo Deo.

Verùm inani huic sententiæ caput pridem amputavit unum C. Bellarmino authorum plurimorum phalanx, argumentis luti gladiis ex S. Codice petitis potentissima, Cæterum à D. Petro

tro Româ dimissum esse Crescentem, clarissimè docuere D. Innocentius in ep. ad Januar. Item Rupertus Abbas offic. c. 27. Genebrardus lib. 3. Accedit testimonium Moguntiae antiquissimum hac Methodo scriptum:

Petrus Apostolici Coryphæus Culminis illum
Jussit apud Belgas Præfulis esse loco.

SE C U L U M II.

II. D. MARINVS,

Primus à D. Crescente Moguntiae Episcopus docuit D. Marinus Martyr, quem alij dixerunt Martinum, cuiusmodi vel error, vel nominis varietas sæpe irrepsit in Seriem Romanorum etiam Pontificum, & aliorum in Historia notissimorum Præfulum. Plura de hoc & aliis Episcopis sanè plurimis non sinunt scribere secula antiquissima, quibus libros suos & testimonia sacra abstulit tyrannorum plurimorum non modò in homines, sed & in quævis Orthodoxæ Ecclesiæ monumenta igne & ferro sævientium crudelitas: unde tam in hac, quàm sequenti Episcoporum & Archiepiscoporum Serie duplici Virorum nominibus potius, quàm gestis & meritis maximis Lectores oportebit esse contentos. Sedit D. Marinus an, 6.

III. D. Crescentius.	/	18.
IV. Cyriacus.	/	14.
V. D. Hilarius.	<i>Sed, an.</i>	20.
VI. D. Martinus, II.	/	14.
VII. D. Celsus.	/	22.
VIII. D. Lucius.	/	10.

Seculum

S E C U L U M III.

IX, S. GOTHARDVS,

DIAUS ab aliis Godeardus & Bodardus, Trithemio teste multa gentilium millia Christo lucrari studuit, dum firmiter statuit vir esse laboris & doloris patientissimus. Mons geminus etiam hodie prope Moguntiam suspicitur, qui tribuit Gothardo amplum agendi & patiendi campum: superum enim, montem Martis appellatum, vicini populi statum tempore convenire, ut Drusi Romanorum Ducis memoriam renovarent & Dijs litarent. Montem hunc posteri jure memori D. Jacobo dicatum novo dixerunt nomine Jacobinum. Mons alter, postea mons Martyrum & D. Albani appellatus, cuius erat, in quo Christianorum plurimi catenis ligari, supplicibus subjici, & morte crudelissima necari multo tempore consueverunt. Supra montem utrumque pugnare, victoriam adversus annos referre, & trophæi instar gloriosa Christi insignia figegavissus est victor Episcopus: aras enim idololatricas impugnavit; idololatrias unum Deum adorare docuit: captivos in vinis solari, ad constantiam hortari, ad mortem fortissimè subitam animare Christi athletas nunquam destitit. Ut verò tamen non tam verbis, quam factis perficeretur in dies amicus, in vicina montibus planitie ædem crexit Christi unius Dei moribus dedicatam. S. Nicomedis aream dixerunt denique Christiani posteri. Cæterum quo maximè fato D. Gothardus vis excesserit, haud constat: in sacra valle, Dalhemium nunc a, sepultum primò, inde verò ad S. Albani locum translatus ab Hildeberto Archiepiscopo memorant, Pluribus annu-

nume.

meratum circa annum 221. Etiam scriptores Lutherani scribunt.
Annis 15. Moguntiae Episcopus pugnavit. *Vide Cochlaem, & Sueton.
de monte Martis.*

X.	S. Saphronius.	/	8.
XI.	S. Herigerus M.	/	4.
XII.	S. Rutherus M.	<i>Sed. an.</i>	10.
XIII.	S. Avitus.	/	22.
XIV.	S. Ignatius M.	/	13.
XV.	S. Dionysius.	/	26.

SECVLVM IV.

XVI.	S. Ruthbertus.	/	12.
XVII.	S. Adelhardus.	/	10.

XVIII. S. LVCIVS.

S. Lucius II. cognomento Annæus natione Romanus, Arianis in Catholico orbe propemodum universo jam tum invalescentibus non unum tantum posuit obicem & statuit aggerem; quare ab eorundem armatis partibus ligatus, & mox in exilium eiectus, mortem oppetiit gloriosam, in Phrygia una cum duobus sociis Sacerdotibus Paulo & Crescentio fune suffocatus. Igitur tum inter vivos, tum mortuos iis promeritus est extolli encomiis, quibus Lucium persecutus est *Tribemius* in gestis S. Maximi vocans eundem *Virum Apostolicæ atque Sanctissimæ vitæ*. Sedit an. 18. *vide Surium in vita S. Maximi.*

XIX. S. Ma-

XIX. S. MAXIMVS.

S Maximus Moguntiz sub initium Seculi IV. ex honestis iisq; Christiano Dogmate imbutis parentibus natus & educatus, inter æquales suos quā literis, quā probatis moribus emiuit. Scientiis dein exornatus & virtutibus; ac inter Sacerdotes descriptus D. Adelhardo se reddidit gratissimum. D. Annæo adversus Arianos pugil accessit ore, calamo, & opere potentissimus: unde cū in exilium pulso Annæo ægrè adversus violentas hostium manus & insidias ab amicis fuisset servatus Maximus, nemo præ ipso Episcopus Moguntiz placuit. Non humano magis quā divino consilio constitutum Supremum Moguntinorum Præfulem fuisse eventus rerum comprobavit multiplex; Constantius enim ex Constantini M. filiis superstes solus, Ariæ errores adversus manifesta etiam miracula pertinaciter tueri perrexit: unde non nisi re & nomine maximis opus erat adversariis, qualem se contra Cæsarem ostendit in Oriente D. Athanasius, in Occidente D. Maximus cum sociis Episcopis. Lubeat hanc in rem ex Suriij & Trithemij multis verbis non pauca decerpere, quæ ita habent: *Non est eo tempore inventus apud Germanos pontifex doctior sanctiorque Præfule Maximo, qui tanta sub innocentia & eruditione scripturarum legem servaret excelsi, quoniam & hæreticorum errores verbis & scriptis constantissimè redarguit, & fundatus supra firmum Petrum divini amoris nullas eorum persecutiones formidavit. Septies tempore sui Pontificatus ab impiis Arianis urbe Moguntina pulsus est: septies quoque divinā providentiā restitutus, nunquam dejectus animo, nunquam victus aut superatus. Multa alia in laudem Clericorum ejus temporis maximam descripsit Serarius ex Suriō & Trithemio; horum prioris vide pag. 241. & seqq.*

XX. Sidonius I. sed. an 19. sub D. Felice, Liber. & Damas.

XXI. Sigismundus, 6. sub D. Siricio & D. Anastasio.

S E C U L U M V.

- XXII. Lupoldus, 17. sub D. Innocentio I.
 XXIII. Nicetius. sed. an. 8. D. Bonifac. I. & D. Cœlestin.
 XXIV. Marianus, 10. D. Cœlest. & D. Sixto III.

XXV. D. AVREVS.

D Aureus Moguntinorum Episcopus, ad Clavum Romanum sedente D. Leone I. Pont. electus, qua patria, aut unde domo venerit, haud patet. Librorum nempe partem maximam optimamque tyrannorum & hæreticorum violentiâ ereptam sibi, queritur etiam hoc quintum Christi seculum, quo Attila Hunnorum Rex Occidentis Imperium ferè totum pessumdedit, & Arianorum machinatio Ecclesiam Romanam simulque Germanam plurimum vexavit. Utriusque rabiem ac furorem nimium quantum expertus D. Aureus, ut sese servaret pastorem ovibus, Moguntiam tantisper reliquit, partim flammis, partim ruinis ab Attila everfam, more urbium aliarum maximè in littore Rheni positarum, inter quales nuncera sis Spiram, WORMATIAM, ARGENTORATUM &c. Visito denique & pene ad internecionem deleta in campis galliæ Catalaunicis Hunnorum exercitu, & horum Rege in Pannoniam reduce, redux & ipse Moguntiam D. Præsul non cunctando, sed properando restituit rem. Odium idcirco incurrit Arianorum maximum pastor vigilantissimus; unde cum fortè in Sacello prope Dalkemium extructo ad aram faceret, ab Arianorum armata cohorte subito occupatur, multis confoditur vulneribus, & unà cum paris sanctitatis sorore Justina præceps in profundum datur. Annis trecentis & pluribus latuere hæc DD. Martyrum cadavera, nulla sui parte corrupta, & sanguinis rubore aspersa, quæ tandem Richolphus Carolo M. gratissimus

archiepiscopus solatio suo maximo reperta in D. Albani templum transtulit, translationem hanc clarissimis miraculis ratam abentibus Superis. Annis 16. præfuit Ecclesiæ Moguntinæ D. Augustus, quem sacra in sede sunt secuti Episcopi complures, non nisi omnibus denuo & ferè communibus encomiis celebres, dicti omnes *Episcopi laude dignissimi, pastores boni &c.*

XXVI Eutropius sed. an. 23. sub D. Leon. I. D. Hilari. & D. Simplicio.

XXVII. S. Adelbertus de an. sedis D. Felice III.

XXVIII. Ratherius non constat. D. Gelasio.

XXIX. Adelbaldus D. Anastasio II.

SE C U L U M VI.

XXX. Landfridus, de sedis an. sub D. Symacho.

XXXI. Rudhardus, non constat. D. Hormista.

XXXII. SIDONIUS II.

Sidonius II. sub D. felice IV. & aliis hujus Seculi V. Pontificibus floruit: quamvis enim de Sidonij annis in sede Episcopali numeratis non clarè constet, posteris nihilominus eundem annorum numero & meritis excelluisse, diversæ prodiderunt undè rerum circumstantiæ: siquidem non nisi sex aut septem nueravit Moguntinæ Episcopos hoc VI. Seculum, inter præstantissimos numerans Sidonium: Moguntiam quippe hætenus sub ruinis sepultam suscitavit denuo quâ consiliis, quâ auxiliis Sidonius. gorem pristinum reddidit sacris officiis, eum in finem erectis nris & ædificiis aliis ad fovendam religionem maximè idoneis. doctrinâ, eloquentiâ & virtutibus aliis cùm esset in Ecclesia, esertim Germana celeberrimus, hæreticorum sui temporis malis ex merito suo est appellatus. In egenos præsertim liberalissi-

mum fuisse ferunt adèò, ut pauperum, exulum & captivorum passim appellârint refugium. Venantio Fortunato hujus ipsius Seculi VI. Piëtaviensium Episcopo, auctori sanè laudatissimo, plurimum obstricta est posteritas, quòd hujus ipsius Sidonij encomia eleganti carmine fuerit profecutus in hunc modum à Petro Serario descriptum:

Reddita ne doleas, felix Moguntia, casus,
 Antistes rediit, qui tibi ferret opem.
 Ne mœrori gravi lachrimans orbata jaceres,
 Te meruisse time.
 Porrigit ecce manum genitor Sidonius urbi,
 Quo renovante locum, prisca ruina perit.
 Jura Sacerdotum sacro moderamine servans,
 Per cuius studium crevit & ipse gradus,
 Parturit assiduè gravidos Ecclesia fructus,
 Quam vir Apostolico vinctus amore regis.
 Suscipit hæredes cœlesti germine natus,
 Tali nupta viro quando marita placet,
 Te vigili custode lupus non diripit agnos:
 Te pascente gregem, non ovis ulla perit.
 Cautius in tuto per mitia pascua ducit:
 Toxica ne noceant, florea rura paras.
 Sis cibus ut populi, placidè jejunia servas,
 Et satias alios, subtrahis unde tibi.
 Nudos veste tegis, captivis vincula solvis;
 Deposito reddis libera colla iugo.
 Exulibus domus es, simul esuriensibus esca.
 Felix, cui Christus debitor inde manet.
 Te doctrina probum, providentia sacra modestum
 Fecit, & eloquio vincere mella tuo.
 Templâ vetusta novans, specioso fulta decore:
 Inferis hinc populis plus in amore Deum.
 Ut plebem foveas, Rheni bene construis amoes.
 Quid terris referet, qui bona præbet aquis?
 Hic quòd sana micant, ac instaurata quòd extant,
 Vivis in æternum laude fluente tibi.
 Hac cresces longos meritorum fruge per annos,
 Et crescente diu de grege vota seres,

Car-

Carmen hoc, tametsi vel seculorum multorum injuriâ vitiatum, vel delicatis hisce seculis vix bene probatum, apponere tamen libuit, ut quantus fuerit Episcopus Sidonius, ex testimonio mul Historici & Poetæ antiquissimi colligere liceat.

XXXIII. Wilbertus, de an. Sedis non constat. sub Benedicto I. & Pelagio II.

XXXIV. LVDEGASTVS.

Ludegastus, aliis dictus Lindegastus, sub Gregorio M. Moguntia mitrâ est exornatus. Eadem ferè ætate Theodoricus & Theodebertus in Austrasia fratres regij, armis sese utuis aggressi, in Tullensibus denique campis pugnam confectæ: ea enim ex pugna victum ac fugitivum fratrem Theodericum persecuturus Theodoricus ad Ludegastum Episcopum pervenit, ubi nova consilia intellexit, quibus ad constantiam animatus Theodoricus fratrem ampliùs est persecutus. Brevissimo hoc compendio laudat Ludegastum Trichemius, vocans eundem *gnatum virtutum in Christo virum*. Sedit an 8.

Reflexio Supra Seculum VI.

Hactenus Hübnerum Seriem Antistitum Moguntinorum unâ mecum scribentem in majoris momenti capite refragari mihi vix inveni, quod magni beneficii loco habendum censeo. Id solum encomio dignum haud judico factum, o DD. Maximi & Aurei insignes virtutes angusto admodum compendio constrinxit, cum res alias levissimas multis ambagibus non cessavit prosequi. Id etiam captu difficillimum hoc Seculivisum est in Hübneriano tomulo VII. pag. 15. ubi auctor hunc modum scripsit: an; 525. *Moguntia magna sui parte est restituta, cui restituta Dagobertus Francorum Rex primus huius nominis operam suam contribuit*, im vero huic VII. multum adversatur tomul. II. & tabula ex Gealogicis 49. quibus in paginis Dagobertus I. Clotarij filius vix

anno 600. natus, & an. 631. regnare, & tamen jam an. 525. operam restituendæ Moguntiæ tribuisse refertur. Profectò rarum prorsus naturæ beneficium, centum annis priùs jam regnare, aut operari, antequam nasci. Verùm levior hic inter plures Hübneri defectus facilè illi condonatur.

SECVLUM VII.

XXXV. Rudelínus, aliis Rudhelfmus, sedit an. 10. sub Bonifacio III. & IV.

XXXVI. Luthvvaldus, an. 11.

XXXVII. Leovvaldus an. 12. sedit.

A Trithemio communibus laudantur laudibus, alter *Christianissimus*, alter *Vir Sanctissimus* vocatus. Floruerunt sub Pontificibus Theodoro I. D. Martino I. D. Eugenio I. & horum successoribus.

XXXVIII. RICHBERTVS.

Richbertus, quem alij dixerunt Rigbertum & Sigebertum &c. Sed an. 13. si tamen turbata tempora statuere annorum sinunt numerum, profectò hoc seculo incertissimum,

SECVLUM VIII.

XXXIX. GEROLDVS.

Geroldus Richberti successor foris, quàm domi illustrior, plùs Martem promovendo, quàm mortem meditando sese consecravìt totum, factus denique Martis in prælio & mortis victima. Geminis nimirum bellis Carolus Martellus, Franciæ Major Domus appellatus, tunc temporis implicitus, Burgundos ab obsessa Moguntia repulit, & inde in Thuringiam adver-

sus

us Saxones cum exercitu profectus, hostes provocavit. Geroldus Martello obstrictus gemino beneficio, utpote cujus potenti affragio in Sedem Episcopalem ascendit, & urbem ab eadem obsidione liberatam novit, se Duci junxit futurum deinceps in armis socium. Etsi verò arma converterentur in hostem Christianis Aris infensissimum, & Geroldus Sacræ meliorique causæ lurimum consideret, cecidit tamen unà cum multis commilitonibus Episcopus: unde epitaphij loco hoc dystichon mortuo dicere vel æqui rerum æstimatores, vel quorumvis Episcoporum oili & observatores seduli;

Ense Geroldus obit Præsul, dum dimicat ense;
Perplacet ergo chorum, non aduisse forum.

XL. GERVILIUS.

Gervilius, aliis dictus Gebiliebibus, si ritè *Hübnerus* scripsit, fuit *Geroldi ex legitimo thoro natus filius*. Non multum diversa de Gervilio reliquit nobis etiam *Wuschius*: quo autem pacto in Episcopatu constare possit legitimum matrimonium, minime ostendunt. Qualem Episcopum genitor sese gesserit, intelleximus: de filio nunc pauca intelligemus. A Carolo Martello Moguntia solium promotus, parum anxius de ovibus, pastor mine tenus, in sylvis aves & feras venator cœpit, in campis artius miles pugnavit haud æquo Marte: audito enim de genitis morte nuntio, clam misit gregarium, ut occisorem patris amoverbis ad se perduceret. Vix ad se perductum gladio, quem longa veste occulerat, percussit hostem Episcopus, nemine se hoc publicè detestari, aut condemnare auso, eò quòd Gervilius Martello percharum esse cognoscerent universi. Ita ferè ptores citati referunt. Eadem ætate D. Gregorius II. per annos 16. & hujus Successor D. Gregorius III. annis 10. Pontificis Romani munus arduum summa laude obibant: ab his D. Bonifacius ad semel duntaxat missus, improbis Sacerdotibus tristis nuntius in

in Germaniam advenerat. Non latere potuit hunc Germanorum Apostolum, & simillimum Argo Ecclesiæ custodem nonnullorum Episcoporum, & multorum Sacerdotum negligentia; qua de causa celebratis tum Moguntiae, tum in aliis Germaniae urbibus Episcoporum conciliis, auditâ etiam Gervilij audaciâ, latâ in illum Pontificis nomine sententiâ, monasterio inclusit, in quo annis 14. delituit, & vitæ partem ultimam inter optimos pœnitentiæ fructus absolvit. Pœnitentiam Gervilij epithaphij loco posteris legendam reliquit Poeta hunc in modum canens:

Patrius affectus me movit ad arma cruenta:

Pœnam quam merui, digniùs ergo tuli.

In claustro latui pro crimine tempore vitæ:

At licet hic lateam, spero salutis opem.

P E R I O D U S II.

D E A R C H I E P I S C O P I S M O G V N T I Æ ,

S E C U L I VIII.

Continuatio.

I. D. BONIFACIUS.

D. Bonifacius in Anglia si non ex regio, saltem ex illustrissimo genere natus, illustrioribus longè virtutibus genus suum exornavit, in D. Benedicti monasteriis ab anno ætatis suæ 13. educatus, & optimis moribus literisque formatus. Inter Magistros Bonifacij eminuit Ven. Beda vir sua ætate nulli secundus. Post annum ætatis 30. Christi 718. missus Sacerdos dotibus raris instructus venit ad Germanos, qualem & ipsum origine fuisse tradunt, Frisia erat, quæ provinciis cæteris præripuit

uit primum honorem, ubi collectis animarum ritè credentium nanipulis copiosissimis Romam petiit; & ibidem à D. Gregorio Pontifice Episcopus consecratus, positòque *Vvnefridi* nomine veri, nomen Bonifacij accepit, ac Germaniam repetiit, impetràtè facultate disponendi de rebus plurimis in Ecclesia Germanica. moenurgi non usque adeò procul remota à Moguntinis urbe, imò cathedram suam erexit & aram instruxit. Tum verò Montia, & mox in Thuringa, Hassia aliisque provinciis ad conferendum dicit populum fructu constanter maximo, bene cœpta omoventibus Superis. Romam denuo, imò jam tertio profectus, & à D. Gregorio III. Pont. amplissimis privilegiis munitus, Germaniam redux Episcopatus varios partim instituit, partim restauravit. Inter Episcopatus institutos venerunt Herbipolensis, Eustadianus & Erfordensis. Inter instauratos jure censetur Episcopatus Moguntinus: anno enim 745. cum Gervilius, uti memoratum, poenitentia ergo monasterium petere jussus, sedem relinquisset viduam, eadem occasione Archiepiscopatus Wortia Moguntiam translatus, & Bonifacio à D. Zacharia Pontifice, ita rem disponente potissimum Pipino Gallorum Rege, est accessus, imò maximè invito impositus totius populi Christiani applausu prorsus singulari. Bonifacius itaque primus Montia Archiepiscopus septem annorum intercapedine rem præ humanis viribus longè superiorem. Novo demum, quin eri denuo accensus animarum Zelo id à Pontifice impetravit letis precibus, & regio Pipni suffragio, ut pluribus Sacerdotibus atque licuerit secundo Rheno descendere ad Frisones in dies convertendos & confirmandos: verum ibidem post exantillabores plurimos, & conductos ad Christi aras sanè diversos totosque, unà cum sociorum electa cohorte à latronibus est occisus an. 755. Exuviae sacrae Divi Martyris primò Ultrajectum, verò Moguntiam, & demum Moguntia Fuldam translatae, nunquam non miraculis insignibus conspicuæ, fidem non neganti-

gantibus ipsis Scriptoribus Heterodoxis, è quibus vid. *Hübnerum*, *Lexicon Lipsiense*. &c.

II. D. LVLLVS.

D Lullus inter populares D. Bonifacij in Britannia natus, antecessorem suum vel sanguinis propinquitate, vel certè morum, studiorum & religionis affinitate continebat. Conjunctio profectò animorum tanta inter utrumque fuit, ut eadem successorem ad imitationem antecessoris potentissimè pertraxerit. Lullus namque ut Bonifacij Germanorum Apostoli audiret verba & sequeretur exempla amplius, in Germaniam venit eo secundissimo rerum eventu, ut Bonifacius ipse ad Frisones Orthodoxo dogmate in dies magis instruendos, toto pectore incumbens, abdicata omni dignitate neminem Lullo idoneum magis judicaverit, ut sibi succederet: cuius sententiæ pariter fuerunt Stephanus III. Rom. Pont. & Pipinus Rex, commoti facilè multis viri præstantissimi meritis, præsertim postquam pervenit Romam inter Concilij Romani Patres maximi æstimatus. Permagni faciendum esse existimavit etiam Wittekindus Saxonum Rex & Dux M. ab Archipræsule Lullo dogmate Romano instructus, & Baptismatis salutari aqua ablutus. Annis 32. partim servandæ, partim plantandæ consecravit Ecclesiæ Moguntinæ, in qua extructis ædibus sacris, et cœnobiis compluribus, singularis zeli, vigilantix, prudentiæ, doctrinæ & sapientiæ reliquit argumenta, monumentis etiam hodie variis posteritati comprobata: inter quæ æstimemus non parvi & illud, quo D. Archipræsul ab anno obitus sui 60. restituit subitò vigorem pedi, cui paulò antè Sepulchralis ejusdem B. Archiepiscopi lapis è tumulo levatus, atque in pedem adstantis fortè delapsus, omnem ademerat usum. Non omittendum illud etiam, quo Archipræsul sanum atque incolumem Alboinum Buriburgensem Præsulem brevi moriturum prædixit, & sibimet mortis articulum propinquissimum adesse cognovit an. 787. Caput B. Lul-

3. Lulli Hermannus ad S. Gothardum Ord. D. Benedicti Abbas Collegio Soc. Jesu Moguntia inter reliquias sacras servandum donavit, Hildesia translatus an. 1603.

III. RICHOLPHVS.

Richolphi post D. Bonifacium Moguntia Archipræsulis secundi, quamvis natales & acta prima lateant, minimè latent tamen gesta & fata ultima. Regi & demum Imperatori Carolo M. à consiliis constanter, id bene meritis suis impetravit aud difficulter, ut Cæsaris interventu Pontifici placuerit Archipiscopus, cuius difficile munus ea methodo obiit, ut à quo reprehensus sit, non invenias, à quo laudatus fuerit, etiam hodie nullo labore reperiatur. Ad amissum verò ut fierent omnia à subjectis Richolpho Episcopis & Sacerdotibus, nec deesse passus est monita, et præcepta Ecclesiæ Romanæ autoritate præmunita: unde ex Hispania Moguntiam usque transferri curavit Canones Pontificios idori Mercatoris operâ eleganti ordine donatos. Quò magis erò constaret omnibus ritè de Ecclesiæ legibus, an. 813. Moguntia Synodum celebravit, & alteri Synodo Wormatiæ celebratæ interfuit. Circa eadem tempora DD. Aurei & Justinæ sacras reliquias populo visendas & honorandas proposuit, simulque D. Alani honoribus dicatum templum magnificentissimè extruxit: dein verò quocum consilia vivus conferebat, cum eodem Imperatore mortis sententiam sustinuit an. 814. cum Carolo M. mortuus est annos Sed. 27.

SE C U L U M IX.

IV. AISTVLPHVS.

Aistulphus B. Lulli discipulus, in qualem quantumque denique Magistrum evaserit, multorum loco sit testis Rabanus, fortè etiam Aistulphi discipulus doctissimus, & in Sede Moguntina

guntina successor dignissimus, qui librum de Institutione Clericorum præter libros alios plurimos, scitissimè conscriptum, cum Aistulphi consecraret honoribus, hæc libro præfigere verba non dubitavit, instar prototypi posteris relicta: *Te, Sancte Pater, pro merito summa pietatis plurimi venerantur, & omnibus fidelibus, causa magnæ fidei & sanæ doctrine, honorabilis atque amabilis existis. Te benignissimum atque æquissimum esse scio. &c.* his addidit epitaphium hoc maximè modo scriptum:

Præfulis Haistulphi sita sunt hoc membra sepulchro,

Pontificale sacrum qui bene gessit onus.

Bis senis urbem hanc Pastor qui rexerat annis,

Dogma & Apostolicum protulit ore sacro.

Iustitiæ Custos, rectus, patiensque, benignus,

Fidus in eloquiis & pietate placens.

Lulli discipulus, Successor ritè Richolphi,

Ambobus meritis, non minor iste fuit.

Quis te sancte Pater cum Christo nesciat esse,

Splendida quem tecum vita fuisse probat.

Sedit an. 12. sub Stephano V. & Paschali I. Pont. an. 826. mort.

V. OTGARIVS.

OTgarius, aliis Odogarius appellatus, Wione teste nobili loco in Germania natus, & D. Benedicti Regulâ instructus, Principi Monasterio Campidunensi Antistes præfuit omnium primus, haud dubiè D. Hildegardi Augustæ gratissimus. His tamen dictis multùm refragantur Serarius, Bruschius & authores alij, Otgarium hunc nostrum à priori fuisse loco & tempore diversum longè, testati. Archipræsul verò hic noster eorundem authorum testimonio D. Ansgarium unà cum aliis inunxit Episcopum. Danorum Regi Haraldo affudit salutare Baptismatis undas, & Ludovico Pio Cæsari animam agenti adstitit. Obortis dein inter Ludovici filios litibus denuo & bellis gravissimis, nolens volens in Lotharij denique partes consensus, nec seriò refragatus Ludovico

Lodovico, nec Carolo: unde effatum poeticum à Nidhardo Angelberto relictum ita habet:

Scilicet arma minùs, quàm Sacra Otgarie moras.

Concilium an. 834. præsentibus Archiepiscopis Trevirensi & Colonienfi unà cum Suffraganeis celebravit. In Italiam annis Archiepiscopatus sui ultimis, ut lites regias Pontificis autoritate juvaret componere, profectus, D. Severi reliquias Ticinò in Germaniam secum retulit, postquam Moguntiam illustravit annis 22. sub Pontificibus Paschale I. Eugenio II. Valentino & Gregorio IV. quin & Sergio II. an. 847. vità defunctus.

VI. RABANVS.

Rabanus Magnentius Maurus Fuldæ in Hassia natus, educatus, optimis moribus & literis in monasterio antiquissimo juxtà ac celeberrimo imbutus, ibidémque supremus artium ac scientiarum Magister, Rector & demum etiam Princeps Abbas jure optimo electus, ornamentum suo præsertim sæculo fuit Ecclesiæ & Imperij maximum. Nemo nimirum Imperatori Ludovico Pio & hujus filiis pretiosior erat Rabano, qui ea moderatione animi inter publica dissidia se noverat gerere, ut tametsi literis solaretur Augustum parentem variis, Augusti tamen filij suas partes offendi haud fuerint conquesti, non minùs epistolis & foliis palàm in lucem editis instructi & animati, ut genitori cederent filij, & Imperatori promptam exhiberent obedientiam subditi universi. Annis & meritis jam gravi, communi omnium Canonicorum & populi applausu oblatum est pedum Moguntinum, ea nimirum Præfulis ætate, qua baculo senectus ipsius opus habebat & Respublica novo Scipione. Ut verò solitudinis amantissimus Antistes tantum onus in se susciperet, necesse fuit, ut Pontifex, Imperator & vox populi id ipsum consiliis suaderent, & precibus urgerent. Totigitur vocatus suffragiis venit, & 9. annorum compendio plu-

ra egit, quàm agere solent multi alij plurimorum annorum longo spatio: habito namque Moguntia Concilio Godeschalcum condemnavit cum sectatoribus, simulque Moguntinam cum Ecclesiis præsertim Germanis omnibus doctrinâ & morum emendatione illustravit, haud ipse gravatus senex ad concionem dicere, in urbes, oppida & villas Apostoli instar excurrere, atque in subjectorum sibi antistitum simulque parochorum vitam sedulò inquirere: quæ omnia eò magis sunt admiranda, quòd simul ingentem librorum copiam ingenij sui partum fecundissimi posteritati potuerit relinquere; quæ aliâq; multa cum partim à Wione & Trithemio, partim à C. Bellarmino, Sigeberto, Brovvero aliisque multis authoribus copiose fuerint descripta, ego pluribus hic referre nolui. Brevitatis causâ id solum silentio haud prætereundum duxi: grassante pestilentia & famis publicæ malo Rabanus diebus singulis pro tribus pauperum millibus alimenta subministravit, non annumeratis iis mendicabilis, quæ domi alere non est gravatus, jure *pauperum Pater* dictus. Multis vixisse annis ex eo colliget Lector, quòd an. 810. jam Rector Fuldæ promulgatus, an 822. Abbas electus, & demum Archiepiscopus creatus sit, mortuis annumeratus an. 859.

VII. CAROLVS.

ABsit procul à nobis, ut vitam damnemus Monasticam, quam aulis regijs præhabuerunt Imperatores & Reges, & Regum filij, terrestres Dij. Carolus Pipini Aquitania Regis filius, Ludovici Pij Imperatoris nepos, relictis aulae deliciis, Corbejense monasterium ad Visurgim situm petiit, in quo tantum profecit, ut virtutibus longè excellentior, quàm genere clarius, promeritus sit inter Archiepiscopos Ecclesiæ Germanicæ primus honorari & celebrari. Hoc in celsissimo munere quanti æstimare perrexerit Monachorum Regulam, ex eo collegere etiam gnavi rerum observatores, quòd Caroli Archipræfulis hortatu aut consilio persuasus Imperator

perator Lotharius, Imperij fasces reliquerit, Augusto pede Prumiense cœnobium ingressus, dato posteris documento, satius esse obedire, quàm imperare. Hujus Archipræfulis laudes eximias commendârunt etiam epistolæ non pauca Pontificiæ, quibus Pontifex D. Nicolaus cognomento Magnus eundem animavit, ut Ecclesiæ & Imperio pro viribus prodesse pergeret; quò minùs tamen pergere potuerit, impedit mors coronis & mitris major post annum Sed. 7. Leg. *Gratianum, VVionem, Cochleum, Serar.*

VIII. LINDBERTVS.

Lindbertus à variis authoribus vario scriptus nomine, id ab universis & singulis obtinuit encomium singulare, ut à nemine reprehensus, ab omnibus laudatus fuerit multis modis. Et sanè difficillimum fuit laudem mereri hominum ferè omnium eo tempore, quo in partes divisi nepotes Ludovici Imperatoris inter sese pugnârunt, & Lotharius Austrasiæ Rex repudiata conjuge Theutberta, Walradam obmururante Germaniâ ferè universâ, Italiâ & Galliâ, thalami consortem deperibat. In multiplici eoque difficili rerum articulo opus fuit Lindberti arte & consilio, melle & felle, vino & absinthio, ac tandem gladio & fulmine, ut Supremi Pontificis sententiâ rescarentur ab Ecclesiæ corpore membra pertinaci lue infecta Rex Lotharius & adulatores duo etiam Archiepiscopi cum appendice, ut sit, longissima. Hinc coactum est Concilium Sueffionense, in quo Lindbertus contra Regem, Trevirensẽ simul & Coloniensem Archiepiscopum dixit mentem suam, ac demum Pontificis nomine anathemate armatam sententiam, in utriusque sedem vocatis Archiepiscopis novis. Virtutem constantiæ tum maximi fieri meritò, nôrunt universi, cùm instar auri igne, hoc est difficultatibus examinantur maximis. Ita profectò Archipræfulis Moguntini opera instar probati auri examinârunt & laudârunt tempora difficillima, nec latum

un-

guem à suo proposito hunc Archipræsulem dimoventia. Argumento probatissimæ virtutis erat etiam Carolus Crassus postea Imperator, cum juvenis adhuc à dæmone arreptus tristissimum in modum est divexatus, nec alio adversus orci mala adhibito remedio, quàm solius Lindberti precibus liberatus. Idem Carolus successu temporis ob variarum capita, communi totius Imperij calculo exauthoratus, inter homines ferè neminem, nisi solum Lindbertum habuit solatorem reliquum, qui plenus meritis an. 889. diem obiit suum publica populi voce inter Beatos jam tum relatus. Sedit Moguntiae annis 26. sub Pontificibus sex, nimirum Nicolao I. Hadriano II. Joanne VIII. Mariano I. Hadriano III. & Stephano VI. *Vide Reginonem, Annales Pitheanos, &c.*

IX. SVNDEROLDVS.

Sunderoldus ex Principe Monasterio Fuldensi in Moguntiae Ecclesiam evocatus, trium annorum compendio absolvit partem vitæ reliquam: Normannis enim barbaris in Germaniam irrumpentibus, & ad Mosam fluvium maximè clades inferentibus, cecidit inter Christianos Duces Dux ipse & gregarius miles Archiepiscopus, qui accensus zelo Apostolico pro re Orthodoxa pugnavit, more Martyrum occisus ab hostibus Christo infensissimis: Unde inter Martyres Archipræsulem hunc à literis & virtutibus laudatissimum apertè numerârunt *Sigebertus & Trithemius.*

X. HATTO I.

Hatto aliis Otto dictus, obscuro genere (*an in Suevia, an alibi incertum*) natus, naturæ tamen dotibus clarissimis instructus, in Angia divite & Monasterio Elyacensi Præsul, multis præclaris inclaruit facinoribus, reprehensus ob id demum maximè, quod claram nominis sui suorumque famam solis aut syderis instar ful-

gen

gentem iniquissimo facinore veluti densissima nube aut eclipſi obſcuraverit. Rei ſeriem pictores depinxerunt & authores deſcripſerunt *Marianus Scottus, Lambertus & Otto Friſingenſis*, cujus ultimi verba referre lubet, ne quid demptum, aut additum videatur à novo calamo. Circa annum 907. *Albertus nobiliſſimus Francorum Comes, Ottonis Saxonn Ducis ex ſilia nepos Comadam*, qui à quibuſdam *Ludovici Regis* frater fuiſſe creditur, occidit. Ob ea Rex prædictum *Herota* in caſtro *Babenberg*, ubi nunc nobilis *Episcopatus* cernitur ſun datus. bello petiit. Cùmque viribus ſe proſicere poſſe non videret, *Hatto*nis *Moguntini Archiepſcopi* conſilio ad dolam ſe contulit. Itaque ut non ſolam in Regum geſtis invenitur, ſed etiam in vulgari traditione in compitis & curiis hæcenus auditur, præſatus *Hatto* *Albertum* in caſtro ſuo *Babenberg* adiit, eumque Dei pietatis obtentu, de gratia Regis adipiſcenda convenit. Ille devote monitis ejus obtemperans, humiliter conductum de perſone propriæ incolumitate petiit. At ne multis movere, interpoſita *Sacerdotis* præſati fide iter carpunt. Vix caſtro exierant, jam proximè vico, qui *Theurſtatt* dicitur, appropinquabant, & *Episcopus*, grave, inquit, erit nobis jejunium ſuſtinere: ſi placet, antequam Regi præſentemur, ad prandium divertamus. Tum ille, ſimplices aures more antiquorum habens, dolamque minimè præſentens, grater eum ad prandendum in caſtro, unde digreſſi fuerant, reduxit. At poſtquam reſecti ſunt, ad curiam veniunt: in cauſa princeps ponitur, ac tanquam reus *Majeſtatis*, capite plectendus adjudicatur. Monet ille *Episcopum* de fide data; quam è contra ille ſe bene in hoc, quod ſanum & incolumem eum in caſtrum reduxerit, ſervaviſſe reſpondit. Sic præſatus *Albertus* capite plectitur poſſeſſionèque ejus, è quibus poſtmodum *Babenbergensis Eccleſia* locupletata dicitur, in fiſcum redactæ ſunt. Judicent de hoc ſacerdotis factio alij (nimirum excuſant varij varii) quod velint, & tanquam pro regni utilitate commiſſum tueantur: ego omnino nullius emolumenti gratiæ. non ſolùm quemlibet *Chriſtianum* fraude circumvenire, ſed etiam in corde in cauſa capitali loqui non debuiſſe arbitror *Episcopum*. De mortis genere poſt varias omnino *Historicorum* relationes hodie non ſatis conſtat: ſunt enim qui fulmine percuſſum, alij in prælio cæſum, alij demum mœrore confectum dicunt. Annis 21. veriùs inſtar militis egiſſe, quàm *Episcoporum* more vixiſſe dicunt, dum federunt *Pontifices Formoſus, Stephanus XII. Romanus, Theodorus II. Joannes IX. Benedictus IV. Leo V. & Sergius III.*

SECVLVM X.

XI. HERIGERVS.

Herigerus ex Fuldensi Ecclesia in Moguntinam translatus, Pij Episcopi nomen insigne eximiis suis virtutibus obtinuit, Henrico Aucupi Imperatori constanter acceptissimus. Virtutibus probè instructum fuisse, finis demum, rerum laude dignissimarum corona, monstravit: postquam enim an. 12. Archipræsul pastorale pedum gessisset, id successori consignavit, ut annos vitæ reliquos morti felicissimæ consecraret. An. 930. sepultus multa posteris de se encomia reliquit, quæ tamen tantillo compendio hodie constringere jubet rerum plurimarum ignoratio.

XII. HILDEBERTVS.

Hildebertus natione Francus Orientalis in Fuldensi Monasterio Præsul primò electus, & mox à Moguntia Archipræsul postulatus, permultos nactus est laudatores suis libris hodie etiam clarissimos. Multis profectò laudibus Hildebertum prosecuti sunt *Trithemius, VVitikindus, Otto Frisingensis, Serarius* alique, quorum calamo teste Superi virtutes Hildeberti prophetiæ dono amplius illustrârunt. Magni proinde jure æquissimo æstimârunt Moguntiæ Antistitem Otto M. & Archipræsules Trivirensis ac Colonienfis, inter quos ortam de corona Regi imponenda litem autoritate ac prudentiâ facilè discussit Hildebertus, qui an. 936. Aquisgrani coronavit Ottonem I. Imperatorem. Deanno obitûs haud conveniêre Scriptores, dum alij annum seculi X. 36. alij 38. alij demum 39. expresserunt: sedit itaque circiter an. 12. sub Pontificibus Joanne X. Leone VI. Stephano VIII. Joanne XI. obscuris sanè temporibus.

XIII.

XIII. FRIDERICVS.

Fridericus Lotharingæ Dux Giselberti Ducis frater non minus, quàm Antecessores Archipræsules ex Fuldensi Episcoporum multorum seminario fertilissimo evocatus, suis præclaris facinoribus Moguntinum solium exornavit, hoc uno ferè ex capite à multis reprehensus, ab aliis nequaquam inventus reus, quòd Ottonis Imperatoris & affinis sui partes, cuius tamen beneficio Moguntæ Præsul electus fuisset, unà cum aliis Viris Principibus oppugnasset, præsertim cum Brisaci per magnam anni partem præsidiarios inter milites sedisset, animò Cæsari vim inferendi. Fridericum hunc nempe adversus Imperatorem irritavit primò Giselbertus frater, Ottonis M. sororius, Gerbertæ Henrici Aucupis filix conjux, qui Rheni fluctibus an. 939. haustus, ingentem animi mœrorem fratri Archipræsuli reliquit. Inde simultatem in Archiepiscopi animo fovebant Henricus frater Imperatoris, Bojorum Dux, cui consilia & auxilia junxit Ludolphus filius Suevorum Dux, secundas Augusti genitoris cum Adelhaide nuptias detestatus. Imperator itaque, fortassis haud immeritò, etiam Friderico iratus maximè, hunc Moguntia Fuldam redire compulit, sed & sedi pristinx restitui curavit teste *Reginone, Rotgero, Trithemio, Serario*. Annis sedit 15.

XIV. GVILIELMVS.

Guilielmus Ottonis M. filius aetatis suæ 24. in Moguntia Antistitem annitente plurimùm Augusto genitore, & annuente Pontifice electus, à S. Brunone Colonienſi Archipræsule patruo suo fuit consecratus. Annis dein tribus elapsis Ludolphum in Italia defunctum luxit, & huius exuvias in Germaniam relatas, in D. Albani templo sepelivit. Fratrem alterum Ottonem ex Adelhaide noverca natum, & an. 961. in Imperij Regem electum, atque à magno parente sibi creditum, Wilhelmus

helmus virtutibus exornavit, ipse virtutibus multis maximè illustris, & conspicuus omnibusque charissimus. Virtutes profectò eximias suspexerunt in Wilhelmo etiam Adelbertus & Dithmarus, quos ambos consecravit Episcopos, & horum priorem Russis misit Apostolum, posteriorem verò Bohemis, aut utrisque. Multis dein lacrymâs profecutus est ad tumultum usque populus copiosissimus Wilhelmum añorum 37. ut aiebant, *Iuvenem*, cui D. Mathildis Augusta avia adstanti sibi prædixit fata ultima, & mox absentis intellexit an. 967. eodem mense etiam ipsa mortua, ingenti Ottonis M. mœrore, simul & matrem & filium lugentis. Annis sedit 13. *Rhegino, Rotgerus, Serarius.*

XV. HATTO II.

Hatto II. Hademarij Præsulis Fuldenfis nepos, avunculo suo vitâ functo successit in officio, par eidem, ut aiebant, in virtutibus. Ab Ottone M. etiam permagni æstimatus, & consiliis adhibitus, inter eos fuit, qui Cæsarem Romam petentem præcucurrerunt nuntij. Romam venisse & vidisse profuit plurimum Hattoni: Imperator enim audita Moguntini Archipræsulis morte, cum successorem alium, quàm Hattonem non exoptaret, ad vota paratissimum habuit Joannem XIII. Pontificem, qui pallium concessit. At verò non nisi tribus aut duobus Moguntiaë solium occupavit an. 970. jam extinctus fato admodum tristi, si habenda sit fides Heterodoxis Scriptoribus, qui à prodigioso murium agmine consumptum esse finxerunt, quòd multorum pauperum catervam famis tempore sibi oppidò molestam horreo suo includi, & tyrannorum more Vulcano immolari jusserit. *Vide hac super re Serarium*, cui libuit multis aperire mentem suam & dicere sententiam. Nos verò compendio contenti dicamus: Si contigit Hattoni ita mori, Deus scelerum vindex: ostendit signum, quo absteritis divites amore prosequerentur deinceps pauperes. Quid tum postea? quid lucri inde haurient vel Scriptores, vel Lectores Heterodoxi? profectò nihil capio, nihil video, nisi argumentum etiam Heterodoxis relinquitur, ut nimirum & ipsi credant, istis etiam seculis patrata esse miracula.

vaculae nunc misereatis, nunc puniatis Dei testimonia. Luctum capiant Heterodoxi alterum, quo discant deinceps credere miraculis, at non tantum sibi, sed & mihi faventibus.

XVI. RUPERTVS.

Rupertus Hartonis successor, cuius originis aut stemmatis foret, inquisiverunt cum Serario authores varij, aliud tamen non invenerunt, quàm obscura & dubia omnia, inter quæ numerandi sunt etiam anni sedis, quorum alij 4. alij 7. computarunt. An. 977. diem obiisse suum verior habet opinio, dum nimirum Romæ sedet Benedictus VII.

PERIODUS III.

DE ARCHIEPISCOPIS SIMVLQVE ELECTORIBUS MOGUNTINIS.

XVII. WILLIGISIUS. ELECTOR I.

Willigisius Stromingæ in Saxonia seculo X. circa añum 40. ex parentibus tenuis fortunæ natus, literarum studiis & morum probitate, quæ sæpe pauperibus ad ardua viam sternunt, eò sensum ascendit, ut ex Parocho aulæ Imperatoris Archifacellanus, ut vocant, & Ottoni III. à teneris annis supremus moderator constitutus, ob insignia sua merita sit denique promotus in geminum Moguntiaë thronum, an. 977. electus Archipræsul & an 998. Imperij Elector primus, ita disponente Gregorio V. Pontifice & Ottone III. Cæsare, quod hic hærede se destitutum, & Imperium ex hæredum defectu prioribus seculis fuisse turbatum probè intelligeret, & admodum doleret. Antequam verò hunc ultimum dignitatis apicem conscendit, D. Bervvardum Hildesie confecravit Episcopum, & paulò post S. Adelbertum Pragensem Archiepiscopum. Monasterio Hersfeldensi Præsulem dedit Gotthardum: sorores verò Augustas Ottonis III, Sophiam & Adelheidem.

dem in Parthenone Gandershemienſi & Quedlinburgenſi ſacro velamine exornavit. Multa eidem neceſſitudo fuit cum D. Burcardo Wormatienſi Epifcopo, Conradi Imperatoris II. præceptore quondam celeberrimo, qui Willigiſium ſuum dixit parentem & magiſtrum. Quantum hic ipſe multorum Magiſter & Doctor, nec non ædificiorum ſacrorum conditor vel reſtaurator profuerit ſacris ædibus & monaſteriis, recenſere nimis prolixum foret. Manſuetudo Willigiſij & animi demiffio quanta fuerit, duo duntaxat hoc loco ex multis prodant capita. Cùm aſſentatores verborum lenociniis inſtarent, clam & palam ſibi occinebat Elector: *VVilligis, VVilligis, recole unde veneris*, quo dicto obſcuros ſuos ſibi natales & memori menti & oculis propoſuit: unde inſignibus etiam ſuis rotam inferi præcepit, poſteritati dicturus, Willigiſij Electoris Moguntini parentem in tribu fabrorum lignariorum numeratum fuiſſe, qui conficiendis rotis dediſſet operam. Rerum caput alterum erat: D. Bervvardus præſente D. Imperatore Henrico II. jura ſua ab Electore Moguntino violari conqueſtus, tantum à Willigiſio impetravit, ut hic admiſſi erroris veniam palam precatus, omnem deinceps favorem & amorem promiſerit, & promiſſum ſervârit Bervvardo: unde lætiſſimus D. Henricus, nupèr electus Imperator, Willigiſij manibus coronam Imperij ſibi imponi tantò lubentiùs admiſit, quantò majorem animi demiſſionem & æquitatem hoc in Antiſtite deprehendit, qui Eccleſiam ſuam annis 34. illuſtravit ſub oſto Pontificibus, nimirum Benedicte VII. Joanne XIV. Joanne XIV. Gregorio V. Sylveſtro II. Joan. XVI. Sergio IV.

S E C U L U M XI.

XVIII. ERCKEMBALDVS ELECTOR II.

ERckembaldus Comes Summerſenburgicus ſanguinis propinquitate junctus erat D. Bervvardo Hildeſienſi Epifcopo, à quo

à quo inunctus & consecratus est Moguntia Archipræful. In sede sua à Pontifice Sergio IV. confirmatus, monasterium extra Moguntia mœnia extruxit à S. Cruce hodie nuncupatum. Dedicationi principis templi Bambergæ præsentibus Pontifice Benedicto VIII. & Henrico Cæsare adfuit una cum aliis 71. Episcopis. Inter beneficia à Cæsare impetrata venit illud, quo populationibus Comitibus Ottonis ob illicitas nuptias sacro fulmine percussi, Henrici Cæsaris autoritate facilè est liberatus. Ecclesiæ suæ præfuit annis 9. sub prædictis duobus Pontificibus.

XIX, ARIBO ELECTOR III.

Aribo natus comes Palatinus doctrinâ sacrâ simul & profanâ instructissimus, epistolis omnino variis diversos ad illustrandam eruditionem viros invitavit. Inter monumenta Aribonis clarissima jure celebratur liber in Psalmos ab eodem elaboratus. Synodum unam Seligenstadij, alteram Moguntia, tertiam Francofurti instituit, quarum ultimæ 23. Episcopi interfuerunt, præsentem Conrado II. Imperatore. Decreta saluberrima iisdem Synodis sunt firmata, præsertim verò, quæ jejunium vernum & quatuor temporum, à Germanorum plurimis neglectum, spectabant, & hodie supersunt. Modestiam ac prudentiam Archipræfulis singularem ex eo collegerunt æqui rerum Arbitri. Dum nimirum litem inter Willigisium & D. Bervvardum jam finitam Aribo denuo suscitavit, ea re grave negotium & fastidium facessivit D. Gothardi monasterio. At demum causâ penitiùs discussâ, errorem suum publicè detestatus, veniam rogavit, veniam donans ipse quosvis suos adversarios. Annis 11. decoravit Moguntinam Ecclesiam; annorum ultimo die D. Conrado sacra Paderbornæ præsentem Cæsare dixit ad concionem, ubi pariter Romam petendi copiam Imperatorem rogavit, & simul omnium suffragia imploravit, ut errores suos saluari pœnitentia inter vivos posset eluere. Eluisse

verò

verò Aribonem suas qualescunque labes censuit ipse Pontifex Johannes XVIII. an. 1031. quo Aribonem brevè fatis concessurum ex Italia in Germaniam remisit, ut corpus morbis confectum Germanica tellus reciperet, animam verò virtutibus pretiosam Cœlum susciperet.

XX. D. BARDO ELECTOR IV.

D. Bardo ex perillustri Wetteravix familia natus, atque in Hassiæ monasterio Hirsfeldensi Abbas electus, pedo minore prælusit longè majori, quod dedit Moguntia longè dignissimo. Moguntiam ubi pervenit, nihil antiquius habuit, quàm ut ædem à Willigisio cœptam, & D. Martini honoribus consecrandam, daret absolutam. quod utrumque evenit præsentè Conrado Cæsare & XVII. Episcopis. Inunxit idem deinde Moguntix Archipræsul Henrici III. post Conradum II. Imperatoris conjugem alteram Agnetem Piæviensensem, & Ingelhemij Augustis adstitit nuptiis. Propter eloquentiam sacram, qua in templis & apertis campis ad confertissimum auditorem in viam virtutis reducendum maximopere usus est, D. Præfuli Chrysostomo fuit comparatus parique nomine cum eodem appellatus. An. 1051. sedis 20. cum die Pentecostes sacra Paderbornæ ingentem populi multitudinem, audiente etiam Cæsare Henrico, ad divini Pnevmatis honorem augendum fuisset hortatus, mortem sibi brevè adfuturam prædixit vates, oracula dictante eodem divino Spiritu, cuius beneficio D. Bardoni concessa esse alia dona maxima monstravit D. Anno Colonienfis Elector, qui hominem membris omnibus captum, Moguntix ad tumulum S. Bardonis in pedes erexit testimonio totius populi publico. Sedit sub Pontificibus Benedicto IX. Gregorio VI. Clemente II. Damaso II. & Leone IX.

XXI. LEOPOLDVS II. ELECTOR V.

L Leopoldus aliis Luipoldus dictus, inter Fuldenses & Bambergenses aut Canonicus, aut Abbas celeberrimus celebra-
ri

ri ampliùs Moguntia est promeritus. Quampiam ejusdem notitiam nobis reliquerunt D. Leo Pontifex & Henricus III. Imperator: Wormatia enim coram Leone IX. ritu solenniſſimo ad aram fecit primus poſt Pontificem Sacerdos. Anno dein 1054. cùm in Romanorum Regem inauguratus fuiſſet Aquisgrani, Henricus IV. Auguſti filius, idque ſingulare honoris munus Hermannò Colonia Archipræſuli committi Imperator cuperet, nata eſt exinde anſa diuturnis inter utrumque Archipræſulem litibus. Cæterùm inter Luitpoldi monumenta permagni æſtimatum eſt monaſterium in monte Venuſto Moguntiam propè poſitum, & D. Benediæ filii ab eodem conceſſum. Annis ſedit 8. ſub Pontificibus Leone IX. Victore II. & Stephano X.

XXII. GIGFRIDVS ELECTOR VI.

O Felicem Germanam Eccleſiam, quæ, dum pene jam concidit in ruinas Imperium, tamen ſtetit firmiſſima, non cedentibus, non cadentibus Germanis Episcopis. Sigfridus ex illuſtri Eppenſteiniorum ſtemmate oriundus, in principe Fuldenſium cœnobio optimè formatus literis & moribus, primò Fuldæ Præſul, inde Moguntia Archipræſul, & Elector Imperij, peridonea virtutibus ſuis multis nactus eſt tempora per annos 24. non niſi Superùm ſingulari beneficio conſervatus Antiſtes conſtantiffimus. Anno Archiepiſcopatûs ſui 4. Palæſtinam adire, & quaſvis tanti itineris moleſtias ac pericula ſubire non dubitavit. Comites tanto Duci acceſſerunt Episcopos complures, Güntherus nimirum Bambergenſis, Otto Ratiſbonenſis, & Wilhelmus Ultrajectenſis cum Præſulibus minoris notæ pluribus. Teſte Mariano Scoto univerſorum caput numerus ſeptem implevit millia, quorum quinque partim viæ longioris difficultatibus, partim barbarorum prædæ inhiantium inſidiis & apertis vulneribus ſuccubuerunt. Reverſus verò ad oves ſuas Sigfridus, lupum invenit Henricum IV. Cæſarem, qui dum Bertham Marchionis Itali filiam, conjugem ſu-

am legitimam cœpit respuere, multorum malorum prodromum egit, Sigfrido constanter meliora suadente, & tandem Pontificis nomine pro Republica Christiana imperante. Difficultati jam multiplici an. 1070. accessit illa non minima, qualiteris Româ datis jussus est Moguntiz Antistes pœnis simoniæ crimini jam statutis excipere Carolum Constantiz Episcopum, inter Simoniacos Romæ, & inde an. 1071. Moguntiz condemnatum. Anno huic proximo prætextu sacræ peregrinationis profectus in Galliam, in Cluniacensi monasterio inter Novitios adscribi petiit, cui proposito ne diutius inhæreret, ab universo subdito populo cruentis prope modum lacrymâs repetitus, comuni denique omnium cessit calculo & suspiriis, ut privatum commodum postponeret Reipublicæ damnis eo tempore gravissimis, quæ nec tollere, nec impedire penitus cum sociis Episcopis & Viris Principibus sat seriò nec serò volebat, denique tamen non valebat. Ea nimirum Ecclesiæ & Imperij tempestate turbatissima à Gregorio VII. Pontifice, & pontifimorum in Imperio Principum parte, Henrico Cæsari in supremo folio subrogatus est Rudolphus, Comes Rheinfeldensis dictus, Imperatoris affinis, cuius partes ut nunquam non fortissimè deinceps propugnaret, Sigfridus ipse Rudolphi commilitones ad pugnam strenuè capeßendam est hortatus, sed & captum in prælio, captivum in furcam, aut vicinam arborem agere jamjam parantes milites superveniens absterruit Henricus, servaturus Sigfridum annos 4. in custodia cum Adelberto Wormatiensi Episcopo, postquam lethali vulnere prostratus cecidit Wernerus Archiepiscopus Magdeburgicus. Tandem anno 1082. libertati restitutus, ut curas effugeret publicas, mortis certa victima biennium vitæ reliquum in monasterio Hasungensi transegit ab omni culpa, haudquaquam etiam ipse immunis, quam inter publicas Ecclesiæ & Imperij difficultates summas non nisi virtute magni, imò maximi evitare consueverunt, Sederunt Romæ Nicolaus II. Alexander II. Gregorius VII.

XXIII. WEZILŌ ELECTOR VII.

Wezilo Sigfridi Successor ubi natus, aut educatus, & summis muneribus sese reddiderit idoneum, non meminerunt Historici, contenti memorâsse solùm, quòd ab exordio dignitatis suæ Henrico IV. & Pseudopontifici Clementi veriùs pertinaciter, quàm constanter animum suum devoverit, Gebhardo Salisburgensi Archipræsule & Episcopis ferè universis in Concilio Moguntino refragantibus, & Deum rectè factorum remuneratorem scelerumque vindicem testantibus. Torrenti demum cedendum ratus pro Pontifice contra Cæsarem ferre suffragia, & dicere sententias cœpit: unde damnato errore suo Archipræsul & Elector Imperij intentata & inflicta ab Henrico vulnera magno tulit animo, ut disceret pati & mori: mortuus namque est, postquam an. 4. potius sedere desideravit, quàm sedit sub Gregorio VII. & Victore III.

SECULUM XII.

XXIV. RUTHARDVS, ELECTOR VIII.

Ruthardus ex Erfurdiz ad D. Petrum Abbate electus Moguntiz Elector, statim in Archiepiscopatus sui exordio refragari pro viribus Henrico IV. constituit, contempto quovis corporis & fluxarum rerum periculo. Atque conceptam animo constantiam non magis verbo, quàm opere exhibuit: ab Henrico enim sede Moguntina in Thuringiam exul pulsus, annis ferè 9. in castello Hartesbergenſi gravem rerum inopiam pertulit, provenit interea Moguntinos rapiente Henrico proscripto Cæsare. Tandem an. 1105. Henrici V. contra patrem pro Ecclesia & Imperio pugnantis potestate unà cum Episcopis aliis restitutus Ruthardus, anno proximo Ingelhemij Henricum genitorem insignibus Imperij exiit, ut filium iisdem indueret, gratulante Germania uni-

universa. Pontifice dein Paschale II. Gallias petente, & concilium Trevis celebrante, cum non comparuisset Ruthardus, ab officio suo ut tantisper abstinere iussus, literas singularis demissionis, prudentiae & obedientiae testes ad Pontificem dedit, quibus senectutem & sinistram corporis valetudinem, atque vicinam mortem non suscepti in se itineris testimonia attulit, & veniam facile impetravit, dignissimus divinis praemiis Antistes, qui contempsit humana. Mortuus est an. 1109. sedis 22. quo tempore federunt Victor III. Urbanus II. & Paschalis II.

XXV. ADELBERTVS I. ELECTOR IX.

ADelbertus I. aliis Albertus, ex virorum Principum prosapia natus, Henrico V. Caesari à consiliis fuit arcanissimis, & ferè unus maximi aestimatus, cum urgerent res summi momenti Imperatorem: quare hujus potissimum auxiliis in Moguntiae sedem evectus, egit & tulit fortiter plurima amicus Caesaris usque ad aram: Henricus enim V. cum parentis exemplo in Ecclesiae jura aditum sibi negatum animo ferret ægerrimo, & ferro vim jam minitaretur, quin vim jam inferret, Adelbertus constantissime stetit, pro Pontifice contra Caesarem. Verum ob hoc ipsum in furias acto Henrico in custodiam datus, triennio toto ferè ad necem usque est fame maceratus. Qualis quantusque Adelbertus fuerit, ex civium Moguntinorum fide licuit etiam metiri; cum enim Imperator an. 1112. Moguntiae aliquamdiu commoratus fuisset, ab ejusdem urbis confertis iisque armatis civibus tanto tempore & constantia est obsessus, ut nisi Archipraetulem suis restituisset Caesar, seditionem publicam experturus quamprimum fuisset. Conciliato demum Imperatore cum Romano Pontifice Calixto II. rediit equidem Adelbertus in gratiam Henrici, ut nihilominus procul à Jove minus timenda praevideret & vitaret fulmina, Aschaffenburgum aedificavit futurum sibi suisque asylum; cives verò Mogun-

tiae

tiz ob fidem sibi constanter præstitam privilegiis variis donavit, Princeps civium amantissimus, & Pastor ovium vigilantissimus per annos sedis 28. sub Pontificibus Paschale II. Gelasio II. Calisto II. Honorio II. & Innocentio II.

XXVI. ADELBERTVS II. ELECTOR X.

Adelbertus II. Adelberti I. ex fratre nepos, patrui potissimum meritis adscripsit haud immerito sui in Archipræsulem Moguntiz electionem. Ab Innocentio II. Romæ evocatus venit hospes Italis perquam gratus. Conrado III. Cæsari modico tempore contrarius, tantum deinde placuit, ut Adelberti consilii persuasus Palæstinam cum exercitu petere decreverit; quam expeditionem dum adornare pro viribus cœpit, conatus mors omnes elusit, rapiens annorum 3. Archipræsulem, sedente etiam tum & dolente mortem Adelberti Innocentio II. Pont.

XXVIII. MARCOLPHVS ELECTOR XI.

Marcolphus Aschaffenburgensis Ecclesiæ Præpositus meritis suis id consecutus est, ut in Moguntiz solum evocatus tuto sedere potuisset, nisi mors quamprimum fecisset periculum, quæ nimirum citius præcipitavit in tumulum Marcolphum, quàm Româ missum impetravit pallium, vix unius anni Elector an. 1142. sub Innocentio II. jam mortuus.

XXVIII. HENRICVS I. ELECTOR XII.

Henricus I. ex Præposito, uti per sepe vocant, majoris Ecclesiæ Moguntinæ propter insignem virtutem magis, quàm natales haud illustres, in Electorem delectus, displicuit multis ob rem, ob quam merito placere potuisset: vitia nimirum dum in sese & subditis præsertim Canonicis detestatus est ardentius, sceleris ipse per summum nefas insimulatus, & à duo-

bus S. R. E. Purpuratris Patribus perperam rem edoctis, ad ipsum supremum in terris iudicem est delatus: cuius proin imperio tantisper sedem relinquere iussus, secessit in Saxoniam, ubi post aliquot menses distributis in pauperes opibus suis reliquis pauperem Christum est imitatus. Tempore vitæ ultimo auditus est dicere non raro: *Dives fui Canonicus, pauper Præpositus, mendicus Episcopus.* D. Abbas Bernardus, cuius consilia per sæpe rogare solebat, Henrici abundè perspectam habebat Innocentiam: unde epistolis suis id impetrasset facile, ut restitueretur sedi suæ, nisi viam omnem & aditum literis mors intercepisset post annum Electoratûs 11. an. Christi 1153. Sederunt eodem tempore Lucius II. & Eugenius III.

XXIX. ARNOLDVS ELECTOR XIII.

ARnoldum Electorem authorum alij natione Moguntinum sanguine haud quaquam illustrem, alij Rhenanum nobilem ex nobili Selenhofiensium familia natum scripserunt. Nemini verò dubium fuit, quin præstantis corporis, præstantiorisque animi fuerit Decanus Aquisgrani, & ad D. Petrum Moguntia Præses. A consiliis etiam maximè secretis Friderico Cæsari fuisse non dubitant. Henrico Archipræsuli suo consiliis & auxiliis adstitisse ex eo metimur, quòd ejusdem restituendi causâ Romam contenderit. Interea verò temporis, dum Romæ agebat alienæ intentus causæ, suam promovit maximè; Henricus enim innocentia suæ immortalis, sedem reliquit viduam illi, qui Henrico invidebat minimè, nimirum Arnoldo; quo sedente bellum adversus Insubres gerebat Fridericus statutis jam antea poenis in transgressores gravibus, si fortè armis absente Cæsare sese Imperij Proceres lacerarent. Haud verò Cæsaris minis absterritus Hermannus Comes Palatinus cum sociis, Arnoldi ditiones depopulari non destitit. Vim vi repellere, aut plùs iusto inferre haud cessabat etiam Arnoldus. Quare in Germaniam redux Fridericus *penam*, uti dixerunt,

xerunt, *caninam* jussit subire Hermannum cum sociis nobilibus, quorum nomina *Dodechinus* & *Radewicus* attulerunt. Parcitum est equidem Arnolfo, quò minùs & ipsi stadiis pluribus portandus supra humeros fuerit canis, quemadmodum portârunt iisdem testibus Comitibus decem; justa nihilominus reprehensio, & fortè æris multa non defuit. Seditione deinde orta civium ob imposita nova tributa & privilegia eorundem diminuta, ab iisdem suis civibus occisus, vestibus exutus, & in finetum fuit abjectus. D. Hildegardis Deo sacrata virgo Antistitem de fatis suis præmonuisse his verbis fertur: *Cave charissime Pater; canes enim jam dimissi sunt, qui te persequuntur.* Ignominiosissimum hoc facinus poenis severissimis ultus est Fridericus; seditionis enim authoribus post tormenta prævia abscissa sunt capita, Moguntia: mœnia diruta, privilegia extincta, & urbis pars magna solo est æquata. An. 1160. sacrilegis succubuit manibus, postquam annis 7. potius pugnavit, quàm sedit sub Pont. Anastasio IV. Hadriano IV. & Alexandro III.

XXX. CONRADVS I. ELECTOR XIV.

Vetus habet parcemia: ignis probat aurum, adversitas virum, Conradus I. Comes Wittelsbachius contra æmulos Rudolphum Zeringensem Ducem, & Christianum Comitem Thuringum denique confirmatus Archipræsul, quanti virtutem faceret, inter sacrum & saxum medius demonstravit: suas enim in partes dum pertrahere conatus est Fridericus Cæsar, Conradi æstimator & promotor, nihilominus Conradus aurum igne, & virtutem ferro probandam esse ratus, sprexit intrusum à Cæsare Pseudopontificem, ut jus suum non negaret Alexandro III. Romano Pontifici. Quare biennio vix bene elapso sede sua pulsus advenit exul in Italiam, ubi Sabinensis Antistes à Pontifice creatus, annis 16. Italos virtutum radiis adeò illustravit, ut ægrè Germanis suum Electorem restituerint, Germani verò ardentè repetiêrunt: año namque 1180.
à Mo-

à Moguntinis inter publicos plausus in sedem suam reductus ad annum 1200. mirè profuit Ecclesiæ & Imperio, nimirum & à Pontifice & à Cæsare consiliis atque negotiis publicis crebrò adhibitus, legationes suscepit in Asiam ad Leonem Armeniæ Regem, & in Hungariam ad Emericum simulque Andream regios fratres de sceptro & corona dimicantes. His verò amicitiae & fraternæ concordiae vinculo denuo conjunctis, dum rediit in Germaniam, Passavij lethali morbo succubuit, eodem nimirum anno 1200. postquam ab exordio sui Electoratûs, aut veriùs à morte Arnoldi an. 4. inde verò pulsus & restitutus annis 20. sedit unà cum Pontificibus Alexandro III. Lucio III. Urbano III. Gregorio VIII. Clemente III. & Coelestino III. *Vide de hoc & omnibus aliis seculorum horum Electoribus Kranzium, Trithemium, Serarium, & authores ab horum ultimo cit.*

S E C U L U M XIII.

XXXI. CHRISTIANVSI. I E L E C T O R XV.

Pulso è sede sua Conrado Christianus I. in ejusdem locum imperante Friderico Cæsare intrusus annis 16. Moguntiae præfuit, & profuit, gratiâ Imperatoris valens plurimum, imò donis & dotibus suis propriis, quibus ars & natura ritè Electorem instruxerunt; quinque enim aut sex linguarum peritiâ imbutus, & in aula Cæsaris corpore animoque magnus, dixit & scripsit multa in legationibus publicis, mirantibus Electoris Christiani eloquentiam & amplissimam rerum notitiam Germanis, Latinis, Græcis, Italis, Gallis, Belgis &c. Duo rerum capita censoriâ virgulâ perstringere non sunt veriti authores in hoc Archipræsule, nimirum quòd relicto Alexandro Pontifice, & fugato Conrado Moguntino Electore res multas aggressus fuerit longè audaciùs: quam prudentiùs! quòd item imperij res pluris æstimaverit, quàm Ecclesiæ, haud veritus in Italiam copias Cæsareas ducere, & Ducis instar

instar dimicare. Mortem igitur veriùs inter milites in Italia, quàm inter Sacerdotes in Germania oppetiit an. 1280. postquam an. 13 potiùs inter Cæsaris negotia, quàm sacra pascua consumpsit, in-vitis maximè Pontificibus Alexandro III. & Successoribus.

XXXII. SIGFRIDVS II. ELECTOR XVI.

Sigfridum II. ex Eppensteiniorum perillustri familia prognatum, pars altera Canonicorum Bingæ elegit, pars altera Lupoldum Wormatiensem Episcopum postulavit, & Philippus Cæsar exoptavit Moguntia Archipræsulem: unde nata discordia & bella; Sigfridum namque Innocentius III. Pontifex, Lupoldum verò Philippus Imperator propugnavit in pugnâ, quin in velitationibus socium ferè perpetuum. Percussio demum a. 1208. Philippo, Otto Imperator Lupoldum procul aris & focis Moguntinis removet exulem, ut rem gratam præstaret Pontifici. Profuit exulâsse Lupoldo: post edita enim pœnitentiæ signa, & exautho-ratum Ottonem Cæsarem, Wormatiensi Ecclesiæ est restitutus, fortè ut pœnitentiam probè cœptam prosequeretur, horâ mortis exoptatissimam, quam jam anno 1212. obiit. Annis 13. superavit Lupoldum Sigfridus, qui Moguntinis præcipuè gratissimus, multa & magna gessit, sua authoritate haud mediocri, & Pontificis suprema potestate suffultus. Dolendum sanè, quòd Authores se-culi XIII. multorum gesta summatim celebrent, nullum tamen facinus, laudandum etiam posteris, descripserint. Talis nimi-rum mos erat istius & aliorum seculorum: pugnare gladio plùs iusto in deliciis erat; certare calamo curas fuit inter postrema. Annus vitæ ultimus Sigfridi inter a. Christi numerabatur 1225. Pontifices imperârunt Innocentius III. & Honorius III.

XXXIII. SIGFRIDVS ELECTOR XVII.

Sigfridus III. Sigfridi II. ex fratre nepos difficillima tulit tempora, Friderico II. Imperatore Ecclesiam simul & Imperium turmis & turbis implente. Electoratus sui initio adeò celebrem instituit Moguntiae Synodum, ut eandem multi *Synodum Germanicam* per Antonomasiam appellârint. Multa in eadem sunt acta, & arbitris multis transacta in emolumentum Ecclesiae simul & Reipublicae Politicae. Erat nimirum Sigfridus Imperatoris Friderici primò in bellis socius, sed eodem Imperatore Romano Pontifici obedientiam negante, & transversum omnia demum agente adversarius, promulgavit anathematis sententiam per Germaniam, multorum ab hoc odiis expositus, & Germanorum simulque Italicorum tumultibus implicitus, quibus tamen omnibus insuper habitis, Henricum Thuringiae Ducem unà cum Electoribus reliquis elegit Caesarem. Aequalem dein honorem exhibuerunt Wilhelmo Hollandiae Duci, Henrico mortuo subrogantes Successorem. D. Elisabetham Thuringiae Principem honori publico amplius commendaturus, ejusdem reliquias altiore aedis sacrae in locum Marpurgi extulit, miraculis non paucis Dei annutum attestantibus, quibus permotus Gregorius IX. Rom. Pont. eandem Beatorum numero adscripsit. Annis 24. Ecclesiae & Imperio prodesse, & Elector & Archipraeful studuit, multis factis, multis votis & lacrymis multis, quare honorificis statuis post mortem est honoratus & exornatus, quae solent esse inter Romanos & Germanos vitae & mortis ritè peractae viva testimonia. Privilegium à Bohemiae Regibus impetrâsse scribitur, quo inter Bohemos coronae regiae impositio non nisi Moguntinis Archiepiscopis fuit asserta in annos perpetuos, cui tamen privilegio sua sponte nuntium remisisse Successores vel verè creduntur, vel finguntur. Sedit annis 24. vitâ functus 1249. Romae imperârunt Gregorius IX. Caelestinus IV. Innocentius IV.

XXXIV.

XXXIV. CHRISTIANVS II. ELECTOR XVIII.

CUm bellantibus bellandum est, aut succumbendum. Ita clamârunt, qui hoc seculo in Germania pugnârunt, in partes varias divisi Principes Imperij. Christianus II. in Ecclesia Moguntina à teneris annis enutritus, & post varias suffragiorum vicissitudines Archiepiscopus electus, non nisi annis 3. pedum Moguntinum conservavit: cùm enim copias Wilhelmo Imperatori mittere vel tardaret, vel penitus recusaret armorum & omnis strepitus pertæsus Elector, ipsius unâque multorum Virorum Principum incurrit odium tantum, ut multis criminatibus denigratum, & tanquam arduis muneribus minùs habilem etiam Hugo Pontificius Legatus ab officio suo & dignitate removendum judicaverit an. 1251. cùm Romanus Pontifex esset Innocentius IV. Cæterùm credunt Moguntini, Christianum hunc fuisse illum Authorem, qui rei Historicæ apprime peritus, elucubravat depositionem Henrici IV. Imperatoris; item gesta Arnoldi Episcopi Moguntini, aliorumque Antecessorum suorum.

XXXV. GERARDVS I. ELECTOR XIX.

Gerardus I. Comes, passim Waldgravius appellatus, & si ritè scripsit Bruschijs, inter D. Francisci filios virtutibus & literis instructus, tametsi annis fortassis & meritis non admodum valeret, tamen mirabili fato in sublimem Moguntia Sedem evectus, gratissimum sese exhibuit Ebredunensi Archiepiscopo, obscuris artibus Gerardum promoventi, & Christianum II. removenti. An. 1256. Friderico Comiti de Eberstein adversus Albertum M. Brunsvicensium Ducem suum & Dominum pugnantem suppetias allaturus, in prælio captus, & annua captivitate detentus cum Phrygibus sapuit, haud facilè restituendus, nisi Richardus Anglorum Rex, cuius partes sequi decreverat, gravissimâ auri

summâ redemisset. Fridericus etiam inter captivos ductus, in præaltam furcam est actus, nova tormenti methodo: alligatis namque supremæ trabi pedibus, corpore inverso pependit longo tempore, ut spectatores & sceleris conscii multi discerent Principi suo promissam fidem servare. Annis 9. tempore interregni Gerardus fuit Elector, mortuus an. 1260. Vixit sub Innocentio IV. & Alexandro IV.

XXXVI. WERNERVS ELECTOR XX.

Wernerus ex illustrissima Comitum Falckensteiniurum familia natus, post electionem sui Canonicam Romam petiit, coram rogaturus Pontificem Alexandrum IV. Archiepiscopale pallium. In itinere per Helvetiæ montes & valles viæ socium nactus est Comitem Rudolphum Habsburgicum, cuius jam tum virtutes multas maximi fecit, & solio Imperij dignas judicavit, prudentissimus & arbiter & augur: elapsis namque eo ex tempore annis 12. cum Supremi in Romano Imperio convenêre Principes Cæsarem electuri, Wernerus suo calculo Rudolphum nominavit perpotenti exemplo ad imitationem sui trahens Electores alios, præsertim verò Ludovicum Severum, cuius auctoritas tum temporis plurimum eminuit. Post publicas Ecclesiæ Romanæ & Imperij curas, curam Archiepiscopatus sui in se suscepit singularem, dum an. 1261. provincialem Synodum Moguntia celebravit, periculosis temporibus succurrendum, & præveniendum ratus. Ditionibus Electoralibus inhiantes Comitem Sponhemiensem Joannem, & Philippum Hohenfelsium armis partim sacris, partim profanis profligavit, prioris nimirum copias superando, posterioris verò sacris interdicendo. Sententiam æquissimam, licet severam, tulit in Hebræos quoque, qua sublatis scelerum authoribus aditum in urbem Moguntiam eis deinceps constanter negandum esse statuit, triplicem maximè ob causam & cul-

pam

pam, quarum primam comiserunt abutendo per sumum nefas dape
 Evcharistica clam ablata: alteram fundendo Christianorum par-
 volorum sanguinem, & præstigiis adhibendo: tertiam denique
 puteos inficiendo. An. Salutis 1284. multorum lacrymis paren-
 tatum est, postquam 14. annis Moguntiam Archipræsul illustra-
 vit sub novem Pontificibus Romanis, nimirum Alexandro IV.
 Urbano IV. Clemente IV. Gregorio X. Innocentio V. Hadria-
 no V. Joanne XIX. Nicolao III. & Martino II. Sepulto Wer-
 nero Canonicorum partes geminæ paribus suffragiis in Electorem
 suum delegerunt Gerardum Comitem Eppensteinium Treviren-
 sem Archidiaconum, & Petrum Reichensteinium Basileensem Ca-
 nonicum, majoris Ecclesiæ inter Moguntinos Præpositum, quon-
 dam Rudolphi Habsburgici Medicum. Annis tribus discordia
 pertinax Sedem reliquit viduam; denique inter duos litigantes gau-
 dere tertium jussit Honorius IV. Pontifex, ea tamen moderatione,
 ut Petrum Reichensteinium Basileensibus Episcopum dederit,
 Gerhardo autem spem promotionis fecerit maximam. Cæ-
 terum inter duos litigantes ille tertius fuit

XXXVII. HENRICVS II. ELECTOR XXI.

Henricus II. inter Episcopos Basileenses hujus nominis IV.
 Isenæ in Suevia ex parentibus tenuis fortunæ natus: præ-
 claris tamen animi dotibus & virtutibus viam ad lauros
 & mitras sternere sibi didicit: inter Monachos enim D. Francisci
 cooptatus, Doctoris Theologiæ insignia capeffivit, discipulorum
 haud paucorum Magister, & paulò post Lucernæ Basileæque Gu-
 ardianus, ut vocant, ubi simul Rudolpho Comiti, & mox Impe-
 ratori à sacris confessionibus, consiliis & legationibus fuit. An.
 1274. inter dissidentes Canonicos, nemine tamen dissidente lectus
 Episcopus, munus suum obivit magno totius Diocesis emolumen-
 to. An. 1285. Legatum mittere Romam constituit ad Hono-

rium IV. Pontificem Imperator Rudolphus. Committitur Henrico legationis munus & gravissimarum juxta tractandarum cum Pontifice rerum. Hujus porro legationis optatissimus Pontifici fuit successus, quando Rudolphus sacre Sedi confirmavit Bononiam, Romaniolam, & simul Exarchatu Ravennate cessit. Officio legati præclare functus Henricus, Pontificis summam erga se gratiam ita promeritus est, ut pinguem bene navatæ operæ remunerationem expectare posset; & bene expectasse eventus probavit: creatus enim ob id maximè Elector Moguntinus, tribus annis placuit multis, & multis displicuit; hos inter Canonici ægro animo sustinuerunt Electorem & Archipræfulem obscuro loco natum, & invitis obtrusum. Annus vitæ ultimus erat Henrico 1188. Ferè cum Honorio IV. in Sedem promotus & morte remotus.

XXXVIII. GERARDVS II. ELECTOR XXII.

Gerardus II. Comes Eppensteininus jam non unius tantum partis, sed ferè omnium calculis electus Archipræsul, audita sui electione ac promulgatione lætus, contendit Romam quamprimum, ubi à Nicolao IV. Pontifice Archiepiscopus consecratus, & pallio est exornatus. In Germaniam redux Hanovix Comitem procaciùs multa dicentem & facientem coercuit, simulque Fuldenses subditos contra Principem suum seditiosos in ordinem redegit. Anno 1291. Rudolpho Cæsari justis per solutis Adolphum Nassovium bellica laude dotibùsque aliis multis insignem Ducem ad Imperatoriam dignitatem pene solus evexit, eundemque ad Imperij coronam suscipiendam Aquisgranum deduxit. At qui tantopere placuit Imperator, paulò post maximopere Gerardo displicuit: Adolphum enim fortunam suam non capientem, & in scelera effusum denique, idem qui creandi, fuit etiam author exauthorandi Cæsaris, vocato in Imperij thronum Al-

berto

berto Habspurgico Rudolphi filio, cuius virtutem magni æstimare, sed & potentiam tandem timere didicit, jam non imperare, sed obedire Imperatori doctus, præsertim ubi Bingio à Cæsareanis occupato circumfusas Moguntiz copias aspexit. An. 1292. Aschafenburgj Synodum celebravit, cui aderant Episcopi Bambergensis, Herbipolensis, Augustanus, Eustadianus, Hildesienfis, Wormatiensis, Spirensis alique: ejusdem Synodi acta in compendium conscripta legerunt & laudârunt plurimi. An. 1298. Pragæ Wencellao Regi & hujus regiz conjugj Jutzæ imposuit coronam: Infulam verò suam amisit morte ereptam an. 1304. annorum 16. Præsul. Sub Pontificibus Nicolao IV. Cælestino V. Bonifacio VIII.

S E C U L U M XIV.

XXXIX. PETRVS ELECTOR. XXIII.

Petrus in Archiepiscopatu Trevirensi ex pauperibus natus parentibus, in juventute medicinæ, & una scientiis pluribus strenuam navavit operam, Theologiæ etiam non parùm peritus. Henrico Lücelburgico futuro Cæsari exoptatus Medicus, in rebus cunctis suam plurimùm commendavit industriam, arcanorum ferè omnium in aula arbiter. Igitur Henricus ut Balduinum fratrem suum 18. annorum juvenem in Moguntiz Sedem Archiepiscopalem promoveret, misit Petrum Legatum ad Clementem V. Pontificem in Gallia tum commorantem. Præter alia in Balduino displicuit Clementi juvenilis ætas. Re itaque infecta dum Medicus simulque Legatus sese accingit ad reditum, subito Pontifex morbo corripitur, quem cum Petrus porrectis pharmacis tridui spatio dispulisset, in grati animi testimonium à Clemente nominatus & confirmatus est Moguntinus Archiepiscopus his dictis: *Cum noveris tam perite curare corpora. noveris etiam deinceps curare animas.* Idem hic Petrus vel author, vel adjutor fuit maximus,

cur

cur Balduinus an. 1307. Trevirensis Elector, & Henricus Lützelburgicus an. 1308. Imperator, atque alter ejusdem filius Joannes an. 1311. Bohemorum Rex fuerit electus. Mortem Henrici Imperatoris adeò doluit, ut dicere auditus fuerit, intra quinque secula mortuum non fuisse vel Imperatorem, vel Regem, cuius mors anfa fuisset tot malorum, quot erat mors Henrici. Vera dixisse Petrum, rei eventus monstravit: cum enim in electione Imperatoria Ludovico Bavaro faveret Petrus unà cum aliis, Electores verò diversi Fridericum Austriacum Ludovico præferrent, innummeris in Imperio malis datum est initium. Nunquam tamen cessavit Petrus strenuè suo fungi munere: omnium enim subditarum animarum curam habuit sedulam, & inter primas suæ: cum per integras ferè noctes adgeniculatus aris domesticis Deo loqueretur, & Evcharistiæ dape, si ad aram facere per vires non licuit, saltem alternis diebus refici desideraret, aditæ æternitatis nunquam non bene paratus, quod adiit inter communes luctus an. 1320. Annorum 15. Elector sub Pontificibus Clemente V. Joanne XX.

XL. MATHIAS ELECTOR XXIV.

Mathias Comes Burgundus in Principi Monasterio Murbacensi Ord. S. Benedicti solidis omnino virtutibus adversus quasvis dæmonis & pravorum hominum insidias præmunitus, & hac de causa Joanni XX. Pontifici non ignotus, potentissimis æmulis ab eodem est antehabitus. Inter æmulos Princeps Balduinus Trevirensium Archipræsul, perspectis Mathiæ dotibus eximiis, eidem in rebus adversis adiutor esse cœpit damnato errore suo: unde hujus & aliorum potentissimo adiutorio fretus Hassiæ Landgraviū, uti vocamus, rapinis & incendiis grassantem subjugavit; Wirtenbergensem etiam ejus temporis Comitem Marchioni Badensi perinfectum compressit: ad hæc Bingenfes,

Er-

Erfordenses & Nordhusianos sacratis Deo ædibus & monasteriis permolestos coercuit. Tot hostibus minimè superatum insidiis suis vincere *teste VVione* non desperârunt malè morati Medici, qui cum morbis confligenti tanto Præfuli non veriti sunt Venereos amores suadere, subornatâ jam eum in finem sacrilegum impudicâ fœminâ, quam tamen sibi præsentissimus & constantissimus Antistes continuò rejecit cum pejoribus Medicis. Eadem tempestate inter Ludovicum Bavarum, & Fridericum Austriacum summopere fervebant Martis classica. Gravissimis itaque difficultatibus occurrendum ratus Moguntinus Elector, Concilium an. 1327. convocavit. *Imminentibus dein*, uti ait *Trithemius*, in dies magis periculis & turbis est ereptus Vir omni honore perpetuâque memoriâ dignus an. 1328. Sedis 8. aut 9. sub Joanne XX.

XLI. HENRICVS III. ELECTOR. XXV.

HENRICVS III. Comes de Virneburg à Joanne XX. Pontifice invitis Canonicis Archipræsul oblatus, aut veriùs obtrusus, per annos tres continuos est repulsus, multis, ut edoceretur ritè Sedes Romana, rogantibus & clamantibus. Tempori cedendum ratus Joannes Pont. Balduinum Trevirorum Archipræsulem, à Moguntia Clericis licèt invitum in suum Electorem quoque electum, Henrico dedit Adjutorem, qui utriusque Ecclesiæ solertem curam gessit, procul pulsus hostibus externis & domesticis. Finito inter lites triennio, Henricus Elector confirmatus, Moguntiamque introductus, paratum expeditumque ad rerum omnium cessionem expertus & miratus est Balduinum. Malè cessisse docuit Henrici in malo pertinacia: Pontificum enim & Clericorum hostibus adstitit, contemptis minis & quibusve pœnis Ecclesiasticis. Quare ejus in locum suffectus Comes Nossovia, octo annis continuis infensissimum sibi hostem pertulit Henricum, Ecclesiæ Moguntinæ summo detrimento. E Sede Mogun-

tia rejectus est Henricus post annum 14. Christi 1346. Sede-
runt eodem tempore Joan. XX. dictus XXII. & Benedictus XI,

XLII. GERLACHVS ELECTOR, XXVI.

Gerlachus is ipse Comes Nassovia post annorum octo cur-
riculum tandem quieta Sede potitus, Caroloque IV. Im-
peratori peracceptus, Bullam Auream Romani Imperij
Regulam una cum Electoribus & Viris Principibus reliquis con-
scriptam probavit. Mox verò ad reformationem morum, præ-
sertim verò Ecclesiasticorum virorum conversus, hortante Caro-
lo Imperatore, Pontificij Juris Regulas gnaviter observavit. Hoc
sedente Archipræsule Pragæ omnium primus creatus Archiepi-
scopus copiam impetravit coronandi deinceps Bohemorum Reges:
at ne injuriam irrogari sibi conquererentur Moguntini Antistites,
quibus coronandi Reges Bohemos privilegium hætenus conces-
sum favebat, hanc ob causam Hæchstium urbem eorundem ditio-
nibus adjecit Imperator. Annis 18. post sepultum Henricum flo-
ruit ad annum Christi usque 1371. sub Pontificibus Clemente VI.
Innocentio VI. & Urbano V. Gerlachus, de quo tamen pauca
meminere Historici rerum compendiis contenti.

XLIII. IOANNES I. ELECTOR XXVII.

Ioannes I. Dux Lützelburgicus, Caroli IV. Imperatoris preci-
bus à Gregorio XI. auditis, confirmatus est Moguntia Ele-
ctor, Cunone Falckensteinio Trevirensium Archiepiscopo
alteram dignitatem non optante, & Comite Nassovio Adolpho
non consequente. Annis 2. solum Pastorale Moguntia Pedum te-
nuit, quo tamen tenente an. 1372. frequentissimus Ecclesiastico-
rum juxtaque Politicorum Principum conventus, ipso etiam præ-
sente Imperatore, Comitia celebravit, ut Pontifici Ecclesiasticorum
redituum decimas poscenti responderet Imperium. Mox dein vivis
ereptum

ereptum Joannem desideriiis multis desiderârunt multi paucorum verborum synopsi encomia Archipræfulis sui comprehensuri, dum dixerunt: *amissum Episcopum, ovem, & agnum*. Quæ verba in deteriore partem interpretatus *Vimphelingius* ait, fuisse pinguem & bonum, officij verò minùs, quàm conviviorum æstimatorem. *Vide Guilmanum de Episcopis Argentoratensibus.*

XLIV. ADOLPHVS I. ELECTOR. XXVIII.

Adolphus I. Gerlachi patrui nepos, in Archipræfulem Moguntinum cooptatus, annis compluribus Ludovicum Misnia Marchionem Bambergæ Episcopum expertus est hostem, Carolo Imperatore Ludovici partibus favente, & suam in sententiam Pontificem Gregorium XI. pertrahente. Arbitrio tandem mortis, quæ crebrò nemine hominum opinante, lites dirimit gravissimas, causâ cecidit Ludovicus, post lautas epulâs subitò correptus morbo & obrutus morte, uti narrat *Kranzius* aliique. Annis dein reliquis fracto Hassiæ Landgravio Hartmanno repetitis victoriis, pacis fructibus frui licuit Adolpho, cujus tempora Superi raro miraculo illustrârunt, blasphemam lusoris linguam & manum Moguntia ultî. *Vide Serarium*, qui ligata & soluta oratione manantem è sacris imaginibus sanguinem, & multa alia copiosè descripsit. Sedit Adolphus an. 16. mortuus est an. 1388. Floruerunt eodem tempore Gregorius XI. & Urbanus VI.

XLV. CONRADVS II. ELECTOR XXIX.

Conradus II. Comes Weinspergius Adolpho in Sede Moguntina subrogatus, pacem desideravit, haud impetravit: anno enim Conradi primo Moguntia, Spira, Wormatia & Francofurtum icto fœdere contra Rupertum Ducem Palatinum invito Archipræfule in aciem egressæ, malèque multatæ pedem retulerunt saucium: multis namque trucidatis è captivorum

rum numero, sexaginta partim viros, partim juvenes in ardentem fornacem præcipitari mandavit Rupertus, quod concubia nocte oppidis & villis flammam subdidissent. Eadem ferme ætate deprehensa Waldensium hæresis, multis Moguntia salutem, auctoribus verò suis exitio fuit: sex enim & triginta viros ea ex lue plurimum jam infectos infamis sustulit Bingii ignis, ne ossa quidem superessent hæresis testes, aut fortè zizaniorum novorum semina. Hæc de Moguntia potius, quàm Moguntino Electore Conrado scripsere *Trithemius & Serarius*, quem *tranquillum & pacificum* fuisse contenti sunt dixisse; qualis scribendi methodus multis in locis nobis ut sufficiat, necesse est. Annis 7. Moguntiam rexit, mortuus 1395. sub Bonifacio IX.

XLVI IOANNES II. ELECTOR. XXX.

Non semper lentè festinandum esse, exemplo suo docuit Joannes II. Comes Nassovia Conradi II. Archipræfulus Moguntini frater, qui ut Pedum Archiepiscopale Godefrido Comiti Leiningensiæ mulorum maximo præterperet, properè Romam contendit, pedibus velocior, non meritis felicior. Corpore parvum, ingenio magnum dixerunt Joannem, qui propius observarunt. Anno Domini 1398. Herbipoli Erfordiam transtulit Academiam, quod Musæ pacis filia, aut minimùm amica inter seditiosos cives vix sperarent locum sibi reliquum. In Imperij damnum maximum aut ruinam penitus natus factus videri poterat Imperator Wenceslaus Caroli IV. filius, in omne vitiorum genus effusissimus, cum interea Hussitarum hæresis omni pestilentia gravior per Germaniam universam grasseretur. Quare inter auctores eligendi novi Cæsaris Joannes ferè author maximus, unà cum Electoribus aliis deposito Wenceslao, Fridericum Brunsvicensem elegit, post paucos dies è medio sublatum ex insidiis à Waldékiano Comite structis, quarum authorem, uti fieri amat, multi dixe-

dixerunt Joannem Moguntæ Electorem, inter communia mala zoilis passim obviis sententiam malignam dicentibus. In verticem Friderici vocatus Jodocus Moraviæ Marchio, multorum annorum senex, & hoc brevè mortuo Rupertus inter Palatinos Electores Ruperti II. filius, post annos Imperii 10. bellum movit Joanni Electori, cui soli maximè mors profuit, dum Cæsarem Imperii columnam stravit. Inde omnium Electorum suffragiis electus Imperator Sigismundus in Germaniam venit, cujus præsidio fretus Elector Moguntinus Hermannum Hassiæ Landgravium oppugnavit. Concilio post breve tempus Constantiæ indicto, cum Joannis XXI. dicti XXIII. Pontificis partes Joannes Elector sibi propugnandas existimaret, ex datis à Concilio epistolis intellexit, satius esse communi Patrum sententiæ acquiescere, turbas in Germania tollere, & hæresi Hussianæ pro viribus occurrere, quæ omnia strenuè peregit, usquedum egit animam an. 1419. Sedis 22. sub Pontificibus Bonifacio IX. Innocentio VII. Gregorio XII. Alexandro V. Joanne XXI. & Martino V.

SECVLUM XV.

XLVII. CONRADVS III. ELECTOR. XXXI.

Conradus III. Comes Rhenanus vestigiis Joannis mortui insistens, continuò dedit literas ad Episcopos & Abbates sibi subditos, ut serio incumberent ad emendandos Clericorum juxtaque Monachorum mores. Operam ea ex parte strenuam navavit Conrado Cardinalis Placentinus à Martino V. Pontifice Germaniæ magnam partem lustrare & emendare jussus. Annis dein decem continuis ferè pugnante adversus seditiosos Bohemos Rege & Imperatore Sigismundo, vicariam Imperio adhibuit manum, multorum Principum ob id expositus odiis, tantamunera, magna onera esse nescientibus. Cæterum Archipræsu-

lem hunc præstantissimum fuisse corpore, hujus tamen illecebris nempe conviviis aliquantò indulgentius, quàm par erat, obsecutum esse, serunt. Annos Elector numeravit 15. sub Martino V. & Eugenio IV. an. 1434.. extinctus.

XLVIII. THEODORICVS, ELECTOR XXXII.

Theodoricus ex nobilissimo Erbachensium sanguine ortus, publicos tumultus inter statum Ecclesiasticum & civilem Moguntia enatos, non nisi Concilii Basileensis auctoritate sedare valuit. Bellum hoc domesticum excepit alterum externum, adversus Ludovicum Electorem Palatinum comuni militum suffragio susceptum, ubi auxiliares copias Theodorico miserunt Marchiones Badensis & Brandenburgicus. Data tandem & impetrata pace Synodum indixit Cleri mores emendaturus, cui opem suâ præsentia tulit Cardinalis Legatus Pontificius. Ut verò universis ipse exemplo præluceret, aulam suam virtutibus exornare non cessavit, quam passim paradisum dixerunt propinquerum arbitri. An. 1459. Sedis 25. mortem oppetiit Aschaffenburgi, quod ædificiis exornavit. Pontifices eo tempore fuerunt Eugeni IV. Nicolaus V. Calixtus III.

XLIX. THEODORICVS ELECTOR XXXIII.

ET

L. ADOLPHVS II, ELECTOR XXXIV.

Theodoricus Comes Isenburgicus, aliis Budingensis dictus, licet à Canonicis ritè electus, à Pio II. tamen Pontifice haud confirmatus, quin an. 1461. ob causas graves à Sede Moguntina remotus, omnem movit lapidem, ut invitâ etiam Curiâ Romanâ Elector deinceps honoraretur: unde Adolphus Comes Nassovius Wisbadensis in Sedem Theodorici vocatus, non nisi

nisi gladio aditum invenit ad Electorale Solium. Dolo & damno suo irreparabili vidit Moguntia in Adolphi & Theodoricæ partes abire Viros illustrissimos in Imperio quam plurimos, quibus ut satisfaceret pro belli sumptibus, oppignerarunt ditiones ferme omnes Moguntinas Adolphus & Theodoricus. Inter Adolphi partes eminuerunt Imperator Fridericus, Marchio Badensis, & Comes ejus temporis Wirtenbergicus: inter partes verò Theodoricæ Duces Palatinus, & demum etiam Bavarus. Propè Seckenhemium an. 1462. commissæ fuit pugna decretoria, in qua Friderici Palatini operâ adjutus Theodoricus victor triumphavit, in captivitatem Palatinam abstractis Viris Principibus non paucis. At eodem anno Adolphus consensu Moguntia clam moenibus, & fugato Theodorico victoriâ potitus, urbem, ad illud usque tempus inter Imperii liberas urbes numeratam, suis privilegiis privavit, tum demum in Sedem suam promotus. Anno namque altero adhibitis arbitris lis finita, Adolphus Archipræsul denuo promulgatus, Theodoricus verò quatuor oppida cum vectigalium jure in annos vitæ reliquos impetravit. Captæ, & privilegiis suis orbata Moguntia relictum est testimonii loco Chronologon:

ECCE LVIt fato MogVntia Capta seCreto,

Anno nimirum 1462. Moguntia fata sustinuit tristissima: anno autem 1475. mortuo Adolpho Canonicorum communibus calculis denuo selectus Theodoricus eam maximè ob causam fuit, ut Moguntinæ Ecclesiæ ablata restitueret, quod multis suis encomiis magna ex parte præstitit; quin urbem suam principem arce à S. Martino nomen habente, & Academiâ recens extructâ, exornavit. Simul ad emendationem morum & scelerum extirpationem intentus, diversa Clericorum & Monachorum scandala sustulit, & Jonnem de Wafalia hætericum condemnavit, Virorum Doctorum, sed non nisi Orthodoxorum insignis æstimator. An.

1482.

1482. Sedis 7. Alschaffenburgi dissenteriae morbo est extinctus: cum interea sederent Pontifices Pius II. Paulus II. & Sixtus IV.

LI. ALBERTVS I. ELECTOR XXXV.

Albertus Ernesti Saxoniae ac Misniae Ducis filius Canonicus Moguntinus, annorum 17. juvenis à Theodorico annuente Canonicorum plurium parte in Adjutorem cooptatus, à Sixto IV. Pontifice confirmatus, spem maximam de se conceptam brevi elusit anno Sedis altero, ætatis 19. mense Majo inter crescentes, sed simul etiam emarcescentes flores, flos & ipse mortis falce demersus eodem anno 1404. quo Sixtus IV. ad plures abiit.

LII. BERTHOLDVS ELECTOR XXXVI.

Bertholdus Comes Hennebergicus Romheldensis à corporis præstantia, prudentia, doctrina & virtutibus plurimum laudatus Ecclesiae Moguntinae Decanus, omnium Electorum vocibus in primam Germanicæ Ecclesiae Sedem est vocatus 20. mensis Maij, inter publicos populi amores & timores. Fuit hic subditorum amor simul & timor prudentissimo Principi ansa, cur deinceps mansuetudinis nunquam non memor, pacem publicam & privatam conservare laboraret, merito *Procurator Pacis* appellatus. Maximilianum I. Francofurti unà cum Electoribus reliquis in Romani Imperii Regem electum, & inde Imperatorem Aquisgrani coronatum, constanter suis adjuvit consiliis; unde hujus Electoris operâ & industriâ erectum est Tribunal Spirense *iudicium Camerale* dictum. Fœderis etiam Suevici suasorem fuisse perhibent & adjutorem. Cum Bingii & Moguntiae cives ob violata jura, mutuò dissiderent maximè, & jam vicinus Elector Palatinus Philippus cognomento Ingenius armis instaret, singularis prudentiae, ac in Superos conceptæ spei posteris reliquit testimonium: ad pa-

cis

cis enim consilia conversus Bertholdus diebus, ut vocat Ecclesia, Rogationum, publicis ipse Elector precibus constanter præsens, vicinos hostes ad communia vota invitavit, quo orandi exemplo pacem facillimè impetravit, mirantibus universis, præsertim verò Electore Palatino, Bertholdi constanter æstimatione dignissimi fiduciam: unde dixisse traditur: *en iste presbyter nobis strenuè irridet, armis ter-ritare ipsum conatur: & ecce quasi rerum omnium securus deambulatum vadit.* Postremum hoc notatu dignissimum: ob corruptos populi, & præsertim Sacerdotum mores, imminere nova etiam in religione placita, & pœnas justissimo Dei judicio infligendas præfagiens an. 1499. Synodum collegit, ad quam post Episcoporum cœtum viros quosvis doctrinâ & virtutibus insignes convocavit, ut inveterato malo inveniretur idoneum remedium. Adhibita adversus morbos remedia in Bertholdo elusit mors an. 1504. postquam an. 20. universam Germaniam præclaris suis radiis illustravit sub Pont. Julio II.

SECVLUM XVI.

LIII. IACOBVS ELECTOR XXXVII.

Jacobus è Liebensteiniana Suevorum stirpe natus, avitis natalibus triplex decus adjecit nobilissimum, nimirum excellentem morum probitatem, doctrinam, & præsertim, Serario teste, Virginitatis florem. Relictum ab eodem hoc authore Jacobi compendium ad verbum huc transferre lubet, quod ita habet: *Iacobus, Liebensteinia Suevorum stirpe satus, ad Metropolitani Collegij Decanatum pervenerat, excellenti Vir probitate, doctrina, & virginitatis laude. Fuit die 30. Decembris an. 1504. ad Archiepiscopale gubernaculum admotus: neque est, quod in eo à quocumque culpetur, nisi quòd ad saxillorum ludum fuisse putetur aliquando propensior.*

Si nisi non esset, perfectus quilibet esset,

Sed pauci visi, qui caruere nisi,

Interfuit celebribus an. 1505. Colonia Comitibus, ad eumque Limpurgensis Abbatis contra Comitem de Lemingen, cuius ministri Canobium illius incenderant, causa relata

H

fuit,

fuit, prout à Tritemio Epist. 31. proditum. Interfuit & Comitibus aliis. Iterum an. 1507. Constantiæ Comitibus, ubi de Germania pace Belloque adversus Venetos faciendo multa. Invaletudine, præsertim lumbagine ferè semper conflabat. Obiisse ait Burschius an. 1508. mense Septembri, & diem indicat M. S. L. 17. Calend. Octob. Epitaphium verò sic habet in summo templo: Iacobo de Liebenstein optimo & clementissimo Præsuli, qui anno, ex quo Pontificatum iniverat, secundo, mense Iulio die XVI. bonis omnibus Ecclesiæ vicem dolemibus decessit, posteri bene meremini posuerunt. Videntur autem hic ejus anni non ab Electione, sed à consecratione putari. Hucusque ferè ad litteram Serarius.

LIV. VRIEL ELECTOR XXXVIII.

Uriel è Nobilium Suevorum de Gemmingen prosapia prodit in lucem, luce majori illustratus, dum legum Doctor, eodem tempore inter Nobiles rara avis, dein ædis majoris Moguntinæ Decanus, & tandem Ecclesiæ maximæ Elector est confirmatus. Ne inter Urielem & Erfordenses cives grave nasceretur bellum, autoritate sua impeditur Maximilianus Imperator Urieli clementissimus, dum misit litis arbitrum Laurentium Bibræum Herbipolensium Episcopum laudatissimum. Convenit idem Elector interfuit Imperij publico Treviris præsentæ Cæsare, ubi inconsutilem Christi Servatoris nostri vestem denuo viderunt, & eadem Deum Hominem nostri causâ ornatum venerati sunt. *Frugi Virum & parcum* dixerunt non pauci Urielem: unde asserunt, cum fortè incidisset in furem cellæ vinariæ insidiantem, irâ adeò incensum fuisse, ut arrepto ligno obvio furis caput aut cervicem infregerit: quo inexpectato mortis eventu usque adeò mutatum, aut veriùs ad agendam pœnitentiam conversum esse, meminerunt etiam, ut clam relicta Electorali dignitate Carthusianorum solitudinem sibi elegerit toti mundo mortuus an. 1514 Sedis 6. sub Julio II. Vide Serarium, qui partem hanc ultimam vocavit admodum dubiam, haud immeritò: nam crebrò fabula huic non absimilis in cellis vinariis, aut inter pocula nascitur, & dum bis terve repetitur, instar historiæ venditur, emitur, amatur & confirmatur.

LV. ALBERTVS II. ELECTOR XXXIX.

Albertus II. Marchio Brandenburgicus filius Joannis & frater Joachimi, utriusque Electoris Brandenburgici, an. Domini 1513. electus Magdeburgensium Archiepiscopus, & Ecclesiæ Halberstatensis Administrator, concordī omnium Canoniorum calculo vocatus est in Thronum Moguntinum an. 1514. mense Martio. Legitimæ electioni continuò accessit Pontificia confirmatio Leonis X. & an. 1518. Romana Purpura, qua Augustæ Vindelicorum à Cardinalibus Thoma Cajetano & Mathia Gurcensi pariter Episcopo, Pontificis Leonis X. nomine est exornatus. Hujus Archipræsulis plurimis naturæ, artis & gratiæ donis fulgentissimi ætate, à suis affeclis maximi æstimatus Doctor Lutherus nova placita in lucem edidit, ob id iratus maximè Alberto, quòd Joannem Tezelium, è D. Dominici sacra familia insignem Virum, neglecto Luthero antehabuisse, sacrarum Indulgentiarum & poenitentiarum promulgatorem. Parvi pendendum tantillum virum primò existimavit tantus in Ecclesia & in Imperio Cardinalis & Elector. postquam verò vili pretiosum accedere, & cucullum Electorali Saxonum scuto vidit protegi, tunc enimvero totus adversariis novis contrarius, novo ardore dilexit decorem domus Dei, sacrarum præsertim reliquiarum insignis æstimator & exornator factus: nam Magdeburgo Moguntiam, Saxonum furori in sacras reliquias grassantium cedendum ratus, permulta Divorum ossa transtulit, in quorum honorem post D. Bartholomæi diem festum, diem alterum statuit selemniorem. Verni pariter jejunii observationem longè strictiorem & ipse observavit, & observari præcepit, in cuius parte ultima Dominicæ Passionis memoriam exhibitis publicè ejusdem insignibus, instaurari ritè mandavit, insuper habitis quibusvis illicitis ad defectionem à Fide Romana invitantibus, sequiorum exemplis, bellis & tumultibus in Germanico præsertim Imperio gravissimis, laudatus

ob hoc à multis illâ S. Codicis sententiâ notissima: *potuit transgredi & non est transgressus, facere mala & non fecit.* Quin & ipsius Lutheri testimonio hunc in modum est aliquando dilaudatus: *rectè institutus est Rome Albertus, ideoque Lutheranam doctrinam nostram flocci facit* Contra hanc ipsam doctrinam in Germania præsertim novissimam, Albertus Moguntiam evocavit Societatis Jesu Patres eodem tempore adhuc paucissimos: è prima quidem decade venit Petrus Faber, Vir nemini non Catholicorum pretiosus in Germania, præcipuè verò Cardinali & Electori Alberto. Qualis quantûsque hic fuerit, prodatur carmine suo Poeta Lutheranus Georgius Sabinus Melancktonis gener ita canens:

Albertus jacet hoc loco sepultus,
 Qui de sanguine regio creatus
 Lumen cardinei fuit Senatus,
 Qui virtute potentiâque rexit
 Magni Saxonicas Ottonis urbes,
 Et Moguntiâci fluenta Rheni.
 Nil Germania majus hoc habebat;
 Nam de liribus arduisque rebus
 Conventus ubi Principes agebant,
 Verbis promptus & elegante lingua,
 Ceu Laertiades regebat alter
 Tutum consilio suo Senatum:
 Ac tot diffidiis ubique motis
 Terrarum bene consulebat orbi.
 Pacis Suasor erat, quieta pacis
 Sævis ocia præferebat armis:
 Quin & justitiæ tenax & æqui
 Dignas fontibus irrogare pœnas,
 Complectique bonos, & innocentes
 Mitis non secus ac parens solebat.
 Nec fulvum sibi congregabat aurum,
 Doctos munera conferens in omnes:
 Dispensabat opes, manûque larga
 Sacras Pieridum fovebat artes.

Hunc lugubria tectus ora velo,
 Albis, Rhenus, Havelus, hunc peremptum,
 Fontis Pegasei cohors, & omnis
 Est respublica profecuta fletu,

Mortuus est Elector Albertus an. 1545. fedit an. 31. sub Pontificibus Leone X. Hadriano VI. Clemente VII. Paulo III.

LVI. SEBASTIANVS ELECTOR XL.

Sebastianum nobilis Heusenstammiorum gens in Hassia edit in lucem, cui nato splendorem insignem addiderunt Doctoris insignia è Pontificio simul & Cæsareo Jure collata, & eo tempore inter nobiles pretiosa. Decus tertium exornavit priora maximè, quod Elector hic à virtutibus multis, præsertim verò ab avita in religione constantia sibi hausit, & tanquam scuto adversus quasvis bellorum tempestates firmissimo sese defendit, post extinctum Cardinalem Albertum in Comitibus Imperij suam testatus constantiam, periculo solis hostibus tunc formidando. Certè si ullus Germanorum Electorum, aut aliorum Virorum Principum post initum fœdus Schmalkadicum succurrat periclitanti Cæsari Carolo V. is fuit Sebastianus, qui Buranum Comitem Maximilianum ex Belgio per Moguntiaë ditiones in Germaniam copias Cæsari adducentem strenuè adjuvit, & majori victoriæ sua minori præludit, ubi nimirum Christophorus Oldeburgicus, & Rifebergus Protestantium, uti appellantur, Duces propè Moguntiam fusi fugatique sunt. Conventibus dein pluribus Augustæ Vindelicorum & alibi celebratis interfuit constanter Elector, qui quemadmodum loco & dignitate, ita etiam industriâ, sapientiâ & zelo eminuit, & Concilium Tridentinum de rebus cunctis scitu necessariis ac utilibus edocuit. Nec interea destitit indicare Synodos Diœcesanas & Provinciales, in quibus & Episcopos, & horum Sacerdotes subditos singulari eloquentia, ardore & animarum zelo fuit adhortatus ad munus suum strenuè

obeundum. Atque ut absque longiori mora quisque data sequeretur monita, injunctaque observaret præcepta, exemplo in rebus omnibus præluxit, nunc iter difficile ac periculosum in sese suscipiendo, nunc Suffraganeos suos, nunc Oratores sacros aut Legatos mittendo, ut succurreret eminus atque cominus: peragratis nempe pluribus Germaniæ provinciis tandem an. 1551. mense Septembri cum Archiepiscopo Trevirensi Tridentum petiit, magna susceptus omnium Patrum lætitiâ & gratulatione, quod spem conciperent, fore ut tantis è Germaniæ Præsulibus & Viris Principibus intellecturi essent consilia & sententias restituendæ Germanicæ Ecclesiæ saluberrimas. Sed dum Sebastianus cum Electoribus Trevirensi & Colonienfi, qui brevè secutus jam advenerat, Tridenti Concilio solertissimam dant operam, interea hostes in ditiones maximè Moguntinas grassati mense Martio an. 1552. Archipræfulem Moguntinum ad propria redire compulerunt. Albertus præcipuè Brandeburgicus Elector in Moguntia ruinam intentus, nec ulla vi repelli, nec auro copiosissimo potuit satiari; unde Elector suam Moguntiam relinquere coactus, Argentoratum ascendit; sed inde etiam fugatus in Brisgoiam pervenit per sylvam Hercyniam & Sueviam ad Cæsarem profectus Augustam, tandem absoluto admodum difficili viæ circulo Moguntiam rediit, obortis lacrymis inter cineres suas ditiones contemplans, & latentibus sub ruina multorum subditorum cadaveribus parentans. Dedit tamen etiam Deo more seditiosorum Ducum multorum pœnas justissimas Albertus: à Mauritio enim Electore Saxonie relictus, & mox superatus, à Sebastiano Archipræfule aliisque Heilbrunnæ Viris Principibus banno Imperij subjectus, pauloque post à Cæsare ipse proscriptus, in Galliam aufugit. Elector verò Sebastianus curis & laboribus fractus, dum an. 1555. ad Comitia Augustæ rursus celebranda est evocatus, mortis accepit nuntium post annum Sedis 11. acceptissimus Paulo III. & Julio II. Romanis Pontificibus.

LVII. DANIEL ELECTOR XLI.

Danielis Electoris Moguntini præstantissimi gesta brevi compendio conscripta qui desiderat, is monumentum à Danielis Successore scriptum legat, quod ita habet:

Daniel Dei gratiâ Archiepiscopus Moguntinensis S. R. I. per Germaniam Archicancellarius, Princeps Elector, & è nobili familia wrendel ab Homperg an 1555. ætatis 33. electus, Ecclesiam annis 27. optimè pacificèque rexit, haud paucis emolumentis auxit atque ampliavit: iustitiam coluit, religionem promovit. charus omnibus extitit. Duos Imperatores Maximilianum II. & Rudolphum II. coronavit. Inculpatè vixit, Sacramentis Catholicè perceptis, piè placidèque quievit, desiderium sui luctumque cunctis reliquit. Obiit Aschaffenburgi an 1582. 23. Martij. C. A. R. I. P. Successor Prædecessori bene merito posuit.

His adde Roberti Turneri natione Angli Oratoris disertissimi & eruditissimi brevem synopsin, qua Moguntia transiens depinxit Archiepiscopi Danielis mores: Homo est Archiepiscopus iis moribus, quibus deberes fingere Principem. Princeps est ea facilitate, qua cuperes formare hominem, ut possit dici & homo Platonis, qualem solum antiquitas putabat Socratem; & princeps Aristotelis, qualem semper omnis Respublica optabat Rectorem. Cani loquuntur senem, firmæ vires juvenem. Hujus speciei nonne vides laudem? & cano colore maiestatem Archiepiscopi. & firma vi onus Principis sustinet egregiè. Religionis suffulcendæ, confirmandæ quo studio teneatur, abundè satis indicat templum à fundamentis non ita pridem erectum, & eleganti opere, vario labore, imagine rara peregre expolitum. Ambrosii videor maiestatem exprimere. atque adè Ambrosij jam tonantis in Theodosium. Magis crederes, si his addas ejus humanitatem, amorem. quippe sic excepit Davaros, sic amavit Catholicos, ut quòd tanta suavitare exceperit hospitalis; quòd tanto studio amâris, Paj non solum meritis sit nomen, sed etiam vicerit notionem.

Singulos ferè apices hoc compendio contentos multis paginis profecutus est Serarius. Compendium etiam hoc loco sufficiat: addere simul sit satis verba Danielis precatorio libello, & tabulæ constanter oculis patenti inserta:

1. Vita brevis.
2. Forma decipiens.
3. Pecunia fluxa.
4. Imperium invisum.
5. Bellum perniciosum.

6. Victoria anceps.
7. Concordia fallax.
8. Senectus misera.
9. Mors felicitas.
10. Sapientiæ fama perennis.

Summa

Summa Moguntinæ Ecclesiæ felicitate sedit an. 27. mortuus an. 1582. Ecclesiam gubernârunt ea ætate Pontifices Marcellus II. Paulus IV. Pius IV. D. Pius V. & Gregorius XIII.

LVIII. WOLFGANGVS ELECTOR XLII.

WOLfgangus in Vangionibus & Nemetibus antiquo Camerariorum, aliis Dalbergorum, stemmate ortus, in Spirensi simul & Moguntina æde principe eminuit Canonici, ac lapsò tempore utrobique Præpositus. Lectus denique Archipræsul, dum Canonicorum alij Julium Herpipolensem Episcopum judicârunt postulandum, insigne tulit enconium, Julium & ipse sibi longè anteferendum clamitans. Mox dein Augustam ad Comitìa Imperij publica vocatus, causam geminam eamque perdifficilem jovit discutere, quarum altera Heterodoxorum querelas, altera Gebhardi Archiepiscopi quondam Colonienfis ad Luteranorum connubia veriùs, quàm religionem transfugium spectabat. Sebastiani & Danielis Antecessorùm suorum vestigiis gnaviter insistendum ratus, infectos novitatibus libros procul Catholicorum oculis removeri mandavit, non alia de re locutus jucundiùs, quàm de reductione in errores lapsorum, quibus & ipse succurrit consiliis & auxiliis potentissimus. Præbuit ea res ansam Calvinì & Lutheri asseclis, rumore & libellis infamibus proscindendi Societatem Jesu, à Sebastiano, Daniele & Wolfgango maximi habitam, quod horum ultimus ostendit maximopere, testimoniis publicis adversariorum commenta refellens, & Virorum Principum auxilia ea super re implorans. Unde ad Regem Poloniæ etiam dedit literas ob commentum Provinciæ Societatis Polonicæ irrogatum à Germanis Calvinianis. Inter maximi nominis principes, quos eo tempore Moguntia fuit venerata, fuerunt Philippus & Ferdinandus Guilielmi Ducis Bavari filius uterque, magna Wolfgangi voluptate in Atheneo Societatis publico virtutibus

virtutibus & literis navans operam: quibus accessit Carolus Scenissimi Lotharingæ Ducis filius Metensis Episcopus in Canonicorum Moguntinorum Album tum temporis relatus. Compendio dicantur multa. Quod belli & pacis tempore desiderari ultra poterat in Wolfgango, non erat: hostis enim cum nunc instaret cominus à Romana Ecclesia fugitivus, aut eminus in Hungaria Mahometanus, muneri suo Elector examussim satisfecit. Interea prægravi senectute domi detentus in sua provincia, nihil non egit, ut Ecclesiæ, Imperii & suam causam ageret. Serarius Wolfgangi gesta clausit hac coronide: *Funebrem habuit concionem R. D. Ioan. Elgardus SS. Theologia Doctor ejusdemque Principis Sacellanus. Multa de illo dixit, oculatus ipse testis, præclara. I. quod in ægritudine illa sua, cum quadragesimale ageretur jejunium, nulli aut Medico aut alteri carnum esum suademi cedere voluerit. II. Quod quotidianas Canonicasque preces omni omnino die, ne in lethali quidem morbo eas intermittendo diligenter precatus. Et hic memini Oratorem, iusto quodam dolore commotum, in eorum teporem ac desidiam Clericorum invehit, qui nulla sæpe aut levi certè causa domi vel foris, Officii statûsque sui prorsus immemores, Sancto illi Sacramentum precum debito non satisfaciunt. III. quod admodum demisse, magnòque cum animi dolore de peccatis confessus sit, idque audio, illum etiam solitum antea observare & à Confessario Patre, ut sese moneret, ac reprehenderet liberè, petere: peccatorem in se esse, Dei vices illum sustinere. IV. Cum damni aliquid segetibus à feris inferri querela ad eum venissent: malo, dixit, ferinis perpetuo carere carnibus, quàm detrimento affici subditos. Diem suum obiit an. 1601. postquam sedit an. 19. sub Pont. Gregorio XIII. Sixto V. Urbano VII. Gregorio XIV. Innocentio IX. & Clemente VIII.*

SECVLVM XVII.

LIX, IOANNES ELECTOR XLIII.

JOannes Adamus ex illustriissima Bikiorum stirpe germen nobilissimum Herbipoli & Moguntia mansuetioribus & severioribus instructus literis, Franciam & Italiam petiit, ubi ob corporis venustatem & præclaram indolem uno alteròve in hospitio

tentatus, vicit & triumphavit lacrymâs etiam detestatus lascivorum insidias. Moguntiam reversus, & an. 1595. Scholastici, ut appellant, officio honoratus, à perpetuis consiliis fuit Wolffganggo Electori; ubi jam tum rem in Eychfeldia Catholicam promovit, & Heiligenstädiense Societatis JESV Collegium auxiliis firmavit eò loci Legatus missus. An. 1601. ætatis suæ 36. electus Archipræsul, quâ verbis, quâ factis sese præstitit cunctis pretiosissimum. Commodè an. 1602. promulgatum Jubilæum Electoris hujus monstravit exemplâ insignia: in æde enim sacra exhomologesi lustratâ conscientiâ, Deum Evcharisticum è sui Suffraganei manibus accepit, id facientibus Canonicis & civitatis primoribus, ac demum populo numerosissimo. Aliàs verò solenniori modo ad Aram ipse operatus, aut Processionum publicarum Ducem aut Comitem se exhibens, post se attraxit latè circumfusus populos, & quidem etiam Heterodoxos. In hos qualis fuerit Adamus, palàm ostendit disceptatio publica præsentè Christianissimo Rege & Electore hoc ab Ebroicensi Præsule simulque Calvinianorum coryphæo Plessio instituta: ejusdem enim disceptationis synopsis è Gallico in latinum idioma translatam, ac nomini suo dedicatam tam magni fecit, ut detractò è digitis annulò pretiosissimo offerentem sibi devinxerit, palàm testatus, placere sibi maximopere argumenta adversus novatores proposita. Libros è contrario novis placitis infectos Vulcano consecrari, vel saltem removeri mandavit, & plurimos, nisi communia eaque sacra Romana præplacèrent, à Catholicorum mensis exclusos voluit. Zelum Electoris sui ardentissimum laudârunt maximè Comitatus Königsteinianus & Reineggensis, in quibus Catholicæ Religionis præclara jecit fundamenta, & Electorali sua præsentia, quò minùs se opponerent, absterruit Heterodoxos; excitavit verò ad constantiam Orthodoxos. Igitur nihil magis, quàm longè majorem inter vivos ætatem desiderârunt omnes boni in Electro-

re hoc, de quo dicebant, consumatus in brevi explevit tempora multa, 3. nempe annorum compendio vivis est ereptus an. 1604. sub Leone XI. Pont.

LX. IOANNES ELECTOR XLIV.

Joannes Schvvicardus perquam nobilis & antiquæ familiæ de Cronenberg decus, in Germanico Romæ Collegio virtutibus & literis juventutem exornavit. In patriam reversus ab Archipræsule Wolfgango constitutus est in spiritualibus Vicarius, à Metropolitânis verò delectus Scholasticus, dehinc Decanus, ac demum Archiepiscopus an. 1604. Inter Electores Moguntinos postremus fuit omnium, quos aliorum authorum potius, quàm suo testimonio celebratos nobis reliquit Serarius. Paucissima cur de eodem scripserit, causa fuit, quòd scribentem absterruerint & viventis Antistitis modestia, & Historicorum multorum regula, qua cautum sibi dicunt, ut non nisi mortuorum gesta scribant, ne adulationis incurrant notam. In compendiis etiam *ex ungue Leonis* oportet cognoscere: tantus verò fuit Schvvicardus *Leo*, ut supremas in orbe *Aquilas* Rudolpbum II. & Mathiam Augustos fratres sua potissimam autoritate denique conciliaverit. Eminus & cominus contra *Pseudoleones* in Bohemia indutus armis, inter Victores Principes meritò potuit numerari: eapropter à Christiano Brunsvicensi Duce post Pragensem cladem bello vexatus durissimè, Joannem Tillium suum laudavit liberatorem. Genuinos dein æstimare & promovere doctus *Leones* Schvvicardus, rejecto suâ etiam sententiâ Friderico Bohemorum seditiosorum antesignano, *Leonem Bavarum*, Maximilianum I. suo calculo elegit Imperii Dapiferum. Amicis igitur & *Aquilis* & *Leonibus* tutus atque securus, nec latum unguem cessit A catholicis, difficilia sanè passus tempora, ubi nimirum per annos 30. continuos bellum pro aris & focis à nonnullis Pseudo-Christianis, Heterodoxis, & Mahometa-

nis in id unum conspirantibus susceptum est, ut si non penitus solo æquare, saltem multis modis & machinis concussam intueri liceret Romanam Ecclesiam, aut Romanum Imperium. Annus Schvvicardo fuit ultimus 1626. Sedit itaque annis 22, unà cum Pont. Paulo V. Gregorio XV. & Urbano VIII.

LXI. GEORGIUS FRIDERICVS ELECTOR XLV.

Georgius Fridericus de Greiffenclau ad Rhenum ex antiquo & perillustri sanguine natus, suis laude dignissimis gestis eundem maximopere exornavit: vestigiis enim Richardi avunculi sui prioris seculi inter Trevirenses Archiepiscopi præclare institit ab ineunte ætate, cum primùm Moguntiaë Canonicus, mox verò Præpositus, dein Wormatiaë Episcopus, & demum Moguntiaë Archiepiscopus est promulgatus. Inter præclara opera Friderici numerandum venit Imperatoris mandatum, vulgo *Edictum Restitutorium* nuncupatum, quo Heterodoxi in Imperio Viri Principes restituere sunt jussi adempta Ecclesiæ jura & bona: unde natus est tumultus inter malæ fidei possessores maximos, jure belli ea sibi debere vociferantes, & ampliora desiderantes. Annis non nisi 3. Moguntinam rexit Ecclesiam Fridericus sub Pontifice Urbano VIII. an. 1629. jam mortuus, cui longius ævum optârunt non modò Viri clarissimi ex Greiffenclauiensium genere oriundi, atque inter Moguntinos celeberrimi, sed in Ecclesia & in Imperio omnes boni.

LXII. ANSELMVS CASIMIRVS ELECTOR XLVI.

Anselmus Casimirus Perillustrium Equitum cognomento Wambold de Umstatt dictorum insigne decus, inter totius Germaniæ hostiles strepitus est promulgatus, omine nequa-

quaquam fausto : patiendum namque & agendum fortiter eo ipso armorum strepitu dici ritè existimavit sibi, tanto tempore eris Antistes, quanto tempore ignis Martius Romanum turbabit Imperium. An. 1631. à Suecis Moguntiâ Coloniam auffugere compulſus, ex tristibus nuntiis intellexit Aschaffenburgum, Höchstium, Bingium, & Germershemium ab hostibus esse expugnata & occupata. Mox secutus nuntius prioribus tristior, cedentibus Hispanis Moguntiam etiam Suecis esse traditam, cives gravissimis tributis onerari, agrestem plebem Moguntino Archipræsuli subditam durissimè haberi: paucis multa, Heterodoxorum hostium arbitrio universas Moguntini Electoris ditiones esse relictas, referebat. Anno 1635. Moguntiam stratagemate liberaturi Duces Cæsarei & cives, incassum laborârunt tristissimo rei eventu: agrestium enim non nemo Secreti hujus conscius, & à Suecis interceptus, dum dolum aperuit, civium plurimis exitium peperit. Eodem tamen anno restituta Moguntia, anno tandem 1636. reducem ab exilio recepit Archipræsulem, qui eo ex tempore variam tulit belli aleam, nunc his nunc illis pressus hostibus, quos suis etiam intervallis distinxit Mars amicus, siqua tamen possit esse Marti sincera amicitia. *Nulla salus bello pacem deposcimus omnes*, creberimè exclamavit Anselmus, inter bella tamen mortuus an. 1647. Francofurti dum de pace Westphalica inter Imperii arbitros etiam ipse deliberavit an. Sedis 18. sub Pontificibus Urbano VIII. & Innocentio X.

LXIII. IOANNES PHILIPPVS ELECTOR XLVII.

Joannes Pphilippus perantiqui, & hodie per Europam universam clarissimi Steînatis de Schönborn Lucifer, à primis suis incunabilis insignia dedit documenta, qua sit origine natus, & cui bono, nimirum per Ecclesiam & Imperium maximo sit educatus.

Pa-

Pacis Westphalicæ invito Pontifice unâ cum viris Principibus multis subscribere coactus, ex malis plurimis elicuit etiâ illud bonum, quo provinciam, Viam Montanam nuncupatam; & jam seculis duobus Palatino Electori elocatam, solutâ auri summâ gravissimâ redemit. Annis ab inita pace proximis pacis fructus ubique collegit, ut ditiones Moguntinas, quâ in Imperio universas ab hostibus convulsas consiliis & auxiliis restitueret. An. 1658, Ferdinando III. Cæsari justis persolutis, Leopoldum Imperatorem Francofurti coronavit, ubi simul lis inter Electorem Moguntinum & Coloniensem pridem de coronatione Cæsaris exorta, ea tandem lege est composita, ut si seculis venturis coronaretur Imperator in urbe Electoris Moguntini jurisdictioni subjecta, coronam Augusto imponeret Moguntia Elector; si verò urbs alia Colonienfi Archipræsuli subdita similem consequeretur honorem, coronâ Imperii Imperatorem exornaret Antistes Colonienfis. Si tandem urbs neutrius potestati mancipata coronando Imperatori idonea deligeretur, honore alterno gauderet nunc Elector Moguntinus, nunc Colonienfis. Discordias etiâ Erfurdia ab annis multis permolestas eo tandem sustulit fructu, ut privilegio libertatis Imperialis privatam penitus fecerit ditionis suæ, sola religionis libertate civibus relicta. Desidium dein inter Electorem Moguntinum & Palatinum de jure venationis motum faciliè discussit Philippus. Plurimis aliis tum Ecclesiæ, tum Imperij causis ritè componendis est adhibitus, Pontifici & Imperatori pretiosus Antistes, qui nullis difficultatibus abstergitus crebrò dixit: *Dii laboribus omnia vendunt*, unde eiusdem aula glorioso nomine *Aula laboriosa* passim est nuncupata & laudata. Cum verò post absolutos crebrò labores gloriosos adessent, ut fieri amat, adulatores aulici, cum stomacho quamprimum rejecit, dicere solitus: *non nobis Domine non nobis, sed nomini tuo da gloriam*. An. 1673. Sedis 27. agoni proximus inter alia multa notatu dignissima dicta illud non fuit postremum, quo pronuntiavit: *DEO, in cuius conspectu sto, notum est, quòd Ecclesiæ, Imperatori & Romano Imperio*

constanter servire amatum. Sedit sub Pontificibus Innocentio X. Alexandro VII. Clemente IX. & Clemente X.

LXIV. LOTHARIUS FRIDERICVS. ELECTOR XLVIII.

Lotharius Fridericus ex Comitum de Metternich multis
iisque clarissimis infulis, aliisque tum Ecclesiæ tum Imperii
nobilissimis insignibus exornata prosapia ortus, suis meritis
maximis consecutus est Pastorale Pedum Spiræ, Wormatiæ &
demum Moguntiz. Tantos honores & vitam diuturniorem in-
vidisse Lothario visi sunt Galli, qui eodem anno 1673. quo le-
ctus est Archipræsul, Aschaffenburgum occupârunt dolore Ele-
ctoris sui maximo. Præfecturam etiam Bökelhemiensem cede-
re iussus ab Imperatore Electori Palatino, afflictionem tulit alte-
ram. Tertiam addidit mors repentino apoplexiæ malo sternens
Lotharium, cuius agonizantis ultima verba totius vitæ compen-
dium & testimonium hæc fuere: *in manus tuas Domine commendo Spiritum
meum.* Sedit an. 2. sub Clemente X.

LXV. DAMIANVS HARTADVS. ELECTOR XLIX.

Damianus Hartadus Caroli Caspari Electoris Trevirensis
Germanus frater, perantiquam familiam suam Baro-
num de Leyen non minùs, quàm alii plures vel infulis
excelsi, vel togâ sagoque illustres decoravit. Eam igitur ob cau-
sam Wormatiæ Episcopus electus, & Moguntiz Archipræsul cre-
atus, plura præclaris desideriis, quàm opere præstitit, non nisi 3.
annorum Elector; quo temporis spatio Successoribus magnifi-
cam extruxit Moguntiz Sedem: cui proinde dixerunt mortuo:
Sic vos non vobis edificatis aves. Multis suis egregiis factis, quorum ta-

men

men non nisi obscuram habemus notitiam, non propriam, sed divini Numinis gloriam scopum præfixisse ex eo conicere licet facile, quòd in agone ultimo nunquam non repetendum sibi putaverit illud, quod Ecclesia Orthodoxa continuò repetit dicens: *Gloria Patri & Filio & Spiritui sancto*. Mors vivis eripuit an. 1678. sub Pont. Innocentio XI.

LXVI. CAROLVS HENRICVS ELECTOR L.

Carolus Henricus de Metternich Lothario Friderico Moguntiae Electori abhinc annis 4. defuncto sanguinis propinquitate simulque morum & studiorum conformitate conjunctus totidem, quot ille, vixit annos, an. ætatis 57. jam sepultus, decem mensium duntaxat Elector. De Ecclesia simul Moguntina & Trevirensi optimè meritum dixerunt præsertim Canonici illi, qui primò utriusque Ecclesiae custodem, mox verò Moguntiae, ut vocant, Chori-Episcopum, & demum Archipræfulem elegerunt. De Imperio non minùs optimè meritum dixit testis maximus Leopoldus Imperator, qui Carolum hunc ob varias legationes laudatissimo modo obitas, & præclara alia in Republicam merita Imperii Comitibus annumerandum censuit. Cæterùm quantam Elector hic fiduciam in DEum conceperit, verbis propriis instar Symboli frequenter adhibitis manifestavit, dum dixit: *spe fretus divina, saltando superabo mœnia*, Saltus tamen aut lapsus immaturus nimis præcipitem egit in sepulchrum an. 1679; sub Innocentio XI.

LXVII. ANSELMVS FRANCISCVS, ELECTOR LI.

Anselmus Franciscus ex clarissima familia Rhenana de Ingelheim mundo natus, in Moguntina æde Cathedrali diversos contendit honorum gradus, quos inter Archipresbyteri

byteri non fuit postremus. Erfordiz exinde urbi Administrator datus, multis virtutibus suis amplius illustravit aliàs jam præclarum nomen. Creatus denique Moguntiz Elector inimica sustinuit fata, primò intentata, & mox inflicta à Gallis Germanorum hostibus, à quibus Sedem relinquere suam coactus, Erfordiam aufugit, ubi per annum commoratus inter spem metumque hæsit. An. 1689. à Cæsareis copiis Solio suo restitutus, venit inde Augustam Vindelicorum, ubi coronis regis Augusta Capita, nimirum Josephum Romanorum Regem, & huius Genitricem Eleonoram Magdalenam exornavit, rebus multis aliis in Imperii emolumentum ibidem compositis. Annis reliquis unum, quin & alterum sibi delegit Adjutorem, quorum primus Ludovicus Antonius Dux Palatinus in flore ætatis an. 1694. est defunctus, singulari Moguntinorum, Wormatiensium, & Leodiensium, quibus jam prius Episcopus præluxit, luctu ac mærore. In huius igitur locum vocavit sibi in officio arduo Adjutorem, quem etiam hodie demississimè veneramur Lotharium Franciscum, cui Anselmus post Sedis annos 16. an. 1695. quævis in terris reliquit onera, & munera. Sederunt Pontifices Innocentius XI. Alexander VIII. & Innocentius XII.

LXVIII. LOTHARIUS FRANCISCUS ELECTOR LII.

Lotharius Franciscus inter sydera Schönbornensia, ut ita dicamus, in cælo Ecclesiæ militantis, & Imperii Romani pugnantis ac certantis, jam pridem, hodièque lucidissima, Ecclesiam Bambergensem an. 1693. majori suo lumine cœpit illustrare, lectus eodem tempore Episcopus. Idem anno, uti dictum superius. 1649. Moguntino Archiepiscopo Coadjutor, ut vocamus, exoptatus perbene, an. 1695. extincto Anselmo Electore tanquam clarissimo lumine inter primæ magnitudinis sy-

K

dera

dera in Ecclesia & Imperio quaquaversum suos emisit radios, domi forisque, eminus & cominus, consiliis & auxiliis potentissimus. His paucissimis lineis, hoc aliisque huic similibus locis contentus, de vivis haud pergam scribere; calamus tamen non excutiam, sed atramento, aut melius, colore pretiosissimo servabo plenum tempori, ut nimirum posterì post fata Lotharii aliorumque Virorum Principum unà cum pictoribus egregia mortuorum facta possint scribere, & pingere literis aureis. Interea vivis vitam optare longissimam, sit inter prima Historici desideria, utpote in cuius votis sint Virorum Principum non tam fata ultima, quàm facta optima.



Præ




PRAEFATIO

A D

LECTOREM

BREVISSIMA.

Series Moguntiae inter Germanas easque sacras prima, trahit post se Seriem alteram, Trevirensium nempe, quam paucis expediendam esse sum ratus, exemplo ductus Patrum duorum Brovveri & Masenii, aut alterius certè, cuius nimirum compendiaria Archiepiscoporum simul & Electorum Trevirensium Series ad manus est, Æqui igitur bonique, uti sperare fas est, consulet Lector Benevolus, si ex dicto Archiepiscoporum Trevirensium compendio non pauca sparsim accipiam verba, quoniam authoris non displicet brevitās, & claritas, & stylus, & veritas, nec tandem aliud suadet necessitas,



S E R I E S
E P I S C O P O R U M
T R E V I R E N -
S I U M .
P E R I O D U S I .

S E C V L V M P R I M V M ,

I . D . E U C H A R I U S .

Exit præclare Poeta: & documenta damus, qua finis origines
nati. Clarissima sanè est origo, & paria sunt docu-
 menta trium Episcoporum inter Germanos ferè Prin-
 cipum, de quibus accipe Lector sequentia. D. Eu-
 charius ex 72. Discipulorum numero Christi Disci-
 pulus, anno post reparatam Salutem 50. à D. Pontifice Petro
 cum Diacono D. Valerio & Subdiacono D. Materno ad Germa-
 nos missus, venit in Alsatiam, ubi in villa, quam populares no-
 minârunt, D. Maternus repentè succubuit morti. Sepulto socio
 ter-

tertio bini propere Romam repetière. Verùm à D. Petro novis documentis instructi, & ocyùs in Germaniam remissi, dum ad Ellenensem villam redièrè, & præscriptâ verborum formulâ Maternum è sepulchro evocavère, subito dictis obediens surrexit redivivus. Inde Mosellam versùs iter aggressi, eodem secundo flumine Treviros descenderunt, futuri omnes ibidem Episcopi. Horum primus Eucharius vix metam attingit, mox ab Albana vidua prædivite in domum susceptus, eò magis placuit, quòd eiusdem filium paulò antè è vivis ereptum matri vivum reddiderit. Horum aliorumque multorum ad Christum conversioni post annos circiter 20. Trevirensis Senator accedens, præcipuam urbis maximæ partem exemplo potentissimo traxit: unde magnificum templum erectum, copiosissimum attraxit populum; minimè ùt quondam pertinacem & reluctantem: priùs enim cùm ad conferendam multitudinem minùs tum grata diceret Eucharius, & jam multis lapidibus peteretur, subito omnium obriguère manus eò usque, donec denique Superi auditis D. Episcopi precibus membrorum usum miseris mortalibus reddidère. Animam Deo reddidit pretiosissimam die 8. Decemb. an. Christi 73. cum sedisset Episcopus an. 23. Agonizantis cubiculum lux clarissima illustrans, dissipavit multorum tenebras.

II. D. VALERIVS.

EX divina Schola non Discipulum ampliùs, sed Magistrum prodiisse, & venisse in Germaniam abundè dictum. Successor D. Eucharìo non tam ab homine, quam à Deo electus, Trevirensibus annis 15. Episcopus placuit: unde eidem & vivere & mori absque sanguine datum est. Confessorem itaque an. 88. 29. Januarii mortuum in eadem sepelièrunt æde, quam vivis & mortuis crexit D. Eucharius.

S E C U L U M II.

III. D. MATERNVS.

Qualis quantūque fuerit D. Maternus, docuere jam gesta D. Eucharrii superius compendio data. Colonienſibus ſimul & Tungriſ Apſtolus miſſus, vitam vixit Apoſtolicam, & vivere docuit Chriſtianam. Annis tot vixit Epiſcopus, quot diebus in ſepulchro delituit, mortuus nimirum 40. Año itaque alterius ſeculi 28. dum Colonia in cœlos evolavit beata anima, corpus miraculſ conſpicuum Colonia Treviros aſcendit, ut quos Deus conjunxit inter vivos, mors non ſepararet inter mortuos.

IV. D. AVSPICIVS.

D. Materno in Sede Trevirenſium ſucceſſiſſe D. Auſpiciū, Author & teſtis eſt Methodius, cuius teſtimonio perſuaſi Martyrem dicimus, & teſtanti Eccleſiæ credimus; quo autem mortis genere aut tempore mortem Martyr glorioſus vicerit, ignoramus.

V. D. CELSVS.

Poſt S. Auſpiciū felici ſorte auſpicatus Epiſcopatum Trevirenſem S. Celſus feliciori morte finiit: poſtquam videlicet non niſi 13. annis, cum multis jam Chriſtianorum hoſtibus, armis certavit ſacris, inter Martyres Dux ſtetit, dum cecidit an. 142. 23. Februarii. ſeculo dein X. ejuſdem reliquias Egbertus Archipræſul laudatiſſimus è ſepulchro eruit, atque in editiori loco collocavit, quibus debitum ſuum honorem exhibendum eſſe ſuaſerunt miracula, nimirum & odor & ignis cœleſtis, cum hic illæſas ſervaret, ille infirmis vires & ſpiritum daret.

VL

VI. D. FELIX.

ANtonius cognomento Pius Imperator imperavit, dum S. Felix Trevirensis Ecclesiam Episcopus gubernavit, pacis tempore multis recreatus animarum fructibus: semen namque Romanæ Fidei, authore etiam D. Felice per Germaniam & Galliam longè latèque spargebatur D. Pio Pontifice, ut id fieret, plurimùm hortante, & uberem benedictionem impertiente. Quin ut augetur semen, sanguinem suum fuderunt & Pius & Felix, dum Marcus Aurelius, aut veriùs frater Lucius Verus præfides suos Christianorum hostes acerrimos per provincias Romanas vigiliarum, inquisitorum & tortorum more distribuit & collocavit, ut Christianorum aras everterent, & severissimas pœnas de earundem præsertim authoribus exigerent. Lucio Vero succedentibus tyrannis pluribus, tamen Episcoporum Trevirensium aliorumque Series non sit interrupta, de gestis tamen & eorundem annis haud constat satis; unde solis Episcoporum nominibus Lectorem oportet esse contentum.

VII. S. MANSUETUS.

VIII. CLEMENS.

IX. MOYSES.

X. S. MARTINUS M.

S E C U L U M III.

XI. ANASTASIUS.

XII. ANDREAS.

XIII. RUSTICUS I.

XIV.

XIV. D. AVTOR.

D. Author à Mariano & Methodio brevissimè, sed simul maximè laudatus Episcopus, sæviante Maximino Thrace inter socios Sacerdotes multos cecidit Martyr dignissimus, cuius reliquiæ Brunsvigum, & inde Paderbornam venerationis causâ transferrentur.

XV. MAURITIUS, aliis Fauritius, mort. an. 244.

XVI. FORTUNATUS.

XVII. CASSIANUS.

XVIII. D. MARCUS.

XIX. D. NAVITUS.

Ex allato hætenus Episcoporum numero Methodius collegit 16. Martyrio insignes.

XX. D. MARCELLVS.

D. Marcellus cum Eiscopis Successoribus incidit in difficilissima tempora, quibus Diocletianus & Imperii Collega Maximianus Hercules per Ricium Varum præsidem Treviris præsertim in Christianos severissimè, juxtà ac crudelissimè sævièrunt: aliàs nimirum sæpe, & præcipuè per tridui aliquando spatium in campum Martium eduèti, aut pecorum more per portas urbis expulsi, & Diis thus adolere jussi Christianorum propemodum innumeri, cum inter unius Divini Numinis laudes constanter perseverassent, ad unum omnes variis suppliciis torti & enecti, denique in Mosellam fuerunt demersi; unde fluvii undæ per sex leucarum spatia sanguineo colore rubuisse perhibentur. Porro Martyrum horum incredibilem copiam die mensis Octobris sexta sub

Mat-

Martyrum innumerabilium titulo celebrare statuit Christiana posteritas. Inter Martyres unà cùm D. Marcello & Collegis Senatoribus emi-
nuit D. Palmatius Consul; Senatorum verò nomina testantur fu-
isse sequentia: Maxentius, Constantinus, Crescentius, Justinus,
Leander, Alexander, Soter, Hormista, Papyrius, Constans & Jo-
vinianus, omnes origine, & fortè nativitate Romani clarissimi.
Annus D. Marcelli ultimus scribitur esse annus Christi 277.

XXI. S. METROPOLUS.

SE C U L U M IV.

XXII. S. SEVERINUS I.

XXIII. S. FLORENTIUS.


XXIV. S. MARTINUS II.

XXV. S. MAXIMINUS.

S. Maximinus circa annum Seculi IV. duodecimum Trevir̃s
præsentem veneratus est Imperatorem Constantinum M.
qui haud procul inde, aut certè in Gallia ex testimonio
tam Antiquorum, quàm Recentiorum Historicorum communissi-
mo, signum sacratissimæ Crucis in aere divinitus efformatum, &
his aut similibus literis exornatum vidit: *in hoc vince*: aut *in hoc signo
vinces*. De anno obitûs S. Maximini vix bene constat; sancta ex-
tinctum morte an. 322. existimant.

XXVI. S. VALENTINUS.

*De memoratis hætenus Episcopis Trevirensibus vide Tornum Brovverii I. & II. atque
in his documenta longè plura Ecclesiæ Trevirensis.*



S E R I E S

ARCHIEPISCOPORVM ET PRIMATVM

TREVIRENSIUM.

P E R I O D U S II.

XXVII. D. AGRITIVS. I. ARCHIEP.

D. Agritius Antiochiâ Romam D. Helenæ nutu evocatus & auxilio translatus, D. Sylvestro Romano Pontifici ad eod prætiosum se exhibuit, ut ab eodem Supremo Episcopo literas acceperit testes Primatus sui, quem à principio suo Antecessores Episcopi jam tenuisse creduntur. Mutata deinde tempora mutaverunt non parùm rem Trevirensium per Germaniam & Galliam, Imperatoribus & Regibus ab antiquo more rem diversam petentibus Romæ, & facillè impetrantibus. Cæterùm D. Agritius Trevirîs omni ex parte confirmatus, ex domo, quæ erat in urbe princeps & regia, Metropolitanam formavit ædem, cuius etiam hodie reliquiæ & monumenta supersunt; palatium verò Constantini M. Imperatorium, in Ecclesiasticorum Virorum domicilium S. Maximini nomine postea insignitum, metamorphosi felicissima est conversum. Templâ duo alia auctore Agritio, impensis D. Helenæ sunt excitata, alterum nempe in colle S. Crucis, alterum juxta portam cognomento *Albam*, aut hodie *Altam* dictam: testium loco sint rudera & ruina. Christi togam inconsutilem ab Agritii ætate ad nostra usque tempora Trevirîs conservari, non audent negare ipsi etiam Reliquiarum sacrarum ocores. Annos circiter 8. Treviros gubernavit Agritius, sepultus in monasterio S. Maximini an, 335.

XXVIII.

XXVIII. S. MAXIMINVS. II. ARCH.

S Maximinus ab Agritio inter vivos superstite exoptatus jam Successor, contra Arianos Apostolicæ & Nicænæ Fidei hostes acutissimos & acerrimos propugnator extitit; Sardicensis in Thracia Concilii præsens arbiter, & primæ fortè author contra Arianos latæ sententiæ. D. Athanasius Alexandriæ Patriarcha Constantinopoli Treviros usque, prævalentibus apud Imperatorem inimicorum insidiis, in exilium missus, Maximinum inter celeberrimos sui ævi Antistites numeravit. Quin maximi fecerunt Magnentius & Decentius tyranni à D. Maximino meliora educti, quem ad Constantinum miserunt Legatum, at de Legati sui in via mortui obitu nuntium acceperunt re, quam transigendam comiserant, plurimum infecta. Quanti sit habitus suo tempore, non in Occidente tantum, sed in Oriente etiam, ex Socratis Historici antiquissimi testimonio, quòd Parisiis Pithæi Bibliotheca etiam in lucem prodidit, liceat paucis intelligere. Arianorum in Julium Pontificem, in Osium Concilii Nicæni Præsidem, & in alios maximi nominis Archiepiscopos conceptum odium ex his colligitur verbis: *Inlucum urbis Romæ, Osium, & Protogenem & Gaudentium & Maximinum à Treviris damnavit omne (Arianorum) Concilium, secundum antiquissimam legem; ut authores communionis Marcelli & Athanasii ceterorumque sceleratorum, quique etiam homicidiis Pauli Constantinopolitani & cruenti actibus eius communicaverunt. Nominatim verò Maximinum à Treviris, propter quòd collegas nostros Episcopos, quos ad Gallias miseramus, noluerit suscipere; & quoniam Paulo Constantinopolitano nefario homini ac perdito, primus ipse communicavit & quòd ipse tantæ cladis causa fuit, ut Paulus ad Constantinopolim civitatem revocaretur, propter quòd homicidia multa facta sunt. Causa igitur homicidiorum tantorum ipse fuit, quæ Paulum olim damnatum ad Constantinopolim revocavit.* Pseudo Arianorum concilio opponatur Synodus Colonienfis, & D. Servatii gesta posteris hunc in modum relicta: *quanto Maximinus studio proconservanda fidei integritate excubavit, aliis etiam demonstravit, cum Agrippina Synodali evocato conventu Euphratem Episcopum hæretica pravitate corruptum, cum his, qui frequenter conven-*

ram Pontificibus, gradu movit, Ecclesiasticâ usque censurâ. In Aquitania, quo negotiorum gravissimorum causâ abiit, post sedis annos 15. è vivis excessisse proditum est memoriæ. Cadaver inter miracula populum ad venerationem tanti Archipræfulis excitantia Treviros translatum est an. 351. E miraculorum numero esse censetur paralytis prope Mosomagum ægro depulsa, & malignus spiritus Ivodii ex obsessio corpore fugatus.

XXIX, D. PAVLINVS, III. ARCH.

D. Paulinus ex Aquitania ad D. Agritii disciplinam Treviros accessit unâ cum S. Maximino, utriusque in Archiepiscopatu Trevirensi Successor dignissimus: Treviris namque vigilantissimi Pastoris munere functus, Arianos in Pseudo-Sirmienſi Synodo eminus impugnavit, & in Mediolanenſi Concilio cominus expugnare laboravit, ejectus hanc ob causam à Constantio Arianis addictissimo Imperatore in exilium. In Phrygia anno exilii 4. placidè vitam finiit, aut aliorum testimonio, jubente Constantio capite plexus est an. 358. *Vide Thrithemium & Proverbum.* Argumento virtutis & sanctitatis Paulinianæ sint verba à DD. Athanasio & Hilario relicta: Athanasius in epist. ad solit. ita orditur, aut verius prosequitur epistolam: cum deinceps & verbis & sententiis inherens, seque arbitrantur plurimis insidiari, non animadvertunt, se plures facere Confessores. Ex quo numero clarissima fuerunt confessionis Viri Religiosi & Episcopi boni, Paulinus Episcopus à Treviris (quæ Galliarum Metropolis est) Lucifer Metropolitani Episcopus Sardinie &c. &c. D. Hilarii sententia contra Constantium Imperatorem pro D. Paulino his sequitur verbis: At nunc fructus operum tuorum, lute rapax, audi. Postquam omnia contulisti arma adversus fidem Occidentis, & exercitus tuos convertisti in oves Christi, refugere nihil sub Nerone licuit. At tu Paulinum beatæ passionis Virum, blandimento sollicitatum relegasti. & Ecclesiam sanctarum Trevirorum, tali sacerdote spoliasti: ediculis fidem tenuisti, ipsum usque ad mortem demeristi, exiliis & fatigasti! extra Christianum quoque nomen relegasti: ne panem aut de herco tuo sumeret, aut de Montani Maximillæq. antro profanatum, expallaret. Ex Ori-

ente

riente in Occidentem Treviros usque transtulit ossa D. Paulini miraculis conspicua, S. Felix II, Pontifex Romanus.

XXX. D. BONNOSVS. IV. ARCH.

D. Bonnosus quamvis clarissimos inter Trevirensium Archiepiscopos annis 24. continuis locum vindicârit sibi, in Divorum Album referri etiam meritus, brevissimo nihilominus encomiorum compendio hoc à Brovvero posteris commendatur: *S. Bonnosus, sive Bonnosus: sub quo à Valentino Imper. Treviris commotante obtinetur, ne, quod invaluerat, Christiani ab actoribus dje Dominica convenirentur, Quod sanctione decretum est. Demum Bonnosus, postquam annis pluribus sanctè præsedis, Treviris moritur. Sepultus est ad S. Paulinum.* Si itaque D. Bonnosii sortes humana exanimentur bilance, felicissimum fuisse dicimus, quòb Valentinum Cæsarem clementissimum sibi expertus sit: inter beatas sortes eam fortassis numerare convenit, qua D. Hieronymum Trevirîs litterarum causâ advenam videre & venerari licuit.

XXXI. D. BRITONIVS. V. ARCH.

D. Britonius ab aliis Brito, aut Britannus nominatus, S. Bonnofo successit in Archiepiscopali Trevirorum Cathedra; cuius tametsi gesta pleraque literis non habeantur expressa, quemadmodum multorum aliorum Episcoporum, licèt in Divorum Cathalogos relatorum, variis tamen Episcoporum Conciliis tum Romæ, tum Trevirîs ritè celebratis interfuisse legitur. S. Britonii ætate Episcopi Luciferiani Maximo Imperatori adhærebant maximopere, eo persuasi argumento, quòd crederent, potentiâ Maximi Priscilianum in Hispania hæreticum cum sectatoribus quamprimum è medio posse tolli. At fortissimè obstitère DD. Ambrosius, Martinus & Britonius, eò quòd seculari potestati iudicium de rebus Ecclesiæ tribuissent Luciferiani schismatici. Annis 4. absolvit Episcopatum an. 386. mortuus.

XXXII. D. FELIX. II. VI. ARCH.

D Felix in ea difficillima incidit tempora, ut quid ageret, aut omitteret, unà cum Episcopis aliis incertissimum haberet. Unde Methodius in hunc maximè modum scripsit: *ea tempestate Felix, tertius post Paulinum Trevericam in Pontificatu sortitus est Ecclesiam, Maximo Imperatore tyranno Rempublicam tunc in his partibus gerente, & Trevirim hæreticorum cladibus pulsante, Tunc B. Martinus Trevirim venit, & cum Felice ruit.* Felix nimirum ab Ebiscoporum Synodo, Maximi tyranni tanquam supremi judicis partibus addicta, & electus & ordinatus est D. Martino præsentè & connivente: quam ob rem unà cum Felice à cœlesti nuntio reprehensus Martinus, crebris lacrymâs pœnitentiæ testibus culpam admissam expiavit. Locum eluendis culpis peridoneum ipse struxit sibi Archipræsul; translatis enim ex Phrygia D. Paulini ossibus ædificavit monasterium, cuius & ipse membrum nobilissimum est effectus, postquam honores quovis publicos reliquit. De anno abdicationis vix bene constat: annum mortis 398. legimus. Sulpitius Severus de D. Felice hæc memoravit: *postridie Felicis Episcopi ordinatio parabatur, sanctissimi sanè Viri & planè digni, qui meliori tempore Sacerdos fieret.*

S E C U L U M V.

XXXIII. MAVRITIVS II. VII. ARCH.

Non quanta egerint, sed passi fuerint Mauritius Archipræsul & Successores, compertum est: hæresibus namque passim & sceleribus (ut jungi consueverunt) toto orbe Christiano exundantibus, Deus scelerum & hæresum vindex, Gothos, Hunnos, Wandalos aliòsque hostes suscitavit. Trevirenses igitur, quòd luxu & ebrietate diffuerent, à Crocho Wandalorum Duce sub Episcopo suo Mauritio ferè sunt excisi penitus, magnificis passim ædificiis subversis. Monasteria nihilominus, & quidem

dem Fœminarum etiam jam ea ætate Treviriſ floruiſſe, argumēto eſt, quòd Baſſula proconſularis vidua, monaſticam iſthic vitam ſit amplexa, & Severus Sulpitius defuncta conjuge ſua Baſſulæ filia, exemplum ſocrus ſuæ ſit ſecutus. Sulpitii domus primùm in pauperum hoſpitiū converſa, tandem Baſilicæ ſacræ formam induit. Mauritius Archipræſul curiſ confectus & laboribus diem obiit an. 407. 9. an. Sed.

XXXIV. D. LEONTIVS. VIII. ARCH.

D. Leontius ex nobili Pontiorum genere in Aquitania natus, ut eſt opinio, natales virtutibus illuſtravit, quarum adminiculò electus Archiepiſcopus, & in Divorum numerum adſcriptus eſt Divus, Superis tamen, quàm mortalibus notior. Annis 2. præſuit, mortuus an. 409.

XXXV. D. AVTHOR. II. IX. ARCH.

D. Author Trevirenſium Sedem conſcendit avibus parùm fauſtis: mox enim altera Francorum adhuc moribus & aris aſſuetorum populorum irruptio tentata eſt, D. Authori mœſtiſſima; cui haud multò poſt acceſſit tertia, *nihilò perclaudes graviſſimas*, ut Salvianus inquilinus conqueritur, *melioribus Trevirorum civibus*. An D. Author ex S. Mauri Monafterio Alſatico Treviros fuerit tranſlatus, dubitari meritò aſſerit Brovverus: Tabenæ illum juxta S. Quiriacum quieſcere, eſt fide dignius. Sepultus eſt an. 427. ſedit an. 18.

XXXVI. S. SEVERVS. X. ARCH.

S. Severus D. Lupo Trecaſſino miræ ſanctitatis & doctrinæ Epicoſo diſcipulus dedit operam. Diſciplinæ ſocios nactus eſt Polychronium Virdunenſem, & Albinum Catalaunenſem Epicoſos, multis præclaris operibus clariffimos. Et verò in maximo Germaniæ Galliæque mœrore, ea propemodum

dum summa ac memoranda fuit felicitas, quòd pleræque provin-
ciarum regiones egregiis fuerint custoditæ Pastoribus, inter quos
Severum meritò sunt veneratæ. Porro huius in Christi Fide
propaganda ardorem, & in curandis ovium suarum vulneribus
industriam, inde intelligamus licet, quòd Apostolico Spiritu ple-
nus, non Belgii finibus concludi, sed finitimis perinde Germaniæ
populis ac remotis, & inter hos Britannis ab orbe nostro divisis,
operam desudare suam industriamque, præclarum duxerit. Ple-
nus itaque virtutibus & meritis terras reliquit an. 455. Sed. 28.

XXXVII. D. CYRILLVS. XI. ARCH.

D. Cyrillus D. Severi Successor Antecessori fuit simillimus,
si annos Sedis perpaucos demamus: duobus enim dun-
taxat Archiepiscopus fuit, ut esset longè pluribus, de-
siderium sui reliquit plurimis an. 457. jam vivis ereptus. In pri-
mis voluit esse curis templorum destructorum restorationem;
templis accessit S. Eucharii Oratorium, cui adjecit Monasterium,
quod S. Mathiæ nomine nuncupârunt posterì. DD. Eucharii,
Valerii & Materni Reliquiis locum hunc novum exornavit. San-
ctis denique Sanctus ipse est appositus an. 457.

XXXVIII. HIMERIVS. XII. ARCH.

Himerius etiam Jamiricus & Jamblychus appellatus, unius
duntaxat anni Archiepiscopus, magnas meritis est lau-
des; ipsum namque in epistola ad Arbogastem Comi-
tem Trevirensis datâ, Auspicius Tullensis Episcopus *sanctum*, Si-
donius verò *Virum consummatissimum* dixit.

XXXIX. EVEMERVS. XIII. ARCH.

EVemerus Archiepiscopus annis 3. Germanicas latè provincias bellorum turbis doluit involvi, & ipsum Occidentis Imperium sub Imperatore Valentiniano III. ob publica scelera penitus collabi. Tumulo illatus est Evemerus an. 461.

XL. S. MARVS. XIV. ARCH.

SMarus annorum 4. Archipræsul insigni Religionis zelo claudit: testimonium dicant verba Brovveri relicta & legenda posteritati: *Marus maiorum literis, at amissis injuriâ temporum celebratus, Decessoris Cyrilli vestigia renovavit; basilicam namque Virgini Matri à D. Felice exstructam, communi verò postea urbis incendio ac populatione Hunnorum corruptam reparavit, sepulturam in æde D. Paulini operis antiqui, nec inelegantis cum multiplici anathemate, hac inscriptione illustrem adeptus:*

*Præsul Marus Deo
Dilectus multas
Carne vincens, egit
Virtutes. Cuncta
Ejus vitæ liber
habet.*

Librum eum, ut alia pleraque vetustas abolevit. Sed quantum Vir hic sanctitate præstiterit ac morum innocentiam, innumera prodidit miracula, quibus sepulchrum eius veneratione plenissimum, omni seculorum ætate gloriosum extitit. Repositus in Divorum numero colitur die 26. Januarii an. 465. Treviris erptus.

XLI. VOLVSIANVS, XV. ARCH.

VOlusianus post D. Marum Trevirorum Ecclesiam regendam suscepit à providentia multum laudatus: Metropolitæ quippe & Primatus dignitatem, qua D. Agritius à Sylvestro Pontifice eximie fuerat ornatus, literis novis in rei antiquioris fidem datis, confirmari & instaurari providè curavit, ne

M

nimi-

nimirum præmunita recentiori sigillo dignitas cum interitu urbis sensim obsolesceret. Laudatus ob hoc ab Hilario Pontifice, laudari meretur etiam hodie. Mortuum extulerunt post Sedis annum 4. Christi 469.

XLII. D. MILETVS. XVI. ARCH.

D. Miletus multorum Episcoporum more nomine duntaxat & sanctitatis titulo notatus, vidit Trevirenses in jura Francorum, exclusis penitus Romanis Præsidibus, concedere. Haudquaquam inde diminuta potestas Pontificis, quin firmiores radices accepit, Francis Politicam Romanorum potestatem pede conculcantibus, potestatem verò Ecclesiasticam toto vertice venerantibus. Annis 7. Treviros gubernavit an. 476. mort.

XLIII. D. MODESTVS. XVII. ARCH.

D. Modestus an. 3. sedit Trevirensium Archiepiscopus, cuius vitæ compendium vel uno *sanctitatis* nomine posteritati est commendatum.

XLIV. MAXIMIANVS. XVIII. ARCH.

Maximianus tametsi annis 20. Trevirensium conservârit Ecclesiam, non nisi paucissimas de eodem tamen dedere nobis lineas seduli in Archiepiscoporum facta inquisitores: unde Brovverus hanc expressit synopsis: *Porro hinc Ecclesia Trevirica Præfatus Antistes Maximianus, qui annum circiter quadringentesimum octogesimum atigit. neque interim ullis ad memoriam claris actionibus hi omnes Episcopi, quos diximus innuere: ut fatiget animum successiones has necesse tam crebras, & rerum etiam, quod caput est, inanes &c.*

S E C U L U M VI.

XLV. S. FIBITIVS. XIX. ARCH.

ANno Salutis 500. D. Fibitius Archipræſul creatus Episcopali munere cœpit inclareſcere; ejuſdem namque probatam multis egregiis factis Sanctimoniam, patrata etiam poſt mortem beatiffimam miracula prodiderunt. Oſſa D. Antiſtitis in Oratorio juxta Moſellæ pontem ſepulta, vel improborum injuriâ, vel religione Chriſtianorum immodica, loco ſuo amota ſunt: nihilominus S. Præſulis in Eccleſia manet & viget memoria perpetua. An. ſeculi V. 28. mortuus, totidem annos Sedis numeravit.

XLVI. D. APRVNCVLVS. XX. ARCH.

DAprunculus eximia vitæ ſanctitate Treviris adſtitiffe ſcribitur. Sepultus eſt anno Sedis 4. Chriſti 532. juxta odeum S. Paulini.

XLVII. D. NICETIVS XXI. ARCH.

DNicetius illuſtri genere, illuſtriori doctrina & virtutibus à tenera ætate in Galliis excultus, in Archiepiſcopum Trevirorum ante alios deligi eſt promeritus. Cœleſtibus ſignis, in utero matris jam illuſtratus, dum Sedem arduam invitus conſcendit, ſenſit tergori ſuo onus nemini viſum, longè tamen graviffimum incumbere: at oneri acceſſit odor cœleſtis, ex quo collegit futuros labores ac dolores ſolatio miſcendos. Oneri maximo Archipræſuli erant Theodoberti Regis adulteria, & mores populi parùm probati, quos inſigni libertate perſtrinxit. Rex enim nec monitis, nec minis emendatus, cùm ſcœlera ſcœleribus neſceteret, Sacris à Nicetio eſt interdictum pervicaci; qui cùm irâ frendens & exæſtuans in templum irrumperet, continuo

puer arreptitius Regem adulterum proclamavit, nullis hominum viribus, tametsi Rex imperaret severissimè, loco amotus. Arvernensi dein Synodo, in qua Sacerdotum ambitus severè castigatus, & cœlibatus pro viribus imperatus, interfuit. Annis duobus elapsis, B. Aredium Theodoberti Regis familiarem virum, fugere aulam, & Clericis accedere docuit, advolantis columbæ augurio vocationem probante. Circa annum seculi huius 50. Bisschoffsteini-um castrum in ripa Mosellæ triginta turribus, Oratorio, propugnaculo & aquæ ductibus conspicuum, futuram Cardonæ Archidiaconorum sedem ædificavit. Annorum 32. Archiepiscopus annis tribus vitæ ultimis sensit maximopere & onus novum & cœleste solatium: Clotharium enim totius Franciæ Regem dum communione Fidelium, ob incestum, & parricidium privandum censuit, ab eodem in exilium ejectus, non tam sua, quàm Regis miserrimi fata doluit: hinc enim mox extinctus, Nicetius verò à filio Clotharii Sigeberto Austrasiæ Rege restitutus an. 563. sanctissimam vitæ sanctæ coronidem imposuit, miraculis compluribus inter vivos & mortuos illustratus.

XLVIII. D. RVSTICVS. XXII. ARCH.

D. Rusticus S. Nicetio subrogatus dissolutioris vitæ maculas mirâ & rarâ sui conversione emendavit. Ea nimirum ætate D. Goar Sacerdos virtutibus clarissimus hospites multos hospitio excepit, præter Dei honorem & proximi salutem nullam faciliè mercedem admittens. Verùm hac ipsa de causâ à pravis hominibus in suspicionem sceleris vocatus, quin ad ipsum Archipræfulem delatus est. Tum fortè, aut veriùs Deo mittente attulerunt infan-tem expositum, patris Goaris, ut mentiebantur, sacrilegum natum. Rusticus igitur cùm juberet, ut præsentis pueri parentes Goar proderet, isque orationi intentus ipsum

inquit infan-tem & patrem & matrem suam nominare rogaret, continuo om-

ni exceptione major testis parvulus nupèr natus exclamavit: *Pater meus est Rusticus, mater mea est Flavia.* Hoc convictus & attonitus teste Archipræful, Goarem innocentissimum, se verò maximè reum confessus, pœnitentiam adversùs scelera remedium optatissimum in primis & postremis habuit curis; relicto namque publico honore ac munere, in eremum abiit obiitque miraculis illustratus. Seddit annis 9. usque ad annum 573.

XLIX. D. MAGNERICVS. XXIII. ARCH.

D. Goare Trevirensē Insulam non admittente, in Archipræfulem electus est Magnericus, factis egregiis insignis: is namque Theodorum Massiliæ Episcopum Treviros captivum perductum singulari charitate excepit, bisque restitui Sedi suæ curavit, virtute fretus orationis, quam in D. Maximi æde pro Theodori incolumitate, dæmone frustra obnitente, peragere est solitus. Aliàs cum D. Gregorio Turonensi trajecturus Rhenum infra Confluentiam, ubi cum Rege Hildeberto de restitutione Theodori actum, periclitatus naufragio, Reliquiarum S. Martini ope periculum evasit. Recreatus hoc beneficio ædem D. Martini ad Mosellam à Tetradio quondam Senatore excitatam, novo instauravit opere, addiditque pro majori cultu monasterium D. Benedicti Religiosis filiis incolendum. Ædem alteram D. Martino sacram in monte Martio, & tertiam Cardonæ ædificavit. Archidiocesis suam ipse visitando lustravit & emendavit, Cleri moribus ubique instauratis, exemplis maximè & verbis potens, laudibus in vita & morte eximiis ornatus. Diem suum obiit post Sedis an. 22. an. 596.

L. GVNDERICVS. XXIV. ARCH.

Gundericus D. Magnerico in Sede jussus succedere, dictus est asymbolus, quòd re nulla singulari posteris innotuerit. Annis 5. sedit & seculum VI. obitu suo clausit.

S E C U L U M VII.

LI. S. SEVERINVS. II. XXV. ARCH.

S Severinus II. longè notior nomine, quàm re, licet ab Ecclesia publicos impetraverit honores, in Divorum fastos relatus, die 20. mensis Decembris cultoribus commendatus; ab ævi tamen sui Historicis per annos 18. Sedis suæ encomiorum ferè nihil impetravit an. 618. mortuus.

LII. SEBAVDVS. XXVI. ARCH.

S Ebaudus ab aliis Sabaudus dictus, virtutis famâ, quàm Historiæ memoriâ clarior, diem vitæ ultimum numeravit an. 626. 26. Novembris, quem eidem sacrationem fecerunt posterius, eiusdem virtutibus, & fortè miraculâ excitati.

LIII. D. MODOALDVS. XXVII. ARCH.

D Modoadus in aula Dagoberti I. Austrasiæ Regis cum Cuniberto Colonensium & S. Arnulpho Metensium Episcopis aliisque juvenibus, & demum viris virtutibus illustrissimis educatus. Modaldus porro cùm & natalium splendore, utpote Pipini I. Majoris Domus ob Itam sororem ductam conjugem affinis, & ipse ex Regio sanguine prognatus, simulque doctrinâ & industriâ excelleret, Dagoberti Regis filias Irminam & Adhelam ad omnem pietatem egregiè formavit; quin & Regis ex dissoluta vita ad emendationem traducti liberalitate, ad Religionis incrementum usus est strenuè, variis templis & monasteriis erectis: regia namque horrea Trevirensium in urbe olim extructa in Virginum sacrarum asceterium convertit, cui Irminam dedit Moderatricem. Alterum asceterium Palatioli, quod Majores Domus incolebant, excitavit, cui Adhelam prima jam ætate

ma-

marito viduatam præfecit. Parthenonem denique tertium in ripa Moſellæ extruxit, D. Symphoriano Martyri ſacrum, cui Severam ſororem ſuam dedit Magiſtram, Regulâ D. Benediæi omnibus præſcriptâ. In horum poſtremo Modoaldus poſt vitam ſanctiſſimè exactam ſepultus, inde verò in Saxoniam religionis ergo tranſlatus eſt. Ornavit ſuâ præſentiâ Eccleſiam Trevirenſem an. 30. mortuus an. 656.

LIV. D. NVMERIANVS. XXVIII. ARCH.

D. Numerianus curâ Archiepiſcopali Treviris ſuſcepta inclaruit. Quamvis itaque vitæ ſanctioris præclaram memoriam ferat etiam hodiè, ſcriptorum tamen vel negligentia, vel interitu præter monumenti epigraphen, qua anno 670. die Julii 5. morti ſuccubiſſe dicitur, de eodem nihil poſteris relictum eſt.

LV. D. BASINVS. XXIX. ARCH.

D. Baſinus illuſtri ſanguine & virtutibus celebris, ex D. Maximini cœnobio Abbas evocatus, Metropolitanam Trevirorum adiit. Religionis propagandæ curam in ſe ſuſcepit ſingularem; quare D. Willibrordum ex majori Britannia cum duodecim ſociis egreſſum, perquam benevolè excepit, & beneficiis ſibi devincire ſtudit, ut Germanis in Germania, unde Anglorum majores venerant, ſalutem etiam communicaret, promulganda Evangelii lege & luce. Ad annum 697. uſque vitam produxit Baſinus, ob ſummam vitæ integritatem & Sanctimoniam laudem Divi nomine ac honore inſignitus. Corpus eiufdem pignoris ſacri loco in D. Maximini Baſilica fuit repositum, ut quem locum inter vivos ſignatum impreſſumque Sanctitatis ſux veſtiigiis reliquerat, illum ne mortuus quidem defereret. Sed. an. 27.

S E C U L U M VIII.

LVI. S. LVDWINVS. XXX. ARCH.

S. Ludvvinus D. Basini ex Gonzaga sorore sanguinis Regii Princeps celsissimo Ducis munere in aula Childeberti Regis est functus. At splendidis seculi titulis, & magnis insuper opibus spretis, amœnitate virtutis, & divinæ Sapientiæ studio captus, in monasterio Mediolacensi, quod super amœnam Saravi ripam prope Saraburgum extruxit, aquilæ invitantis augurio latus, Monachorum regulas cœpit laudare & imitari. Fugisse honores publicos fuit invenisse: summo namque omnium ordinum consensu Ludvvinus ex tenebris evocatus ad lucem, eodem anni vertentis die electus est Trevirensium Archipræsul, quo seculo prius nuntium remisit: quo in munere per annos unum & viginti floruit insigni virtutum decore, ex bono marito factus melior Episcopus. Religionis messieo tempore copiosissimæ ut incrementum faceret, D. Willibrordum Frisiz & aliarum provinciarum Apostolum ferventissimum, peculiari amore ac favore complexus est, author & adjutor eidem factus, ut Trevirensi in agro excitaret monasterium S. Irminæ liberalitate donatum, aut ditatum. Templis aliis & monasteriis vel institutis, vel instauratis, dum Rhemis Ecclesiæ causam agit, mortis sustinet sententiam. Translatus Rhemis Treviros, miraculis viæ comitibus Christianorum obviæ venerationi est plurimum commendatus. Imò ne Treviros deducerentur reliquiæ, obstitit luculentum miraculum: namque ubi ventum ad eum locum, quo Sara amnis propè Treviros Mosellæ miscetur, ferunt, attonitis omnibus immotam stetisse cymbam: at verò post invocatam cœli opem, & exploratam Omnipotentis voluntatem, navim, quæ prius gubernaculi impatiens, secundo licet amne, nec remigum nec vectorum ulorum ministerio propelli poterat, versa puppi, atque inflexo cursu

su adverſo flumini contraveniſſe, ac viam repetiſſe: donec denique undis nequidquam obluſtantibus Mediolacum uſque incolumis appuſa, ſemet ripæ applicuerit, ut quem locum olim à ſeculi fluctibus portum vitæ tranquillioris attigerat Ludvvinus, eundem haberet quietis ſedem, aut ſepulchrum ab anno 718.

LVII MILO. XXXI. ARCH.

Mllo D. Ludvvini filius in connubii ſtatu ante aditum Sacerdotium patris pridem ſuſceptus, temporum, aut veriùs electorum iniquitate electus eſt Rhemorum pariter & Trevirorum Archipræſul; ſago togam, galeæ infulam præhabendam ratus, bono perſuaſus conſilio, ſi ſequi conſilia magis didiciſſet. Verùm deteſtantibus factum plurimis, paſcere oves nunquam cœpit, venari in ſylvis feras nunquam deſtitit. Annis omnino 40. lupum veriùs, quàm paſtorem hunc tulère Tréviri, donec tandem ab apro deviſtus, & an. 758, in fruſta diſcerptus, ſylvæ novum indidit nomen. Interea D. Willibrordus, & hoc Epiſcopo ex ſenio viribus deficiente, D. Bonifacius Trevirenſium Eccleſiæ conſervandæ vigilem navârunt operam, quò minùs tanto officio indigniſſimum removerent quàmprimùm, potentiorum machinîs impediti.

LVIII. D. HILDOLPHVS. XXXII. ARCH.

Dhildolphus ex claro Bojorum ſtemmate ortus, & Ratiſbonæ moribus ac literis excultus, à Pipino Gallorum Rege Treviros uſque eſt tranſlatus. Eremum publicis curis anteferre doctus, dum abitum paravit, aditum ad ſummos honores Trevirîs invenit, communi omnium acclamatione promulgatus Archipræſul. Quare tot ſuffragiis vocatus, nihil antiquius habuit, quàm collapſas ædes ſacras reſarcire, Clericorum vitia emendare, Divorum præſertim Trevirenſium honores promovere: teſtis ſit D. Maximini ſepulchrum ab aquarum illuvie

N

equi-

equidem mirè servatum, temporum tamen injuriâ nonnihil corruptum, ut à D. Hildolpho ampliùs exornaretur. Annis 10. inter publica negotia consumptis, depositâ mitrâ cum Spinolo, Joanne & Benigno Monachis Maximianis Vogesi montis eremum, collacrymantibus ferè bonis omnibus, petiit Hildolphus, ubi rerum cœlestium contemplationi, & virtutum selectissimarum exercitio intenti, partim adventantem populum in sui admirationem, partim multos ad imitationem pertraxerunt.

LIX. D. VEOMADVS. XXXIII. ARCH.

D Veomadus à D. Hildolpho subrogatus eò magis placuit, quòd Hildolphus contra communes omnium preces & querelas constantissimum sese exhiberet in deligenda eremo, atque in successorem designando Veomadum, quo neminem in eò rerum statu digniorem palàm dicebat. Fuit Veomadus Mediolacensis monasterii Abbas laudatissimus, & jurium Ecclesiasticorum assertor constantissimus; quod expertus est Assuerus, Prumiensis monasterii Abbas, de dominio Cellæ D. Goaris dictæ, litem sustinens. Quantus Ecclesiæ defensor, tantus Ss. Reliquiarum propugnator & promotor: D. Castoris enim Ofsa decentiori loco collocavit, populo Cleroque Cardonam usque Archiepiscopum comitante, ac tridui abstinentiâ præviâ Numen propitium sibi reddente. Divorùm curam tam sedulam dum gessit, sui curam majorem geri à Divis expertus, à D. Castore ter spectabili factò, è mortalium numero est evocatus an. 781. Sed. 13.

LX. RICHBODVS. XXXIV. ARCH.

R Ichbodus ex Abbate Mediolacensi creatus Archiepiscopus Trevirensis, vix aliam, quàm nominis sui, nobis reliquit memoriam, aut veriùs alii reliquerunt, gestorum publicorum parùm seduli observatores. Annis 10. sedisse creditur, mort. an. 791.

LXI. WAZZO XXXV. ARCH.

Wazzo in Sede Trevirensi annis 19. ad annum nimirum 810. usque sedit, tempore Ecclesiæ denuo florentissimo, quo nimirum D. Leo III. & Carolus M. Imperator collatis studiis Romanas Aras identidem altius evehere, & promovere laborârunt. Laudavit conjunctam utriusque operam ante alias Trevirensium Ecclesiâ, quam Leo præsentia suâ, & privilegiis exornavit; Carolus verò unâ cum fratre Carolomanno Austrasiæ Rege eadem ferè ætate mortuo, donis & divitiis honoravit. Cæterum Wazzonis res gestas tacuit antiquitas.

S E C U L U M IX.

LXII. AMALHERIVS. XXXVI ARCH.

Amalherius illustri familiae juvenis, sub Alcuino eximiae famæ Magistro, didicit literas eo fructu, ut Latinae simul & Græcæ linguæ peritissimus haberetur. In literis profecisse adeo profuit, ut licet Carolus M. Trevirensium Ecclesiæ Archipræfulem optaret, & offerret D. Ludgerum, Canonici nihilominus Amalherium sibi eligendum existimârint, & ipsum sublimi Sede dignissimum judicârunt Ludgerus. Quanti eundem fecerit Carolus, vel ex eo licet æstimare, quod Legatum Constantinopolim ad Michaellem Orientis Imperatorem, pro pace & amicitia stabilienda miserit Amalherium primis aditæ suæ dignitatis, Caroli verò imperantis annis ultimis: altero enim post abitum suum anno Constantinopoli redux Legatus, Imperatore vitâ functo, & Aquisgrani sepulto, Ludovicum Pium invenit Cæsarem. Ferunt ab Amalherio institutum esse morem convocandi ad Sacra populum in hebdomate sancta crepitaculis ligneis, eò quod eundem morem in Oriente pridem institutum didicisset. Non pauca alia, quæ tum Constantinopoli, tum Romæ vidit, &

cunctis probari intellexit, Trevirensi Ecclesiæ observanda præscripsit; ut verò firmarentur longiori usu facilius, exemplis, quoad per negotia publica licuit, suis communivit in choro arbiter assiduus. Unde in absentia sui, ne quis absentem existimaret, Adalmatum & Herilandum, nec non Theganum, doctrinâ & morum probitate viros eximios sui loco constituit, ut ritè arbitrarentur, & custodirent omnia non verbis, quàm exemplis potentiores. Annis 32. instar syderis fulsisse Amalherium, unâ cum Brovvero tradiderunt non pauci, qui miraculis clarum in Divorum Album fortè relatum esse meminerunt. *Vid. Trihem, M.S. Latium &c.*

LXIII. HETTI, XXXVII. ARCH.

Hetti ab aliis Hetto nuncupatus, inque Mediolacensi monasterio Abbatis munere strenuè functus, Trevirensis Ecclesiam tum natalibus suis clarissimis, tum insignibus meritis illustravit, quod hisce lineis docet Brovverus: *generosis ortum natalibus, magnisque rebus, & honorum titulis insignitum novimus &c.* Maximi fuisse habitum, indicârunt epistolæ ab Hincmaro Rhemensium Archiepiscopo celeberrimo ad Hettonem datæ, quibus ab eodem tanquam discipulus à Magistro instrui, & tanquam filius à patre corrigi humanissimè petiit. Quin eminuit Hetto non apud æquales modò, sed apud Imperatorem ipsum Ludovicum consilio & autoritate maxima, cuius ut vivi gratiâ permultum valuit, ita in manibus suis mortui liberalitate Ecclesiam suam plurimum locupletavit: Hetto enim Archiepiscoporum omnium primus, *Indominicatum*, ut vetus diploma loquitur, Diocesi suæ adjunxisse existimatur. S. Paulini Clerum in Waldriola, & Reinonis campo plurimis auxit beneficiis, quæ de suo decerpere & erogare nihil ipse dubitavit. Ejusdem Imperatoris liberalitate fretus, confluentiam S. Castoris Collegio ornavit, & ejusdem Divi Reliquias eò Car-

donâ

donâ transtulit, quò & brachium S. Goaris perlatum est. Tumulo Hettonem illatum esse anno 850. post annos circiter 18. plurimum Scriptorum est opinio.

LXIV. HETTO THEIDGAVDVS.

XXXVIII. ARCH.

Hetto Theidgaudus Hettonis nepos, & in monasterio Mediolasensi Abbas Successor, æmulari in rebus omnibus vel patrum, vel avunculum suum est creditus, ut neminem ipso Trevirensium mitrâ digniorem censerent legitimi electores. Verùm spei non respondit optatus rerum eventus: ipsa enim non multò post urbs princeps magnis tempestatibus concussa, & ostentis territa, majorum malorum sensit esse præludia. Ecclesiæ tunc vim inferebant partim domestici, partim externi hostes maximam; unde Synodus Episcoporum Confluentiæ, absente Theidgaudo Archiepiscopo, in templo S. Castoris est habita an. 860. ubi in præsentia Lotharii, Ludovici & Caroli Regum de Ecclesiasticorum defensione constitutum fuit, ut more à majoribus tradito, starent. Nihilominus eodem anno Theidgaudus cum Præposito aliisque Clericis à seditiosis civibus, & mixtis prædonibus captus, atque ad edendum jusjurandum libertatis recuperandæ spe adactus, obligatione sua gravi metu extorta, Pontificis Nicolai I. autoritate est solutus. At inde Lotharius Rex in repudio Theutbertæ conjugis, Walrada pellice substituta, Theidgaudum unà cum aliis Episcopis transversum egit. Haud profuit monuisse severissimè, ut Lotharii partes Archipræsul relinqueret: quare ab Hadriano II. Pontifice confixus anathemate, in Italia miserè periit an. 869. Interea in Theidgaudi cathedra sedisse monstrosum canem ferunt.

LXV. BERTHOLPHVS. XXXIX ARCH.

Bertolphus ex Abbate Mediolacensi, Carolo Calvo plurimum favente, contra Waltonem Monachum à Ludovico Germanorum Rege obtrusum, eligitur, vir tanto honore & meliori tempore dignissimus: vixit namque in Ecclesiæ statu, Normannis latè omnia vastantibus. Ut proinde Sanctorum saltem pignora tutò quiescerent, subterraneis illa passim recondita locis, & sequentibus seculis diu ignorata latuère, donec reperta, cum multorum gaudio & salute in lucem denuo sunt eruta. Nec cautela in tempore fuit nimia; nam Godefridus Normannorum, & Sigefridus Dannorum Reges Coloniam, Treviros unáque urbes alias everterunt. In comuni eoque gravissimo rerum discrimine Virgines à S. Symphoriano nomen habentes, Treviris ad D. Modoaldi tumbam supplices impetrârunt, ut intra 30. dierum spatium omnes optata mors eripuerit, antequam civitas ipso Cænæ Dominicæ die sacro propemodum omnis solo est æquata. Miraculum accessit alterum, quo D. Paulini Basilica flammis ab hoste nequicquam petita fuit. Imò & ejusdem tumba in aere vacuo hæsit pendula in annos dein complures, post revulsas, quibus antea tenebatur, catenas ferreas. Contigère hæc anno seculi IX. 83. qui fuit Bertholpho Archiepiscopi inter vivos penultimus: annis igitur sedet 14.

LXVI RADBODVS. XL. ARCH.

Radbodus non minùs, quàm Antecessores varii ex Abbate Mediolacensi Trevirensium peridoneus esse judicatus fuit Ecclesiæ, cuius curam gessit laudatissimam difficillimo sanè tempore, quo Normannorum alii post alios impetum tentârunt, & Hugo Waldradæ ex Lothario filius Lotharingiam Carolo eripiturus, Godefridum Ducem evocavit. Verùm victor Carolus Hugonem interceptum oculisque privatum Prumiensi Monasterio

rio inclufit, mox & ipfe non imparem fufiinens fortem, dum Richarde legitima conjuge rejecta, aliarum amplexibus adeò fe implicuit, ut fceptro regnòque orbatuſ, vix haberet, unde viveret. Radbodus interea poſt celebratam Moguntia Synodum, dono Arnolphi Imperatoris S. Servatii Abbatia auxit Trevirenfem Eccleſiam. E contrario idem Imperator S. Maximini vel monaſterium vel, ut vocamus, Abbatiam Megingaudo inter Seculares Duci obtulit, qui eapropter membris captus omnibus, meritò à Superis videri potuit eſſe punitus, præſertim cum non, niſi ad D. Maximinum fuſis precibus eſt reſtitutus, ex monaſterii hoſte, ejuſdem amicus effectus ad ſepulchrum uſque conſtantiffimus. Ut reſarciretur etiam damnum maximum à Normannis illatum, Eccleſia Trevirenſi à Ludovico IV. Imp. donatum eſt Sirckium cum juribus aliis intra & extra urbem veſtigial exigendi. Hæc aliâque beneficia à Supremis Capitibus in Trevirenſium Sedem collata, Radbodum ſuum Principem Authorem jure venerabantur. Gubernavit Eccleſiam ſuam ad annum uſque 918. per annos Sedis 32.

SE C U L U M X.

LXVII. RVOTGERVS. XLI. ARCH.

Ruotgerus Radbodo animi magnitudine, & virtutibus aliis minimè impar, Cleri populique ſuffragiis in Archipræſulem electus eſt, non exſpectato ullius Regis annutu, uti nupèr Eccleſiaſticorum jurium & bonorum violatores volebant. Adverſa valetudine ut plurimùm afflicto, & valetudinem priſtinam votis omnibus flagitanti, D. Maximinus rem optatam promiſit, ſi corporis ſui Reliquias ruruſum hoſtium oculis ereptas, terræ gremio committeret. Data ſervatâque fides Maximino, qui fidem ſedulò ſervanti reſtituit ſanitatẽ, Reſtituta ſanitas tan-

tum

tum in Ruotgero operata est effectum, ut S. Eucharii ædem, & huius bona à violentis raptoribus afflictæ, restitutis possessionibus, strenuè vindicârît. At non tam bonorum terrestrium, quàm morum optimorum assertor strenuus an. 925. Trevis Concilium unà cum Suffraganeis & Clericis suis adornavit, præsentibus Adalberone Metensi, Barnoino Verdunensi, & Drogone Leucorum Episcopis. In eodem decretis variis solutior Ecclesiasticorum disciplina arctiùs restricta, & liber ab ipso met Ruotgero conscriptus, quem tanquam Ecclesiasticarum Sanctionum synopsis summus omnium assensus laudavit. Virorum literis addictorum æstimatorem fuisse testatus est Flodoardus in sæculo ferreo vir aureus, qui cohoratione Archipræfulis accensus, Poëmatum octodecim libros, nimirum tres de triumphis Christi Sanctorumque Palæstinæ, ac quindecim alios de triumphis Sanctorum Italiæ conscriptos ad Ruotgerum misit, atque ejusdem nomini inscriptos dedicavit, qui hodie supersunt in Metropolitana bibliotheca Trevirensi. Annus vitæ ultimus Ruotgero fuit 930. Sedis 12.

LXVIII. RVOTBERTVS. XLII. ARCH.

Ruotbertus ritè eligentium suffragiis vocatus, ut ait Brovverus, *Vir Regali prosapia, & in obeundis Pontificiæ dignitatis muneribus acris & vigilantis ingenii* Pater ei Rudolphus Burgundiæ Rex, qui nuper Franciam, atque ingenti virtute partem Italiæ regnum, Berengario suo atque fugato aliquamdiu tenuit. Mater Bertha, Arnolphi Bojarie Ducis filia. Sororem habuit Adelheidem, primùm Lothario Regi Italiæ, inde magno Ottoni Imp. connubio sociatam, cuius nobilissimæ saminæ in Ecclesiam Trevirensensem meritorum exant egregia documenta. Talis actanti Archiepiscopi auspiciis translatio D. Magnerici Episcopi ad D. Martinum est celebrata; D. Maximini Basilica recens extructa ac consecrata, nec non quinque Episcoporum Trevirensium Reliquiæ, nimirum DD. Agritii, Maximini, Nicetii, Basini & Veomadi ibidem sunt reconditæ. Dum pro Divorum honore, & Dei perinde gloria tantopere sollicitus fuit Ruotbertus,

Suppe-

rūm utique beneficio Otto Imperator, & Rex Lotharingæ antiqua Trevirensis Ecclesiæ privilegia, adjectis novis confirmarunt. Non ita favere visus est Agapitus II. Pontifex una alterave sententiâ contra Ruotbertum latâ. Annus seculi X. agebatur 56. cum grassante pestilentie morbo per Coloniam, & latè viciniam, Ruotbertus eadem lue infectus, in celeberrimo Procerum conventu, Ruotgero & Frodoando testibus, Colonie extinctus est annorum 26, Archipræsul.

LXIX. HENRICVS. XLIII. ARCH.

Henricus Ottonis M. Cæsaris vel affinis, vel sanguinis vinculo propinquus, cum D. Wolfgango primum in Augia Divite, postea Herbipoli sub Popponis fratris disciplina hausit virtutem ac doctrinam. Valuit ea doctrina & virtus una cum Cæsaris autoritate, ut in Trevirensium Sedem viduam fuerit admissus ab Electoribus Canonicis. Societatis vinculo Treviros pertractus etiam D. Wolfgangus, ac ibidem in æde principe Decanus creatus, argumentis multis id præstitit, ut Canonici unam in domum mœnibus cinctam convenire, ac normam vitæ universis communem amplecti præclare cœperint. Anno 958. Henricus in foro Crucifixi DEI prægrandem imaginem religionis causâ excitavit, postquam cœlesti ostento hominum vestimenta passim notari crucis signo inspecta sunt. Paulò post Ottone Imperatore adversus Pontificem insurgente, & exercitum in Italiam ducente, eò profectus etiam Henricus, comū pestilentie malo per exercitum grassanti an. 964. Parmæ succubuit. Interea, & anno post obitum Henrici proximo cura Archiepiscopatus D. Wolfgango est commissa. Sed. Henricus an. 8.

LXX. THEODORICVS XLIV. ARCH.

Theodoricus ex summæ ædis Archidiacono Trevirensium Archipræsul creatus an. 12. Ecclesiam suam felicissimè

O

gu-

gubernavit. Anno namque mox altero, postquam electus est Antistes, Otto II. Imperator Theodorici vel precibus, vel meritis motus, Trevirorum Ecclesiam multis auxit prædiis. Annis proximis dum Ottoni per Italiam, & Romæ præsertim adstitit Archipræsul, multis à Joanne XIII. Pontifice privilegiis est honoratus. Eadem postea Benedictus VII. rata habuit, & novis confirmavit. In monasteria quàm fuerit munificus, ex eo licet intelligere, quòd Clericorum S. Paulini, & Cœnobitarum ad SS. Martyres domos necessariis opum prædiis solatus fuerit. Inter Literatos clarissimum nactus nomen Theodoricus, inter alia doctrinæ suæ testimonia reliquit posteris D. Luidgardis Catalaunæ Virginis sanctissimæ laudes, amœno carmine descriptas. Mortuus est plenus meritis an. 977. Moguntia, ibidemque in æde S. Gangolphi, quam à se extructam duodecim Clericorum fundatione instituerat, sepultus. Inter animi dolores Theodorici is ferè erat maximus, quòd Canonici Trevirenses remoto D. Wolfgango solutioris vitæ tramitem denuò repetierint, relictis prioris ac melioris vitæ legibus.

LXXI. EGBERTVS. XLV. ARCH.

Egbertus illustrissimo Comitum Hollandiæ è stemmate natus, an. 978. singulari morum innocentia Vir Trevirense Solium conscendit. Ab exordio excelsi muneris sui promovendæ Religionis studiosissimus, ex propriis amicorumque divitiis decorem addidit templis arisque; quibus accessit basilica S. Eucharii, splendidissimo apparatu exornata, dum B. Celsi reconditæ illic Reliquiæ non sine miraculo fuerunt repertæ, cum fundamentis eruendis operam navarent. In ædis summo loco splendidissimo Clavum Domini, Dentem S. Petri aliàsque huius & D. Andreæ Reliquias reposuit, & eodem loco moveri severissimè prohibuit. Coloniâ, aut Metis superiorem de Baculo S. Petri, partem Treviros translatam, in honorem Sanctissimi Pastoris & Pontificis

tificis, singulari reverentia est prosecutus. Cæterùm Abbacia S. Mathiæ peculiari decore exulta, & Abbatia alterâ, nimirum Trajectensi per Ottonem III. Imperatorem receptâ, an. 993. Sedis 18. tumultu est illatus, postquam annis prioribus in Ingelhemienſi Synodo Præſes ſedit, atque de inventione S. Celsi præclare dixit: aliàs verò, cùm ingens ſolis æſtus, & terræ ſiccitas Treviros afflixiſſet, partim precibus, partim jejuniis, partim aliis conſuetis in Eccleſia Romana exercitiis Superos placare ſtudit. De Egberto ſcripſit Theodoricus Hiſtoricus hunc in modum: *egbertus militum ambitionem reſrenare non timuit. Comprovincialium tyrannidem æquus arbiter auctoritate ſua reſpreſſit, & omnia, quæ monaſteriis erant hoſtili invaſione ſubtrahita, manu poteſtativa undique recuperavit, & monaſteriorum patribus, magnâ vigilantia conſignans reſtituit.* Crucifixi Chriſti imago Egberto inter vivos ſolacium, dum poſt mortem eiſdem religioſè ſervatur Egmondæ in Hollandia, plures ægri ſanitatē receperunt, teſtimonio poſteris relicto, Divinum Numen Egberti merita orbi patefacere iis miraculis ſtatuiſſe.



SERIES

ARCHIEPISCOPORVM, PRIMATVM
ET ELECTORVM TREVIRENSIUM,

PERIODUS III.

LXXII. LVDOLPHVS. XLVI. ARCH.

I. ELECTOR.

LAndolphum dixerunt alii ex Cœnobio Goſlarienſi delectum, natum in Saxonia ex illuſtri familia, ibidem educatum, & præclaris moribus literiſque inſtructum, digniſſimum inde, qui Goſlarienſi Eccleſiæ per annos 26. Præpoſitus præluſceret, &

demum annis ferè quindecim Archipræsul simulque Imperii Elector crearetur. Confirmatus in præcelsò munere à Clericorum moribus emendandis exordium ducendum ratus, D. Wolfgangi vestigiis insistere, in unam eamque communem omnibus domum Canonicos cogere in curis numeravit supremis. Quare cùm verbis proficeret minùs, exemplo invitos traxit, haud respuens communem domum & mensam. Æquo nihilominus indulgentiorem fuisse ferunt in Adalberonem D. Cunegundis Augustæ fratrem, in æde D. Paulini Præsulem, quòd hic gratiâ Cæsaris Henrici, & multorum potenti amicitia valeret. Inter beatissimas sortes Ludolphi venit Electoratus Imperii à Gregorio V. Pont. & Ottone III. hæredibus destituto Imperatore, ob gravissimas causas institutus. Locum inter septem Viros non uno duntaxat ex capite secundum impetravit Archipræsul Trevirensis, à tanto tempore, nimirum an. 996. circiter usque ad hunc nostrum annum 1725. Ecclesiæ & Imperii decus, & membrum constantissimum, florentissimum. Anno vitæ ultimo, qui fuit Christi 1008. suo etiam suffragio post Romanum Pontificem in Concilio Francofurtensi subscripsit institutioni Episcopatus Bambergensis novissimæ.

S E C U L U M XI.

LXXIII MEGINGAVDVS. XLVII. ARCH.

II. ELECTOR.

Adalbero D. Cunegundis frater, ad S. Paulinum Treviris Præpositus, ut vocamus, indulgentiâ Ludolphi, & affinitatis vinculo, quo Henrico Cæsari jungebatur, identidem audacior, S. Martini Abbatiam veriùs injuriâ, quàm jure venidcavit sibi, pari fermè injuriâ templo D. Symphoriani illatâ. Denique Ludolpho Electore vitâ functo, ad multos simul, velut in fasciculum collectos flores, hoc est, publicos ho-

nores

nores desiderium avidissimum prodidit, suimet sanè proditor perinde factus justissimè. Henricus namque Imperator rei probè conscius, tametsi Ecclesiæ suæ jura integra relinqueret, totus tamen in eo fuit, ut Canonici Electores Megingaudum ex multis meritis laudatissimum Moguntiae Præpositum Archipræsulem, & Electorem Treviris præficerent, quod ritè factum multis detestatus est modis Adalbero in malo pertinax Princeps; quod ipsum dein testata est Ecclesia & Imperium; postquam nempe Adalberonis instinctu plures in Imperio Viri Principes adversus Cæsarem arma induere non sunt veriti, damno Trevirensium maximo: donec denique anno seculi XI. duodecimo Adalbero poenitentia ductus sapuit, & cuique suum reddidit: Megingaudus verò naturæ debitum solvit Confluentiae an. 1016. Sedit an. 8.

LXXIV. POPPO. XLVIII. ARCH.

III. ELECTOR.

Poppo Leopoldi cognomento Illustris Austriæ Marchionis filius, à D. Henrico Cæsare commendatus, & ab iisdem Archipræsul electus, non minùs Trevirenses Elector, quàm Bambergensem Ecclesiam, cuius antea Præpositus, suis virtutibus illustravit. Dum Romam ex Germania abiit, pro more pallium petiturus à Pontifice, interea & Adalbertus Dux, & Adalbero ad vomitum rediens, unà cum prædonum caterva Treviros infestavit. Verùm armis, & stratagemate victus, & captus uterque, Popponi dedit manus. Reddita proinde castella, templa, & Sarburgum ab Adalberone conditum. Accepta datâque pace Ecclesiasticorum virorum fœminarumque mores sedulò examinati, ad justissimam iram provocârunt Popponem, quem nomine, non re Virgines claustris minùs bene custoditæ, philtro etiam ad libidinem provocare non sunt veritæ: unde atro calculo notata est ipsis illa dies. Interea Imperator Henricus laudata in omnibus insigni Popponis industriâ maximè beneficium se exhibuit

buit Trevirensi Ecclesiæ, Confluentias eiusdem potestati penitus subiiciens. Annis decem eò usque Treviris præfuit Archipræsul, cum ardentissimo incensus desiderio videndi Palæstinam, petita & impetrata à Summo Pontifice proficiscendi copiâ abiit, Archiepiscopatus & Electoratus curâ interea Suffraganeis, in primis verò Theodorico Metensi Episcopo commissâ. Ex Syria cum fociis redux ingenti gaudio receptus est à Trevirensibus, à quibus tamen plurimum discrepabant è D. Maximini monasterio Monachi nonnulli, qui veneno tollere è medio tantum Antistitem meditabantur, eventu rerum non nisi ipsis tristissimo: nemo enim è conficia scelerum turbâ alterum vitæ annum superavit. Servatus itaq; à Superis Ecclesiæ Elector Sanctus, Sanctorum honores modis omnibus promovit, quorum numero annitente Poppone Simeon in Palæstinam nupèr itineris socius à Benedicto XI. est relatus. Divorum honori junxit præclare pauperum curam singularem, quæ ad eò cordi fuit, ut cum aliquando Archipræsuli liberalissimo præter equum nihil superesset, eundem famelicis in cibos distribuendum concesserit. Annis 31. Ecclesiam & Imperium Poppo suis verbis & factis illustrissimis exornavit; unde inter summorum juxta ac infimorum pias lacrymas an. 1047. sepultus est in æde, quam Magnæ Virginis honoribus ædificarat & consecraverat.

LXXV. EBERHARDVS. XLIX. ARCH.

IV. ELECTOR.

EBerhardus Hezilonis Palatini Comitis filius, Popponi mortuo successit, ab Henrico III. Imperatore propositus, ab Electoribus Clericis electus. Anno ab electione hac altero Bruno Tullensium Episcopus eligitur Pontifex Leo IX. dictus, quem Præsulem sanctissimum dum comitatur Eberhardus, præter Primatus sui, & privilegiorum confirmationem, mitrâ &

pallio

pallio Romæ exornatus, adiit possessionem quatuor Coronatorum dictam. In Rhemenſi dein Synodo Pontifici ſedit à ſiniſtris proximus, Widoni Rhemenſium Archiepiſcopo tanquam loci Domino, conceſſâ dexterâ. Qui, dum alii de Simonia crimine rei ſunt inventi atque condemnati, inter ſuſpectos eſt numeratus. Eberhardus etiam in Moguntina Synodo præſens cum D. Leone Simoniacos condemnavit. Italiam petente Pontifice ad inquirendas D. Mathia Reliquias, quas Româ Treviros translatas eſſe acceperat, ſe totum convertit Archipræſul, ubi favente DEO evenit, ut Presbyteri cuiuſdam investigantis ex ſacrorum oſſium contactu manus oleo conſtanter ſtillaret, quo indicio D. Apoſtoli corpus eſt monſtratum. Dum Sacra hunc in modum curavit, Electori huic cum Conrado Comite Lüzelburgico lis interceſſit gravifſima. Atque hic dum per inſidias Eberhardum captum pertinaciter retinet, latâ Romæ ſententiâ proſcriptus, ſed & mox facti pœnitens ab Eberhardo veniam impetravit, atque à Pontifice imperatum ſibi iter in Palæſtinam aggreſſus eſt, ibidem ſanctè mortuus. Interea dum Hebræorum aut converſionem, aut expulſionem zelo juſtiſſimo urget Eberhardus, ab iſdem maleficiis petitus occiditur: dum enim Electoris imaginem ex cera conſectam lento igni admovent, eidem ſacra ſolennia peragenti morbum & mortem accelerant an. 1066. dum ſedit an. 19.

LXXVI. ADO. L. ARCH. V. ELECTOR.

Poſt ſepultum Eberhardum Archipræſul Coloniae Anno, Cunonem ſeu Conradum Coloniae Præpoſitum, Virum meritis maximum Treviris Electorem optavit; verum dum cœpto operi ardentius inſtitit, vehementius obſtitere Clerici populûſque Trevirenſis duce Theodorico Comite, qui Conrado Urtzigii capto, atque in cuſtodiam duriffimam dato, tortores & percussores immiſit. Hi cùm Virum innocentiffimum ter

ex

ex rupe altissima dedissent præcipitem, toties tamen ope divina receperunt incolumem, pars ad petendam veniam agendamque poenitentiam conversa, pars tortorum altera in scelere pertinacior, evaginatæ gladiis confecit D. Præfulem, multis miraculis eo ex tempore clarissimum. Inter miracula etiam hoc numerarunt: cum Theodoricus Comes D. Conradi passim Martyris dicti, sepulchrum adire pararet, vi occulta repulsus, aditum per lacrymas poenitentiae testes quaesivit. In Sedem interea Trevirorum promotus Ado Comes Nellenburgicus, & pro more à Pontifice confirmatus, continuo DD. Martyrum ad D. Paulinum corporibus in aperto eoque sacrationi loco collocandis strenuam dedit operam, quæ unà cum S. Paulini Reliquiis, & adjectâ tabulâ nominum & miraculorum teste fuerunt reperta. Idem ad radices montis Juræ, templum D. Helenæ honoribus consecratum, in Uhren erexit, cui S. Numeriani Archipræfulis ossa ornamenti maximi loco donavit. Divorum quorumvis honorem amplius promoturus, Martyrologium conscripsit, quod Adonis dicimus. Annis vitæ ultimis Romam profectus, insignem didicit, aut verius perfecit, pridem doctus constanter agere, constantiam: Redux enim, dum Henricum IV. Imperatorem Pontifici invenit infensissimum, pro Pontifice stetit Ado contra Cæsarem. Mortuum anno 1077. dicunt in Suevia, inde Treviros deportatum, atque in summa æde sepultum tradunt. Sedit annis 10.

LXXVII. EGELBERTVS. LI. ARCH.

VI. ELECTOR.

Egelbertus ex illustri stemmate in Bavaria natus, permultis suis meritis Henrico IV. Imperatori se gratum pretiosumque præstitit; unde ab hoc schismatico Cæsare invitis plurimis in Sedem Trevirensium intrusus, hoc honore fuisset dignissimus, si in eo rerum articulo fugisset: non enim nisi à schismaticis Epif-

copis post annorum sex ab habita electione spatium consecratus; & serò nimium pallium potestatis Ecclesiasticæ insigne à pseudo-pontifice Clemente adeptus, dum schismatici Cæsaris partes nunquam seriò reliquit, perpetuum bonorum ferè omnium odium acodium peperit; tametsi multa ageret, quæ commendationem merebantur maximam: Divorum namque, præsertim Trevirensium majori honori, ac venerationi sedulò consuluit, & Ecclesiæ suæ jura strenuè defendit, & pedito adversus lupos, & gladio adversus Ecclesiasticorum bonorum invasores usus, quod factum Superi miraculo sunt visi laudare: Henricum namque Comitem Limburgensem Arlunensis Marchionatus Ditionis Metropolitanæ Ecclesiæ ab Adelhaide donatas, armata manu repetentem, Egelbertus primùm anathemate percussit, dein verò justa acie profligavit: ubi evenisse ita tradunt, ut cum Henricus anathematis sententiam sprevisset, & prehensio manibus carnis frusto dixisset: tam parùm Episcopii sententia me cælo privat, quàm parùm hic canis à comedenda carne abstinere; canis à carne, attonitis cunctis, abstinerit, & fugerit, ac Henricus Egelberto gemina ex parte victori manus dederit. Tandem Elector hic multis defunctus periculis, discrimen mortis adiit maximum, dubio posteris relicto, an Ecclesiæ reconciliatus obiit, tametsi in æde Trevirensium summa sepultus fuerit an. 1101. postquam annis 24. potius pro Sede pugnavit, quàm sedit,

S E C U L U M XII.

LXXVIII. BRVNO. LII. ARCH.

VII. ELECTOR.

Bruno ex illustrissima Brethemiorum Comitum stirpe in Francia Orientali oriundus, ab Adone verò Archipræfule educatus, Moguntia tandem post sui electionem consecratus, placuit Treviris & Elector, & Archipræsul. Displacuit ve-

P

ro

rò primùm Paschali Summo Pontifici, quòd ab Imperatore Henrico data Electoris insignia induisset: unde pœnæ & pœnitentiæ causâ annis tribus absque Dalmatica, uti dicimus, celebrare ad aram est iussus. Conciliatus nihilominus Pontifici Pallium impetravit, ac inde in Germaniam reversus, Romano ardens spiritus ac zelo ferventissimè ad concionem dixit, Ecclesiasticæ disciplinæ quamprimùm restaurandæ intentus; eam ob rem Synodo indicta, & celebrata. Nimis liberalem, aut prodigum dixere nonnulli, quòd Thietmaro in Brunsvicensi agro Abbati S. Modoaldi cum duobus Thæbeorum M. M. corporibus Reliquias, quin nec modicam de S. Autoris corpore partem donârit. Successu temporis varia expertus est fata, præsertim cùm Henrici V. Cæsaris signa haud providè secutus, Gelasium II. Rom. Pontificem oppugnavit: sed deinde mutatus & emendatus author Cæsari fuit, ut cum Calisto Gelasii Successore damnatis odiis pacem jurarent. Quare tunc etiam firmata denuo sunt Trevirensis Ecclesiæ privilegia, competitoribus Episcopis parùm accepta. Annis prioribus Berengarii sectatores Trevirensium Ovile, luporum instar petentium oppressit, Dominico quondam Presbytero, tum verò inter scabiosum gregem hirco, ad supplicium damnato. Annis vitæ ultimis Religioni ac virtutibus aliis multis promovendis indefessam navavit operam; extructis enim aris recentibus simulque monasteriis, in hæc sese crebrò abdidit, ut ad Divorum sepulchra, concubia etiam nocte liceret orationi ardentius invigilare. Vigilantissimum itaque Archipræsulem mors offendit an. 1124. Sed. an. 23.

LXXIX. GODEFRIDVS. LIII. ARCH.

VIII. ELECTOR.

Godefridus Leodiô oriundus, ea laude est functus Decani munere, ut Treviris Archiepiscopum legere voluptas fuerit.

rit. Verùm inde turbatâ Republica, sponte sua quofvis reliquit honores, æquissimo animo ferens præferri sibi æmulum an. 1127.

LXXX. MEGINGERVS. LIV. ARCH.

IX. ELECTOR.

MEgingerus à puero Treviris educatus, & sacris muniis affuetus, dum inter turbas publicas ab omnibus fuit Archipræsul exoptatus, solus ipse inter silentii & modestiæ limites se continuit. In Electoratûs exordio Wilhelmum Lützelburgensem Comitem animis fatigavit hostem: inde ad sacra conversus, nova S. Mathiæ inventione se recreatum ostendit, præsertim cùm eandem indubitata miracula comitarentur. An. 1128. Romam profectus, à Pontifice consecrari, & pallio exornari, dum petiit, impetravit. Româ in Germaniam reversus, invenit Clericos & multam, ut fieri amat, populi partem perinensam sibi: dum itaque consilii & auxilii ergo Italiam repetere statuit, à Conrado Imperatore, aut veluti vocari consuevit, Rege nondum electo, interceptus, & carceri Parmensi inclusus, non nisi morbos & mortem præstolari est iussus: unde & mors brevî in limine adfuit, quæ justorum multorum iram justissimam provocans, ejus loci Archipræsulem adeò commovit, ut more Martyrum Megingerum sepulchro immiserit an. 1130. Difficultas dein exorta est maxima in eligendo Successore, quòd ob seditiosi populi, & Clericorum plerorumque crebras mutationes Sede dignissimi oblatam dignitatem constantissimè subterfugerint, unde primùm año 1132.

LXXXI. ADALBERO. LV. ARCH.

X. ELECTOR.

ADalbero ex Primicerio Metensis Ecclesiæ lectus Archipræsul, ab Innocentio III. Pont. in Rhemenſi Concilio ad Mitram est adactus, priùs cum rebelli populo pugnavit, quàm

Sedem adiit victor. Hac major jam ac potentior victoria, Legatus per Germaniam creatus à Pontifice, cum Lothario II. Imperatore in Italiam transiit, ex qua Megingeri ossa in Germaniam secum retulit. Multis deinde litibus agitatus, nunc victor triumphavit, nunc victus succubuit, præsertim cum Confluentia literas Pontificias sibi oblatas fortè dilacerasset. Igitur Romam ad dicendam causam vocatus quamprimum venit, & ob promptam obedientiam impetravit, ut Seyherus Abbas ad fidem Trevirensium Archiepiscopo promittendam fuerit adactus. Cælestinus paulo post creatus Pontifex, factum denuo ratum habuit. An. 1147. Eugenium III. Pontificem in Gallias profectum, factus obviam Adalbero honoravit, Trevirósque Viriduno euntem humanissimè invitavit, ubi pari humanitate exceptum ad S. Mathiæ templum deduxit, indeque ad urbem vicinaque loca traductam trimestri integro suis aluit impensis. Eodem tempore Pauliniana Basilica, & S. Mathiæ fuerunt consecratæ, institutæque Treviris Synodus, in qua præter alia D. Hildegardis facinora ab Historicis conscripta sunt, discussa & probata. Hinc Pontifex ad Rhemense digressus Concilium Adalberoni tanquam Primati proximum à se tribuit locum: unde denuo lites, autoritate tamen Pontificis sopitæ. Postrema Adalberoni contentio fuit cum Hermanno Comite Palatino, qui Advocatus Ecclesiæ delectus, Ottoni Comiti Rhineco Trisium castrum, infra Cardonam ad Mosellam eripuit, quod cum Otto adstipulante conjuge Trevirensi Ecclesiæ donasset, Adalbero reddere recusanti armis extorsit, Comite, ut periculum evitaret, cautè declinante. Indictis demum Confluentia Comitibus, postquam discordes, & ad civile bellum spectantes nobilium animos felici pacis studio composuit, febris simul & pleuritide correptus exspiravit an. 1152. Sed. an. 20.

LXXXII. HILLINVS, LVI. ARCH.

XI. ELECTOR.

Hillinus eadem ferè ætate electus Archipræsul, qua Conradus III. Imperator vitâ est functus: unde Francofurtum evocatus cum Electoribus Imperii, Fridericum I. cognomento Aenobarbum Imperatorem elegit. Peracta electione Romam missus ad Eugenium Pontificem partim Imperii, partim sui muneris ergo dum venit, Romam venisse & vidisse profuit: præter Pallium enim aliâque Archiepiscopis Trevirorum propria, novis antiqua privilegia sunt confirmata. Crevit inde etiam Electoris autoritas, quæ tum in causis Ecclesiæ, tum Imperii ambiguis plurimum valuit, tanto nimirum tempore, quanto inter Pontificem & Cæsarem stetit pax integra & amicitia: postquam enim Fridericus Victoris pseudopontificis partes est amplexus, Hillinus domi hærens, vel morbum sensit, vel simulavit. Verùm & domi lis nata cum Conrado Friderici Cæsaris fratre, Trevirensi Advocato Palatino, uti vocabant, præter spem est discussa brevissimè: Imperator namque vel æquitatis studio, vel Electorem sibi lucraturus denuo, sententiam dixit Hillino exoptatissimam. Accessit sententia altera à Friderico pro Electore contra cives lata, qui more novissimo tribus adornare, magistros tribus præficere, ac jure decernere sunt ausi. Inter partæ pacis deinde studia Hillino curæ fuit, arcem Ehrenbreitsteinianam communire, & necessariis quibusvis rebus instruere; summæ item Trevirorum ædi majus spatium dare, quam curam & mors, & Medici interrupperunt an. 1169. Sed. an. 17.

LXXXIII. ARNOLDVS, LVII. ARCH.

XII. ELECTOR.

Arnoldus ab Ubiis translatus Treviros, annitente plurimum Friderico Imperatore electus, constanter pacem coluit, ut

animarum salutem se suosque totos servaret; quem in finem non paucos ex nobilitate armorum suos, revera prædones, datâ prædâ remisit. At Fridericus Lotharingæ Dux & Comes Nassovius, cum arma ponere nullo modo viderentur, uterque Arnaldi felicitate magna repulsus pacem petiit, dum paulò antè petitam negavit. Otium ab armis nactus Archidieceps suam lustrando, Ecclesias passim ære alieno obstrictas insigni liberalitate levavit. Nec multò post in Italiam cum Cæsare profectus, post optatam Pontifici & Venetis victoriam Alexandrum Friderico vidit conciliari, vidisse talia contentus: unde in Germaniam reversus, Himmerodensis claustrum solitudine delectatus an. 1183, mortem expectatam animo æquissimo excepit. Sed. an. 14. Mortuo Arnaldo septem annis à geminis partibus pugnatum est, aliis Rudolphum Præpositum, aliis Folmarum Archidiaconum poscentibus. Inter duos litigantes gaudere demum licuit tertio, qui fuit

LXXXIV. IOANNES, LVIII. ARCH.

XIII. ELECTOR.

Joannes Henrici VI. Imperatoris Cancellarius, ut vocamus, Diocesi suæ quietem restituit, & eiusdem bona promovit, verè pastor vigilantissimus. Inter opera eiusdem prima venit urbs Trevirorum novis mœnibus resecta, & templum Noviomagense consecratum. Cum variis deinde Comitibus partim jure, partim gladio certavit, ut rem Ecclesiæ integram servaret. A profanis conversus ad sacra, dum exornandæ ædi summæ se totum impendit, inconfutilem Christi Domini togam denuo inventam confertissimo populo an. 1196. exhibuit. Adversus plurima illius temporis discrimina ut immunem se servaret, nunc Philippi, nunc Ottonis Imperatorum inter sese pugnantium partes amplecti necessitas, & mutata in tempore ratio suadebat, ubi ab Ottone Treviri accepere singulare privilegium, quod *Fundamentum Treviricæ*

liber-

libertatis vocârunt. Id commendandum maximè in Electore Joanne, quòd inter publicas Imperii adversitates Romam sibi præfixerit constanter metam, ultra quam nec passum quidem tentandum esse fixum ratum habebat, amicus nimirum usque ad aram; unde cum Guido ex Cisterciensium Ordine Cardinalis imperante Innocentio III. Pont. partes Philippo Cæsari pertinaciùs adhærentes anathematis sententiâ terreret, continuò Joannes monitis acquievit, atque in Cisterciensium gratiam Romam profectus est, ut vectigalium, quæ in sacri belli subsidium postulabantur, onus averteret. Simile exemplum in Joanne expertus Otto, æstimavit pluris, quàm amavit promptam Electoris huius erga Pontificem obedientiam. Cæterùm quamvis Treviros, Confluentiam aliàsque urbes suas plurimis impensis communièrit, quin Dioccesin suam copiosis simulque pretiosis subsidiis recreaverit, facultates tamen finèsque Ecclesiæ suæ adeò adauxit & extendit, ut pluribus seculis posterì Joannis nomen celebraverint. Inter communes igitur omnium laudes tumulto illatus est an. 1212. Sed. 22.

S E C U L U M XIII.

LXXXV. THEODORICVS II. LIX. ARCH.

XIV. ELECTOR.

Theodoricus II, origine Comes de Weida, ex Archidiacono Trevirensi & Præposito S. Paulini formatus Archipræsul, in Electoratus sui exordio jam dura passus pronuntiavit: *excelsa munera sunt gravia onera.* Anno nimirum ab electione sui altero ab Ottonis partibus captus, à Friderico Ottonis hoste liberatus est, libertate hac parùm recreatus, quòd multis vinculis obnoxiam sciret. An. 1215. Coloniam abiit, hanc ipsam urbem interdicto subjectam liberaturus. Coloniâ Romam profectus Lateranensi Concilio celeberrimo interfuit, in quo cùm pro Ecclesiæ

emo-

emolumento legitimè constituta, excitatque præsentium omnes forent ad suscipiendum bellum sacrum, Theodoricus inde redux doctrinam disciplinamque Ecclesiasticam suis Clericis, præsertim majoribus enixè simul & severè commendavit. Extructis dein monte Thaborino, ut vocant, adversus Nassovios, & domo Teutonica, Palæstinæ adeundæ desiderium concepit, quo Electorem suum præcucurrerunt de Trevirensium gente plurimi. Per Italiam itaque in Orientem translatus, dum suâ præsentia, consiliis & promissis à Friderico auxiliis quæque præstare laboravit, in vanum se laborasse comperit, Friderico in propositis & promissis parùm sibi constante. Huius tamen filios, primò nimirum Henricum postea rebellem, & demum Conradum Regiâ Imperii coronâ exornari suasit etiam Theodoricus. Ædibus sacris nunc extruendis, nunc exornandis, nunc consecrandis dum strenuam navavit operam, Marpurgi in Hassia D. Elisabethæ miraculis clarissimæ Principis ossa levavit & honoravit. Cæterùm ut lugubri suo seculo Ecclesiæ bono nunquam non prospectum foret, in Conventu Wormatiensi impetravit, ut Episcoporum privilegia de jure dicendo firmarentur, & Democratiæ libertas per civitates Germanicas identidem magis invalescens restringeretur. Demum an. 1238. in provinciali Concilio Clericorum mores emendare maxime opere studuit, ubi vestitus decens ac modestus, & simul in domo & choro præsentia cunctis severè est imperata; alexæ verò aliisque his non absimiles lusus prohibiti. Inter tot curas ac labores Theodoricus senio confectus, Henricum Osiliensem Episcopum sibi Suffraganeum delegit. Exemplum Theodorici Episcoporum dein plerique secuti, morem fecerunt ad illud usque tempus vix cognitum. Confluentia eximii nominis Elector mortuus an. 1242. Treviris est sepultus. Sed. an. 30,

LXXXVI. ARNOLDVS. LX. ARCH.

XV. ELECTOR.

Arnoldus nepos Theodorici ex gente Isenburgica, dum à Clericis eligitur, nobilitas & populus jungunt studia, ut Rudolphum de Ponte sibi Electorem præfiant. Rudolphus itaque horum favore fretus, ut Pedum impetret, gladium arripit, summamque ædem arinis occupat: unde clades mutua. Cessit denique meritò Rudolphus, Arnoldo autem Innocentius IV. Pont. Româ Pallium ultro submisit. Hoc animatus favore Arnoldus Reipublicæ tam sacræ, quàm profanæ exornandæ strenuam dedit operam. Operam hanc tamen plurimum impedit Fridericus II. Imperator Pontificis, & Imperii Principum sententiâ exauthoratus, in cuius locum cum promovissent Henricum Hassiæ Landgravium, & hoc defuncto, Wilhelmum Hollandiæ Comitem, etiam Arnoldo variè pugnandum fuit cum Friderici, & Conradi filii partibus. Demum mortuo etiam Imperatore Wilhelmo, cum varia offerrentur munera Arnoldo, ut Richardum Anglum suo calculo eligeret Imperatorem, muneribus ad domum suam redire iussis, Imperii Fascibus tanto minùs dignum æstimavit, quanto magis ambire etiam oblato auro quemquam intellexerat. Ab æquitate igitur maximopere laudatus in arce Thaborina an. 1259. æquissimum adiit Remuneratorem. Sed. an 17.

LXXXVII. HENRICVS II. LXI. ARCH.

XVI. ELECTOR.

Certantibus inter sese de Peto & Pallio Trevirensi, Arnoldo de Scleida & Henrico Bollandino, Henricus alter, Decanus scilicet Metensis utrumque præripuit, consecratus Archiepiscopus unà cum tribus aliis, nimirum Moguntino, Premensi & Magdeburgico Archiepiscopis. At cum maturè nimis Archiepiscopus

copalia involâſſet munia, haud exſpectato Pontificis annutu, ſimulque Theodoricum ad D. Mathiæ Abbatem haud æquis vexâſſet modis, ab Urbano IV. Pont. anathemate confixus, à Clemente IV. Sede remotus, à Gregorio demum X. eidem eſt reſtitutus, poſt ſolutam auri multam abundè gravem. Ita caſtigâſſe profuit multùm; Theodorico namque eo ex tempore amicitia certare, ædes ſacras condere, exornare, urbes & arces cõmunire, multos plurimis beneficiis honorare in deliciis fuit: Kilburgi namque templum Deiparæ ſacrum excitavit, Canonicis eum in locum aggregatis. Mailbergum Diœceſi ſuæ adjecit. Berencaſtellum nova arce communivit. Caſtrum Meginenſe funditus excitavit. Feudorum magnam partem nobilibus conceſſit. Confluentiæ Meinfeldiæque mœnia ab Arnolſdo cœpta abſolvit. Verùm in tributis exigendis immodicus plurimorum adverſus ſe linguas exacuit, & mortem acerbam fortè accerſivit: acutiſſimis enim vexatus morbis, ad Divorum opem confugiſſe eſt viſus. Aut veriùs luit in tempore, ne lueret in æternitate, paratus & pati & dicere cum D. Præſule Hipponenſi: *hic ure, hic ſeca, modo in æternum parcas*. Mortuus eſt an. 1286. Bononiæ. Sed. an. 25.

LXXXVIII. BOEMVNDVS, LXII. ARCH.

XVII. ELECTOR.

IN electione Clerici ruſum in partes diviſi, Warnesbergium de Dagſtuel dictum, tandem elegerunt. Ex multis igitur eluctatus diſſidiis, præclare rem pacis bellique adminiſtrare eſt aggreſſus, utinam meliori tempore, quàm quo Canonici ſummam deſeruerunt ædem, quòd Nicolaus IV. Pontifex in ſuſcipiendis Canonicis non magis ſtemmate nobiles, quàm doctrinâ & virtute eximios ſecerni & promoveri juſſiſſet, ſi tamen hi nobiles literis, aut optatis Eccleſiæ donis ſuperarent. Pontifex etiam ne fortiùs diceret, quàm faceret, in vacuas Canonicorum ſedes immiſit

misit Petrum Aichspalterum Rudolphi Cæsaris Medicum quondam peritissimum, & Joannem Officiale Trevirenses, ut vocant: unde genere nobiles mox alios, stemmate nimirum præcellentes sibi junxerunt, neglectâ anathematis sententiâ. Interea Boermundus singulari in Deum pietate accensus, quotidie ferme ad aras faciebat, pacem Superos rogans. Ut eandem etiam ab hominibus impetraret, prudentiâ prorsus singulari usus est in rebus agendis, præsertim verò in dissidentium animis conciliandis. Facilitate tanta erat præditus, ut sui adeundi copiam nemini facile negaverit, licet curis & laboribus, ut probatorum Principum mos habet, occupatus. Circa annum 1292. Noviomagum Constantini M. castris celebre munivit arce: alibi alia molitus, feuda nobilium non paucis concessit. Demum annis & meritis magnus an. 1299. morti succubuit multorum desiderii & lacrymâs deploratus. Sed, an. 12.

S E C U L U M XIV.

LXXXIX. DIETHERVS. LXIII. ARCH.

XVIII. ELECTOR.

Dietherus Adolphi Nassoviensis Principis, & tandem Imperatoris frater germanus, Ord. S. Dominici vir multis dotibus clarissimus, à Pontifice Bonifacio VIII. in Sedem Trevirensium est promotus. Archipræsulem Canonici mox apposuerunt alterum, nempe Henricum Comitem Virneburgicum in æde Trevirorum summa permagni æstimatum. Diffidiis his anam dedere maximam partes parùm amicæ inter Albertum Austriacum, & Adolphum Nassovium de Solio Imperii decertantes. Tandem Albertus Viris ad Rhenum Principibus non tam nuntiato, quàm illato jam bello extorsit cum pace obsequium, postquam Bingium occupavit & vectigalia impediit. Trevirenses

Q 2

cives

cives Henrici Comitis Lüzelburgici in urbem recepti ope maxima freti plenam legendi deinceps Magistratus sibi vendicârunt copiam, Diethero frustra ad arma confugiente. Ea tamen lex seditiosis est imposita, ut Archipræfuli suo fidem sacramento firmarent, nec ejusdem sententiis se contraventuros esse unquam promiserint. Confluentiæ non ita res successit: seditiosi enim cives obsidione cincti, & armis sunt debellati, eò majori odio in Electorem suum accensi. Odium hoc diminuit, si non sustulit mors Dietheri. In æde monasterii S. Dominici sepeliri cupivit an. 1307. Sed. 8.

XC. BALDUINVS. LXIV. ARCH.

XIX. ELECTOR.

Balduinus Henrici Lüzelburgici Comitis, & demum Cæsaris frater spei maximæ à Clericis postulatus, Pictavii primò Episcopus est consecratus. Trevirensibus dein exoptatus, jus à civibus recens conscriptum fratris favore & auxilio fretus abolevit. Annis dein proximis Wesaliam & Poppardiam ab Augusto fratre pro navata fidei opera in bello Italico datas ditionibus suis adjunxit, servato altiori dominio Imperatori. Henrico Imperatore mortuo tristiora fata passus est unà cum universo Imperio, dum Electores Imperii in partes geminas divisi, duos elegere Imperatores solio supremo dignissimos, si unum duos posset capere solium. Balduinus Ludovico Bavaro addictus, in Henricum Coloniz Electorem Friderici Austriaci amicum arma convertit; mox verò rebus Coloniz compositis in Spanhemios & Westerburgos à seditione publica vix remotos transtulit. Hactenus tamen multis formidatum Balduinum, & ab Imperatore Ludovico variis beneficiis & honoribus auctum, ac passim multorum victorem gloriosum Laureta Spanhemienfis Vidua Princeps ad Mossellam captum Starckenbergicæ arcis inclusit, admodum gravi pe-

cuni-

cuniarum summa, & juratis de pace perpetuò servanda pactis redemptum. Hoc maximè modo vicissitudinis humanæ admodum, Wormatiensem Episcopatum, quin & Moguntinum denuò sibi oblatum, nullo pacto admisit, sed congregata Synodo pro Clericorum reformatione eò curas omnes convertit, ut Benedictus XI. Ludovico Imperatori faveret, & acta Joannis Pont. rescinderet. Cum Eduardo Anglorum Rege annis proximis habita sunt consilia, & pacta inita multis modis vituperata, præsertim à Francis, quorum Regem Philippum conjunctis armis petere erat animus, multo auro corruptus. Mutato rursus Imperii statu, mutatus Elector in Carolum IV. Ludovico Cæsari subrogatum Imperatorem omne contulit studium, quin cum Carolo Gallis adstitit contra Eduardum, aliis summum jus, aliis summam injuriam clamantibus. Güntherum etiam Comitem Schvvartzenburgicnm à nonnullis Imperii Electoribus in Cæsarem postulatum armis removit. Ultimis etiam expirantis vitæ annis nunc belli, nunc pacis studio identidem magis inclaruit à Brovvero & aliis Scriptoribus dictus *Vir domi forisque prudentiâ, pietate, & fortitudine excellens.* Addere lubet verba ultima: *qui postquam multis partibus Archiepiscopatum amplificasset, extremum vitæ tempus, ut plurimum in Carthusiana solitudine nocturnisque ac diurnis vigiliis orationibusque transiegit, Seculi illius lumen & Episcoporum decus.* An. 1354. mortuus sepultus est in summæ ædis choro: Sed. 47.

XCI. BOEMVNDVS II. LXV. ARCH.

XX. ELECTOR.

Boemudus II. ex illustrissima Edendorffiorum de Saræ ponte familia natus, in Sedem Balduini vocatus venit; qui pace cum Trevirorum civibus firmata, & clientelâ diverforum Comitum, oblatis peramicè feudis, sese communire laboravit. Accessit continuò Caroli Cæsaris & favor & gratia, quibus Trevirensium Electori pene negatum est nihil. Unde beneficiorum acceptorum apprime memor, cum Treviri Imperatorem exce-

piſſent Auguſtum Hoſpitem, honoris nihil Boemundus prætermiſit. Inter dona Cæſari gratiſſima venit corpus D. Palmatii Mar tyris Treviriſ in Bohemiam translatum donante Boemundo. Annis ſequentibus auctæ & firmatæ Electorales ditiones. Ætate ad ſenium vergente, Boemundi manſuetudine abuſos fuiſſe inter alios memorant Philippum Comitem Iſenburgicum, & Rupertum Palatinum, quorum hic arces firmandis rebus ſuis moliri cœpit, jure à Weſalienſibus impeditus: ille verò Gretenſteinium non procul Vilmaria excitavit: unde Cuno Falckenſteinii ſenſcenti Archi præſuli in Adjutorem datus, Philippum Comitem cum deviãta arce interceptit, & repetita rebellione denuo captum Electoris ſui arbitrio reliquit: Elector verò membris omnibus captus morti ſuccubuit an. 1363. Sed. an. 9.

XCII. CVNO. LXVI. ARCH.

XXI. ELECTOR.

CUno ſtemate Falckenſteinii ab Innocentio IV. Pont. confirmatus & inauguratus, continuò cum civibus, certis paſſus eſt legibus, ut domi res forent quietæ; quem in finem urbi Trevirenſium Hebræorum 50. familias indulſit, quæ tributa ſolverent. Verùm urbs eadem libertatis Democraticæ ſtudio capta, à Cunone vi, ab Imperatore judicio preſſa, ſenſit ſe fruſtra obluſtari; unde oblatam ab Electore ſuo pacem amiſit. Hic verò ad Diœceſis curam converſus à Winnebergiis arcis Biſteinæ partem coemit. Molsbergum quoque adjunxit Eccleſiæ, & Comitem Silveſtrum cum prædonum manu latè grãſſantem frëgit. Andernacenſes non minùs poteſtati ſacræ obtreſtantes non ſine multa compeſcuit. Rebus permultis aliis ritè compoſitis bella perpetuò declinare ſtudit, experienciã præclare doctus æſtimare fructus pacis eximios. Tempore pacis exornandis ſacris ædibus intentus, D. Helenæ caput ex Galliis Treviros in ſummam ædem

tranſ.

translulit: dotavit pariter SS. Trinitatis, DD. Nicolai, Agnetis & Georgii aras proventu annuo, ut Sacrum in dies fieret ex voto Boemundi. Eadem ætate Engelberto Colonix Archiepiscopo vitâ functo, in Sedem invitatus Cuno Administratoris munus, minime verò dignitatem ipsam admisit, insigni Coloniensis Ecclesiæ fructu, quem in rebus cunctis diligenter quæsit. Imperatoris Caroli gratiâ potens, privilegia & nova & vetera curavit confirmari, & beneficiis augeri inauditis hætenus, inter quæ venêre telonia Septem - Viris Imperii ab Imperatore donata, ut Wenceslaum filium crearent Cæsarem, tanto Solio futurum indignissimum, præsertim difficillimo tempore, quo Ecclesia & Imperium tempestatibus maximis cœperunt concuti. Archipræsuli interea curæ fuit diversis nobilium clientelis res suas ornare & firmare; nobiles iidem erant Spanhemii, Nassovii, de Marca, Seinæ, de Wiede, Isenburgicus, Reuschenbergii aliique. Brechena inferior ab eodem muris est cincta. Idgensteinii quoque Canonorum Collegium instituit, hodie hæresi abolitum. Inter postremos labores Cunoni erat expeditio Ravensteiniana, qua una cum cæteris Ecclesiasticis Electoribus Ludovicum eius loci dominum, prædonem plurimis gravissimum domuit; quietis demum appetens in Wernerum pronepotem suum Urbano VI. Pontifice annuente, Canonicis verò obstrepentibus Pedum translulit an. 1388. Sed. an. 10.

XCIII. WERNERVS. LXVII. ARCH.

XXII. ELECTOR.

Wernerus de Königssteiniorem stemmate natus, & multis virtutibus exornatus Treviris Archidiaconus, Canonorum demum etiam admissus est suffragiis. Lite una sublata, mox altera eidem est nata cum sanguine proximis, qui Cunonem Archipræsulem nuper mortuum thesauros soli Wernero cognitos abscondisse crediderunt. Litibus accessere pugnae, quarum

quarum alterâ Nassovium Comitem Molsbergo molestum represent, alterâ verò Wefaliam rebellem subegit, novo pyrii pulveris & bompardarum usu victor. Deinde auxilio fuit Friderico Colonienfium Electori contra Engelbertum Marckanum Comitem, quem mox alii vel fecuti, vel æmulati Wernero bellandi campum aperuerunt. Anno ab hoc altero, nimirum 1400. Wernero & Electoribus reliquis confilium ineundum fuit de Wenceslao ignavo Imperatore exauthorando, quòd tum Huffitarum hæresis in Bohemia maximè eiufdem indulgentiâ creſceret, tum etiam cauſæ plurimæ inſignem Imperatorem deſiderarent. Electi proinde in Imperatores Fridericus Dux Brunſuicenfis, & hoc mox ſublato Jodocus Moraviæ Marchio: hoc item brevì deſuncto Rupertus Palatinus placuit. Ruperto in Italiam profeſto, & inde Treviros reverſo, Wernerus interea inſtauratum ab incendiis Wiltichium egregii operis caſtro communire cœpit, atque infra Confluentiam Wernerſecum arcem erexit. Tandem licèt ſenio conſectus, Theodorico tamen Colonix Archiepiſcopo adverſus cives ſuos cum copiis ſubvenit; at inde brevì in arce Burenbergica morbo extinctus eſt an. 1418. Sed. an. 30.

S E C U L U M XV.

XCIV. OTTO. LXVIII. ARCH.

XXIII. EEECTOR.

OTto è Ziegenhemiorum Comitum ſtirpe progenitus, & munere Præpoſiti in æde Trevirorum principe ita eſt functus, ut Canonicoꝝ omnium calculis electus, teſtibus lacrymis tantam dignitatem ſeriò deprecatus fuerit, non niſi multoꝝ precibus, & vi amica in Trevirenfium Sedem elatus. Poſt ſedatos continuo Colonix motus, Treviros reverſus ad depravatos multoꝝ mores caſtigandos animum appulit, ipſe exemplo

igidæ castigatæque vitæ amator prævius. Mox inde Martini V. Com. Pontificis, à quo Pallium accepit, hortatu arma in Hussitas nà cum sociis Principibus convertit, eventu minùs secundo. Inter publicos tumultus Hierosolymam adeundi sacra voluptate catus, abiit, rediitque Clericorum mores multis consiliis & violentis remediis curaturus. Verùm cum votis non responderet eventus, animo magis quàm corpore cœpit laborare, & animam suam nodis & mediis optimis curare, mortem præveniendam ratus. Confluentiâ Treviros funus perlatum, ad aram Magnæ Virginis est epositum hoc cum elogio: *Humilitatis exemplar, Ecclesiasticæ reformationis elator, Iustitiæ, Veritatis & Pacis plantator, Eleemosinarum largus Dator, requiescat.* Ottone vivis erepto Udalricus de Manderfscheid, & Jacobus Sirtius primæ notæ Canonici à pugnantibus partibus delecti, dum ausam dubiam egerunt Romæ, Pontifex Martinus V. utroque vivere ac valere iussit, Spirenses Episcopum multis modis celebratum, Archipræfulem Trevirorum simul constituit & confirmavit, qui fuit

XCV. RABANVS. LXIX. ARCH.

XXIV. ELECTOR.

Rabanus cognomento Helmstadius, quem tamen Eugeni-
 us IV. Martini Successor contra Udalricum Mander-
 fscheidium pertinaciter suo in proposito persistentem de-
 nuo confirmatum propugnaret, pars tamen Clericorum & Nobi-
 um in dies major, Udalrico majori studio partim favere cœpit,
 artim favere non destitit, in subsidium vocatis si non magicis,
 altem obscuris artibus, quibus tamen profecere parùm, aut nihil.
 Rabanus ergo ringentibus hostibus in Sede communitus, post
 reve temporis intervallum à Comite Virneburgico armis peti-
 it. Ut pacem quovis auro pretiosorem daret, & datam confer-
 aret, oppignoracionem Schönecki, Schöneburgi, Dunæ, Kempe-
 ichii, & Hamersteinii pro 4500. aureorum summa admisit, unde

R

rursus

rursus diræ & iræ, præsertim cum ærarium exhaustum clamitarent, qui fortè exhauferant. Tot inter syrtes & charybdes medius Rabanus, Joannem Episcopum Leodiensem in Adjutorem sibi delegit, telonium & vectigal urbis Marcetumque Sirckii quondam æmuli partibus pro crediti pignore cessit, Episcopatum suum servata in sustentationem auri summa non magna dimisit, æs alienum jam prius contractum debitis novis augere coactus, morti & Pontifici obedientiæ victima cecidit, inter mortales parùm gloriosus, inter immortales, ut pars minor, at melior dicebat, immortali gloria dignissimus. Mort. an. 1439. Sed. 9.

XCVI. IACOBVS. LXX. ARCH.

XXV. ELECTOR.

Jacobus genere & cognomento Sirckius Udalrico æmulo meritis maior longè, ab Eugenio Pont. confirmatus, Clericos urbem tributorum copiâ ferè suppressam egressos, ad sexennii tributum pro levanda Reipublicæ necessitate pendendum induxit reduxitque, civibus ritè conciliatis. Legationem deinde ob experientiam maximam ad Fridericum Austriæ Archiducem, in Alberti II. Cæsaris defuncti locum non ita pridem evectum suscepit, comes Friderico factus, ad coronam Imperii eidem Aquisgrani imponendam, ibidem Archicancellarii Moguntini Electoris loco perfunctus munere; quam ob rem ab Imperatore Regalibus, ut vocant, ornatus, vectigal Hamersteinianum impetravit, cui etiam Poppardienfè accessit. Ut verò ante alios populum Trevirenses sibi arctiùs devinciret, consules deligendi copiam eidem indulsit, tanto tempore, quanto ipse viveret. Laboravit inde, ut Carolus Gallorum Regem post devictos Anglos nemini non formidatum sibi benevolum redderet. Dum verò unam vitavit, alteram contra se tempestatem excitavit, cum ipse, & unà Theodericus Colonienfis Elector in causa Concilii Basileensis Eugenio IV.

Pon-

Pontifici palam refragari non sunt veriti. At discussa tandem hac tempestate universæ Ecclesiæ maxima, Jacobus Jubilei ergo Romam profectus, dum rediit, Academiæ Colonienſium more & ritu formandæ animum applicuit. Ubi dein Nicolao V. Pont. & Friderico Imperatore annuentibus, supremam Metenſis Ecclesiæ curam, pro levanda suæ diœcesis inopia, in se suscepit, morbo correptus, apoplexiæ tandem succubuit an. 1456. Elector Dei Religionisque cultui impensè deditus. Sed. an. 17.

XCVII. IOANNES LXXI. ARCH.

XXVI. ELECTOR.

Ioannes Marchio Badensis à dissidentium in electione Canonicorum parte dum postulatur, admittitur ab omnibus. In eodem virtus eximia, & dispensatio Romana ætatis defectum supplevere: Calistus nimirum III. Pallium, Fridericus verò conuicta in Imperio Electoribus insignia Joanni concesserunt. Ita confirmatus & exornatus, ut Trevirensē Senatum populūque evotum sibi redderet, consulum legendorum potestatem eidem et ipse non negavit; unde velut in triumpho 2500. equitum Treiros advenienti sacramentum cives dixerunt, institutis epulis lautissimis, & adornatis ludis equestribus. Academiæ deinde enitens absolvendæ, & Doctoribus instruendæ strenuam navavit peram: anno namque Archiepiscopatus 16. Salutis 1472. Actus, *vocamus, Universitatis publicus omnium primus est celebratus, quo Archiepiscopus trevirensis Cancellarius Academiæ perpetuus, Conservatores verò Præpositus adis summe, Abbas S. Matthei & Prior Carthusiæ, ac demum Rector Nicolaus Raemſdonckius venunctus est. Ius protectionis civitati duobus aureorum millibus Ioannes Elector transcripsit, hæc Masenius. An. 1473. Fridericum Imperatorem cum Maximiliano filio, & Carolum Burgundorum Ducem cum plurium Ducum ac Principum numero excepit, ubi actum de conjugio Maximilianum inter & Mariam Caroli Ducis filiam ineundo. Legatus ea in re Gandavum missus, ac inde Treviros reversus, græ-*

vi cum Manderscheidiis Comitibus urbem bello implicitam ritè composuit. Reparandis etiam ædificiis variis intentus, Ecclesiasticam simul disciplinam erexit. An. 1488. bellum Schönecki Superioris, & Bilssteinianæ ditionis causâ à Palatino & Virneburgiis Comitibus motum, Joannem quoque ad sumenda arma excitavit, intercessione tamen Virorum Principum nova pace compositum. Parùm æquo tamen bello se impeditum fuisse; commentario juris sui edito luculenter docuit. A bellis otium nactus, Sacerdotum quorumvis emendandis moribus operam dedit, Synodo hanc in rem Treviris indicta. Correctionem etiam admittere adacta sunt Monasteria diversa, ut emendationem acciperent. Eadem ætate Boppardia urbs privilegiis ab Archiduce Maximiliano confirmatis freta, & nobilium quorundam instinctu irritata, rebellionem est molita, sed anathematis fulmine percussa haud manus dedit. Quare Archipræsul vicinorum Principum ope nixus, obsidione cinctam civitatem ad obsequium reduxit. Anno 1499. cùm in arcem Cochimensẽ divertisset, conclavi pulvis pyreus de industria subjectus & accensus, unâ cum ædificii parte Electorem in auras evibravit, non absque miraculi estimatione servatum. Annis eo ex tempore duobus duntaxat vixit, mortuus an. 1501. Sed, an. 47.

SE C U L U M XVI.

XCVIII. IACOBVS II. LXXII. ARCH.

XXVII. ELECTOR.

Jacobus II. stemmate Marchio Badensis, Joannis Electoris nepos, Alexandri VI. Pontificis autoritate invitis Canonicis Archipræsul est missus, & ab iisdem admissus denique, postquam Georgius Rheni Comes Palatinus Jacobo oppositus succellit jure. Jacobus igitur iam undique in Solio firmatus, Tre-

virorum

virorum urbem parum amicam sibi aggressus, indulta à Joanne patruo privilegia rescidisset, nisi amicorum multorum preces obstitissent. Subinde partim gliscentibus, partim in apertas flammæ erumpentibus inter Hungaros & Turcas, inter Palatinos & Bavaros, inter Maximilianum Cæsarem & Venetos bellis, consiliis passim adhibitis publicis, cum Coloniam à Cæsare missus veniret inter Senatum & cives futurus arbiter, morbo ibidem ultimo prostratus Elector doctrina insigni, & pari virtute illustris, multorum dolore maximo ad plures abiit an. 1511. Sed. an. 8.

IC. RICHARDVS. LXXIII. ARCH.

XXVIII. ELECTOR.

Richardus è Greiffenclauiensium familia celeberrima oriundus, communibus omnium Canonicorum votis in supremam Trevirorum Cathedram est euectus, Princeps tanta Sede, testibus virtutibus sanè rarissimis, nequaquam indignus. Archiepiscopatus sui initio Maximilianum Cæsarem Comitiorum causâ cum numerofo Virorum in Imperio Principum comitatu venientem excepit, cuius precibus Augustis, & plus quàm armatis reconditum in ara principe Togæ Dominicæ, & primæ notæ Reliquiarum thesaurum luci publicæ reddidit, ingenti & vix unquam Trevis spectatæ hominum multitudinî exhibitum: unde in urbem etiam manavit pestis, & Comitia Ubios translata sunt: iteras paulò post Richardus à Leone X. accepit, quibus Maximilianum Imperatorem adversus Selimum Turcarum caput supremum, jam Persarum victorem Europæ formidandum excitari desiderabat. Verùm cum Franciscus I. Galliarum Rex Mediolanensium Ducatui immineret, huius utpote hostis potentissimi & proximi avertendi cura prævaluit in Cæsare, qui in Trevirorum cives, Gallorum partibus apertè faventes, severè animadvertit. Inde Maximiliano fatis concedente desideria omnium pu-

blica, præsertim Richardi in Comitibus præsentis, sunt conversa in deligendum Imperii Supremum Moderatorem, quem Status Carolum V. dixere, ringente æmulo Rege Francisco. Reditum Augustâ Aquisgranum, Aquisgrano WORMATIAM, ubi Richardus Lutheri partes ad saniora consilia capeffenda inflectere frustra conatus, & domum reversus, cum Francisco de Sickingen Viro nobili & armis assueto bellare coactus est. Is ipse Franciscus Lutheri placitis corruptus, & perinde Richardi exasse Catholici Electoris hostis effectus, abundè magnam militum copiam sub falso prætenfis Cæsaris auspiciis conductam, repente in Diœcesin Treviricam induxit. Verùm hic justas brevè dedit pœnas Electori Richardo, qui Gerlaco Isenburgico, quem suæ militiæ præfecerat Ducem, fretus, cum prætoriana cohorte Treviros ingressus, civibus ad sui suorumque propugnationem animos addidit: dùmque subsidiariæ Richardo copiæ adventare propiùs nuntiabantur, Sickingius terrore percussus, fusus, fugatus, propriis possessionibus exactus, & paulò post vitâ exutus est: Richardus verò spoliis locuples reversus, bellicis tormentis de victo hoste relatis Ehrenbreitsteinianam arcem instruxit, & auxiliorum vicem Palatino Duci, & Hassiæ Principi, adversus seditiosos agrestes pugnantibus, rependit. E Martiis campis ad Comitata Spiram, & inde Ratisbonam vocatus, cùm pro Hungaria & Germania strenuè conservanda rem egit, interea cives Trevirenses Lutheri dogmate malè corrupti, Clericis inaudita hætenus onera imponi postulabant. Verùm Richardus ad propria reversus cives, alieno exemplo territos, suæque autoritate in speciem minimùm compositos, eo tempore in officio continuit, annis sequentibus instar flammæ in apertum incendium erepturos. Denique post Comitata Ubiorum pro Electione Ferdinandi I. in Regem Romanorum celebrata, morbo prostratus repentino, non sine dati veneni suspitione est mortuus Witlichii an. 1531. Sed. an. 10.

C. Joan.

C. IOANNES III. LXXIV. ARCH.

XXIX. ELECTOR.

Ioannes Metzenhusanæ stirpis insigne decus, dum summæ Ecclesiæ Præses præponitur, priora merita adeò auxit posterioribus, ut unâ omnium eligentium suffragiis Elector electus, Clementi VII. Pont. & Carolo V. Cæsari pergratus, ab eorum priorè Pallio, à posteriore Electorum insignibus sit exornatus. Pacis idem liberalibusque addictus studiis, neglectum civibus Academia resumpsit sibi patrocinium, Viris doctissimis eam in rem accersitis, quos inter fuit Ambrosius Pelargus D. Dominici Ordine Theologiæ Doctor, & fidei propugnator insignis. Non minùs iis temporibus lapsam disciplinam & iustitiæ tribunalia neglecta reparare occipiens, componendis de Religionè dissidiis inter alios Viros Principes à Cæsare constituitur. Verùm improvise correptus morbo in arce Dansteiniana an. 1540. morti succubuit. Sed an. 9.

CI. IOANNES LUDOVICVS LXXV. ARCH.

XXX. ELECTOR.

Ioannes Ludovicus ex familia de Hagen oriundus, summo Nobilitatis Ecclesiasticæ consensu ad supremam Trevirorum Cathedram evectus, consuluit temporì ac necessitati; nam eorum dogmatum probè memor, Bartholomæum Latomum per annos 9. Lutetiæ eloquentiam professum, & aliàs diverso loctrinæ genere instructum, magno Catholicæ Religionis bono consiliis esse sibi iussit, in publicis Imperii Conventibus futurum Oratorem, & in Fidei Controversiis Orthodoxæ veritatis defensores. Anno 1542. in Comitibus Spiræ & Norimbergæ Ioanne Ludovico præsentè auxilia contra Mahometanos sunt lecreta, eventu parùm felici: reversus eam ob rem etiam ex Africa

ca Imperator Carolus cum Electore hoc Confluentiam rem transiegit, quam brevi secuta pax Carolum Cæsarem inter & Franciscum Regem, Ecclesiam profuit: actum namque cum Paulo III. Pontifice de congregando Tridenti Concilio, quod anno 1545. inchoatum. Interea Ludovicus laboribus & lenta tabe consumptus, Confluentiam mortem oppetiit an. 1547. Sed. an. 7.

CII. IOANNES V. LXXVI. ARCH. XXXI. ELECTOR.

Joannes sanguine Ilenburgicus Comes in Comitibus Augustanis Carolo Imperatori & Synodo Tridentinae fortiter adstitit. Tridento Treviros relatus, indicta & ipse Synodo instar boni Medici, ut saluberrimo pharmaco mederetur multorum malis, à semet curando exorsus, suos sibi defectus, promissa dicenti veniam, exponi publice postulavit; cujus præclarum exemplum Antistites reliqui imitati, ultro corrigi non detrectarunt. An. 1551. cum Philippum V. Hispaniae Regem per Germaniam ad Belgas transeuntem Saraponti humanitate summa excepisset, ad Concilium post remota tantisper bella denuo Tridentum profectus; at Mauriti Ducis Saxonici ab Imperatore Carolo defectione, & Ecclesiae suae periculo maximo territatus, domum repetiit. Et sanè properato opus erat; nam Marchio Brandenburgicus Mauriti in armis & novis placitis focius, haud longo tempore absuit; qui postquam Herbipolensem, Bambergensensem & Moguntinam Dioceses, sacra profanaque vastando, peragrasset, Electore Joanne contempto, in ditiones Trevirenses irrupit, relictis vix non barbarorum more vestigiis funestissimis. Inter hæc animi corporisque valetudo multis malis, præsertim paralyti graviter afflicta, Archipræfulem in monte Thaborino mortuum, & mox Confluentiam translatum sepulchro intulit an 1556. sed. an. 9.

CIII. IOANNES VI. LXXVII. ARCH.
XXXII. ELECTOR.

Ioannes ex antiqua & illustri stirpe *de Leyen*, quam alio nomine *de Petra* celebrem, novimus, prognatus, & Joanni ægritudine afflicto jam Adjutor exoptatus, eodem defuncto, communi omnium calculo Archi-Præful est promulgatus. Paulo Post Francofurtum evocatus, unà cum Electoribus reliquis Ferdinandum I. dixit Imperatorem Carolo, invito licet Pontifice, solitudinem quærente. Francofurto Augustam ad celebrandum Imperij Convantum translatus, tristitia accepit nova Treviris data: Gaspar nimirum Olevianus origine & religione Trevir, sed in e à Calvinianis Genevæ fallaci dogmate imbutus, præter Diæclicam sua placita indulgente Senatu, & applaudentibus ex civitate multis cœpit explicare. Elector itaque redux, sed in urbem ægrè receptus, cum sanis consiliis non valeret infringere corruptorum jam & corrumpentium audaciam, urbe rursum ingressus, omnes aditus illius interclusit, ne alimenta aut merces interclusis advenirent. Hoc incommodo maximo excitati prævalentesq; Orthodoxi Calvinianos in vincula conjectos, venientis Principis arbitrio reliquere. Perquam opportunè Treviros ad Joannem venit Commendonus Legatus Pontificius, & mox Witliaci Jacobus Laynius Societatis JESU præpositus Generalis, ut vocamus, quorum consiliis res Catholica in Trevirensi Diocesi est confirmata. Francofurtum denuo evocatus, Maximilianum II. unà cum Sociis Electoribus dixit Imperatorem, anno priori, quàm Tridentina Synodus ad finem fuit perducta. Imperante novo Cæsare cives Trevirenses rursus impatientes fræni, jura Imperii urbibus propria sibi deberi vociferantes, externa vocavere præsidia, causâ ad tribunal Cæsaris delatâ. At dum Cæsaris expectavit, sententiam mortis animo excepit æquissimo Confluentiæ mortuus an. 1567. Sed. II. Arch.

S

CIV.

CIV. IACOBVS III. LXXVIII. ARCH.
XXXIII. ELECTOR.

Genus perantiquum ab Eltz dictum Jacobo indidit insigne nomen, majus nomen dedere merita, ob quæ à congregatis Confluentiæ Canonicis electus, professionem Fidei juxta Tridentini Concilii formulam edidit. Tum verò civium suorum ad libertatem Imperii anhelantium animos, cum frustra per Legatos Septemvirum ad obsequium flectere conatus fuisset, evocatis ex urbe Clericis cives obsidione cinxit; quæ tamen brevi soluta est, causa à Cæsare Electorum arbitrio commissâ. Dum deinde cretis à Synodo Tridentina relictis intentus, eadem per Archidiececesin suam promulgavit, denuo ad Spirensia vocatus Comitata, Maximiliani II. Cæsaris filiam Elisabetham, ut Carolo Gallorum Regi sponsam adduceret, est rogatus. Interea sedes Patribus Societatis JESU in urbe amplior concessa, novatoribus verò aulae aditu interdictum fuit. Ecclesiasticam quoque Curiam reformavit, & Clericos vel ad nuptias, vel ad luxuriam proclives honoribus exutos, ignominia notavit. In Comitibus Ratisbonæ habitis Lutheranorum cohorti libertatem Augustanæ Confessionis per universum Imperium postulanti Jacobus constantissime restitit, non ita sibi constantibus Viris Orthodoxis aliis. Tandem ex Rudolphi II. Cæsaris sententia Treviri Archi-Episcopo suo subiecti Sacramentum usque hodie servatum dixere. Quare portis universæ civitatis affixa sunt Ecclesiæ insignia; Politia reformata, Religio confirmata, Academica studia instaurata: atque adeo munere suo functus optimè quievit Jacobus an. 1581. Sed. an. 14.

CV. IOANNES VII. LXXIX. ARCH.
XXXIV. ELECTOR.

Joannes genere Schönenbergius, triplici munere, nimirum in summa æde Præpositi, in urbe Gubernatoris, in Academia

nia Rectoris clarissimus, Mitrà proin tantâ, quanta est Trevirensium, judicatus est dignissimus, Augustæ Vindelicorum Mitrà & Pileo Electorali exornatus. Augustâ domum reuersus Gebhardi Truchsesii, Coloniz Archi-Episcopi defectioni sese opposuit medium. Ille verò cùm respueret sana consilia, Ernesti Saxoniz Ducis surrogationi haud ægrè adstipulatus est, à quo ictum Electorum omnium nomine sacramentum excepit. Stimulante dein Archi-Præsulem Legato Apostolico, producta deuo post annorum 40. intercapedinem Toga Domini, ingenti fluentium numero est exhibita. An. 1591. Bojariz Principes hilippum & Ferdinandum in Canonicorum numerum admittens singulari honore excepit, & præsentes fovit, exemplum Electoris sui pro viribus imitante Magistratu & Academia. Paronor exhibitus est Archiduci Ernesto Belgium petenti. Annis postremis non uno duntaxat vexatus morbo, argumenta multa insignis patientiæ, religionis, & aliarum multarum virtutum ostendit, donec denique Confluentiz an. 1599. animam ultis meritis pretiosam creatori suo reddidit: exta & cor in implum Societatis JESU, cujus author erat, inferri iussit. Sed. 1. 18.

SECVLVM XVII.

CVI. LOTHARIVS LXXX. ARCH.

XXXV. ELECTOR.

ANno 1600. Lotharius stemate Metternichius in Sedem Joannis evectus, aulæ suæ non admodum probatæ mores ac ministeria justissimis legibus ante omnia adstrinxit. Cris dein Exercitiis, ut vocamus, in domo Probationis Societatis, se totum impendit, ut sacræ, quin & profanæ militiæ ritè accingeret & Archi-Præsul & Elector. Et hein! anno ejusdem

dem seculi primo Henricus Seinæ Comes Clericum exiit, ut maritum indueret, fidei etiam avitæ factus desertor, qui quoddam probris diem obiisset, de feudo relicto lis gravissima inter Electores quatuor intercessit, vincente demum Lothario. Annis proximis Orthodoxos inter & Heterodoxos Principes nunc Heidelbergæ, nunc Ratisbonæ, nunc aliis in urbibus agitata varia consilia Lotharium celeberrimum reddidit, utpote cujus auctoritate præcipua Confluentia, Fuldæ & alibi Catholicorum conventus Protestantium machinis obstitere, præsertim postquam Confluentia Catholicorum Principum fœdus an. 1609. est erectum, *quod Ligam* dixere, & ejusdem Caput Ducem Bavarum elegere, Pontifice ac Cæsare factum probantibus. Discordia etiam inter Rudolphum Imperatorem & fratrem Mathiam gravior, Electori huic multa successit negotia; quæ tandem Rudolphi grandior ætas & mors discussit; Protestantium verò proposita firmavit. Interea tamen dum foris plurima egit Lotharius, domi neglexit nihil, nunc instaurandis & exornandis templis, nunc emendandis moribus, nunc reducendis a Catholicis intentus; quam ob rem Clericis suo munere fungentibus & Monachis sese exhibuit beneficentissimum; inter priores numerati è Societate JESU Patres ingentia accepere beneficia ringentibus Heterodoxis. At cum inter tot curas publicas ætas ingravesceret, Administrationis & curarum socium admisit Carolum nepotem, suo & multorum aliorum bono maximo. Dum domi itaque Elector rem curat, animæ ad mortis luctam preparandæ suo tempore memor maximè, interea Maximilianus Bavarus Supremus militum Dux, & Joannes Tillius commilito strenuissimus memorabili victoria Christianum Anhaltinum Friderici Palatini, & confederatorum Ducem prostravere, non minùs rem strenuè agente Spinola Duce, qui Friderico Palatinatum ademit. Verùm inde tempestas major exorta, dum Mansfeldius, Christianus Brunsvicensis, & Fridericus Marchio Durlacensis cum Anglis Baraviſ-

que

que Friderico Palatino junguntur, & ad prælia victores provocant probrè gnari, Lotharium domi consiliis & missis auxiliis pugnare; unde & hujus ditionibus illatum bellum, & hostes, & amicos accivit Reipublicæ parùm sæpe proficuos. Curis igitur præsertim Martiis, & annis confectum corpus cum trahe-
ret annorum 75. jam Elector, animam exquisitis à tenera jam ætate virtutibus exornatam, mors à corpore separavit an. 1623. Sed. an. 24.

CVII. PHILIPPVS CHRISTOPHORVS LXXXI. ARCH.

XXXVI. ELECTOR.

Philippus Christophorus è clara familia de Stötern prognatus, in Episcopum Spiræ jam antea electus, & Cameræ Imperialis Judex constitutus, in Archipræsulem & Electorem Trevirorum eligi est promeritus. Exornatus Pallio ab Urbano VIII. Pont. Abbatiam S. Maximini, Abbate ejusdem paulò antè defuncto, in commendam, uti dicunt, admisit, quæ res Cæsare, Rege Hispano, & ejusdem Monasterii Viris Religiosis vehementer repugnantibus, gravissimi dissidii & belli occasio fuit: lis namque post breve temporis intervallum Archi-Episcopum inter & Meternichios, item inter eundem Archipræsulem & cives ad tributa varia solvenda coactos orta, in partes maximè adversas dissecuit utrosque: Meternichios enim Canonici plerique, & cives secuti, Hispana præsidia in urbem admisere, negato aditu confœderato militi, quem Elector advocarat. Eodem tempore à tergo hostis gravior Gustavus Suecorum Rex adfuit, qui victo fugatoque prope Lipsiam Tillio per Franconiæ venit, & Moguntia expugnata Confluentia, Colonia & aliis urbibus paria fata minitatus est. Christophorus igitur hostem metuens, Regem Gallia auxilia rogavit, dum Meternichii cum sociis ad Cæsarem confugerunt. Præstò

adfuere Gallorum mixta Suecis auxilia, quibus concessa Philip-
 popolis, & arx Ehrenbreitsteiniana, simulque aperta Trevirorum
 urbs patuit venientibus. Tum verò subditi pro libitu tributa
 pendere iussi, unà cum Canonicis & Viris Religiosis; eorundem
 aliqui anathematis sententiâ condemnati; Metternichii proscrip-
 ti, & novi in Cathedralem ædem adscripti Canonici; Riche-
 lus Cardinalis Gallus Adjutor Archi-Episcopi constitutus est,
 facta hæc omnia reprobantibus Legato Pontificio, Cæsare &
 Viris per Germaniam Principibus; unde Cæsareæ cohortes Phi-
 lippopolim, eiectionis Gallis improvisò occupant, Hispani verò Du-
 ce Embdano concubia nocte Treviros invadunt, Electorem cap-
 tum in Belgium abripiunt, Metternichiis rerum potitis. Lu-
 xenburgum usque captivus fuit perductus; Luxemburgò Namur-
 cum, inde Genevam transeundum fuit. Anno 1637. invitatus
 ad Comitata Ratisbonæ celebranda, ubi Donavverdam usque
 pervenit, Linzium sibi petendum esse intellexit, frustra cum
 Palatino adversus Ferdinandi III. Imperatoris electionem prote-
 status. Disponente Pontifice Viennam Austriæ Linzio perdu-
 ctus, Pontificio Nuntio custodiendus traditur. Anno demum
 1645. pervincente Gallorum Rege Trevirensium Sedi restitui-
 tur eo pacto, ut nullam de hostibus vindictam sumeret. Ve-
 rum eodem anno Turenii Galli copiis adjutus, Hispanos Tre-
 viris exigit; Wimarienses sibi juratos amicos in præsidio re-
 tinere satagit; Canonicos & ad D. Maximinum Viros Religio-
 sos, Cæsare licet vetante persequitur; literas appellationis er-
 go ad Pontificem mittendas comburit, multa alia parùm Pon-
 tifici, Cæsari & Imperio grata molitur suam in perniciem:
 urbe namque Canonicis favente, & ad reditum invitante,
 duo eorundem, nimirum Casparus de Petra, & Cratzius ve-
 nire cum adducto sibi milite, quo rursus conclusus Archipræ-
 sul Christophorus per arbitros pacis leges novas, & Adiutorem
 sibi alium dari permisit, spe de Cratzio assumendo concepra.

Ve-

Verùm Suffragiis plurium electus Casparus de Petra, & Pontifici & Cæsari placuit. Annos deinde non nisi geminos inter mortales egit Elector an. 1652. post diuturnas morbi molestias extinctus annorum 87. senex, numerans à sui electione an. 29. Mortuo scriptum Epitaphium hoc: *Satis est, quiescat anima & cineres: sat multa fecit & passus est. Habeat quietem moriendo, quam vivendo habere non potuit.*

CVIII. CAROLVS CASPARVS LXXXII. ARCH.
XXXVII. ELECTOR.

Familix nobilissimæ de Leyen, seu Petra germen Carolus Elector, permultos collegit fructus per annos diuturnæ pacis maximè frugiferos. At demum Gallorum Rege Ludovico XIV. & Colonix Electore fœdera neſtentibus, Cæsari & Imperii Principibus parùm amica, hanc ob rem urbs Trevirensium à Gallorum exercitu obsessa, expugnata, & ab expugnatoribus propugnaculis novis munita est, monasteris compluribus, inter quæ & S. Maximini nobilissimum fuit, solo æquatis. Anno dein 1675. à Carolo Lotharingio, & Wilhelmo Luneburgico Ducibus supremis victi Galli, severas Deo vindici dedere pœnas: Vignoroyus namque monasteriorum princeps vastator, dum facies subdere cœnobiorum ultimo paravit, à furioso equo in fluvium præcipitatus interiit. Bovillerius inter Gallos supremus Treviris præfectus tormenti globo fœdè laceratus, exspiravit; supremus Gallicani exercitus Dux Crequiùs captus majori vitæ, quàm mortis dolore, vidit suorum vulnera & funera plurima, amissam victoriam, urbem Trevirensium cum Saraburgo suis reddi dominis, triumphante Cæsare. Hoc rerum eventu lætus Elector Casparus, dum multa molitur, ut cuncta bello destructa restituar & instauret, tumulto illatus curas maximas in Successorem transtulit an. 1676. Sed. an. 14.

CIX, HVGO LXXXIII. ARCH.
XXXVII. ELECTOR.

JOannes Hugo Caroli Caspari Electoris ex sorore nepos, ex perillustri sanguine de Oresbeck dicto, in Ducatu Juliacensi natus, & ex Adjutore Archipræsul creatus, relictas ab avunculo curas in se suscepit strenuè, quamdiu per pacis otium licuit. At brevi tempore licuisse doloris maximi argumentum erat; anno namque 1684. post expugnatum Luxemburgum, à Gallis illata pertulit mala plurima: ab iisdem prætenso in Treviros Comitum Luxemburgicorum jure urbs hæc Electoralis magna sui parte est destructa, Gallis consilia faniora & quasvis preces eludentibus: unde Electori in arcem Ehrenbreitsteinianam migrandum, & permanendum fuit longo tempore. Extructum in Archiepiscopali solo à Gallis munimentum Treviris adversum nomen Montis Regalis obtinuit, quorumvis subditorum Trevirensium grande terriculum, unde tributa colligi, & vim facile inferri posse noverant. Confluentia etiam à Gallis obsidione tentata, non tamen fuit expugnata. Anno 1697. pax Rissvickiana recreare Electorem unà cum aliis Viris Principibus videri poterat, qua inita mons Regalis destructus, & ditiones Trevericæ à Gallis relictæ, Archipræfuli suo sunt redditæ; verum anno 1700. sine prole Carolo II. Hispanorum Rege mortuo, dum Mars evocavit in arenam & Cæsarem & Gallorum Regem cum sociis, nunquam licuit Treviris esse securis. Bellis igitur perpetuis vexatus Hugo Elector, & curis attritus an. nostri seculi 11. tumulo est illatus, postquam annis 35. parùm quietè sedit.

S E C U L U M XVIII.

CX. CAROLVS IOSEPHVS LXXXIV. ARCH.
XXXVIII. ELECTOR.

Carolus Iosephus ex antiquissimo simulque Regio stemmate Lotharingico natus anno 1680. anno 1693. Equestris Ordinis in Castilia Prior, ut vocant, Magnus creatus, crescentibus annis virtutibus suis multis, & meritis in ætatis flore jam magnis, Episcopus Olmuzii an. 1695. & annis elapsis tribus Osnabrugensis; hujus verò seculi an. 10. Treviris Adjutor confirmatus, an. dein. 11. ibidem Archiepiscopus est constitutus, periculoso sanè tempore, quo inter sacrum saxumque, Confœderatas nimirum, & Gallorum copias medius, cum eligeret exemplo majorum & antecessorum, nec non aliis permultis comotus argumentis Germanorum partes, sine sua culpa offensæ dedit locum. Tandem pace Rastadiana firmata, firmam Treviris Sedem figere dum insedit animo, consummatus in brevi multa explevit tempora, Elector omnibus boni ac perfecti Principis excultus donis, & fortè eas ob causas Superis quàm hominibus pretiosior, de quo procul dubio posteris legenda dabunt plura Annales Trevirorum ab iis in lucem edendi authoribus, qui Brovveri & Masenii exempla sequi suis in deliciis numerabunt. Sed. an. 4.

CXI. FRANCISCVS LVDOVICVS LXXXV. ARCH.
XXXIX. ELECTOR.

Franciscus Ludovicus Dux Palatinus Philippi Wilhelmi Electoris filius, è quali & quanto stemmate anno 1664. sit natus, patet orbi universo; quem Domus Neoburgica Capitibus ex utroque sexu partim coronis, partim infulis variè ornata

ornatis decoravit. Quàm eximiis dotibus, & præclaris meritis tum natura, tum maxime idonei moderatores, tum etiam industria propria Principem à teneris annis excoluerint, si verbis exprimere nolint Historici, viventis modestiâ prohibiti, abundè produnt legitimæ Electiones non paucæ, & facta encomiis dignissima. Anno nimirum 1683. Episcopus Breslaviensis electus, in Principem Elvaci Præpositum deligi an. 1694. est promeritus. Eodem anno Episcopus Wormatiensis, & Equitum Teutonicorum Supremus Magister confirmatus, ter felici, si non corona, saltem coronide seculum clausit septimum supra decimum. Nostri hujus seculi Electori Moguntia Adjutor datus elapso deinde lustro unico, Trevirensibus ipse Elector est exoptatus, Archipræsul unâ pluribus par Ecclesiis, & Princeps Principatibus. Hæc aliæve, quoniam in vulgus etiam sunt notissima, non sile-re, sed paucis aperire calami consultius fuit. Facta & verba tacere multa alia, suadet ratio & methodus Historica plana atque sincera, quæ mavult taceri vivorum encomia, quàm aut verè adulari, aut ab adulatione remotam non videri.



PRÆ.

PRÆFATIO BREVIS

AD LECTOREM

DE

SERIE COLONIENSIVM

EPISCOPORUM

ET

ARCHIEPISCOPORUM.

Diu desiderantem, diu quærentem, & anhelantem ad
 Colonienſium Episcoporum & Archiepiscoporum
 paulò copioſiorem Seriem cognoscendam, deſti-
 tuit adeò eam habendi copia, ut præter eorundem nomi-
 na, & geſta pauciſſima, aliud ipſa Colonia non miſerit,
 etſi rogata multùm. Quare deliberavi mecum, an ſatiùs
 non ſit Seriem hanc penitus omittere, quàm nuda tantùm
 Archiepiscoporum nomina in Serie exprimere. Tan-
 dem ea præponderavit ſententia, quæ ſuaſit, ut unà cum
 paucis facinoribus ſcriberentur præclara Archiepisco-
 porum nomina, datura, uti ſpes eſt, Coloniae Hiſtoricis
 anſam ſcribendi plura de domesticis, & rebus, & rerum
 Dominis. Æqui igitur bonique conſule, Lector Bene-
 vole, hanc præſentem in Coloniënſi Serie paucitatem, cui
 ſi ipſe augmentum dare velis, laudabunt te mecum Le-
 ctoreſ multi,

T 1

SE.



SERIES
 EPISCOPORUM
 COLONIÆ.
 PERIODUS I.

SECVLVM PRIMVM.

I. D. MATERNUS.



Maternus Episcoporum omnium Coloniae primus, inter Pontifices Romanos antesignani D. Petri discipulus, & inde discipulorum multorum Magister, oviũque plurimarum pastor qualis quantũque extiterit, vide Seriem Archi-Episcoporum Trevirensium. Sedit an. 40. mortuus an. 115.

SECULVM II.

II. D. PAULINVS.

Sic ite scripsit unà cum authoribus aliis Stangefolius Canonicus in Annalibus Circuli Westphalici, primus à D. Materno

erno Ubiorum sacra pascua pastor excoluit D. Paulinus Martyrio gloriosus ; cui tamen adversantur verba Colonizæ notissima æc :

Pastorale Pedom, quis post hæc rexit urbis

Agrippæ Veterum nil monumenta docent.

Imò quis ordine tertius Colonienſium Cœtum direxerit Præſul Colonizæ maximus , his pariter verbis indicant abundè Colonienſes:

Tempus edax rerum rapuit quoque nomen & acta ,

Tertius Antistes , quæſ celebrandus erat.

Nihilominus Stangefolius ex antiquo Chronico perhibere onatus eſt , loco tertio inter Episcopos Colonienſes veniſſe *Chabonijum* nomine ; alii verò ab hoc diverſi contendunt , tertium Ubiorum Episcopum *Marcellum* fuiſſe appellatum ; at præter nomen & ſæculi II. finem poſteris relictum , ajunt nihil.

S E C U L U M III.

IV. D. AQUILINVS.

Dum Alexander Severus Imperii faſces tenuit , & hujus Augusta Genitrix Mammea , teſte D. Hieronymo , Eccleſiam Orthodoxam honoravit , interea Coloniam D. Aquilinus illustravit , & virtutum , & doctrinæ Chriſtianæ radiis , quos auxiſſe plurimum ea ætate ferunt D. Urſulam , inter Virgines Anglicanas Principem à D. Aquilino , & miniſtris Sacerdotibus Colonizæ , unà cum Virginum choro numeroſiſſimo ſepultam. Verùm non immeritò contradixere uic de D. Urſula narrationi Scriptores & Lectores plurimi , robègnari , ſeductos forſ multos eſſe *Maximini* nomine , pro quo egendum eſſe docent nomen *Maximi* tyranni , adverſus Gratianum Imperatorem ſæculo IV. an. 83. in Anglia , Gallia , & tandem

dem etiam Italia sævientis. Cæterum annis 48. Colonienſe Pæ-
dum rexiffe traditur.

V. LEVVOLDVS.

Tametſi Levvoldus in Colonienſium Serie haud inveniatur
teſtibus his verbis:

Rurſus in exitium dum vertunt ſceptra tyranni,
Quintum Ubii nomen Præſulis interit.

Ab aliis tamen, & quidem Heterodoxis Scriptoribus in præ-
ſenti Serie haud eſt omiſſus. Facinora verò oblivioni dederunt
tempora iniquiſſima, quibus triginta ſimul ex Romanis belli
Ducibus contra Gallienum Imperatorem Romanum ambièrunt
ſceptrum, à ſuis quiſque partibus proclamatus Imperator. An-
nis 42. ſediſſe creditur.

S E C V L V M I V.

VI. MATERNVS II.

Imperante Constantino M. atque in Galliis pugnante, inter
illos numeratus eſt Maternus Patres, qui contra Donatiſtas
arbitri dixèrè ſententias. Idem quoque cum Diacono ſuo
Martino, vel Macrino nomine interfuit Concilio Arelatenſi an.
314. in Gallia celebrato contra eodem Donatiſtas. Sedit an. 35.

VII. EVPHRATES.

Euphrates adfuit Synodo Sardicæ in Ilirico an. 345. cele-
bratæ, ubi teſtibus multis documenta dedit multa Inno-
centiſſimæ vitæ, præſertim verò caſtimoniæ. Utinam
reliquiſſet etiam ſigna illuſtriora inſignis conſtantix: dum enim
Aria-

Arianorum consortia non vitavit, in hæresin Arianam incipit, condemnatus propterea anno 348. in Synodo Colonienſi, D. Julii Pontificis loco ſententiam ſupremam dicente D. Maximo Archi-Epiſcopo Trevirenſi. Annis 33. ſediſſe, ad annum 348. ertur. *Vide breviterum & Egidium Gelenium Hiſtoricum Colonienſis.*

VIII. D. SEVERINVS.

D Severinus Burdegala in Aquitania natus, eodem in Concilio Colonienſi Euphratis loco electus Epiſcopus, Arianis tantò conſtantiùs obſtitit, quantò reſiſſiùs Euphrates. Inter vivos ſtrenuè rem agente Severino, eaſſimis conceſſit fatiſ Turonenſium Præſul D. Martinus, cuiſ animam meritiſ diſſimam à cœleſtibus geniis ſupra ſydera levare vidit, dum in campo ſuburbano, quem Martini camum vulgò appellant, ad cœloſ levavit oculoſ. Id etiam novit antiquitaſ, & meminit non minùſ vulguſ hodie, hominem ſolitudini & multis virtutibuſ aſſuetum, atque idcirco aneli tutelariſ conſpectu crebrò ad conſtantiam animatum, id ſciſ deſideraſſe ardentiuſ, num majorem virtute virum vicinuſ rbiſ haberet, ut hunc liceret æmulari ſanctè & imitari. Adeſſe in viciniâ Severinum reponente cœleſti genio, mox cucurrit muluſ eremicola, conſpecturuſ cominuſ, qualem ſe gereret ir major virtute Severinuſ. At dum corpus reſicientem offenſit, & ab epuliſ longè diverſa exſpectavit, juſſuſ eſt legere, atque intelligere verba magni Doctoriſ gentium Pauli Rom. c. 14. *is non manducat, manducantem non judicet; Deus enim illum aſſumpſit.* Epiſcopuſ fuit an. 60. mort. an. 408.

S E C U L U M V.

IX. D. EVERGISLVS.

N Atione Tungrenſiſ D. Evergiſluſ, inter S. Severini diſcipuloſ adeò profecit, ut qualem Succellorem in Colo-nienſi

nienſi Sede habitura foret poſt Severinum , hic ipſe vates jam prædixerit Coloniae ſuae. Annis diſcipulum multis ſuperavit Magiſter, an verò & meritis incertum ; Animarum namque zelo certâſſe viſus eſt cum Severino Evergiſlus; at dum patriam Apoſtolico accenſus ardore reſiſit, haud acceptus in patria Prophetes, Martyr fundere juſſus eſt ſanguinem: unde dyſtichon:

Quos patrios Tunger viridi vitaverat ævo,

Post ſenior fuſo ſanguine lavit agros,

Sedit annis 15. aut opinantibus aliis 32.

X. SOLANVS.

Aliis Solinus aut etiam Aquilinus dictus, nonnullorum Scriptorum teſtimonio ille fuit Coloniae Episcopus, qui D. Ursulae & Sodalium Virginum exuvias honorificis recondidit ſepulchris: argumento eſſe dicunt, quòd priori ætate Hunnorum nullae copiae in Germaniam advenerint, à quibus hunc Virginum copioſiſſimum cætum trucidatum eſſe ipſis affirmantibus conſtaret. Verùm his inter dubia relictis, Solanus is erat Praeful Coloniae, qui aſpexit urbem ſuam à Francis ſub Childerico I. Rege expugnari: unde materiem Hiſtoriae abſtulit hoc quoque tempore bellum: teſtimonii loco ſint verſus:

Mutari vidit Regimen Solinus & urbem,

A Francis ſubigi flevit Agrippa tuam.

Annos Sedis numeravit 33.

XI. SIMONEVS.

Simoneus tempore Clodovæi Regis inter Reges Francorum primi Chriſtiano nomine inſigniti per annos 47. Coloniaſ conſervavit: hujus verò laudes ſicuti & aliorum Episcoporum encomia ſerè omnia ſepelivit interregnum in Occidentis Imperio per annos trecentos perpetuum.

SECULUM VI.

XII. CARENTINVS.

Carentinus sedit per annos 20. regnantibus in Francia Sigeberto & hujus filio Childeberto, quorum favoribus tutus Coloniam partim novis, partim instauratis exornavit templis: unde cecinit Poeta;

Templa Carentinus qui plurima struxit in urbe,
Ingenti gessit Religione Pedum.

XIII. D. EBREGISILVS.

Debregisilus per annos pariter 20. floruit Colonienſium Episcopus Guntramo Francorum, & Childeberto juniori Austrasiæ Regi acceptissimus. Pars corporis sepulta, sed inde inter Reliquias sacras meritò numerati, Tutium translata quiescit miraculis clarissima. Sedit an. 20. mortuus an. 600.

SECULUM VII.

XIV. REMEDIVS.

Etiam Remedius annis 20. Colonienſium Episcopus docuit illa ætate, qua Theodobertus Austrasiæ Rex pulsus, Colonia capta, & oves unà cum pastore suo sunt dispersæ, atque ad macellum raptæ: laudes proinde Remedio scripsit Poeta hoc compendio:

Remidius medicâ sanavit vulnera dextrâ,
Et pepulit morbos à grege sæpe suo.

XV. S. CVNIBERTVS.

S. Cunibertus Dagoberto II. Austrasiæ Regi moderator à regio genitore Sigeberto datus, munus suum ea morum
U inter-

integritate gessit, ut aulam Regis in DEI domum conversam dixerint æqui rerum æstimatores. Consilia is sua cum viris virtute & munere sibi paribus communicans, Ecclesiæ & regnis mirè profuit, doctus miscere eum in modum sacra profanis, ut dum alieno etiam curas intendebat, suo tamen nunquam defuerit officio: unde Stephanus Abbas Divoꝝ eo tempore Episcoporum mores dilaudans hæc scripsit: *quale, quàm sanctum erat illud palatium, ex quo tam Sanctos, tamque illustres suscipiebat Ecclesia Sacerdotes? ex quo procedebant sectatores non Simonis, sed Petri; non mercenarii, sed veri ministri Christi; & qui curias Regum non quærent, sed potius à Regibus quærentur ipsi, quique non honores per ambitionem appeterent, sed magis ab oblati, per humilitatem resugerent. Ex quorum numero; erant enim plurimi, fuit Arnulphus Metensis, Cunibertus Colonienſis, Tungrenſis Remacius, Trevirensis noster Modocaldus, isti & omnibus aliis omni virtutum genere conferendus. Vide plura in Breuero pag. 343.*

Cæterùm inter elogia D. Cuniberti numerarunt etiam, quod Reliquias Divæ Ursulæ & Sociarum Virginum loco honoratiori posuerit: unde cecinit Poeta:

Detexit cineres Ursula Diva tuos.

Annis 40. illustravit Sedem Colonienſem, mortuus an. 660.

XVI. BOCALDVS.

BOcaldus D. Cuniberti Successor annorum 20. Episcopus, vel laudari multis non est promeritus, vel veriùs laudes posteris transcribere neglexerunt Germani majores nostri, gladio, quàm calamo nobiliores, quod queruntur hodie multorum nobilissimi cineres, & plurimorum in Germania Præſulum, inter quos veniunt

XVII. STEPHANVS. & Sed. 10.

XVIII. ADELVINUS Sed. 4.

XIX. GUIſO.

Guiſo Archipræſul is fuit, cujus vigilantia id deberi testantur Veterum annales, quòd Romanis aris amplior patuerit

patuërit locus per Frisiâ & Westphaliâ , unde cecinit Lau-
dator Guifonis :

Ereâtas noviter Christi Guiso aspicit aras

In Frisio pariter Westphalicôque solo.

Sedit an. 14. mortuus an. 708.


SE C U L U M VIII.

XX. ANNO I.

ANno I. Episcoporum duorum virtutum decore clarissimorum socius nondum Episcopus , cum utroque multa agere, & pati multa didicit, præsertim verò ea tempestate, qua D. Lambertus Trajecti Episcopus Pipini Heristalli adulteria perstrinixit virgulâ censoriâ , ob id ipsum à Dodone adulterantis fœminæ fratre occisus. Alter fuit D. Ludvvinus Trevirensium Archi-Episcopus virtutibus & miraculis celeberrimus. D. Suibertum ex Anglia venientem excepisse scribitur Anno etiam; verùm repugnare videtur temporis ratio ; aut annis centum & pluribus vixisse D. Suibertum oportet , quem sub Seculi VIII. finem, & sub Seculi IX. initium Verdensium Episcopum primum fuisse novimus an. 809. mortuum. Annonem verò mortuis annumeratum jam fuisse an. 709. testantur Annales Coloniz. Vitio Annoni verterunt multi , quòd D. Lamberti exemplum minùs strenuè sit secutus in castigandis Procerum vitiis publicis.

XXI. PHARAMVNDVS.

PHaramundus post Annonem unius anni duntaxat Episcopum Coloniensi Ecclesiæ annis duobus præfuit. Longiori fortassis tempore Trajectensem tulit Insulam, postquam D. Lambertus in exilium pulsus, contra vitium pro virtute perorare non destitit: in hujus enim viduam Sedem intrusum fuisse memorant Leodii Scriptores.



S E R I E S

ARCHIEPISCOPORUM COLONIÆ. PERIODUS II.

XXII. D. AGILOLPHVS. I. ARCH.

Operante plurimum, ut fides est, Dagoberto III. Francorum Rege, D. Agilolphus Archiepiscoporum Coloniae omnium primus, à D. Gregorio II. Pontifice est exornatus Pallio, simulque Archiepiscopali ejusdem potestati fuerunt subiecti Episcopi quatuor, aut plures, nimirum Leodiensis, Ultrajectensis, Monasteriensis, & Osnabrugensis, ac demum etiam Mindensis. Verum his dictis opponunt Scirptorum nonnulli, D. Agilolphum an. Sedis 7. Christi 717. à vitiosissimis hominibus occisum, Archiepiscopatum verò Coloniae annis ferè 30. seriùs inchoatum fuisse; unde Agilolphum alterum in Serie adjiciendum dicunt, vel longè citiùs sub Agilolpho nostro institutum jam esse evincunt, vel certè sub Agilolpho initium non accepisse, dictat ratio & necessitas.

XXIII. RAGINFREDVS. II. ARCH.

Reginfredus ab aliis nuncupatus, Carolo Martello in Francia Regio munere strenuè fungenti, sese peracceptum reddidit per aënos omnino 30. si manuscriptis huc missis sit insistendum. Dolendum sanè, quòd de Archipræsulibus hoc præsertim seculo non nisi communi pluribus laude celebratis relictæ non fuerint elogia singularia; nam Virorum Principum vel insignes virtutes, vel etiam vitia nôsse, plus placet crebrò Lectoribus

bus

bus , quàm ignorâsse omnia. Anno hujus Seculi 50. die obiisse
suura traditur Raginfredus.

XXIV. D. HILDEGARVS III. ARCH.

Hildebertus ab aliis nominatus, multorum Sacerdotum antesignanus, anno Sedis suæ 7. vix finito jam cecidit ,
occisus à Saxonum turba idololatriæ innutrita. Anno
nimirum Salutis 757. Franci Duce Pipino Rege, vel certè Regis loco regnante, in Saxones durissimos moverunt sequentibus
Ducem commilitonibus multis.

XXV. BERTHOLINVS. IV. ARCH.

Bertholinus Annorum 15. Archiepiscopus templis omnino
diversis vêtustate deformatis decorem restituit, & novissimè extructis addidit : Divi insuper Agilolphii ossa honoravit, & conversione multorum idololatrarum Christianos cœtus insigni augmento exornavit, Pipino genitori, & Carolo filio Francorum Regibus ex asse Catholicis perquam pretiosus. Anno 772. obiisse scribunt.

XXVI. RICOLPHVS. V. ARCH.

Richolphus, quem multi Richolphum , pauci Reinoldum dixerunt nomine, Archipræfulem sanè laudibus dignissimum, qui nempe Colonienses inter per annos 10. eâ gregem Domini custodivit cura ac vigilantia , ut ejusdem gesta laudârint omnes maximè à singulari in pauperes munificentia; mortem verò à singulari patientia: occisus enim clam à sicariis sacrilegis in cœlos evolavit , dum cadaver pretiosissimæ animæ domicilium in aquas profundas demersum, in ipsas Divorum Aras elevari est promeritum.

XXVII. HILDEBOLDVS. VI. ARCH.

Dildegboldus Annis 36. Coloniæ Antistes Supremus præfuit , ab anno nimirum 782. usque ad annum 818. quo
U 3 fat

fat longo tempore Hadrïano I. & D. Leoni III. Pontificibus Maximis, nec non Carolo M. meritis suis singularibus sese reddidit pretiosum; unde à Carolo consiliis crebrò est adhibitus Regius, & demum etiam Imperatoriis; à Pontificibus verò Sedis Apostolicæ Apocrisarius est constitutus, ac temporum successu in Divorum Album relatus. Merita hujus Archipræsulis hac synopsi complectuntur Colonienfes:

Hildboldus Magno Carolo gratissimus hospes,

Virtutum titulis magnus & ipse fuit.

SE C U L U M IX.

XXVIII. HADEBALDVS. VII. ARCH.

PRæclarum sibi nomen comparavit Hadebaldus gemino in Concilio, altero Aquisgrani, altero Moguntiaë habito, in quibus Danorum aliorumque Septentrioni propinquorum populorum conversio promota est plurimum; quem in finem Hadebaldus D. Ansgario de necessariis providit & navim instruxit. Annis 28. Sedit an. 846. mortuus, post cujus fata ob Normannorum in Germaniam & Franciam irruptiones, atque etiam ob hæredum Carolo Magno succedentium pugnas & lites per annos 5. Sedes Coloniaë sacra relicta est vidua.

XXIX. GVNTHARIVS. VIII. ARCH.

GUntharii per annos 12. Coloniaë Archipræsulis soror fuit Waldrada, quam repudiata Theuthberga conjuge legitima, cum in thalamo sibi jungeret Lotharius junior Rex Austrasiæ, & factum suo etiam calculo firmaret Guntharius, eam ob rem authore D. Nicolao Pontifice Metis celebrata Synodus Guntharium, & mox etiam Theidgaudum Trevirorum Antistitem cum affeclis anathemate confixit. Inter bruta fulmina
nume-

numerandum censuit hoc Ecclesiæ Romanæ fulmen Guntharius; verum dum contempto periculo ad aram facere paravit, vi occulta spoliatus est veste Sacerdotum propria attonitis cunctis, qui rerum arbitri adstabant. Annis 7. inter vivos superstes luxit suam & Regis Lotharii causam moestissimam.

XXX. WILIBERTVS. IX. ARCH.

Wilbertus anno 863. Archipræsul electus, at primum an. 870. consecratus, ita præfuit Ecclesiæ suæ, ut per id tempus perpetuos passus sit adversarios Guntharium & huius assecclas. Annos 20. alios ea moderatione animi transegit, ut multum Clericis & Proceribus indulserit, unde versus:

Wilbertus populi votis Procerumque favendo
Indulset mystis libera jura suis.

S E C U L U M X.

XXXI. HERMANNVS, X. ARCH.

Hermannus annis 35. Coloniensibus tanta virtutum commendatione præluxit, ut eidem meritò *Pii Cognomen* inditum, hoc maximè modo posteritati commendandum esse duxerint:

Septem lustra Ubiis Hermannus munia sacra

Exhibuit, dictus nomine jure Pius.

Pium Augusto suo suffragio dixit etiam Arnulphus Imperator, qui Hermannii sæpe operam & consilium requisivit.

XXXII. WICHFRIDVS. XI. ARCH.

Tamet si Wichfridus annos 28. imperantibus Henrico Aucupe & Ottone M. Coloniensem Ecclesiam rexit, nihil tamen de eodem meminere Colonienses armorum, quàm librorum amantiores.

XXXIII.

XXXIII. BRVNO I. XII. ARCH.

Bruno Henrici Aucupis filius, Ottonis M. frater, Pedit & gladio gloriosus, mirè profuit Ecclesiæ & Imperio; Imperatoris enim nunc in Italiam, nunc in Hungariam cum exercitu profecti in se suscepit munus & implevit strenuè, præsertim cum rebelles Lotharingios compescuit. Agnovit fratris beneficium Imperator gratissimus: ditiones enim Colonienſis Ecclesiæ bonis & privilegiis multum adauxit; quibus etiam majus incrementum Bruno adjecit, dum in Burgundiam abiit, sed & inde Rhemos divertit, ibidem calida febre extinctus, postquam Colonienſem Ecclesiam omnium bonorum hæredem scripsit an. 965. Sedit an. 12. Conditor is fuit templi Panthaleonis, in quo sunt reconditæ Brunonis exuvie, quas Rhemis Coloniam translatas multis lacrymis profecuti sunt inter indigenas Normanni advenæ à Brunone magno numero baptizati. *Vid. Albertum Kranzium de Saxonia.*

XXXIV. VOLMARVS. XIII. ARCH.

Volmarus de Ecclesia Colonienſi optimè meritus, serò tamen in supremam ejus Sedem ascendit, quò obſtarent Brunonis Antecessoris non minùs insignia merita, summa ad hæc natalium nobilitas, & inter Viros etiam Principes authoritas. His moti argumentis Lotharingi, Brunoni subdiderunt & colla & capita; at non ita Volmaro, quam inter brevissimæ vitæ causas numerârunt illi, qui post annos Sedis 4. Volmarum sepeleerunt an. 969.

XXXV. D. GERO. XIV. ARCH.

D. Gero ex Lusatia Marchio à Colonienſibus electus Antistes, tantum primò displicuit Ottoni II. Cæsari, ut hic eidem deneganda duxerit insignia Viri Principibus

bus in Imperio concedi solita. Verùm Geronis partes æquissimas in se suscepisse visus est Genius tutelarior, cùm Cæsa rem dormientem sui muneris commonefecit, ut læso Geroni satisfaceret. In extasi non rarò abripi, & exanimi similem decumbere, cùm sciret perbene Warinus Coloniz inter Diaconos Supremus, id commodum suum ratus, vivum ocyùs sepulchro intulisse scribitur Geronem, cùm annis 7. sedisset an. 976. maturè nimis sepultus. Cæterùm ante alios D. Geronem colunt claustra Gladbachensia, quorum author extitit.

XXXVI. WARINVS. XV. ARCH.

Warinus votis suis parùm religiosus damnatus, atque in Solium Colonienfè plurium electorum Canonico- rum calculis promotus, optata tamen pace nequam frui potuit; conscientiz enim stimulis potenter adeò fuit agitatus, ut Romam usque profectus, scelus suum palàm fecerit Benedicto VII. Romano Pontifici, à quo poenitentiz causà jussus est D. Martini monasterium Coloniz vel instaurare, vel funditus condere; teste igitur eodem monasterio animi labes ædificiis sacris eluit, & 8. annorum compendio desideratam adeò Sedem Coloniz possedit an. 984. mortuus.

XXXVII. EVERGERVS. XVI ARCH.

Evergerus ob singularem modestiam, animi moderationem & solitudinis amorem laudatus multùm, Archipræ- sulum illorum fuit omnium ultimus, qui Electores non fuerunt in Imperio: periodum proinde hanc claudat, qui vitam clausit an. 997.

SE

X



S E R I E S
ARCHIEPISCOPORVM SIMVLQVE
ELECTORVM COLONIÆ.

PERIODUS III.
S E C V L V M XI.

XXXVIII. D. HERIBERTVS. XVII. ARCH.
I. ELECTOR.

Inter Imperii Septem-Viros à Gregorio V. Pontifice, & Ottone III. Imperatore providè constitutos venit meritò D. Heribertus, natus Rottenburgi ad Tubarum in Franconia Comes, Henrici Episcopi Herbipolenſis frater Germanus. Dum in Archipræsulem Coloniz est electus à Canonicis, Beneventi agebat in Italia in rebus cunctis præstò adfuturus Ottoni Cæsari, qui nuntiis ex Germania allatis rei certior factus, absenti tum Heriberto hanc brevem misisse fertur epistolam Augusta manu exarata: *Otto Imperator Augustus sola Dei gratiâ, Heriberto Archilogothe gratiam suam & Coloniam & Pallii cubitum unum vale.* Romam Benevento profectus, & Pallio exornatus Heribertus rediit Coloniam, primò parùm gratus D. Henrico Ottonis III. Successori, eò quòd Heribertus dissidentibus ab Henrico partibus favere nosceretur, & relicta ab Ottone Imperii insignia æquo tardiùs Henrico tradidisset. Accessère non modici momenti argumenta alia, quibus persuasus Imperator, & veluti existimabat, jure iratus, aut Electorem castigare, aut penitus Sede pellere meditabatur, quod ipsum suadebant inimici multi. *At secundum quietem videre sibi præsentem visum Antipitem oris & vestis majestate Augustum assarique: cæce Imperator in hunc conseryum meum*
Heri-

Heribertum gravius quicquam aut statuas aut defines; nec ipsis unice Deo carum caput esse acceptumque nescias; quare si quicquam erga eum fueris commertus, quod nolles, ejus haud dubie erit severa tibi quandoque reddenda ratio. Haftenus Brovverus, & fere familia habet Kranzius in sua Saxonia pag. 97. hisce verbis claudens de Cæsaris & Archipræfulis causa narrationem: Inde Imperator Henricus natalem diem Colonie celebrans, Heribertum Archiepiscopum, olim a se male habitum, satisfactione placavit. Cui reconciliatus Archiepiscopus prædixit, se propediem moriturum, quod & factum est, claruitque mortuus miraculis. Inter miracula D. Heriberti verò, quod mirandum maximè, numerant Scriptores etiam Heterodoxi. 1. Energumenum dæmonio liberavit. 2. Aquam, qua manus lavit, in medicinam saluberrimam convertit. 3. Vino, cui digitum intinxit suum, cæcutienti fœminæ beneficium lucis restituit. 4. Potenti oratione sua cœleste lumen sibimet impetravit. 5. Henrico II. Cæsari, & sibi diem mortis prædixit vates. 6. Choreis contra interdictum Ecclesiæ tentatis & continuatis, & inde hominum saltu continuo divinitus punitorum miseriis, in pago Kolbeck precibus suis optatum finem imposuit. Fine quievit ipse beatissimo an. 1022. biennio ante D. Henricum. Sedit an. 24.

XXXIX. PILIGRIMUS. XVIII. ARCH.

II. ELECTOR.

Piligrinus ex pauperibus natus parentibus, dum Grammaticæ elementis navavit operam, cantando juxta ac mendicando victum quærere more multorum cogeatur adolescens. Hildeshemii ea ætate sedebat Episcopus D. Bernvvaldus, cuius aures suavi medodia stans ante fores Piligrinus cum mulceret, continuo Episcopus illustratus vaticinio, suis dixit domesticis: *adducite mihi Archiepiscopum Coloniensem.* Præter mendicabulum nemo præ foribus est, reponebant domestici: tum verò Bernvvaldus: *atqui hoc ipsum mendicabulum erit Archiepiscopus Colonienfis.* Adhibitus dein mensæ Principis, & bene pastus vaticinanti Bernvvaldo promisit, se grates denuo habiturum ad aram, cum primo

mò litaturus Deo esset Sacerdos. Ita dimissus crevit virtute & sapientia: ob vultus tamen deformitatem nobilitati haud acceptus, in pago constitutus est Parochus, quem venationi intentus D. Henricus Imperator cùm obvium sibi haberet, & ut Missæ Sacrificium se præsentem offerret, potiùs rogaret, quàm imperaret, mox ignoto Cæsari morem gessit. Inter celebrandum mirabatur Henricus, quòd homo tam deformis in Sacerdotum electam sortem fuisset cooptatus: at tunc subitò audiri cœperunt verba: *ipse fecit nos, & non ipsi nos.* Monente Piligrimo, aut veriùs Deo, hæc ipsa altiori sonitu verba sunt repetita. Unde persuasus Cæsar tanquam audito de Piligrimi probitate oraculo, eundem pluris cœpit æstimare adeò, ut Piligrimum Electorali Sede judicârit dignissimum. Colonia igitur anno 1022. cùm primò celebraret Sacrum, dati Bernvvaldo Hildesienfi Episcopo promissi probè memor, preces pro vivis dici solitas dicere paravit: at divinitus ibidem revelata Bernvvaldi morte eundem mox inter mortuos numeravit populo mirante & vaticinium clamante. Annis 14. illustravit Coloniensem Ecclesiam an. 1036. D. Bernvvaldi mortui vestigia secutus.

XL. HERMANNVS II. XIX. ARCH.

III. ELECTOR.

Hermannus II. Ehrenfridi seu Ezilonis inter Palâtinus Comitibus Electoris filius, Henrici de Lacu itidem Electoris frater aut patruelis, geminum à virtutibus sibi mutuum sumpsit, aut proprium fecit cognomentum, pariter *Pius* & *Nobilis* per Antonomasiâ passim appellatus. Dum primas virtuti tribuit, Pontificem & Cæsarem atque bonos omnes sibi faventes habuit; à D. Leone IX. enim post Concilium Moguntinum impetrâsse fertur privilegium, quo Purpura Romana Hermannò & futuris Successoribus concederetur deinceps singulis ac universis. In eodem Concilio, & aliàs Henricum III. Imperato-

ratorem venerari licuit Colonizæ nunquam adversum. De Hermannî virtutibus testimonium dixit inter alia etiam lampas pretiosa, quam in sacello quoque D. Magdalenæ honoribus dicato, luce perpetua jussit illustrari: illustravit verò Hermannus Germanam præcipue Ecclesiam annis 19. an. 1055. tumulo illatus.

XLI. D. ANNO. XX. ARCH.
IV. ELECTOR.

ANno è Suevorum Comitum de Sonnenberg stemmate natus, frater Werneri Archi-Episcopi Magdeburgici, artibus, scientiis & virtutibus ritè instructus, atque inter Canonicos adscriptus, Bambergensium Gymnasio Præses est postulatus: inde verò ab Henrico III. Cæsare consiliis adhibitus; & Legatus Coloniam missus, tanti ab Hermanno II. Archipræsule, & Canonicorum Collegio fuit æstimatus, ut eundem præ competitoribus aliis in Caput suum delegerint. Mox etiam publica Imperii autoritate Henrico IV. Romanorum Regi admodum Adolescenti datus, Adelbertum Bremensem Episcopum eo in munere expertus est adversarium, Henrici seductorem vaserimum; unde Augustus discipulus adversus Magistrum tantam concepit iram, ut nisi Agnes Augusta mater vim elusisset, Elector Colonizæ in tantilli Cæsaris insidias incidisset, aut aperto vulnere concidisset. Idem justitiæ assertor fuit non nunquam rigidissimus; argumento nobis sit exemplum ex pluribus unum. Cum mulier multis obnoxia litibus iniquos judices coram Archipræsule insinulâset, & causam argumentis firmâset, latâ ab Annone sententiâ, Viris septem eruti sunt oculi; septimo tamen, fortassis omnium minùs reo relictus est oculus, ut cæcorum deinceps dux foret. Hujus ipsius Archi-Episcopi Colonizæ servari in monasterio Sigenbergensi ajunt Pedum, cui inscripta hæc sit legere verba:

Tityre coge pecus, cæcos ne ducito cæcus.

X 3

Dux

Dux oculatissimus verò inter Colonienſes fuit an. 20. vaticiniis & miraculis clarus, quem multis proſecuti ſunt laudibus *Albertum Kranzium, Broverum & Scriptores etiam Acatolici.* Mortuum dicunt an. 1075.

XLII. HILDOLPHVS. XXI. ARCH.
V. ELECTOR.

Hildolphus annorum 4. Archipræſul ex humili loco in Cæſaris Henrici IV. aulam translatus, partim ad aras ritè faciendo, partim meritis ſuis aliis præclaris adeò ſibi devinxit D. Annonis, aut veriùs divini Numinis favores, ut cùm librum ſuo & proximorum bono peraccommodum rogâſſet D. Archipræſulem, hic continuo reſponderit: habebis brevè & librum, & Sedem Annonis: unde cecinit Poeta:

Ex humili ſcandit ſacræ ad ſaltigia Sedis
Hildolphus, quod ei dixerat Anno priùs.

XLIII. SIGEVVINVS XXII. ARCH.
VI. ELECTOR.

Sigevvinus 10. annorum Antifteſ, in Eiſſia natus, D. Annoni ob inſignia merita non minùs carus & acceptus, quàm Hildolphus habebatur: teſtimonii loco eſſe poterat, quòd pari vaticinio prædixerit Anno vates Segevvinò Colonienſem Inſulam: monumenti inſtar ſit verſus:

Eiſſia Sigvvinum genuit, prædixerat Anno
Mitram,

XLIV. HERMANNVS XXIII. ARCH.
VII. ELECTOR.

Hermannus 10. annorum Archipræſul, natus Comes de Notheim, aut veriùs Henrici cognomento Pinguis ad Viſurgim Ducis filius, Richenzæ Lotharii II. Auguſtæ conjugis frater, D. Severini ſacras Reliquias honorationi loco poſuit

fuit & exornavit ; insignem etiam promeritus est laudem moderatâ parsimoniâ, & reddituum Ecclesiasticorum curâ sedulâ, quod indicant nobis verba :

Ossa Severini gemmis ornavit & auro

Nobilis Hermannus sanguine, dives opum.

XLV. FRIDERICVS I. XXIV. ARCH.

VIII. ELECTOR.

Fridericus Comes Forojulienſis, aut teſtibus Scriptorum Colonienſium calamis è Suevorum Comitum ſtirpe progenatus, cum D. Norberto Parthenopolis Archiepiſcopo egit cominus & eminus, ut quaqua verſus prodeſſent Eccleſiæ. Apoſtolicum Friderici Zelum unâ cum aliis multis dilaudavit Monafterium in Inſula Rhenana, Rolandi dictâ, & alterum in monte S. Apollinaris munificentiffimè extructum. Sedit annis 32. mortuus an, 1131.

S E C U L U M XII.

XLVI. BRVNO II. XXV. ARCH.

IX. ELECTOR.

Bruno Comes de Altena in Weſtphalia natus, tribus in Eccleſiis floruit Coloniz & Confluentiz. Merita ejus tanta fuerunt, ut licet epilepſiæ morbo laboraret, & Godefredus Sanctenſis Præpoſitus æmulorum potentiffimus multis placeret, nihilominus Brunonem eligendum Archipræſulem cenſerent Canonicorum plures, & ſuaderet Imperator Lotharius II. Nemini nempe Elector hic diſplicuit magis, quam ipſe ſibi : quare non niſi multorum precibus, & D. Bernardi conſiliis perſuaſus, Coloniz Solium conſcendit, poſtquam jam Trevirenſium Inſulam neutiſquam admifit, Innocentio II. Pontifice

Bru-

Brunonis constantiam probante. Annos 6. Elector numeravit; à Lothario enim Imperatore in Italiam ductus an. 1137. in Apulia est extinctus, & Bari in templo D. Nicolai sepultus, cujus ossa elapso dein biennio Rogerius tyrannus Siculus exhumari, & per urbis compita spargi mandavit.

XLVII. HUGO. XXVI. ARCH.

X. ELECTOR.

Hugo Sponhemienſis Comes, Decanus Agrippæ Coloniz, mortuo Brunoni Succellor datus in Italia, ibidem conſecratione & Pallio à Pontifice impetratis Melphiz ſeu Bari elapſo quatruiduo poſt ſectionem venæ eſt mortuus, paucorum omnino menſium Archiepiſcopus.

XLVIII. ARNOLDVS I. XXVII. ARCH.

XI. ELECTOR.

Arnoldus Geldriæ Comes de Simoniz crimine ad Eugenium III. Pont. ab invidentibus delatus, & Romam uſque ad dicendam Cauſam vocatus, alacri comparuit animo, comite conſcientiâ bonâ tutiſſimus, qualem ſanè invenit judex in terris Supremus ringentibus inimicis. D. Bernardi conſiliis, quin & familiaritate uſus Arnoldus, didicit periculofis temporibus cedere & occurrere, vitia nimirum eradicando, & virtutes plantando per annos Sedis 14.

XLIX. ARNOLDVS II. XXVIII. ARCH.

XII. ELECTOR.

Arnoldus II. Comes de Wied per varios in Collegio Canonorum Colonienſium gradus ad ſupremum denique aſcendit annorum 5. Elector, qui ſui ævi luxu moeſta tempora, & D. Bernardi mortem plurimis luſtuoliſſimam. Geſta Arnoldi hujus probavit maximè Conradus III. Imperator

rator , cui ab arcanis Consiliis erat. Reindorffensem extruxit ædem , & S. Severini templo profuit.

L. FRIDERICVS II. XXIX. ARCH.
XIII. ELECTOR.

Fridericus II. Comes Altenanus & montium dictus , Gerardo æmulo denique ab electoribus Canonicis est præhabitus , eò quòd Hadrianus IV. Pontifex , & Fridericus I. Imperator præhabendum censerent. Idem Elector probè electus Hadriano Pontifici auxilio fuit ad sedandas lites Pontificem inter & Cæsarem obortas. Papiæ post annum Sedis 3. sepelièrunt mortuum ; unde eidem anno 1159. in Germania parentavit Fridericus Imperator I.

LI. REINOLDVS. XXX. ARCH.
XIV. ELECTOR.

Reinoldus de Dassel Comites Luneburgicus Friderico Imperatori , quàm Pontifici acceptior , hunc in modum est laudatus ab Augusto laudatore : *Charissimam Principem nostrum Reinoldum Ecclesie Colonienfis Venerabilem Archiepiscopum universis Imperii fidelibus in exemplum proponimus , cuius fidem sinceram , cuius constantiam invictam , cuius labores immensos , cuius opera & servitia magnifica in omni necessitate Imperii , & nostra sæpenumero perspeximus &c.* Erat nimirum Reinoldus Cæsari à conciliis perpetuis , & comes à latere , præsertim proficiscenti in Italiam , ex qua an. 1162. everso Mediolano DD. trium Magorum & Machabæorum Martyrum Reliquias Coloniam direxit. An. 1167. ultimùm in Italiam profectus pestilentie morbo interit 8. annorum Elector.

LII. PHILIPPVS I. XXXI. ARCH.
XV. ELECTOR.

Philippus Comes Heinsbergensis , dum Fridericus I. Imperator Henricum Leonem Saxonie Electorem proscripsit,

fit, probè observatis, teste Kranzio, Juris Publici regulis, Westphaliæ Ducatum & Angriæ hodie Comitatum impetravit. Eadem ferme ætate mœnibus Coloniam firmavit simul & exornavit, monumento sui relicto Coloniensibus perpetuo. Henrico VI. Imperatori in Italiam abeunti junctus comes Neapoli commune multorum Germanorum sepulchrum invenit an. Sedis 24. Christi 1191. Synopsis rerum à Philippo gestarum hoc metro canitur.

Ortu Heinsbergiacus magnus virtute Philippus,
Mœnia & Angariam Westphaliâque dedit.

LIII. BRUNO III. XXXII. ARCH.
XVI. ELECTOR.

Bruno Comes Altenanus litis sibi motæ, honorum & onerum publicorum haud immeritò pertæsus, abdicavit se Pontificatu Coloniensi post ægiminis annum 1. Vitæ partem reliquam Superis consecraturus examussim, solitudinem Aldenburgensem petiit an. 1193.

LIV. ADOLPHVS I. XXXIII. ARCH.
XVII. ELECTOR.

Adolphus Brunonis III. frater vel patruus, inter authores, aut certè adjuutores numeratus est potentissimos, cur Otto Dux Brunsvicensis contra Philippum Suevorum Ducem fuerit in Solium Imperii evectus. Perperam sese elegisse, aut electum Ottonem Imperatorem peius imperasse, ostendit mutata mens Electoris Adolphi; Aquisgrani namque an. 1204. coronavit Imperatorem Philippum: sed ob hoc ipsum præmaturum factum, utpote inconstantia indicium haud obscurum, & causas majoris momenti alias imperante Innocentio III. è Sede Coloniensi fuit amotus an. 1205. annorum 12. Elector. Monumenti locorem totam indicat Lectori hoc breve melos:

Succesor patruï cæcæ levitatis Adolphus,
Pulsus bis dicto Cæsare sede sua.

LV:

SECULUM XIII.

LV. BRUNO IV. XXXIV. ARCH.

XVIII. ELECTOR.

INter turbas Imperii & Coloniz publicas Bruno IV. natus Comes de Sayn, in Archipræsulem delectus, exordium dignitatis suæ nactus est difficillimum, & viam virtutis arduam: Philippus enim Imperator Ottone æmulo prope Coloniam in pugna decretoria victo, Brunonem in arce Wasserburgensi captum duxit captivum. Prosperè evenit captivo, amicitiz vinculo conjunctos tandem fuisse Pontificem Innocentium & Cæsarem Philippum; tum enimvero confirmatus in Sede Principis sedit brevi tempore, 3. duntaxat annorum Præsul, forte meliori dignissimus.

LVI. THEODORICVS I. XXXV. ARCH.

XIX. ELECTOR.

Theodoricus Comes Heinsbergensis ab Ottone Philippi, licèt jam viribus prævalentis Cæsaris, æmulo in sacram Coloniz Sedem intrusus, è cœtu fidelium ab Innocentio III. est ejectus, quòd nollet relinquere partes Ottonis ab universa propemòdum Ecclesia relictas. Annos circiter 8. duravit schisma pertinax Theodoici, tandem re & spe Sedis recuperandæ destitutus, dato sibi auro quievit.

LVII. D. ENGELBERTVS XXXVI. ARCH.

XX. ELECTOR.

DEngelbertus Montensis Comes, ab Imperatore Henrico VI. constitutus filio Friderico Moderator, à Coloniz verò Canonicis Imperii Elector designatus, utrumque munus tanta integritate obiit, ut inter æquos rerum arbitros inventus fuerit nemo facile, qui plus ab eodem desideraret.

ret. Brovverus nunc compendiô comprehendens, nunc fusiùs describens D. Engelberti dotes egregias pag. 118. paucis vocabulis dixit rem maximam, dum inquit: *addunt de Engelberto, columnam Ecclesie, Cleri decus, columnam extitisse regni.* Tantum tamen ac tale columnen Fridericus Comes Isenburgicus ob Essendensis monasterii jura ab Electore hoc ritè defensa & custodita, 47. vulnibus è medio sustulit an. 1225. Sedis 9. Hanc à multis seculis vix auditam necem mox secuta omnium; præsertim in Germania inferiori Statuum admiratio, & indignatio justissima querelæ Christianum orbem implevit, præsertim verò cum volanti famæ accederent passim miracula multa legitimis testimoniis confirmata. *Legè Brovveri Annales Trevirens. & Gelenii Historiam de S. Engelberto editam.*

LVIII. HENRICVS I. XXXVII. ARCH.

XXI. ELECTOR.

Henricus Comes de Molenarck primas inter curas numeravit illam omnium maximam, qua vindictam de Comite Isenburgico, & scelerum conscis severissimam sumere constituit: quare sceleris tanti authoris bona fisco quamprimum sunt adjudicata: conjux ejusdem tametsi criminis minimè particeps, mœrore contabuit. Fridericus Comes conscientie stimulis instar Caini agitatusaliquantisper vagus & profugus, denique Leodii interceptus, & impensis haud modicis Coloniam traductus infamique rotæ implexus, mirâ pœnitentiâ pœnas absoluit gravissimas. Audiamus Brovveri hac super re compendium, quod ita habet pag. 124. *Extra D. Severini portam Comes horrendo atque infami supplicio in rotam actus, dorsum interritum ad sedecim præbuit securis ictus; inde tortoris manum ad singula comminuenda frangendâque corporis membra ultro exposcens, admiranda fortitudinis ac constantie in perpetiendis suppliciis exemplo, omnibus Christiani hominis probe in morte persunctis officiis, tam tetram in se receptam labem, magnitudine cruciatuum eluit, vel obscuravit.* Cæterum Henricus Elector vindicata D. Engelberti morte, opportuna occasio-

ne utendum ratus, cum Coloniz civibus ad lites pronissimis res magni momenti varias discussit atque composuit. Sedit ab an. 1225, usque ad an. 1237. turbatissimis in Imperio temporibus.

LIX. CONRADVS, XXXVIII. ARCH.
XXII. ELECTOR.

Conradus Comes de Hôchsteden per annos 24. difficultates tulit & ærumnas maximas; à Wilhelmo quippe Juliacensi Comite captus, novem mensibus in durissima captivitate delituit. Annos ætatis suæ ultimos potissimum consecravit ingentis operis & pretii templo, Divorum Magorum honoribus consecrato. Suorum temporum Salomonem dixerunt multi Conradum: Salomonis tamen opera aut facinora posteritati legenda non ritè scripserunt, si ædem excelsam demas, de qua Poeta ita canit:

Conradus summi struxit fastigia templi,
Atque Ubia Salomon alter in urbe fuit.

Morti succubuit an. 1261.

LX. ENGELBERTVS II. XXXIX.
XXIII. ELECTOR.

Engelbertus Comes de Valckenburg circa annum 1260. Imperio Romano inter seditiones & cædes publicas lugente, luxit & ipse sortem suam tristissimam, cum Coloniz cives urbem patriam in libertatem plenissimam asserturi tentarent extrema omnia, Bonnæ interea violenta remedia meditante Engelberto. Stratagemate & cuniculis Coloniz expugnationem tentandam esse, una cum Electore rati non pauci, sibi tumultum struxerunt, dum concubia nocte per occultos terræ meatus ingressi, sed simul à fœdifrago socio proditi, ad unum omnes sunt enecti, ipso Electoris fratre desiderato. Amicis igitur consiliis,

non verò armis cum civitate agendum ritè persuasus, pacem dedit & impetravit, cum Phrygibus doctus sapere. Annis 14. veriùs pugnavit, quàm quievit: excipe annum mortis 1275.

LXI. SIFFRIDVS. XL. ARCH.

XXIV. ELECTOR.

Siffridus ex præclaro Westerburgorum stemmate ortus, instituit cruentis Engelberti II. vestigiis, aut longè superavit, gladio magis, quàm consilio usus, ut vim vi frangeret. Quare haud veritus arma ipse induere, & in arenam descendere, at in eadem captus ab hoste Montensi Comite Adolpho, annis 7. libertatem frustra desideravit: tandem verò liberatus, mox totis viribus redintegrato bello ea fortunâ certavit, ut Adolphum inter victos atque captivos ductum, talionis poenam subire mandârit modo planè barbaro. De fine captivitatis desperandum erat ante omnia alia Adolpho; modum ut mitigaret victor, vix ausus est sperare, præsertim cùm ferreæ caveæ nudum Comitis corpus inclusum, & melle oblitum vespis & muscis patere iussit, exemplo inter hostes Christianos hætenus inaudito. Hujus Electoris etiam causâ interdicto Ecclesiæ subiecta Colonia multo languit tempore. Annis 24. non sedit, sed sæviit ad annum 1298. usque.

S E C U L U M XIV.

LXII. WICHBOLDVS. XLI. ARCH.

XXV. ELECTOR.

Wichboldus ex Illustrium Baronum de Holte natus sanguine, & Colonia legitimis in Archipræfulem electus calculis, omnem quamprimum movit lapidem, ut Metropolis sua interdicto soluta, ovis instar perditæ reduceretur ad pastorem suum. Laudem hanc unam & maximam Wich-

Wichboldi reliquit Colonia posteris. Annis 7. fuit Elector an.
1306. terræ mandatûs.

LXIII. HENRICVS II. XLII. ARCH.
XXVI. ELECTOR.

SEpulto Wichboldo electores Canonici in tres partes abi-
erunt; pars nimirum prima Wilhelmum Juliacensem, pars
altera Reinaldum Westerburgicum, pars reliqua Henri-
cum Virneburgicum, tres Comites in Præfulem suum delegerunt.
Nodum Gordium jure dicere poterant litem hanc gravissimam,
quam dum nequirit solvere consilio, gladiò Henricus dirupit;
post casum enim in pugna Frandenſi Wilhelmum, Romam, aut
verius Avenionem properavit, ubi à Clemente denique post per-
actam pœnitentiam, & exhibita habilitatis suæ argumenta est con-
firmatus. Eadem tempestate Imperii Electores de eligendo, &
mox electo novo Cæsare inter sese certabant primo calculis, mox
verò armis: pars enim Ludovicum Bavarum, pars altera Frideri-
cum Austriacum à se electum propugnavit. A Friderico stetit
Henricus, quem idcirco Bonnæ coronavit Imperatorem, rin-
gente parte altera. Inter turbas itaque Imperii transigenda fuit ætas
Henrico ferè annis 26. quibus Colonia Sedem tenuit mortuus
an. 1331.

LXIV. WALRAMVS II. XLIII. ARCH.
XXVII. ELECTOR.

WAlramus Juliacensis Comes, fortissimos præ aliis sensit
hostes Ludovicum Bavarum & Adolphum Marchiæ
Comitem Leodiensem Episcopum. Contra hunc
sententiam dixit Joannes XXII. Romanus Ponifex Walrami
quondam Bononiæ condiscipulus. Contra Bavarum pro Wal-
ramo pugnavit Clemens VI. ad quem in Galliam ubi pervenit
profugus Walramus, sepulchrum invenit, an. 1349. postquam
Elector vixit an. 18.

LXIV.

LXV. WILHELMVS. XLIV. ARCH.

XXVIII. ELECTOR.

Wilhelmus ex illustri Baronum de Gennep prosapia oriundus, seditiosorum civium Colonix audaciam detestandam quoque expertus est, cum Canoniceorum duo levi de causa trucidati, justam bonorum omnium iram adversus civitatem provocarunt. Annis 13. Colonienſi Eccleſiæ præfuit Wilhelmus, quibus proventuum curam adeo sedulam gessit, ut expuncto ære alieno magnam auri copiam corraſerit. Dum avarum itaque dixerunt multi, liberalem experti sunt inter Divos Principes Apostoli, quorum duodecim effigies, seu statuas argenteas Colonix templo principi donavit etiam hodie viſendas. Vita longiori haud indignum mors inter mortales rara extinxit. Cum cercopitheco nimirum, quem aluit, dum forte ludere, aut tempus fallere placuit, accepto in pede lethali vulnere interiit an. 1362.

LXVI. ADOLPHVS II. XLV. ARCH.

XXIX. ELECTOR.

Menſibus decem relicta est Sedes vidua, dissidentibus inter se partibus, aliis Joannem Comitem Virneburgicum, aliis verò, imò pluribus Adolphum Comitem Altenanum eligentibus, quorum posterior, cum oblatam sibi dignitatem desiderasset minimè, prior verò ambitur maximè, eam ob rem Urbanus V. Pontifex latâ sententiâ repulso Joanne, Adolphum confirmavit. Verum hic stirpis suæ in se unica fronde superstite expiraturæ memor, & amplæ hæreditatis adeundæ spæ allectus, relicta Sede sacra thorum elegit, ducta in conjugem Margaretha Comite Montenſi: anno itaque unico Elector fuit.

LXVII. ENGELBERTVS III. XLVI. ARCH.

XXX. ELECTOR.

Engelbertus III. Comes Altenanus Adolphi patruus, à multo tempore jam Leodii Episcopus, Colonienfem Insulam non ambiit, longè minùs postulavit, postulatus nihilominus ipse ab electoribus Canonicis, & à Pontifice confirmatus annos 4. Elector senex numeravit, solitudinis, quàm publici honoris avidior.

LXVIII. CVNO. XLVII. ARCH.

XXXI. ELECTOR.

Cuno ex familia Falckensteiniana Comes Engelberto Coadjutor, ut vocant, datus, brevi temporis spatio multa præclare egit; contracta enim debita expunxit; ditiones novas, atque inter has Comitatum Arensburgicum dato auro comparavit, nec non res priùs admodum turbatas composuit; tum verò curarum satur Pontificatu se abdicavit, non nisi 2. annorum Elector.

LXIX. FRIDERICVS III. XLVIII. ARCH.

XXXII. ELECTOR.

Fridericus Comes de Saarlverden, invito Carolo IV. Imperatore Joannem Argentorati Episcopum nepotem suum offerente est confirmatus in Colonia Solio. Profuit nimirum Friderico plurimum, notum esse Romano Pontifici Gregorio XI. quocum literis quondam Bononiæ navavit operam, Italis jam tum acceptus Germanus. Inter gesta per annos 44. Friderici præclara numerârunt spectatores ea maximè, quibus imposuit coronam Imperatoribus tribus, nimirum Wenceslao, Ruperto & Sigismundo. Eodem autore, aut certè adjutore an. 1388. surrexit Athenæum Colonienfè ab Urbano VI. raris privilegiis munitum.

Z

SE-

S E C U L U M XV.

LXX. THEODORICVS II. XLIX. ARCH.

XXXIII. ELECTOR.

THEodoricus II. Comes de Mörs annis 48. Archiepiscopus, Episcoporum duorum frater, ipse simul Episcopus Paderbornensis floruit. Inter facinora Theodorici majora numeravit posteritas diem Theophoriæ solennem, quem sacrationem esse præcepit, ut Latreviticus cultus adversus hæreses amplius splenderet. Cæsaris Verdam ad illud usque tempus Clivenfi Comiti subjectam ditionis suæ fecit; Susatum verò nimis tributis fagitatum amisit, subditis Comitum Marchiæ sibi dominum poscentibus. An. 1463 mortuis apposuit.

LXXI. RUPERTVS. L. ARCH.

XXXIV. ELECTOR.

RUpertus Dux Palatinus Friderici cognomento Victoriosi Electoris frater, à Coloniz Canonicis est electus ea lege, qua Archipræsulis restricta plurimum fuit potestas sacra juxtà ac profana, vixque relictæ sunt Electoris sustentationi congruæ accessaria. Aegerrimè servitutem hanc novissimam tulit cum fratre frater Victoriosus; quare conducto exercitu laturus opem Ruperto, oppida varia & arces Canonicorum copiis occupatas expugnavit. Seditio inde ingens adversus Rupertum exorta turbavit omnia: anno namque 1473. à Canonicis in Coloniz Antistitem electus Hermannus Hassiæ Marchio, in suppetias vocavit Carolum Audacem Burgundorum Ducem, qui continuo Novesium urbem in Coloniensi Electoratu munitissimam obsidione cinxit; sed demum à Friderico III. Cæsare repulsus, ab incepto opere destitit. Rupertus interea omni ex parte derelictus, dum fugam capeffivit, in via ab Henrico Hassiæ

fiæ Marchione interceptus, annis 3. in captivitate libertatem desideravit anno 1480. inter ærumnas mortuus an. 17. Elector. Mortui cadaver Bonnam translatus, diuturno tempore sepulchrum haud impetravit.

LXXII. HERMANNVS IV. LI. ARCH.

XXXV. ELECTOR.

Hermannus Hassiæ Landgravius cognomentum Pacifici sibi accersivit pacem servando & bella vitando. . Atque hac potissimum arte tantum vicit & sibimet devinxit subditorum plurimorum animos, ut etiam anno 1489. in Paderbornensem Episcopum delectus, nemini non placuerit, præcipue cum universi Hermannum scirent in pauperum ceteras esse adeo largum atque benevolum, ut iter faciendo mendicabulorum manipulis vias publicas impleverit, haud immerito *Pater Pauperum* cognominatus. Si suo tempore Comitibus Imperii Hermannum in remotiores urbes Colonia avocarunt, passim consueverunt multi dicere, nequaquam multis inquirendum esse, ubi domicilium haberet Elector Hermannus: custodias enim ejusdem esse copiosos pauperes, totam late viciniam implentes, & urbe tota Hermannum celebrantes. Non minus liberalem sese exhibuit ædibus sacris, quas auro & argento aliisque donis exornare in deliciis erat Archipræfuli virtutis studiofissimo, quem post Sedis annos 28. an. 1508. ad tumulum copiosis lacrymis profecuti sunt cujusvis status ac generis viri forminæque.

S E C V L V M XVI.

LXXIII. PHILIPPVS II. LII. ARCH.

XXXVI. ELECTOR.

Philippus II. Comes Ebersteinus, ut multorum technas & prava eluderet consilia, nobilium non paucos Electori

Coloniensi equidem subditos, sed parum fideles sibi, rogavit palam, quot proditores Christum Servatorem vendiderint? respondentibus singulis: proditor is unus fuit Iscariotes. Tum verò Philippus: *me verò vendunt proditores multi*, atque hoc dicto perfida multorum dispulit confortia. Nihilominus, cum inter Senatores numerarentur, qui cives oneribus multis gravassent, & tardè admodum imposita ipsi exsequerentur mandata, ob has aliasque non leves causas Procerum varii capite plexi, reliquis eum timorem incusserunt, ut alieno, quàm suo damno sapere mauerint. Annis 7. Electorem timuerunt Colonienses; an. 1516. inter varia luctus & lætitiæ testimonia publica sepeliêrunt.

LXXIV. HERMANNVS V. LIII. ARCH.

XXXVII. ELECTOR.

Hermannus V. Comes de Wied, Elector simul & Episcopus Paderbornensis constitutus, opus bene cœptum in fine corruptit: ab anno enim 1530. pravis libertinorum consiliis seductus, haud obscure cœpit favores prodere Luthero & sociis: Argentorato enim Bonam vocasse fertur Bucerum, ex Saxonia verò Melancktonem, quorum librum, Hermanni nomine editum, confutârunt Colonia Scriptores. Hermannus tamen spre-
tis Catholicorum consiliis & libris Kempenæ, Andernaci alibi-
que locorum nova placita spargi permisit, aut turpius manda-
vit, ex pastore factus lupus. Igitur à Romano Pontifice Pau-
lo III. & Imperatore Carolo in summas redactus angustias, Se-
deque sua pulsus, an. 1547. elapso exinde lustro unico in Co-
mitatu Wiedano an. 1552. est extinctus.

LXXV. ADOLPHVS III. LIV. ARCH.

XXXVIII. ELECTOR.

Adolphus Comes de Schauenburg Hermanno V. Adjutor junctus, & ipso Sede amoto Archipræsul consecratus, providè contrariam Antecessori inivit viam, sparsa doctri-

næ

næ novæ semina in tempore suffocanda esse probè gnarus : unde è Colonizæ ditionibus migrare jussi Heterodoxi , ægerrimè obtemperârunt : Adolphus verò ad nutum Romani Pontificis & Caroli Cæsaris intentus , inter Concilii Tridentini Patres dixit sententiam ; 9. annorum Archiepiscopus , multis Catholico- rum encomiis exornatus vivus & mortuus 1556.

LXXVI. ANTONIVS LV. ARCH.

XXXIX. ELECTOR.

Antonius Comes de Schauenburg, Adolphi III. frater, ob fratris & sua merita insignia in Caput Colonizæ supremum electus , plura desideravit agere, quàm egit morte præventus immatura an. Sedis jam altero : unde habet distichon :

Successit fratri paucis Antonius annis,

Cùm vita, haud virtus destituere virum.

LXXVII. IOANNES GEBHARDVS LVI. ARCH.

XL. ELECTOR.

Gebhardus Comes Mansfeldius vix electus est Archipræsul , mox morbo prostratus diuturno , cepit mortem meditari vix 4. annorum Elector , mortuus an. 1562.

LXXVIII. FRIDERICVS IV. LVII. ARCH.

XLI. ELECTOR.

Friderico Comiti de Wied , cùm non minùs quàm Gebhardo , perpetui morbi incubuissent , honorificum Electoratus munus , & ponderosum onus in Successorem liberè transtulit an. Sedis 5. vel 6. servata sibi in annos futuros non magnâ auri summâ , quam tamen etiam mors brevè secuta invadere est visâ an. 1567.

LXXIX. SALENTINVS, LVIII. ARCH.
XLII. ELECTOR.

Salentinus Comes Isenburgicus an. 1567. Colonienſi Inſula exornatus, an. 1574. Mitram Paderbornæ alteram capiti impoſuit. Utriusque nimirum Eccleſiæ Canonicis ſumopere probata eſt Salentini cura Eccleſiaſtica ſimul & domeſtica, qua theſauros utroſque auxit & multiplicavit. Verùm tameſi auro & meritis dives diceretur Salentinus, his tamen omnibus longè viſus eſt præferre generis ſui propaginem: abdicato enim poſt annum Sedis 10. Electoratu duxit Antoniam Arenbergicam, ne mortis falci penitus ſuccumberet ſtemma Isenburgicum.

LXXX. GEBHARDVS, LIX. ARCH.
XLIII. ELECTOR.

Gebhardus Truchſſius ab Ottone Epifcopo Auguſtano E. R. C. patruo ſuo ritè moribus formatus, & ſtatim meliorem eligere doctus, eo proſectu viſus eſt inſtituiſſe Truchſſiorum Comitum glorioſis veſtigiis, ut anno ætatis ſuæ 30. in Archiepiſcopum Coloniae jam fuerit electus, poſthabito etiam Erneſto Bavaro Friſingenſi ſimul & Hildeſienſi Epifcopo. Verùm ſefellit plurimùm univerſos malè concepta ſpes de tanto, ut aiebant, juvene: Gebhardus enim Agnetis Manſfeldicæ illiciis & laqueis adeò eſt irretitus, ut deſertor Eccleſiæ Romanæ factus, clam cum amafia celebrârît nuptias, animo ſimul retinendi Electoratum Colonienſem. Armatas eum in finem manus Gebhardo adverſus quosvis hoſtium impetus promiſerunt Joannes Caſimirus Comes Palatinus, Haſſiæ Marchio, Comites item de Solm, Naſſau & Geroldſeck &c. Verùm ab Hiſpanorum è Belgio mox translatorum præſidiis Bonnâ occupatâ, Gebhardus pulſus, Romæ ſimulque Coloniae eſt exautoratus, Pontifice Gregorio XIII. ſententiam dicente an. 1583. unde

unde derelictus ferè ab omnibus fugit in Hollandiam, ubi ab Urania Duce exceptus, extorrium more cum sacrilega conjuge vixit ad annum 1601.

LXXXI. ERNESTVS, LX. ARCH.

XLIV. ELECTOR.

ERnestus Alberti V. Ducis Bavariæ filius, tribus jam Infulis, Leodiensi nimirum, Hildesienfi & Frisingensi junxit quartam eamque majorem reliquis Coloniensem. Peditum & Gladio opus fuit Ernesto; Peditum quidem ut oves dispersas unum in ovile reduceret; Gladio autem ut lupos permultos, hostes nempe suos copiosos procul pelleret, quod utrumque præclare prorsus præstitit per annos 29. Utrumque paucis complexus Poeta canere nos docuit.

Ernestus Bavarus certans Gladioque Peditum

Restituit læsis vimque decusque sacris.

Talia tametsi probarentur minimè Lutheri affectis Viris Principibus, hi nihilominus quod in Ernesto reprehenderent, non invenerunt, quod verò dilaudarent, facile reppererunt: vixisse enim & mortem Arensbergæ obiisse an. 1612. non nisi *sanctissime*, libris testibus consentitur. Gloriosus igitur reliquorum omnium ex Domo Bavarica Electorum Coloniæ antesignanus Ernestus, Coloniæ Romam Germanorum dictam, dum non condidit, magnam partem restauravit.

SECVLUM XVII.

LXXXII. FERDINANDVS, LXI. ARCH.

XLV. ELECTOR.

Ferdinandus Wilhelmi V. Bavariæ Ducis filius, Ernesti Electoris nepos, Academiæ Ingolstadiensis lucidissimum sydus in juventute fuit, in qua eruditionis & scientiarum præ-

præclara reliquit monumenta, auditus haud semel duntaxat propositas Theses doctissime propugnare & impugnare, dignissimus Princeps, qui quadruplici Mitra exornaretur suo tempore. Annis 38. Ecclesiæ Coloniensi emolumento ejusdem maximo præluxit, totidem ferè annis mala perpeffus gravissima: ab anno enim 1625. Brunsvicensium copiæ per Coloniensem Electoratum grassatæ sunt quidvis audendi libertatem jussuum ratæ. Ab an. 1632. successit Gustavus Adolphus Suecorum Rex Ferdinando Electori eò infensior hostis, quò arctiori sanguinis vinculo Maximiliano Electori Bavaro, & amicitiaæ fœdere Ferdinando Cæsari conjunctum esse noverat Electorem Coloniæ, simul & Archiepiscopum, & Lutheri hostem. Hassorum etiam armatæ copiæ Colonienses ditiones animo maximè hostili invaserunt, inde nulla nec arte, nec vi expulsæ; donec denique inita pace Novessio aliisque urbibus egredi pacta publica suaserunt, liberali auro viam sternente ad reditum. Cæterum componendis in Imperio turbatissimo negotiis ab Imperatore Ferdinando II. adhibitus, & à partibus, ut id faceret, rogatus, ita satisfecit omnibus, ut Ferdinandi virtus nunquam non eminuerit inter virtutes Virorum Principum non paucorum. Ferdinandi nimirum instar regulæ erat quotidie fortiter agere & pati, atque adeò esse *Episcopum*, hoc est *perfectum*, quale testimonium de suo Pastore dixerunt oves omnes bonæ.

LXXXIII. MAXIMILIANVS. LXII. ARCH.

XLVI. ELECTOR.

Maximilianus Henricus Ducis Alberti Bavari filius Pedo triplici fortior ac firmior, Ecclesiam triplicem multis suis virtutibus solidissimis confirmavit, Coloniensem nimirum, Leodiensem & Hildefensem. Et verè virtutes Maximiliani Ecclesiæ columnas dixit S. R. E. Cardinalis Julius Mazarini, qui ab æmulis ad Gallorum Regem Ludovicum

cum XIV. delatus, tantisper aulam Francicam fugit, & anno 1651. ad Maximilianum hospes pervenit. Columnen suum non minus expertus est Maximilianum Ernestus Hassiæ Marchio, qui an. 1652. Coloniam sibi elegit columnam, ut relicto Lutheri ædificio ruinoso staret & quiesceret securus. Annis Electoratûs sui posterioribus, partim domesticis, partim externis, expositus bellis, fortunam sustinuit variam, præsertim verò dum fœdus iniit cum Gallorum Rege adversus Batavos haud annuente Cæsare. Maximiliani scopus erat ditiones suas à Batavis sibi ereptas, præsertim verò Rhenobergam munimentum suum recuperare, quod promittebat & præstabat initum cum Gallis fœdus. Inter sacrum & saxū igitur medius Maximilianus, quò se verteret, crebrò incertissimum habuit, soli Deo denique adhærere & aliàs, & maxime in lucta ultima doctus, quam sustinuit an. 1688. post annos Regiminis 38.

LXXXIV. IOSEPHVS CLEMENS. LXIII. ARCH.

XLVII. ELECTOR.

Josephus Clemens Dux Bavarus Maximiliani Emanuelis Electoris frater an. 1688. favente Innocentio XI. & Cæsare Leopoldo contra S. R. E. Cardinalem Wilhelmum Fürstenbergicam Argentinz Episcopum, & Archiepiscopi Colonienfis Adjutorem electus, Mitram Leodiensem unà cum Colonienfi conservavit, Frisingensem verò & Ratisbonensem Successoribus aliis reliquit. Varia dein Martis discrimina subiit, certantibus inter sese de corona Hispaniæ primò Cæsare & Gallorum Rege; mox verò Europâ propemodum universâ. At tandem stabilita pace sacris sese totum muniis denuò consecravit Elector Clemens, dum more Episcoporum veterum nunc consensu exedris sacris ad avidissimum populum dixit, nunc Sacerdotes aut Episcopos consecravit, nunc ad Christianas aras perductos Baptismatis aquâ mundavit, nunc ritè baptizatos in fide confirmavit, paratissimus

etiam non rarò consentibus aures accomodare. Annos vivendo superavit 53. annis 35. Coloniae Sedem suis virtutibus multis exornavit, anno seculi nostri 23. ad meliorem vitam est evocatus. Hæc in compendio dixisse sufficiant. Plura qui desiderat, Scriptores Colonienfes adeat & urgeat, ut scribant suorum Principum facta & fata.

LXXXV. CLEMENS AVGVSTVS. LXIV. ARCH.

XLVIII. ELECTOR.

Clemens Augustus Maximiliani Emanuelis Electoris Bavariæ filius, an. 1700. instar felicissimi syderis mense Augusto natus nobis, & ab ineunte ætate partim in principe Bavæarum urbe Monachii, partim in ipsa Urbe urbium domina moribus optimis & præclaris exornatus studiis, ipsum Romanum Pontificem Clementem XI. veneratus est persæpe, rerum suarum & arbitrum & laudatorem Sanctissimum. Promeritus est inde maximè, exornari primò Mitra Episcopali Ratisbonæ; paucos verò post annos Paderbornæ, Monasterii, Coloniae & Hildesiacæ. Plura modò non sinunt scribere Augusti Principis & Electoris perspecta omnibus Modestia, & Historia mortuorum magis, quàm vivorum viva memoria.




PRÆFATIO.

Non te latet fortassis, Amice Lector, Hübnerum, & Scriptores Hübnero non absimiles, multas paginas scripsisse contra ipsos Romanos Pontifices, & Imperatores per secula suæ Historiæ prope modum singula, ad hanc nostram usque ætatem. Hac de causa in Serie Romanorum Pontificum juxta ac Imperatorum, suas seculis singulis subjungendas esse existimavi Reflexiones contra Hübnerum aliisque Heterodoxos Scriptores, ut pro modulo meo propugnarem causam Summorum in orbe terrarum Virorum Principum. Pari ferme audacia iidem Scriptores Heterodoxi acuerunt calamos in Archiepiscopos, Episcopos & Sacerdotes, præsertim Parochos per Germaniam universam multos. Quam ob rem non incongruum fore duxi, præsentietiam libello suas inserere Reflexiones, ut Hübneri maximè pateant identidem magis fallaciæ. Quoniam verò Hübnerianæ hæ fabulæ persæpe non unum magis, quàm omnes offendunt Ecclesiæ Antistites, nec unì potiùs, quàm pluribus sunt propriæ seculis, ideo Reflexiones non in secula distinguere, uti factum in Serie Rom. Pontificum ac Imperatorum, sed post triplicem Archiepiscoporum simulque Electorum Seriem collocandas esse putavi, ductus hoc etiam argumento, quòd ipsæmet uno quasi vinculo trahantur, & sese sequantur ordine non faciliè interrumpendo.

Aa 2

RE.



REFLEXIO I

SUPRA SERIEM

ARCIEPISCOPORUM

ET

EPISCOPORUM

MAXIME

GERMANORUM.

Sapientia ædificavit sibi *Domum* ; excidit *Columnas septem* *Proverb. 9.* Servator nempe noster sapientissimus, Auctor Fidei , & Conditor Ecclesiæ divinus, sibi *Domum* per universum terrarum orbem maximam ædificavit , cujus ipsemet angularis *Lapis*, Petrus Apostolus *Petra* , Apostoli reliqui sunt facti *columnæ Principes* , aut etiam *Fundamentum post Petram alterum*. Sacerrimæ hujus Domus successu temporis columnæ etiam excisæ , & constitutæ sunt multæ ; Archiepiscopatus nimirum, & his minores Episcopatus per quatuor orbis tractus amplissimos, præsertim verò per Europam nostram celeberrimi, Moguntinus, Trevirensis, & Colonienfis &c, quorum, sicuti aliorum multorum antiquissima est origo , & quidem nulla alia, nisi Romana. Ita profectò res habet, Petrus Romana *Petra* est basis firmissima ipso fulciente Christo , quibus non minus quàm Italica, Gallica, Hispana &c, nostra Germanica innititur

tur Ecclesia multis firmata columnis. Verùm dum Romanæ Ecclesiæ innitentium firmissimè Ecclesiarum multarum mentem meam in sese vehementer rapit jucunda contemplatio, audio inimicas voces & tumultus hoc nostro potissimum tempore obstrepentes & vociferantes: ridete triumphum Papistarum ante vi-
 ctoriam! gloriantur hi simplices sua petrâ Romanâ; gratulantur vanissimè suas sibi per Germaniam & alia multa regna Colum-
 nas, ut ajunt, sacras; cùm tamen probata sit necdum *Petri potestas Vi-*
caria, eâque post Christum suprema; necdum etiâ liqueat de *primatu Ro-*
mane Sedis; non suppetant argumenta ex Sacro Codice, imò hic ipse palâm refragetur cum non dubia Historia. Ita ferè non ita pridem scripsit Tigurinorum Declamatorum non nemo, non an-
 sus tamen sua committere typis, quod optabam. Idem addidit, unâ se & Collegas suos hoc unum spectare, & expectare, ut
 primò S. Codicis argumentis, & dein testimoniis minoribus so-
 lidetur Primatus Petri, Sedis Romanæ autoritas: hoc uno im-
 petrato, sese cum sociis & ovibus subditis quamprimum propiùs
 accessurum Aris Romanis. Non absimilia scripsit Hübnerus &
 Scriptores Lutherani passim. Hunc ipsum veriùs ludendî, quàm
 loquendi modum audimus crebrò hodie à militibus in Romani
 Imperii propugnaculis. Argumenta verò cùm à nostris Theo-
 logis præsertim Polemicis methodo Polemica sint adeò magno
 numero & modo firmissimo proposita, ut non nisi ignarus, aut
 pertinax possit obgannire; nihilominus haud abs re erit addere
 mentem & methodum Historicam, præsertim cùm hoc nostro
 seculo multifariam id ipsum Lutherani Historici agant, uti ex
 Serie Romanorum Pontificum, & Imperatorum liquet, atque
 nunc ex Serie Archipræsulum Germanorum amplius liquebit. Ar-
 gumenta itaque nonnullis in paginis non tam nova afferam, quàm
 antiqua repetam, quoniam meritò censetur solidissima. Argu-
 menta verò secundum suos gradus veluti in scala ponantur, ut
 Orthodoxis & Hederodoxis nunc lubeat ascendere, nunc des-
 cen-

cendere à gradu summo ad infimum, aut ab infimo ad summum.

Summus omnium argumentorum ordine gradus est S. Codicis autoritas, & sensus in Christi Ecclesia non cujusvis privati Doëtoris, longè minùs indoëtorum sententia, sed sensus communi totius Ecclesiæ consensu uno supremo Duce ac Iudice probatus, stabiliter servatus, & servandus. Audite verò jam verba sæpiùs audita, multis nunquam bene intellecta, aut perspecta: audite simul sensum Ecclesiæ antiquissimæ & novissimæ communissimum.

ARGUMENTA EX S. CODICE.

ET ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalebunt adversùs eam. Et tibi dabo claves regni cælorum. Et quodcunque ligaveris super terram, erit ligatum & in cælis: & quodcunque solveris super terram, erit solutum & in cælis. Matth. 16.

Cùm ergo prandissent, dicit Simoni Petro Iesus: Simon Ioannis diligis me plus his? dicit ei: etiam domine tu scis, quia amo te. Dicit ei: pascè agnos meos. Dicit ei iterum Simon Ioannis, diligis me? ait illi: etiam Domine, tu scis, quia amo te. Dicit ei: pascè agnos meos. Dicit ei tertid: Simon Ioannis, amas me? Contristatus est Petrus, quia dixit tertid, amas me? & dixit ei: Domine tu omnia nôsti: tu scis, quia amo te. Dixit ei, Pascè oves meas. Ioan. 21.

Jam verò hujus utriusque, ut taceam alia, divini oraculi sensus de Primatu D. Petri & Successorum Romæ ex suomet tenore, ac vocum singularum planissima acceptione in aures & animos proborum hominum instar aquæ limpidiissimæ videtur influere: diversus verò ab hoc sensus & aures torquet, & offendit sanum cerebrum. Haud alium nostrum sensum sibi dixit propriissimum & vetustissima, & verissima Ecclesia: adsunt enim copiosissima Conciliorum & Patrum per primas pro Ecclesia Veteri annorum centurias: adest Historia non tantùm ab Orthodoxis, sed ex parte etiam ab Heterodoxis ea methodo scripta, ut hi fateantur continuam Romanorum Episcoporum Seriem, Seriem item Archiepiscoporum & Episcoporum non nisi Romano Pontifici à primis sæculis subditorum, atque ab eodem legiti-

timam

timam potestatem imperantium. Quæ omnia ne videar dicere confidentius, quàm veriùs, multa, quæ alii multis prosecuti sunt foliis, in brevem fasciculum collecta, hoc in libello juxta præfixum ordinem ac metam considerabimus. Verùm ne in Reflexionum exordio nimia sit prolixitas, venturis Reflexionibus patientiam Lectoris integram servare, & labor & opus est. Solùm itaque nunc S. Codicis textus, & pauca alia huc apponantur, quæ Catholicæ sententiæ prorsus contraria dicunt Scriptores & Lectores Heterodoxi.

TEXTVS S. CODICIS, PRIMATVI D. PETRI IN SPECIEM CONTRARIJ, EXPLICANTUR.

I. Vos autem nolite vocari Rabbi: unus est enim Magister vester, omnes autem vos fratres estis. Item, nec vocemini Magistri, quia Magister vester unus est Christus. *Matth. 23. v. 8. & 10.*

II. Facta est autem & contemptio inter eos, quis eorum videretur esse major. Dixit autem eis: Reges gentium dominantur eorum, & qui potestatem habent super eos, benefici vocantur: vos autem non sic, sed qui major est in vobis, fiat sicut minor, & qui præcessor est, sicut ministrator. &c. *Luc. 22. v. 24. &c.*

III. Regnum meum non est de hoc mundo. *Ioan. 18.*

IV. Bibebant autem de spiritali, consequente eos petra, petra autem erat Christus. *1. Cor. 10.*

V. Nihil minùs sui ab iis, qui supra modum sunt Apostoli. *2. Cor. 2.*

VI. Quæcunque solveritis super terram, erunt soluta & in celis. *Matth. 18.*

VII. Accipite Spiritum S. quorum remisistis peccata, remittuntur eis. *Ioan. 20.*

VIII. Cum autem venisset Cephas Antiochiam, in faciem ei resisti, quia reprehensibilis erat. *Galat. 2.*

Hæc aliæque oracula à Catholicorum adversariis propugnaculi instar opinione sua inexpugnabilis opponuntur D. Petro & hujus Successori Romano Pontifici. pugnant proinde hac etiam, veluti multis, imò plurimis in Scripturæ Sacræ partibus Orthodoxi, & Heterodoxi? pugnârunt jam Veteris Testamenti tempore inter sese Hebræi, Pharisei, Saducæi &c; pugnârunt à primo nati Servatoris usque ad hodiernum seculum multis in dogmatibus diversissimi Christiani: diversissima est hodie diversarum partium

interpretatio, mens & sententia; & tamen, quod mirandum maxime, Scriptura minimùm in rebus magni momenti est perquam clara, tota est merities! Hæc probè sibi notanda censeant, quotquot ita sentiunt novissimi S. Codicis interpretes.

Mens verò una, indubitata, atque adeò communissima Catholicorum circa allata in speciem contraria oracula ex sequentibus liquebit responsis. Et ad

I. & II. quidem meritò reprehendit discipulos suos Magister Christus, quod contenderent inter sese de Primatu; ambitio enim in omnibus vitiosa, in Apostolis potuit dici vitiosissima. Indignus nimirum est honore non vano, qui vanè ambit honorem: honor ambientes fugit, fugientes instar umbræ sequitur. Nequaquam dignus est Sede Pontificia, qui quovis modo contendit eam in Sedem extolli. At verò si eligant, quorum est eligere Pontificem, tunc procul dubio cessat reprehensio, & suis rite electo honor & locus est honorificus. Audiamus hanc in rem oracula etiam Evangelica. Joan. 7. & 8. *Qui à semet ipso loquitur, gloriam propriam querit: qui autem querit gloriam ejus, qui misit eum, hic verax est, & injustitia in illo non est. Si ego glorifico me ipsum, gloria mea nihil est: est pater meus, qui glorificat me.*

Paucis multa: honores præsertim Ecclesiastici, dignitates, *Insula, Galeri & Tiara* nec venales habeantur pretio, nec prostant subjectæ precibus, licet armatis. Non candidatorum desideriiis, sed electorum suffragiis integris conferantur. Audiamus Apostolum Heb. 5. *Nec quisquam sumit sibi honorem, sed qui vocatur à Deo, tanquam Aaron: sic & Christus non semetipsum clarificavit, ut Pontifex fieret; sed qui locutus est ad eum: filius meus es tu, ego hodie genui te.*

Exponant jam, aut torqueant in suum sensum S. Codicis verba, quæ in nos paulò antè intorsere conatu vanissimo; & tum patebit, nec Lutheranis, nec Calvinianis, nec ullis aliis vel re, vel nomine Christianis esse eligendos deinceps *Magistros, Decanos, Præbendentes, Episcopos &c*; obijcere namque continuo illiteratorum etiam quispiam nullo negotio posset: *nolite vocari Rabbi: unus est enim Magister vester. Item: nec vocemini magistri &c.* Ad

R. Ad VI. VII. & VIII. Oraculum nobis ex S. Codice oppositum: quòd nimirum Paulus & junior & minor Petro semel, aut bis fortè in factò quopiam particulari in faciem etiam restiterit, idem facinus simile profectò esset huic, si hodie Romano Pontifici Purpuratorum Patrum quispiam ob verbum, aut factum minùs ad rem idoneum resisteret meritò. Factum simile accideret, si Vir probatæ fidei & consilii Princeps Imperatori aut Regi resisteret non immeritò, an hanc ob causam Vir Princeps talis par aut major haberetur Cæsare? an ideo Pontifex aut Imperator potestate sua suprema excideret minimè gentium. Evasisit quippe Petrus Dei vocatione & creatione in Supremum Pontificem; fuit tamen, & perseveravit esse homo: quoniam verò errare humanum est, potuit is ipse Supremus inter homines Pontifex errare in verbo & factò, quod ad Normam Fidei & Morum Regulam universæ Ecclesiæ traditam parùm attinebat, quale factum censebunt, quicumque Gal. c. 2. denuo legerint, quod ita sonat: *cùm autem venisset Cepha Antiochiam, in faciem egressi, quia reprehensibilis erat: prius enim, quàm venirent quidam à Iacobo, cum gentibus edebat: cùm autem venissent, subtrahabat & segregabat se, timens eos, qui ex circumcisione erant. Et simulationi ejus consenserunt ceteri Iudei, ita ut & Barnabæ duceretur ab eis in simulationem &c.* En factum ipsius D. Pauli calamo scriptum, & Deo teste integrum! nulum hic locum obtinuit Norma Fidei, nullum locum Regula Morum. Cæterùm procul dubio acceperunt Apostoli à Petro diversam potestatem admodum eminentem, qualem nimirum hodie obtinent Episcopi & Capita per Ecclesiam universam plurima, dum & ipsi nunc ligandos ligant, & solvendo solvunt, sententias eorundem ratas habente Deo, & supremo hujus Vicario. Talem tamen tantamque, quantam accepit Petrus, accepisse Apostolos reliquos à Christo potestatem demonstrare, est oceanum sine navigio navigare; cui operi & labori hætenus succubuerunt, quotquot Petri naviculam impugnârunt hostes oceani procellis obruti. Profectò nec verba Evangelii clara, nec Traditio, nec

Authoritas, nec Historia docuerunt Orthodoxos suæ doctrinæ contrarium. Fingamus nihilominus, iisdem allatis Evangelii verbis probari quidpiam, & tum illud Theologorum & Philosophorum, quin omnium literatorum cōmune adagium habebit locum, *qui probat nimium, probat nihil*: sequela namque probaret, omnibus omnino legitimis Sacerdotibus æqualem à Deo datam fuisse copiam solvendi atque ligandi; singulos esse Pontifices, vel nullum; omnes esse superiores, vel subditos omnes sine Capite, sine Judice, sine Magistro, sine Præceptore &c. O Chaos! O Babylon!

Ad III. reponitur, duplicis generis esse regna, Ecclesiasticum nempe & Politicum, quod utrumque exhibuit abundè universis Testamentum Vetus, in quo etiā minuerunt supra quovis Summi Pontifices & simul Judices multī. Regnum igitur Servatoris nostri in terris non fuisse Politicum aut mundanum, quale solet esse Imperatorum & Regum, is ipse non obscure dixit, qui Pilato respondit: *Rex sum ego, regnum meum non est de hoc mundo: si ex hoc mundo esset regnum meum, ministri utique mei decertarent, ut non traderer Iudeis &c.* Ioan. 18. Quemadmodum in Evangelio hoc loquitur Verbum Divinum de Ministris non Ecclesiasticis, sed Politicis & mundanis, ita verba fecisse credendum est non de Rege, aut Monarcha Ecclesiastico, sed de diverso longè. Secus si verba aut sensum sumas, rem evincis, Hederodoxe, prorsus contrariam tibi: ais enim conformiter placitis tuis, Christum fuisse discipulorum omnium unum ac Supremum Magistrum: item eundem esse Maximum Authorem Ecclesiæ: tanquam supremū Caput concessisse potestatem Ecclesiasticam Apostolis, & horum in officiis Successoribus. Qualem igitur tu Magistrum, & Authorem, & Caput Supremum, non utique mundanum aut Politicum, sed sacrum & Hierarchicum intelligis, ita non regnum, aut Regem mundanum intelligi jure censemus Catholici.

Ad IV. Dico. Qui bene distinguit, bene docet. Utinam axioma hoc didicissent plurimi, qui confundunt plurima, contenti nimium quantum, si multos ex S. Codice textus, veluti unum in cumulum congesserint, absque ordine tamen, & absque distinctione. Distinguamus igitur (nam sæpe opus est maximopere) Vetus & Novum Testamentum. Veteris Testamenti Lapis angularis & Petra suo etiam modo jam fuit Christus venturus, de quo nimirum optima quæque prædixerunt Prophetæ, & significarunt figuræ præviæ. Hæc ipsa Petra divinissima Christus non minus est Lapis angularis Testamenti & Ecclesiæ Novæ. Verum hic ipse Lapis angularis, & Petra divina admisit lapidem & petram alteram, nimirum humanam, adversus quam, ne portæ inferi prævalerent, providit & providebit nunquam non Petra divina, Petra solidior, solidissima. Codex facer, uti novimus, Dei digito scriptus, nec emendationem, nec additionem, nec diminutionem, bene tamen explicationem, aut interpretationem patitur. Locum igitur hic obtineat communissima petræ geminæ data explicatio. Sed & in exemplo res pateat amplius. Ædificant Imperatores & Reges munimenta, arces & palatia; ut firmitas insit operi, terram effodiunt, fundamentum ex solido struunt lapide: fundamento huic superimponunt ligna & lapides usque ad verticem. Tota verò structura nunquam stabit aut perseverabit, nisi innitatur fundamento alteri, nimirum terræ & centto suo prorsus immobili. En fundamentum duplex, en petram geminam sub ædificiis etiam humanis! fac inde concipias fundamentum duplex, aut petram geminam in ædificio divino, quale dicamus oportet Ecclesiam.

Ad V. sit præsens responsum: D. Paulum plus scripssisse, plus item in vinea Domini laborasse, quàm laborârunt Apostoli alii; Theologorum nemo ignorat: dixit igitur verè Paulus, *nihil minùs fui ab iis, qui supra modum sunt Apostoli.* Responsum hoc si minùs placeat adversario, eidem Antagonistam sisto ipsummet Paulum

lum 1. Corinth. cap. 15. ita dicentem : *ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei.* Idem eodem capite testatur, Redemptorem nostrum redivivum apparuisse Petro, & dein undecim Apostolis, ac demum multis aliis. Verba D. Doctoris sunt: *Et quia visus est Cephæ (hoc est Petro) & post hoc undecim; deinde visus est plus quam quingentis fratribus simul.* En Pauli doctrinam sese minimè comparantis Apostolis reliquis, longè minùs Apostolorum Principi Petro, cui apparuisse scribit Christum primo loco tanquam Capiti, dein Apostolis undecim tanquam membris præcipuis, & tandem quingentis fratribus tanquam membris reliquis universæ Ecclesiæ.

REFLEXIO II.

Viri à prudentiâ, doctrinâ & virtutibus multis æstimatissimi, quales fuerunt multi Summorum Pontificum, complures in Conciliis Patres, & Ecclesiæ Doctores, quos sæpe Sacros Interpretes etiam appellare consuevimus, manifestum nobis fecerunt, & hodie relictis suis testimoniis faciunt, qualis mens fuerit Ecclesiæ de Primatu Petri antiquissimæ, quam à veritatis tramite nondum aberrâsse consentitur ipsimet Lutheri, & Calvini assæclæ saltem plerique, aut plurimi inter semetiplos dissidentes. Audiamus igitur in præsentī Reflexione quorundam Sanctissimorum Pontificum, in Reflexione sequenti Conciliorum, & dein Doctorum, & aliorum Authorum de Primatu Romanæ Ecclesiæ sententias.

ARGUMENTA EX EPISTOLIS SS. PONTIFICUM, PRIMIS TRIBUS SECLIS PROPINQUORUM.

I. D. Julius I. Seculi IV. Pont. in epistola, quæ habetur in Apologia 2. S. Athanasii, ita loquitur: *an ignari estis, hanc esse consuetudinem*

dinem, ut primum nobis scribatur, ut hinc, quod iustum est, desiniri possit? quapropter si istis ejusmodi suspicio in Episcopum concepta fuerat, id huc ad nostram Ecclesiam referri oportuit. Inferius sic prosequitur; quæ accepimus à D. Petro Apostolo, ea vobis significo, non scripturus aliqui, quæ nota apud vos esse arbitror, nisi facta ipsa nos comurbassent.

II. D. Damasus ejusdem Seculi IV. Pont. in epist. 4. ad Episcopos Numidiæ hæc habet: cuncta quæ possunt aliquam recipere dubitationem, ad nos tanquam ad Caput, ut semper fuit consuetudo, deferre non desinatis.

III. D. Syricius ultimus IV. Seculi Pont. in epistola ad Himericum Episcopum Tarraconensem, quàm etiam Calvinus Syricii epistolam dixit, talia scripsit: portamus onera omnium, qui gravantur. Quinimò hæc portat in nobis D. Apostolus Petrus, qui nos in omnibus, us confidimus, administrationis suæ protegit & tuctur bædes. Similia prosequitur inferius.

IV. D. Innocentius V. Seculi Pontifex secundus in epistola 22. ad Episcopos Macedoniæ hæc dixit: adverti, Sedis Apostolicæ, ad quàm relatio, quasi ad caput Ecclesiarum missa curabat, fieri injuriam. Idem in epist. ad Concil. Carthag. data: Romana Sedes est fons & caput omnium Ecclesiarum. Idem denique in epist. ad Concilium Milevitanum, quæ habetur inter epistolas D. Augustin. 93. scripsit sequentia: diligenter & congruè Apostolico consulitur honori: honori, inquam, illius, quem præter illa, quæ extrinsecus sunt, sollicitudo manet omnium Ecclesiarum, antiquæ scilicet regulæ formam secuti, quam toto semper ab orbe mecum nōstis esse servatam.

V. D. Leo M. Seculi V. Pont. VII. in epistola 84. scripsit. ad Anastasium Theſſalonicensem Episcopum: sicut Præcessore mei Præcessoribus tuis, ita etiam ego dilectionis tuæ priorum secutus exemplum, vices mei moderaminis delegavi, ut curam, quam universis Ecclesiis principaliter ex divina institutione debemus, imitator nostræ mansuetudinis effectum, adjuvares, & longinquis ab Apostolica Sede provinciis, præsentiam quodammodo nostræ visitationis impenderes. Similia plura continet eadem epistola. e. g. Ig: tur secundum SS. Patrum Canones Spiritu Dei conditos & totius mundi reverentiâ consecratos, Metropolitanos singularum provinciarum Episcopos, quibus ex delegatione nostræ fraternitatis tuæ cura præstenditur, jux traditæ sibi antiquitatis dignitatis intemeratum habere decorem mus. ita ut à regulis præstitutis nulla aut negligentia, aut præsumptione discedant. Idem Ponti-

fex Sermon. 1. de natali Apostolorum his verbis Romam alloquitur : *per sacram Beati Petri Sedem Caput Orbis effecta latius præsides religione divina, quàm dominatione terrena : quamvis enim multis aucta victoris, jus Imperii tui terrâ marique protuleris, minùs tamen est, quod tibi bellicus labor subdidit, quàm quod pax Christiana subjecit.*

VI. D. Gelasius in epist. ad Episcopos Dardaniæ sic ait : *cuncta per mundum novit Ecclesia, quoniam quorumlibet sententiis ligata Pontificum, Sedes Beati Petri Apostoli jus habet resolvendi, utpote quæ de omni Ecclesia sas habeat indicandi, neque cuicumq; de ejus liceat judicare judicio.*

VII. D. Anastasius II. Seculi V. ultimus Pont. in epistola ad Jmp. Anastasium Authorem Schismatis hæc exaravit : *per ministerium humilitatis meæ, sicut semper est Sedes B. Petri in universali Ecclesia, assignatum sibi à Domino teneat Principatum.*

VIII. D. Joannes II. Seculi VI. sextus Pont. in epistola ad Justinianum seniore Jmperatorem data, & Codici Justiniano inserta ita docet; *inter claras sapientiæ ac mansuetudinis vestræ laudes, Christianissime Principum, puriore luce tanquam aliquod sydus irradiat, quòd amore fidei, quòd charitatis studio edocti, Ecclesiasticis disciplinis Romana Sedis reverentiam conservatis, & ei cuncta subjecitis, & ad ejus deducitis unitatem, ad cujus auctorem, hoc est, Apostolorum primum, Domino loquente, præceptum est: Pascite oves meas, quam esse omnium verè Ecclesiarum caput, & patrum regulæ, & Principum statuta declarant &c.*

Omittendos hîc brevitatîs ergo censui multos alios Romanos Pontifices, nec ab Hübnero, nec ab hujus sociis vituperatos, quod laudis instar haberi potest. Omisi etiam in gratiam Scriptorum Heterodoxorum epistolas Seculi I. II. & III. Pontificias, eò quòd, an Pontificum primorum fuerint, longè magis ambigant iidem Scriptores, quàm de epistolis Pontificum Seculi IV. V. & VI. Quorum sententiæ de Romanæ Ecclesiæ Primatu cùm neutiquam sint obscuræ, nec Heterodoxorum ulla adsint argumenta; utra proinde via sit securior, sententiam ferat æquus arbiter.

REFLEXIO III.

Concilia maximi à Catholicis æstimata, æstimantur magni etiam ab A catholicis, tamdiu nempe, quamdiu videntur refragari Catholicis, & patrocinari non Catholicis. Paradoxon sanè! post tria namque à Nativitate Christi Secula prima Ecclesiam tenebris obrui, sub modium abripi & clamant, & tamen Concilia non nisi post tria Christi nati Secula primùm celebrata, totius Ecclesiæ compendia magni æstimanda existimant. Quis amabo sanæ mentis homo capiat hoc mysterium? Verùm cedamus tantisper, æstimemus, veluti sunt æstimanda maximi Concilia; magni nobiscum faciant Concilia Heterodoxi: dehinc deducamus argumenta posteris relicta.

ARGUMENTA EX CONCILIIS.

I. Concilium I. Nicænum Secul. IV. tempore D. Sylvestri & Constantini Magni celebratum Canon. VI. in tomis Conciliorum sic habet: *Ecclesia Romana semper habuit Primum, nos autem perduret in Ægypto, vel Lybia & Pentapoli, ut Alexandrinus Episcopus horum omnium habeat potestatem. quoniam quidem & Episcopo Romano paritatis mos est.* Ubi Pontifex seu Episcopus Romanus ex comunissima totius Ecclesiæ sententia tanquam regula Episcopi Alexandrini & aliorum proponitur. Idem Concilium Canon. 39. sic ait: *ille, qui tenet Sedem Romæ, Caput & princeps est omnium Patriarcharum; quandoquidem ipse est primus, sicut Petrus, cui data est potestas in omnes Principes Christianos, & omnes populos eorum, ut quisque Vicarius Christi D. N. super cunctos populos, & cunctam Ecclesiam Christianam. Et quisque contradixerit, à Synodo excommunicatur.*

II. Concilium Ephesinum Seculo V. sedente D. Cælestino, imperante Theodosio II. teste Evagrio factum est, à se deponi Nestorium ex mandato Cælestini Romani Pontificis. Idem Concilium datis literis ad D. Cælestinum fatetur, se causam Ioannis Patriarchæ Antiocheni quoddammodo dubia esse, quàm causa Nestorii, non fuisse ausum iudicare, sed reservasse iudicio ipsius Cælestini.

III. Con-

III. Concilium Calcedonenſe ſub D. Leone I. & Martiano Imperatore inſtitutum poſt lectum Concilii Nicæni 1. Canonem VI. Aët. 16. ita dixit: *Perpendimus omnem primatum, & honorem præcipuum, ſecundum Canones antiquæ Romæ Deo amantiſſimo conſervari Archiepiſcopo. Idem Concilium Chalcedonenſe Aët. 1. 2. & 3. paſſim appellat D. Leonem univerſalis Eccleſiæ Pontificem.*

IV. Synodus Conſtantinopolitana Seculo VI. ante quintam Synodum in cauſa Antimi congregata Aët. 4. per Mennam Præſidem ſuum eſt locutum: *Nos Apoſtolicam Sedem ſequimur, & obedimus, & ipſius communicatores, communicatores habemus, & condemnatos ab ipſa, & nos condemnamus.*

V. Concilium Nicænum II. Seculo VIII. ſub Hadriano I. Pont. imperantibus Conſtantino VI. & hujus matre Irene convocatum, probavit epistolam Hadriani ad Tharaſium Conſtantinopolitanum Patriarcham exarata, in qua hæc leguntur: *cujus ſedes per totum terrarum orbem Primatum obtinens lucet, omniumque Eccleſiarum Dei caput exiſtit, unde & ipſe B. Petrus Apoſtolus Dei jūſſu Eccleſiam paſcens, nihil omnino prætermiſit, ſed ubique principatum obtinuit & obtinet &c.*

VI. Concilium Lateranenſe IV. Seculo XIII. ſub Innocentio III. Pont. & Friderico II. congregatum can. 5. ita ſonat: *Romana Eccleſia diſponente Domino ſuper omnes alias ordinariæ poteſtatis obtinet principatum, utpote mater univerſorum Chriſtiſidelium & Magiſtra.*

VII. Concilium Lugdunenſe II. Seculo XIII. ſub Gregorio X. imperante Rudolpho Habſburgico habitum lib. 6. titul. de Electi-one cap. ubi periculum &c vocavit Pontificem Rom. *Vicarium Chriſti, Succeſſorem Petri, Rectorem univerſalis Eccleſiæ.*

VIII. Concilium Florentinum Secul. XV. ſub Eugenio IV. imperantibus Alberto II. & Friderico III. inſtitutum hæc ſtatuit: *deſignamus, ſanctam Apoſtolicam Sedem & Romanum Pontificem in univerſum orbem tenere primatum, & ipſam Pontificem Romanum Succeſſorem eſſe B. Petri Principis Apoſolorum, & verum Chriſti Vicarium, totiusque Eccleſiæ Caput, & omnium Chriſtianorum patrem ac doctorem exiſtere, & ipſi in B. Petro paſcendi, regendi & gubernandi univerſalem Eccleſiam à Domino noſtro Jeſu Chriſto plenam poteſtatem traditam eſſe.*

Prætermiſſis loco hoc Conciliis aliis de Primatu Romani Pontificis idem aſſerentibus, octo duntaxat ſunt allata, quoniam hæc & à Græcis & à Lutheranis pluris æſtimantur, quàm illa. Luit itaque hoc etiam loco ſervire ſi non Græcis, ſaltem Lutheranis, ut argumenta ſint ad hominem.

REFLEXIO IV.

Audiamus, aut legamus nunc Patrum antiquiſſimorum Græcorum, & Latinorum de Primatu D. Petri ſententias, quorum tempora ut ritè teneat Hiſtoricus, annum ſimul nativitatſ, & mortis addere libuit; nam & talia cognoviſſe crebrò proſuit & placuit.

SENTENTIÆ GRÆCORUM PATRUM DE PRIMATU ROMANI PONTIFICIS.

I. D. Ignatius M. Antiochiæ Epicoſus, uti multorum eſt opinio, circa annum Chriſti 26. natus, Romæ Martyrium ſuſtinit an. 108. Is in epiſt. ad Rom. ſcripta ſic habet: *Ignatius Eccleſiæ ſanctificatæ, quæ præſidet in regione Romanorum.*

II. D. Irenæus Smyrnæ Seculo II. natus, inde creatus Epicoſus Lugdunenſis, & tandem an. 201. inter Chriſti athlethas numeratus lib. 3. cap. 3. inquit: *Ad hanc enim Eccleſiam (Romanam) propter potentiorẽ principalitatẽ, neceſſe eſt omnem convenire Eccleſiam. hoc eſt eoſ, qui ſunt undique fideles, in qua ſemper ab his, qui ſunt undique fideles, conſervata eſt, quæ ab Apoſtoliſ eſt traditio.*

III. Origenes S. Leonidis M. filius Alexandria in Aegypto circa annum Chriſti 190. natus, an. 257. mortuus, cap. 6. ad Rom. ſcripſit: *Petro cùm ſumma rerum de paſcendis ovibus traderetur, & ſuper ipſum, velut ſuper terram fundaretur Eccleſia, nullius conſeſſio virtutis alterius ab eo, niſi caritatis exigitur.*

Idem Homil. 5. in Exod. *Vide magno illi Eccleſiæ Fundamento & petra ſolidiſſima, ſuper quam Chriſtus fundavit Eccleſiam, quid dicatur à Domino: modica fidei, quare dubitãſti?*

IV. D. Athanasius Alexandria Patriarcha, & 46. annorum Episcopus, natus ad finem seculi III. mortuus an. 371. in epistola ad Felicem Pont. exarata ita ait: *ob id vos prædecessorūque vestrorū, Apostolicos videlicet Præsules, in summitatis arce constituit, omniumque Ecclesiarum curam habere præcepit, ut nobis succuratis &c.*

Idem in ead. epistol. Tu es Petrus, & super fundamentum tuum Ecclesia columna, id est Episcopi, sunt confirmata &c.

V. D. Epiphanius natus circa annum 304. mortuus an 401. in Ancorato scripsit: Dominus constituit Petrum primum Apostolorum petram primam, super quam Ecclesia Dei edificata est.

VI. D. Cyrillus Hierolymitanus Patriarcha, natus circa an. 312. mort. 386. lib. 2. c. 2. in Joan. ita dixit: *Nec Simon fore jam nomen illi. sed Petrus prædicit, vocabulo ipso commodè significans, quod in eo tanquam in petra lapideque firmissimo suam esset edificaturus Ecclesiam.*

VII. D. Basilii M. Cæsareæ in Cappadocia Episcopus Gregorii Nisseni, & D. Petri Episcopi Sebasteni frater, natus an. 328. mortuus 379. lib. 2. in Eunom. inquit: *Petrus propter fidei excellentiam Ecclesie edificationem in se suscepit.*

Idem in epistol. 52. ad Athanasium hæc exaravit: *visum est consentaneum scribere ad Episcopum Romanum, ut videat res nostras, & iudicii sui decretum interponat &c.*

VIII. D. Gregorius Nazianzenus in Cappadocia, an. 324. natus, 389. mortuus, in oratione de moderatione servanda in Disputationibus sic loquitur: *Petrus petra vocatur, atque Ecclesia fundamenta fidei sue credita habet.*

Idem in carmine de vita sua dicit, *Romanam Ecclesiam semper conservasse veram de Deo sententiam, ut decet urbem, quæ toti orbi præsidet.*

IX. D. Joannes Chrysostomus Antiochiæ circa annum 354. natus 407. mortuus Homil. 55. in Matth. sic habet: *Dominus sic ait, tu es Petrus. & ego super te edificabo Ecclesiam meam.*

Idem homil. 4. in caput 6. Isaïæ: *Quid autem Petrus basis Ecclesie: ille vehemens amator Christi, ille sermone indoctus, & Rhetorum victor ille imperitus, qui tamen Philosophis obturavit os, ille qui græcicam sapientiam non aliter, quam arcanarum telam dissolvit, ille qui sagenam misit in mare, & piscatus est orbem.*

X. Theodoretus Cyri in Syria Episcopus 800. minorum Ecclesiarum Præfex, natus ad finem Seculi IV. mortuus circa annum 470. in epistola ad Leonem Pont. missa hæc habet: *Ego Apostolica vestra Sedis exspecto sententiam, & supplico, & obsecro vestram sanctitatem, ut mihi opem ferat, justum vestrum, & rectum appellanti iudicium, & jubeat ad vos accurrere, & ostendere meam doctrinam vestigia Apostolica sequentem.*

Idem in epist. ad Renatum Presbyterum Romanum: *spoliarunt me Sacerdotio, ejeceruntque ex civitatibus, neque ætatem in religione exaltam, neque canitatem reveriti. Quamobrem te precor, ut Sanctissimo Archiepiscopo Leoniperfuadeas, ut Apostolica utatur autoritate, jubeatque ad vestrum Concilium adire: tenet enim sancta ista Sedes gubernacula regendarum cuncti orbis Ecclesiarum.*

SENTENTIÆ LATINORUM PATRUM DE PRIMATV ROMANI PONTIFICIS.

I. D. Cyprianus Episcopus Carthaginensis natus Carthagine circa annum 200. capite plexus an. 258. lib. 1. epist. 8. ad plebem universam scripsit: *Deus unus est, Christus unus, & una Ecclesia, & Cathedra una super petrum Domini voce fundata. Aliud altare constitui, aut Sacerdotium novum fieri, præter unum altare & unum Sacerdotium non potest, quisquis alibi collegeris, spargis.*

Idem similia contra Novatianos D. Cornelio Romano Pontifici repugnantes attulit.

II. D. Optatus Episcopus Milevitanus in Africa natus circa an. 310. mortuus 380. lib. contra Parmenian. quinque Ecclesiæ Catholicæ enumerat dotes, ac primam harum dicit esse unicam & singularem Petri Cathedram, in qua ab omnibus servari oporteat unitatem. Eam verò singularem Cathedram non solum Petri, sed etiam Successorum esse ostendit, enumerans Romanos Pontifices usque ad D. Syricium. Tandem his verbis claudit sententiam: *igitur de dotibus supra dictis cathedra est prima, quam probavimus per Petrum nostrum esse.*

III. D. Hieronymus Presbyter Card. Stridone in Dalmatia natus an. 319. mortuus an. 420. in epist. ad Damasum de no-

mine Hypostasis sequentia addidit: *quamquam me terreat tui magnitudo, invitat tamen humanitas. à pastore præsidi: umoribus peto. Cum Successore piscatoris & discipulo crucis loquor. Ego nullum primum, nisi Christum sequens, beatitudinis: id est, cathedræ Petri communione consocior. Super illam Petram ædificatam Ecclesiam scio. Quicumque extra hanc domum agnum comedet, profanus est: si quis in arca Noe non fuerit, peribit regnante diluvio.*

IV. D. Ambrosius natus vel Treviris, vel Arelati an. 333. mortuus 397. in cap. 3. epist. D. Pauli ad Timotheum ita habet: *cum totus mundus De sis, tamen domus ejus Ecclesia dicitur, cui hodie rector est Damasus.*

Idem in oratione contra Satyrum: *percontatus Episcopum est, si cum Episcopis Catholicis, hoc est, si cum Romana Ecclesia conveniret.*

V. D. Augustinus Tagastæ in Numidia Africana natus an. 354. mortuus 430 in epistola 162. ita fatetur: *in Romana Ecclesia semper Apostolica Cathedræ viguit Principatus.*

Idem epist. 92. Ad Innocentium I. Pont. *quia te Dominus gratia sua præcipuo munere in Sede Apostolica collocavit, talemq; nostris temporibus præstitit, ut nobis potius ad culpam negligentia valeat, si apud tuam venerationem, quæ pro Ecclesia suggerenda sunt, tacerimus, quam ea tu possis, vel fastidiosè, vel negligenter accipere; magnis periculis infirmorum membrorum Christi pastorem diligentiam quaesumus, adhibere digneris.*

Idem lib. 1. ad Bonifacium cap. 1. *Non dedignaris, qui non alta sapias, quamvis altius præfideas. Et inferius: Communis est omnibus nobis, qui fungimur Episcopatus officio, quamvis ipse in eo præmineas celsiore fastigio specula pastoralis.*

VI. D. Prosper in Aquitania circa annum 400. natus an. 455. mortuus Episcopus Regiensis lib. de ingratia ita cecinit:

Sedes Roma Petri, quæ Pastoralis honoris

Facta caput mundo, quidquid non possidet armis,
Religione tenet.

Idem lib. 2. de vocatione gentium c. 6. *Roma per Sacerdotii principatum, amplior facta est arce Religionis, quam solio potestatis.*

VII. D. Hilarius Arelati an. 401. natus, & ibidem postea Episcopus an. 449. mortuus lib. 6. de Trinitate ait: *super hanc confessionis petram Ecclesie ædificatio est.*

Idem:

Idem : *hec fides Ecclesia est fundamentum , per hanc fidem infirmæ adversus eam sunt portæ inferorum : hæc fides regni cælestis habet claves &c.*

VIII. D. Victor Uticensis in Africa circa annum 420. natus , ad finem Seculi V. mortuus, lib. 2. de persecutione Vandalica Ecclesiam Romanam appellavit *Caput omnium Ecclesiarum.*

IX. D. Gregorius M. circa annum 540. Romæ natus , an. 604. mortuus , lib. 2. epistol. 37. ad natalem hunc in modum scripsit : *postquam ad beatitudinem vestram , & decessoris mei , & mea in causa Honorati Archidiaconi scripta directæ sunt , tunc contempta utriusque sententia prefatus Honoratus proprio gradu privatus est. Quodsi quilibet ex quatuor Patriarchis fecisset , sine gravissimo scandalo tanta contumacia transire nullo modo potuisset.*

Idem lib. 4. epist. 56. ad Episcopos : *Pallium Ioanni fratri nostro Corinthiorum Episcopo nos transmississe cognoscite : cui vos magnopere convenit obedire.*

Idem lib. 7. epist. 63. ad Joannem Episcopum Syracusanum : *nam de Constantinopolitana Ecclesia , quis eam dubiet Apostolicæ Sedis esse subiectam ? quod & Dominus piissimus Imperator , & frater noster Eusebius ejusdem civitatis assidue proficitur.*

X. Ven. Beda in Anglia an. 672. natus an. 776. teste C. Baronio mortuus lib. 2. Histor. gentis Anglorum c. 1. cum primum (Gregorius) in toto orbe gereret Pontificatum , & conversis jam dudum ad fidem veritatis esset prælatum Ecclesiis , nostram gentem eatenus in idolis mancipatam Christi fecit Ecclesiam.

SENTENTIÆ ROMANORUM IMPERATORUM DE PRIMATU ROMANI PONTIFICIS.

I. Constantinus M. Seculi IV. Imperator potentissimus, hoc maximè modo conclusit : *Romæ principatum Sacerdotum & Religionis Caput ab Imperatore cælesti constitutum esse. Vide Acta Con. v. Nicani.*

II. Valentinianus III. Seculi V. Imp. in Epist. ad Theodosium II. Orientis Imperatorem data , quæ habetur in Concilio Chalcedonensi, hoc modo scripsit : *debemus dignitatem propriæ venerationis B. Apostolo Petro intemeratam & in nostris temporibus conservare , quatenus beatissimus Romanæ civitatis Episcopus , cui Principatum Sacerdotis super omnes antiquitates consulis , locum habeat de fide & Sacerdotibus judicandi.*

III. Justinianus I. Imp. Novell. 131. 15. Calend. Aprilis an. 541. edita, cùm de quatuor Synodis Oecumenicis quædam servanda decrevisset, earundem dogmata sicut sacras Scripturas accipi debere, & regulas sicut leges observari præcepit. Mox de Sede Constantinopolitana addidit, ut primum locum post Romanam teneret. Vid. Spondanum in Compend. C. Baronii, aut ipsum Baronium an. 541.

Idem in epistol. ad D. Joannem II. Pont. data, quæ habetur in Codice tit. primo: *Nec enim patimur quidquam, quod ad Ecclesiarum statum pertinet, quod non etiam vestræ innotescat Sanctitati, quæ Caput est omnium sanctorum Ecclesiarum.*

Propositis hoc ordine testimoniis Romanorum Pontificum, Conciliorum, Patrum Græcorum & Latinorum, nec non quorumpiam Imperatorum testimoniis sanè validissimis, & maximam partem clarissimis, tam pauca, tam parva objecerunt Orthodoxis Calviniani & Lutherani Scriptores, ut nec pilum de Fidei nostræ firmitate adimere, minùs longè fidem mereri ipsi, uti dicimus, probabilem tantùm possint vel argumentis, vel responsis suis quibuscunque: verba enim eorundem ex S. Codice, Pontificibus, Conciliis, vel unde unde demum quæsitâ, & haud semel duntaxat truncata, sunt neutiquam claritate sua nostris æqualia; sunt longè aliis locorum, temporum & rerum diversarum circumstantiis à primævis suis authoribus adhibita. Ut paucis cum Theologis & Philosophis dicam multa: non sunt ad rem.

REFLEXIO V.

ARGUMENTVM HISTORICVM EX HÜB-

NERO I. PRO PRIMATU PONTIFICIS

ROMANI,

EST VOCATIO, SEV MISSIO

EPISCOPORUM.

Quid de Primatu D. Petri teneant, & tenendum dixerint S. Codex, Pontifices, Concilia, Patres & Imperatores

res, intelleximus hactenus; nunc tantæ authoritati an respondeat Historia non Orthodoxa solum, sed & Heterodoxa, tantisper dispiciamus. Hübnerus & Lutherani Scriptores alii antagonista mei perpetui, in se susceperunt laborem oppidò operosum, non solum scribendi Seriem Pontificum & Imperatorum Romanorum, sed & Archiepiscoporum juxta & Episcoporum per Germaniam universorum. Nemo nostrum sit facile, qui non laudet operam maximopere; multi tamen sint, imò sunt hodie plurimi, qui quod meritò reprehendant, reperiunt facile. Dissensio nimirum, discordia & scriptarum Serierum discrepantia, quidni palmaris in Hübneri & Sociorum tomulis iterum iterumque deprehenderetur, an non meritò reprehenderet Lector æquissimus?

Novimus ex Serie Romanorum Pontificum & Imperatorum, Hübnerum cum asseclis suis in eo totum esse, ut asserat, assertumque Lectori persuadeat, Phocam Seculi VII. Imperatorem extitisse primum authorem & assertorem iniquissimum Primatus Romani supra Episcopos. Jam verò cum iisdem prioribus tomulis comparare & componere lubeat ejusdem Hübneri tomulum VII. & VIII. quos de Archiepiscopis & Episcopis Germanicæ Ecclesiæ in lucem edidit. In tomulis prioribus, negat Romanis Episcopis jura Primatûs; negat in quosvis Episcopos jurisdictionem; negat Petrum esse Authorem Episcoporum in orbe universo multorum; titulus Episcopi Oecumenici est ipsi nota characteristica Anti-Christi, Bonifacio III. Seculo primum VII. à Phoca tyranno inserta. Non ita profectò sonant tomulus VII. & VIII. Prior enim

Pag. 638. ubi exordium ponitur Trevirensium Historiæ, recenset rem more Scriptorum Catholicorum de DD. Eucharîo, Valerio & Materno Episcopis à D. Petro Româ dimissis in Germaniam. Idem factum eodem tomul. repetit pag. 765. in Golo-

Coloniensi Historia. His similia sequuntur in cit. tomul. pag. 856. ubi orditur Leodiensis Ecclesiæ Episcoporum Seriem.

Pag. 416. exordium faciens Episcopis compendio dandis Vindonissæ seu Constantiæ, non audet negare, D. Beatum S. Petri discipulum Episcopatu posuisse fundamentum Vindonissæ novo.

Pag. 463. refert D. Petrum ipsissimum venisse Curiam, & initium fecisse ibidem Episcopatu: an ipsemet verò Curiae Episcopum egerit, & D. Lucium Successorem constituerit, liquidum nondum esse.

Pag. 647. fatetur, D. Agritium natione Græcum Episcopum, aut fortè etiam Antiochiæ aliquo tempore Patriarcham, rogante D. Helena Imperatrice Trevirensibus à D. Sylvestro an. 327. constitutum fuisse Archiepiscoporum Treviris omnium primum. Argumenti loco addidit hoc dystichon:

Accipe Primatum post Alpes Trevir ubique,
Quem tibi Roma, nova lege dat & veteri.

Unde profecturus Historiam eandem dicit: nos insistamus *traditioni antiquæ*, qua accepimus D. Agritium Trevirorum fuisse Archiepiscoporum omnium primum.

Pag. 713. confitetur, D. Clementem ob traditionis perpetuæ argumentum Metensis Ecclesiæ primum esse dicendum Episcopum jam Seculo I. constitutum à nemine alio, quàm, si fides sit habenda diversis authoribus, ab Apostolorum Principe Petro haud secus, quàm ab eodem missi & constituti sunt DD. Eucharius, Valerius & Maternus.

735. Refert asseri, D. Mansuetum Tullensi Ecclesiæ Secul. I. à D. Petro datum esse Episcopum.

Tomul. VIII. dubitat, an D. Laurentius (diversus longè à D. Laurentio Diacono) Archiepiscopatum Laureacensem, Salisburgum dein translatus, inchoaverit Secul. I. mittente D. Petro, an D. Marco,

Pag.

Pag. 10. ait D. Maximilianum Laureacensis Ecclesiæ Archiepiscopum circa annum 250. ut Decii Imperatoris persecutionem declinaret, fugisse Romam; verum à D. Sixto II. Rom. Pont. remissum in Germaniam rediisse, tametsi inter Martyres se ocys numerandum apprime sciret.

Pag. 13. affirmat, Theodorum I. Laureacensem seu Salisburgensem Archiepiscopum à D. Symacho Pont. Rom. Archiepiscopali Pallio an. 499. esse donatum. Quibus verbis addere Hübnero libuit: ex hac donatione sequi neutiquam, Theodoro Laureaci non præcesisse Archiepiscopos pridem institutos.

Pag. 14. haud diffitetur, Philonem Theodori I. Rom. Pont. autoritate constitutum esse Laureaci Archiepiscopum, dum Passavio Erckenfridus à Baviaræ Principe est impetratus Episcopus. *vid. etiam pag. 15.*

Pag. 262. narrat D. Lucanum Brixinensem Episcopum circa an. 424. ob dispensationem contra jejunii Ecclesiastici legem liberius, quàm par esse dicebatur, petentibus concessam, evocatum Romam venisse, & luculento miraculo ab omni culpa immunem sese esse commonstrasse.

Pag. 344. more Catholicorum defendit, D. Linum inter LXXII. Christi Servatoris nostri discipulos numeratum venisse unà cum D. Petro Romam; Româ dimissum in Galliam miraculis inclaruisse, & Visuntinis Archiepiscoporum ibidem omnium primum præluxisse teste traditione perpetua.

Pag. 347. Scribit D. Maximinum Seculo Christi III. à D. Cajo Rom. Pont. fuisse consecratum & Visuntinæ Ecclesiæ missum Archipræsulem. Similia recenset pag. sequenti de SS. Eusebio & Hilario, quorum primum à D. Miltiade, & Secundum à D. Sylvestro consecratos ait Episcopos.

Pag. 359. S. Celidonius Visuntinus Antistes ab Arelatenfi Episcopo Hilario inique postulatus appellavit an. 445. ad D. Leo-

nem I. Pontificem, cujus authoritate Sedi suæ pristinæ est restitutus.

His sanè simillima continent plura tomuli Hübneriani, ex quibus juvat colligere, Pontifici Romano in Episcopos jam assertam fuisse potestatem Seculo post Christi natales I. II. III. IV. V. VI. atque adeò ante Imperium Phocæ tyranni, qui cœpit imperare an. 602. de quò vid. Seriem Rom. Pont. & Imperat. Liqueat igitur, Hübnerum in libellis suis sibi met totum contrarium nunc adimere, nunc concedere Pontifici Primatum in Ecclesias à Romana distinctas,

Ceterùm D. Petri & Successorum Pontificum in quosvis Episcopos Orthodoxos Primatum ut ampliùs perspiciant universi, huc annectere placet Catalogum Episcopatuum multorum, quorum D. Petrus teste Historia Ecclesiastica author jam extitit. C. Baronius ad annum Christi 46. hunc in modum recenset:

Habuit à Petro institutos Episcopos Sicilia Pancratium, Marcianum, Verillum & Philippum; Capua Priscum; Neapolis Asprem, Terracina Epaphroditum; Aegicolæ Marcum, alium tamen ab Evangelista; Ptolomæum Nepe; Romulum Fesulæ; Paulinum Luca; Ravenna Apollinatem; Verona Euprepium; Patavium Prodocimum; Ticinum Syrum; Aquileia post Marcum Hermagoram; in Gallis Lemovicenses, Tholosani & Burdegaleses Martialem; Tungrenses, Colonenses & Trevirenses Maternum, nec non Valerianum; Rhemenes Sixtum; Arelatenses Trophimum; Senonenses Subinianum; Cenomanenses Iulianum; Vienna & Moguntia Crescentem; Catalunum Gallie Memmum; Bituricenses Vrsinum; Avernenes Austremonium; Sandionenses Eutropium; Germania Eucharium, Egisum & Marianum; Hispania Torquatum, Ttesiphontem, Secundum, Indaletium, Cæcilium, Hesichium, Euphratium & alios.

REFLEXIO VI.

ARGUMENTVM HISTORICVM II. EX HÜBNERO PRO PRIMATU ROM. PONTIFICIS,
EST NVMERVS EPISCOPORVM
DIVORUM.

Fundamentum seu Petram Ecclesiæ Germanicæ ob oculos posuerunt nobis superiùs dicta; nunc quales quantæque colum-

columnæ huic Petræ variis sint innixæ Seculis , ampliùs considerabimus , Hübnero , ut ita agamus , nos contra se propemodum invitante : quippe si tomulos ejusdem Scriptoris VII. & VIII. de Archiepiscopis & Episcopis Germanicis inscriptum denuo ritè inspiciamus , occurrunt nobis Antistites numero plurimi , doctrinâ præstantissimi , virtutibus instructissimi , sanctitatem morum plurimùm conspicui , miraculis clarissimi.

In Serie namque Archipræfulum Moguntinorum numerat ipse Hübner Antistites Sanctorum nomine & radiis insignitos plures quàm 20. nimirum

SECULO I.

D. Crescentem.

SECULO II.

D. Martinum I.

D. Crescentium.

D. Cyriacum.

D. Hilarium.

D. Martinum II.

D. Celsum.

D. Lucium.

SECULO III.

D. Gothardum.

D. Sophronium.

D. Herigerum.

D. Rutherum.

D. Avitum.

D. Ignatium.

D. Dionysium.

SECULO IV.

D. Ruthbertum.

D. Adelardum.

D. Lucium Annæum.

D. Maximum.

SECULO V.

D. Aureum.

SECULO. VIII.

D. Bonifacium.

NB. Oportuisset Hübnerum non paucos alios in Divorum numerum relatos addere , uti ex Serie Moguntina apparet.

In Serie Archiepiscoporum Trevirensium numerat Hübnerus 8. nimirum

SEculo I.

S. Eucharium,
S. Valerium,
S. Maternum.

SEculo II.

S. Auspicium.

SEculo IV.

S. Agritium,
S. Maximinum,
S. Paulinum.

SEculo V.

S. Leontium.

NB. Decuisset profectò facile XV. alios adjungere teste Archipræfulum Trevirensium Serie ab Authoribus nostris superius relata.

In Serie Archiepiscoporum Colonienfium affert Hübnerus, solum duos à D. Materno diversos, scilicet S. Paulinum Seculi II. & D. Heribertum Seculi X. Archiepiscopum. At enimvero iniquissimus est Colonienfium Archipræfulum censor Hübnerus, omittens multos Sanctitatis glorioso nomine ab universa Ecclesia constanter insignitos, *Vid. Seriem nostram.*

In Serie Salisburgensium Archiepiscoporum refert tantum 5. nempe D. Quirinum Seculo IV. D. Rupertum Secul. VII. eod. Secul. D. Vitalem. Secul VIII. D. Virgilium Secul. XI. D. Thiemonem. Sed & in Salisburgenses nimium iniquus est Scriptor Hübnerus, quòd in Divorum album plures non numeret. *Vide Historiam Salisburgensem utriusque P. Mezger.*

In Serie Visuntina enumerat 20. videlicet.

SEculo I.

D. Linum,
SEculo III.
D. Maximinum.

SEcul. IV.

D. Paulinum,
D. Eusebium,
D. Hilarium.

D.

D. Pancratium.

D. Iustum,

D. Anianum,

D. Germanum,

D. Antidium.

SECULO V. & VI.

D. Leontium,

D. Celidonium,

D. Nicetium,

D. Protadium,

In Serie Bambergensi 1. scil.
Andecensem.

In Serie Herbipolensi 3.
Brunonem.

In Serie Eustadiana 1.

In Serie Wormatiensi 2.

In Serie Argentoratenſi 7.
Florentium, Iustum, Maximum,

In Serie Augustana 3.
Udalricum.

In Serie Constantiensi 5.
ximum I. & Maximum II.

In Serie Curiensi 1.

In Serie Hildesiensi 2.

In Serie Verdenſi 4.
conem & Adelvvardum.

In Serie Metensi. 1.

In Serie Leodiensi. 3.
Lambertum.

In Serie Frisingensi 1.

SECULO VII.

D. Donatum,

D. Migetium,

D. Ternatium,

D. Gervasium,

SECULO VIII.

D. Gedeonem.

SECULO XI.

D. Hugonem,

S. Ottonem natum Comitem

SS. Burchardum, Arnonem &

S. Wilibaldum.

SS. Amandum II. & Burchardū.

SS. Amandum, Arbogaſtum,
Valentium, Solarium.

SS. Zosimum, Simpertum &

SS. Beatum, Paternum, Ma-
cum Conrado.

S. Afimonem.

SS. Bernvvardum & Gothardū.

SS. Suibertum, Pattonem, Tan-

S. Clementem.

SS. Maternum, Servatium &

S. Corbinianum.

D d 3

In

In Serie Ratisbonensi 6.	SS. Lupum, Rupertum, Emmeramum, Erhardum, Garibaldum & Wolfgangum.
In Serie Brixinenfi 4.	SS. Cassianum, Ingevinum, Constantium, Albuinum.
In Serie Tridentina 1.	S. Vigilium.
In Serie Basileensi 1.	S. Pantalum.

En copiosum Archiepiscoporum & Episcoporum, natione vel habitatione Germanorum duntaxat numerum, non ex Historico Romano, sed Heterodoxo collectum, cui multos alios annumerant C. Baronius, Serarius, Broverus aliique Authores Catholici, præcipue verò singularum Diocesum Breviaria propria. Fingamus tamen, tot solum virtutum lucidissimarum radiis fulsisse, quot numeravit Hübnerus, evincunt iidem nihilominus contra Lutheranam aliamque à Romana diversam Ecclesiam quamvis, non nisi Romanam esse Superis pretiosissimam: Episcopi namque hi sanctissimi non nisi Romano Pontifici dixerunt sacramentum; non nisi Romanam didicerunt & docuerunt doctrinam; non nisi in Romana Ecclesia virtutibus se & alios exornârunt; non nisi in Romanæ Ecclesiæ, veluti in matris gremio universi ac singuli diem mortis obiêrunt, plurimis eorundem Martyrum laureolâ coronatis.

REFLEXIO VII.

ARGUMENTVM HISTORICVM III. EX HÜBNERO PRO PRIMATU ROM. PONT. SUNT MULTIPLICIA EPISCOPORUM MIRACULA,

§. I.

Cùm providentissimus Servator Christus & hæresiarchas & sectarios venturos prævideret, multis modis vitare eos nos monuit, & cognoscendos dedit Matth. 7.

Alt.

attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces: à fructibus eorum cognoscetis eos. Marci etiam 16. Euntes in mundum universum predicate Evangelium omni creaturæ. Qui crediderit & baptizatus fuerit, salvus erit, qui verò non crediderit, condemnabitur. Signa autem eos, qui crediderint, hæc sequentur: in nomine meo demonia eiicient: linguis loquentur novis: serpentes tollent, & si mortiferum quid biberint, non eis nocebit. &c.

His aliisque miraculis proditi sunt Pseudo-doctores varium Veteri, tum Novo Testamento notissimi. His item aliisque miraculis docemur intelligere signa, fructus seu opera, ex quibus licet colligere, num quis inter Prophetas, an pseudo-prophetas, an inter Doctores, an pseudo-doctores sit collocandus. Probata nimirum opera & miracula nunc in Prophetis, nunc in Apostolis, nunc in Doctoribus simul conjuncta, ostenderunt orbi universo Veteris & Novi Testamenti integritatem. Jam verò similia opera & miracula in Archiepiscopis & Episcopis nostris Germanicis, si ostenderit nobis ipsemet Hübnerus, promptissimum nobis erit dicere, quin altum exclamare: profecto Præsules hi Germani numerati & numerandi sunt, vel inter Prophetas, vel Apostolos, vel Doctores Christi, Ecclesiæ constanter integræ testes integerrimi, constantissimi.

Colligamus igitur ex multis Hübneri paginis ejusdem mentem de operibus & miraculis Archipræsulum Moguntiae, Trevirorum, Coloniae, sed & aliorum saltem paucorum partim Archiepiscoporum, partim Episcoporum: nam omnes aut omnium opera egregia atque miracula recensere, esset ingens volumen implere.

§. 2.

IN SERIE MOGVNTINA

Pag. 14 narrat Hübnerus, D. Aureum & hujus sororem D. Justinam an. 451. ab Hunnis in puteum præcipitatos esse eo Superum beneficio, ut eorundem cadavera post 300. annos imperante Carolo M. nulla sui parte læsa fuerint inventa.

Pag.

Pag. 23. D. Bonifacius Christi doctrinam explanans inter avidos auditores miratur diversas volucres. Idem Ora fluvii ripæ insidens, cum cibo necessario foret destitutus, piscem volucris ministerio datam accipit. D. Bonifacii tentorium etiam integris noctibus fuit illustratum clarissimis radiis. His multisque aliis D. Archipræsul claruit miraculis.

Pag. 27. D. Bonifacius latronibus vim inferentibus vim nullam intulit, & ab aliis inferri prohibuit: ferales ictus Bibliorum libro & sacris reliquiis duntaxat impediit: unde evenit: ut tamen si liber hic sacerrimus gladio perfoderetur, nullus tamen apex aut litera læderetur.

Pag. 28. Cum D. Bonifacii cadaver Moguntiam Ultrajecto transferendum, pertinaciter negarent concedere cives ultrajectenses, cives verò Moguntini ardentius desiderarent, campanæ cælesti virtute motæ, abeunti cadaveri applauserunt, obstupescen-
te, & palmam cedente Ultrajecto Moguntia.

Pag. 34. Cum anno 873. Carolus Crassus à Cacodæmone esset obsessus, & omnes in partes tanto impetu fuisset raptus, ut eidem sustinendo sex viri fortissimi impares forent; maximo tamen huic malo remedium attulit Lindbertus Archiepiscopus, pulso infernali hospite.

Pag. 45. cum mater Willegisii primi Electoris Moguntini uterum ferret, visa est sibi per somnium haudquaquam inane parere orbi Phæbum clarissimum, qui profectò fuit Willegisius.

Pag. 48. Bardo Archiepiscopus Moguntinus tanti fuit æstimatus, ut passim alterum Chrysostomum dixerint. Idem Paderbornæ an. 1051. diebus Pentecostes præsentem Henrico III. Imperatore dixit, ut aliàs ferventissimè, ubi prædixit diem mortis suæ, quæ fuit dies Lunæ proxima.

§. 3.

IN SERIE TREVIRENSI.

Pag. 654. D. Nicetius Archiepiscopus muneri suo sese accingens, humeris suis gravissimum onus modo penitus insolito sensit imponi, quod tamen continuo secutus est cœlestis odor; unde confessus est idem, gravissimum equidem sibi fore Archiepiscopis munus, nunquam tamen defuturum sibi hocce in munere solatium cœleste.

Idem à sceleratis Sede sua expulsus vates prædixit diem restitutionis suæ. Alia multa nuntiavit, quæ eventus comprobavit.

Pag. 658. Magnericus Archiepiscopus & Gregorius Turonensis Episcopus Reliquiis S. Martini servati sunt à naufragio.

Pag. 662. Normannis Treviros vastantibus, inter miracula alia D. Paulini Archiepiscopi cadaver sarcophago inclusum, atque in aere pendulum, rescissis etiam ab hoste catenis, pendere non cessavit.

Pag. 666. Poppo Elector, Austriæ Marchio adversus venenum ab inimicis porrectum servatur; sceleris verò conscii intra unius anni spatium moriuntur omnes justo Dei iudicio.

§. 4.

IN SERIE COLONIENSI

Describitur ab Hübnero D. Maternus bis mortuus, bis redivivus pag. 765.

Pag. 776. S. Severinus S. Martini Turonensium Episcopi animam ab Angelis in cœlum portari cœlestes inter hymnos audit. Idem Viro Solitario virtutibus clarissimis instructo est à Superis præhabitus Dei nuntio teste.

Pag. 785. Gero creatus Archipræsul, ne diutius adversarium experiretur Ottonem I. Imperatorem, Deus Angelum misit monitorem & correctorem Ottoni severum.

E c

Pag.

Pag. 788. D. Heribertum primum Coloniae Electorem cum D. Henricus Imperator propitio non dignaretur oculo, Dei monitum adeò mutavit Imperatorem, ut ab eodem tempore suum dixerit in Christo parentem Heribertum Henricus. Cæterum inter miracula D. Heriberti numerantur sequentia: energumeni à dæmone liberatio. Aqua supra Archipræfulis hujus effusa manus adversus morbos fuit præfens remedium. Vinum, cui D. Heribertus digitum intingebat, usum oculorum fœminæ restituit. Signo crucis sanavit paraliticum. Precibus suis cœlestem lucem latissimè diffusam impetravit. D. Henrico Cæsari diem mortis prædixit. Taceo plura alia.

Pag. 789. & seqq. Pilgrimus Coloniae Elector ex D. Bernvaldo Hildesienfi Episcopo etiamnum puer intellexit, fore se Archiepiscopum Coloniensem. Parochus dein prope Coloniam constitutus, D. Henrico Cæsari divinitus commendatur. Pilgrimus etiam ad aram faciens intelligit ex cœlesti nuntio mortem D. Bernvaldi, pro cuius tanquam mortui salute populo obstupefacto preces addidit publicas, tametsi pro vivis solenni ritu celebraret.

Anno Elector Henrico III. Cæsari prædixit Imperii Coronam, Hildolpho autem Successori Coloniensem Insulam Pag. 793. & 798.

§. 5.

IN SERIE SALISBURGENSI.

Pag. 11. Seculo Christi III. S. Maximilianum Archiepiscopum, ut idolum Martis effigiem referens fortiter in Pannonia impugnaret, animavit hunc in modum vox cœlestis: *ne timeam ferre bone, sed surge & confidenter perge, ut confundas tyranni petulantiam.*

Pag. 17. cum seculo VII. S. Vitalis sepulchro immineret homo ad quidvis audendum pronissimus, & negaret magni nominis sepultum huc esse Episcopum; tunc repente ex corde reli-

ai

Ati sacri cadaveris enatum est, penetrato etiam lapide sepulchrali, lilium, Sanctitatis eximie testimonium.

Pag. 41. Hartvvicus Seculi X. Archiepiscopus, cum hyberno tempore proficisceretur per vallem Pliembachensem, decerpfit ex arbore arida fragem aridum, quod non minus cepit florere, quam virga Aaronis.

Pag. 42. Bertholdus adolescens literis navans operam una cum Sociis non imparis nobilitatis Altmanno & Adalberone, cum forte inter sese quaestionibus luderent, vel certarent, quid sibi inter mortales optimum optarent aut eligerent, respondit Gebhardus, se optare sibi Archiepiscopatum Salisburgensem; Adalbero Episcopatum Herbipolensem; Altmannus vero Passaviensem. Potius forte divina, quam humana evenisse omnia, rerum eventus monstravit testibus miraculis clarissimis; nam cum Altmannus ab Henrico IV. Schismatico Caesare plurimum vexatus Romam venisset animo omni penitus dignitati & honori nuntium remittendi; nihilominus Gregorius VII. Pont. Passaviensem Episcopatum eidem denuo commissum diceret, columba coelestis in aede omnibus conspicua insedit humeris Altmanni, testis utique universis acceptissima.

Par miraculo videri etiam poterat, quod pari tempore & animo constantissimo Henrico IV. Imperatori restiterint, & Ecclesiam Germanicam, a multis sceleribus immunem magna ex parte conservarint pari propemodum tempore mortui, nimirum Gebhardus an. 1088. Adalbero an. 1090. & Altmannus an. 1092.

Pag. 47. S. Thiemo a pseudo-Archipræsule suo Bertholdo multa, ab Henrico autem IV. Imp. plura acerba passus, a Caesareanis denique captus, & in praesentia multis à Salisburgensium numero capite plexis, cum ipse iamjam plectendus, caput ictui ferali subdere pararet, ferrum occulta vi impeditum, intentato secundo ictu instar fragilis vitri disruptum adeò commovit ministrum justitiæ, ut coram flagitaret veniam à D. Archipræ-

chippresule. Idem Archiepiscopus in Palæstinam profectus, præfente Sultano Ægyptiaco pronuntiatis altè SS. Triadis nominibus imaginem dæmonis in mille dissolvit frustra, ob miraculosum hoc factum Martyr invictissimus passus an. 1101. Martyrium durissimum.

Pag. 52. & seqq. emissio à parentibus voto conceptus Eberhardus filius, quantus sit futurus prodidit ova gemina præter & supra morem naturæ à gallina quappiam posita. Idem successu temporis orationi perpetuæ intentus, cum aliquando consecratam hostiam, ut vocamus, ægrotanti porrigeret, verum hic eandem subito ex ore cum vomitu redderet, Archiepiscopus supposita manu utrumque excepit, & absorbuit, testatus sanctissime, præ alia quavis cupidine sapuisse sibi hunc cibum cælestem. Requisitus paulò post ab eodem Eberhardo æger, haud amplius est inventus, opinantibus inde plerisque, ægrum hunc ipsissimum fortè fuisse Christum Servatorem nostrum.

Idem à dæmone hominem durissimum in modum torquente inventus est idoneus, qui infernali hospite miserrimum mancipium liberaret; cum responderet exorcismis adactus nebulo: *nemo me pellet, nisi pater pauperum.* Cæterum sepulchrum hujus Archiepiscopus multis inclaruit miraculis.

§. 6.

IN SERIE VISUNTINA.

Pag. 349. cum D. Justus cum morte luctaretur, ex ejusdem ore beata anima instar candidæ columbæ ad cælos ascendit.

Pag. 351. S. Germanus à latronibus oppressus audiit vocem de cælo delapsam, qua animatus caput securi subdidit: percussa autem D. Martyris cervice terra adeò contremuit, ut collaberentur mœnia urbis Grandisfontanæ. Truncus corporis interea stans erectus recepto in manus capite abiit Angelo comite, luce clara duce, supra collum sedente columba cælesti.

Pag.

Pag. 359. S. Celidonius à Theodosio II. Imp. divinitus admonito accepit brachium S. Stephani. De transmissio per longissimum viarum spatium brachio divinitus pariter edocti diem vicini in Francia Episcopi, Visuntium properarunt circa annum 444. inspecturi rem coram. Omnibus igitur dum simul ostendit thesaurum hunc suum D. Celidonius, & particulam singulis de eodem impertire parat, copiosus mox inde effluxit sanguis, qui dispersus abundè sufficere potuit decem Episcopis.

Pag. 362. S. Prodatius in vota vocatus imperavit acris tempestatibus. Hujus ipsius ætate brachium D. Stephani à furibus clam ablatum, sed & inventum insignibus claruit miraculis.

Pag. 363. cum Canonici Visuntini an. 633. in Electione novi Archiepiscopi dissiderent maximopere, simulque flexis genibus Superos rogarent, ut quem eligerent Canonici, inspirarent: continuo vox de cælo lapsa dictavit, eligendum esse Claudium.

Pag. 364. D. Donatus Seculo VII. sterilibus parentibus eo pacto à D. Columbano est impetratus, ut natum filium parentes Deo dicarent, quod evenit miraculi teste ipsomet *Donati* nomine.

Haecenus relata fusissimè ferè ad verbum ex Hübneri tomulis, teste paginarum numero, describere placuit. Longè plura miracula ab Episcopis per Germaniam universam patrata desideranti dabit ipse Hübnerus in citt. tomulis VII. & VIII. uti apparebit etiam ex Reflexionibus, quæ sequentur. Unde denuo mecum sic reputabam: si non tot, permultis saltem miraculis cælum propitium Episcoporum Germanorum doctrinam & virtutem confirmavit & illustravit per secula non solum prima, sed & media, imò & ultima. Si verò inter miracula lucere non cessavit Ecclesia Germana, cur non etiam Romana, cujus se filiam constanter professæ est, & hodie profitetur? Unde sequuntur Reflexiones proximæ.

REFLEXIO VIII.

ARGVMENTVM HISTORICVM IV. EX HÜB-
NERO PRO PRIMATU ROM. PONT. SUNT
PHOCÆ IMPERATORIS TEMPORA ET CIR-
CUMSTANTIÆ ALIÆ.

Argumenta hæcenus proposita etsi talia ac tanta sint, ut sanæ mentis homini de legitimo Petri & Successorum jure vix dubium possint relinquere, nihilominus argumentum argumentis prioribus accedat posterius, præcipuè petendum ab Archiepiscopis & Episcopis primò per Germaniam, dein per Europam, & demum per orbem universum longè diversis & dispersis. Fingamus itaque, ante Bonifacium III. Pont. & Phocam tyrannum per sex prima secula prorsus nullam fuisse Romanis Episcopis in Episcopos alios imperandi aut dirigendi potestatem. Fingamus Imperatoris huius conjunctam vim ac potentiam extitisse tantam, quanto ullo unquam tempore fuit vis aut potestas Imperatorum vel Pontificum in cogendis ac subigendis Episcopis, Clericis ac Monachis. Hæc si finxerimus, & Lutheranis Scriptoribus tanquam rata habuerimus, id tamen impetrabunt minimè, quod tantopere sibi concedi postulant. Si namque duo rerum capita juxtà collocemus, & sedulò perpendamus, unum continuò subvertet alterum. Eadem duo capita sint, primum nempe: *Romanus Pontifex à seculo VII. usque ad hanc nostram ætatem in omnes omnino Patriarchas, Primates, Archiepiscopos, Episcopos, Antistites quovis, Clericos & Monachos accepit potestatem. Caput alterum: tantam potestatem denique concessit Phocas Imperator Bonifacio III.* Utrumque mordicus defendit Hübnerus cum sociis passim in suis tomulis, præsertim verò I. de Romanis Imperatoribus, & Tom. III. de Romanis Pontificibus. Utrumque horum capitum ferè inter fidei sui dogmata numerant Lutherani passim plurimi. Jam verò an simul stare queant

queant, considerare hoc opus hic labor est. Ego audacter pronuntio: vel Phocas Imperator nullam concessit potestatem Romano Pontifici; vel si concessit, vanissima hæc Phocæ fuit concessio: fuerit enim, uti lubet fingere, Phocæ tyranni in Orientis Imperio vis maxima & auctoritas in Episcopos etiam, quod nuspiam ostensum hætenus; huius tamen tyranni in Occidentis Imperium prorsus nulla fuit vis unquam aut auctoritas; veritatis hujus testes sunt tot, quot Occidentis & Orientis Historiam vel primis gustârunt labiis. In rei testes etiam advoco universam Germaniam, Italiam, Hispaniam, Galliam, Angliam, Daniâ, Sueciam &c. Testis mihi maximus contra Hübnerum & hujus socios sit ipse Hübnerus in suis tomulis, nimirum I. tom. cujus pars magna continet Seriem Romanorum Imperatorum in Occidente per 300. annos interruptam. In tomulis reliquis communi omnium Historicorum calculo affirmat Seculis præsertim V. VI. VII. & VIII. per Europam vel erecta nova, vel certè antiqua adeò confirmata fuisse regna & Regum jura, ut Orientis Imperatores omni sua potestate exciderint, quam tamen Seculis prioribus etiam in Occidentis partes extenderunt Imperatores partim Christiani, partim gentiles. Quamvis igitur Phocas sua qualicunque imperitandi peritia per annos sui Imperii 8. totius Orientis Episcopos subjecisset Romani Pontificis imperio, vel si mavis jure, cum violentum non facillè sit perpetuum, omnem vel imperandi vel regnandi methodum Pontificiam adhuc novam & maximè violentam sepeliisset cum extincto Phoca mors Ecclesiæ Romanæ tunc hostibus multis jucundissima. Ist hæc verò qualiscunque vis in Occidentis plagas vires suas nequaquam extendisset. Fingamus verò & istud contigisse, aut potuisse contingere, quid tunc eventurum fuisse divinamus? Respondo: divinare non nisi bella gravissima licet: cum enim non minor Seculo jam VII. potestas fuerit fixa & rata habita Archiepiscopis & Episcopis in Germania, Italia, Hispania, Gallia,

An-

Anglia &c, quàm firma fuit poteſtas Epiſcoporum in Oriente; totius Occidentis proſectò Epiſcopis omnibus oblata fuiſſet ſimul occaſio peridonea reſiſtendi, quin ultro denunicandi belli *Romanae potentiae, ſuperbiae, Romano tyranno, Anti-Chriſto*, uti honorifico ſcilicet nomine appellari crebrò legimus & audivimus invitiſ auribus. Quæ non facta fuiſſe cùm confiteatur, imò potiùs contrarium eveniſſe multis in paginis teſtetur uſque adeò, ut abundantiffimè conſtet *Historiæ* peritis omnibus, Epiſcopos natione, aut poteſtate Germanos, Italos, Hiſpanos, Gallos, Anglos &c perrexiſſe cauſas ſuas majores Romam dirigere, Romano Pontifici ſubefſe, ſententiàm petere & latæ ſententiæ caput inclinare; certiffimum inde nobis denuo fuit argumentum dicendi, Seculis prioribus aſſertam Romano Pontifici poteſtatem eſſe viribus humanis quidpiam majus, ipſius Divini nimirum Servatoris & Eccleſiæ Conditoris authoritatem Vicarium ſibi firmantis: vel certè aſſerendum eſt toto ore & pectore: Deus inuſitato prorſus miraculo quosvis in Occidente Epiſcopos adeò potenter movit, ut unanimi conſenſu ſeſe ſubdere non dubitârunt uni Supremo in terris, eique Romano Epiſcopo. Auſim ſanè ego ſimile miraculum inter primæ notæ miracula numerare. Proſectò experientia jugis docuit, in cauſis quibuſcunque unus ſecum ferentibus, item in cauſis vel damnum, vel diminutionem dominii continentibus, non ſolùm Principes Politicos, ſed æquè & crebrò ardentius Eccleſiaſticos certâſſe, pugnâſſe, dimicâſſe, potiùs ſanguinem fuſiſſe & vitam amiſiſſe, quàm ſui ſuorumque diminutionem inertī animo pertuliſſe. Quæ omnia aliâque plura cùm multis paginis etiam Hübnerus & ſocī aſſerant, quid hic aut horum amici denique ſint reſponſi loco allaturi in medium, avidiſſimè exſpecto.

REFLEXIO IX.

ARGVMENTVM HISTORICVM V. EX HÜB-
NERO PRO PRIMATU ROMANI PONTIFICIS
SUNT SUPPOSITA MALE FUNDATA.

UT Lector amicus ampliùs comprehendat totius rei cardinem, qui hoc vertitur loco, compendiò repetere lubet, quæ in Serie Romanorum Pontificum & Imperatorum de Bonifacio III. & Phoca Imperatore uberiùs sunt propofita.

Peritorum nemini obfcurum eft, Constantinum M. relictâ Italiæ urbe principe Conftantinopolim erexiffè extindto veteris urbis Byzantii nomine. An. 314. creatum effè Byzantii Epifcopum ordine IV. Metrophanem nomine, teftantur Cedrenus & Zonaras, quem Probi Imperatoris fratrem eorundem authorum affirmat posterior. Hunc ipfum Byzantinum Epifcopum Archiepifculi Heracleenfis Ecclefia Epifcoporum aliorum more ea etiam ætate fuiſſe fubditum, paſſim traditur. Poſtquam verò urbs nova Romæ fimillima tantum naçta eſt conditorem, quantus fuit Conſtantine M. ; poſtquam Concilia in Orientis Imperii urbibus, & quidem Conſtantinopoli crebriùs fuerunt congregata; poſtquam Juſtinianus I. maximopere cœpit favere Epifcopo Conſtantinopolitano contra Alexandrinum, & paulò poſt etiam Romanum; tunc enim vero primus, aut certè non ultimus ambitionis & Zizaniorum author multiplex identidem magis invaluit, ut Conſtantinopolis Patriarcha non modò Alexandria Præfuli præſumpferit imperare, ſed ipſius etiam Romani Pontificis Imperium vix ullo in pretio habere ampliùs, quod de Joanne cognomento Jejunate præfertim, Seculi VI. Conſtantinopolis Patriarcha neutiquam eſt dubium.

Hæc totius controverſiæ Synopſis Auditoribus Orthodoxis eſt minimè ambigua; Scriptoris verò Heterodoxis nimium

videtur anceps & dura in libris de Imperatorum & Pontificum Serie inscriptis; at in libris aliis, uti sunt Series Archiepiscoporum Germanicorum, vix non cum Catholicis sentiunt scriptorum & dictorum suorum parum memores. Argumenta autem, cur ita vacillent Scriptores iidem, sunt varia, aut veriùs non argumenta sed supposita sunt vanissima, quæ idcirco æquorum arbitro ante oculos pono, & ex Romanorum Serie repetito. Supponunt itaque

I. Imperatorum neminem ante Phocam in animum induxisse suum, ut crederet, Romanum Pontificem jure vocatum fuisse *Episcopum Oecumenicum*;

II. Supponunt tanquam responsum Delphicum, Episcopum Constantinopolitanum non minùs supremum Ecclesiæ caput fuisse inter Græcos Episcopos, ac fuit inter Latinos Episcopos Romanus Pontifex.

III. Supponunt tanquam certæ Historiæ articulum, per sex Pontificum ac Imperatorum Secula, nec Gregorium M. nec ullum alium Romæ Antistitem hoc usum fuisse nomine.

IV. Supponunt tanquam fidei regulam, Sexaginta primos inter Romanos Pontifices, usque ad Bonifacium III. nusquam exercuisse in universam Ecclesiam *ullam potestatem supremam*.

V. Supponunt causam hanc omnium Archiepiscoporum & Episcoporum adversùs Romanum Pontificem fuisse omnibus Patriarchis, Primatibus, Archiepiscopis, Episcopis per Orientem, imò per orbem universum *communem, communissimam*.

Quàm verò infirma, vana & nullius profectò ponderis sint imaginaria hæcce supposita omnia, lubeat obsecro ex Reflexionibus hætenus omnibus colligere; & ritè intelligere ex C. Baronio, Bellarmino. Vid. etiam Series Roman. Pont. & Imperatorum.

REFLEXIO X.

ARGVMENTVM HISTORICVM VI. PARTIM EX ORTHODOXIS, PARTIM EX HETERODOXIS AUTHORIBUS PRO PRIMATU D. PETRI, EST INSTITUTIO EPISCOPORUM PER ORBEM FERE UNIVERSUM.

Dixi paulò superiùs, si Seculo post Christi natales VII. universi ac singuli in orbe universo ita conspirassent Archiepiscopi & Episcopi in unum supremum caput, Episcopum nempe Romanum, inusitato prorsus miraculo Deus totius Ecclesiæ suæ sensus & animos adeò illustrasset, ut hæc ipsissima hætenus inaudita inspiratio, ut vocamus, instar legis & instituti divini posset accipi & propemodum adorari. Ut res clariùs tanquam pleno meridie luceat, simulque eruditionis avidus Lector Romanæ Ecclesiæ Hierarchiam identidem amplius suspiciat, plerosque totius orbis Ecclesiasticos Præsules in compendio huc juvat apponere. Ansam ita rem scribendi dedit cum Sociis Hübnerus in suis tomulis de Regibus in lucem editis, in quibus sparsim Ecclesiæ Catholicæ tangit Antistites, eximio sanè Orthodoxorum omnium solatio, quod sui, *ut denuo memorem*, & dictorum suorum crebrò immemor scripserit auctori suo parùm faventia, imò penitus contraria.

Patriarchatus Antiochenus omnium primus & antiquissimus institutus est ab ipso Apostolorum Principe Petro Seculo Christi I. an. 36. Numeravit Patriarcha sua sub potestate præter Sedem suam Patriarchalem per Syriam, Ciliciam, Isauriam, Mesopotamiam, Phæniciam & Arabiæ partem Sedes Metropolitanas 11. cum Episcopis minoribus. - 128.

Parriarchatus Alexandrinus Secul. I. inchoatus est. Patriarcharum omnium primus floruit D. Marcus Evangelista: proximè

ximè secuti sunt DD. Dionysius, Athanasius, Cyrillus &c. Suberant horum potestati Ægyptus & universa Lybia, in quibus numerati sunt Archiepiscopi 10. cum Episcopis minoribus 114.

Episcopatus Hierosolymitanus à S. Jacobo Minore Secul. I. cœptus, Concilii Nicæni tempore conversus est in Archiepiscopatum, Primati Cæsareensi in Palæstina subditum. Tandem procurante Justiniano I. Imperatore Hierosolymis Patriarcha institutus per Palæstinam, Phœniciam & Arabiam, numeravit sua sub potestate 6. Archiepiscopos & Episcopos Suffraganeos 100.

Episcopatus Byzantinus in Patriarchatum Constantinopolitanum Seculo IV. conversus, & Seculo VI. tempore Conciliorum I. atque II. Constantinopoli celebratorum confirmatus, per Scythiam Europæam, Græciam Asiaticam item Europæam, atque Pontum universum, sub potestate sua numeravit partim Primates, partim Archiepiscopos cum Episcopis Suffraganeis circiter 512.

Atque hic Status fuit Ecclesiæ veteris per Europam Orientalem & Asiam: uno sub capite membra plurima, veluti ex Conciliis maximè apparuit. *Vide inferius.*

In partibus Meridionalibus Pontifici Romano tanquam Patriarchæ & Primati etiam suberant per universâ Italianam, Illyricum, Africam & Hispaniam Archiepiscopi omnino multi: namque Romani Pontificis tanquam *Metropolitæ immediatæ*, uti dicimus, potestati & jurisdictioni Seculo IV. & V. jure subiciebantur per Latium novum ac vetus, item per Campaniam Romanam, Tusciam, Umbriam, utrumque Picenum, Samnium, Apuliam, Calabriam, Lucaniam &c Episcopi circiter 80. quorum multi successu temporis in Archiepiscopos sunt conversi adeò, ut præter Romanum Pontificem, & Patriarcham Venetum per universam Italianam & vicinas Italiæ insulas facilè numerati fuerint, & hodie numerentur Archiepiscopi ultra 40. cum Episcopis Suffraganeis circiter 200.

Non

Non minùs subdebantur immediatè simulque supremæ Romanæ Pontificis potestati Archiepiscopus Mediolanensis, Ravenatensis, Aquilejensis, Siracusanus & Calaritanus, quibus omnibus subordinati fuerunt Episcopi plures quàm 300.

In toto Illyrico Pontifici simulque Patriarchæ Romano post Constantini M. fata parebant partim Primates, partim Archiepiscopi 16. cum Episcopis facillè 100.

In Africa, quam in septem Ecclesiasticas provincias divisèrunt, omnibus tanquam Primas præerat Episcopus Carthagenensis: in ipsas verò provincias septem sunt divisi Episcopi omnino multi; in provincia nimirum Proconsulari numerati fuerunt aliquando Episcopi.

In provincia Numidiæ	-	-	-	105.
In provincia Bizacena	-	-	-	142.
In provincia Mauritaniz Cæsarensis & Tingitanæ	-	-	-	128.
In provincia Mauritaniz Sitifensis	-	-	-	135.
In provincia Tripolitana	-	-	-	47.
In provinciis reliquis numerârunt facillè	-	-	-	12.
				100.

Atque adeò florente per Africam quondam doctrina Christiana numerati sunt Episcopi minimùm 500. in septem classes distincti ea methodo, ut cuilibet classi suus præsidet Præses, dictus Senior Episcopus, servata altiori potestate Carthagenensi Primati, & altissima Romano Pontifici.

In Hispania duo Primates & plures Archiepiscopi jam seculis V. VI. & VII. præerant Episcopis 80.

In provincia nimirum Bætica alter sedebat Primas, cui Sedes Hispalis; alter verò in provincia Carthagenensi Toleti figebat Sedem. Archiepiscopi fuerunt Tarraconensis, Lusitanus & alii duo in Gallæcia distincti.

In partibus Occidentis Ecclesiæ status sequenti venit ordine.
In Gallia constituti duo Primates & Archiepiscopi 13.

Primatum alter fuit Archiepiscopus Bituricensis in Aquitania; alter Archiepiscopus Arelatensis in regno Arelatensi &c.

Archiepiscopi alii his sunt distincti nominibus: Sextiæ

I. Archiepiscopus Tarentasiensis. II. Narbonensis. III. Narbonensis alter Aquæ Sextiæ Sedem figens. IV. Ebredunensis. V. Burdigalensis. VI. Augustanus Aulciorum. VII. Lingdunensis. VIII. Rothomagensis. IX. Turonensis. X. Senonensis. XI. Visuntinus. XII. Rhemenis. XIII. Trevirensis. Visuntinus tamen & Trevirensis temporis successu inter Germanicos Archiepiscopatus sunt celebrati. Quibus omnibus obedientiam exhibuerunt Episcopi ultra 100.

In Belgio primis post natum Redemptorem Seculis auctoritate Pontificia introducti Episcopatus, conversi demum in Archiepiscopatus 1. Cameracensis cum Suffragensis 4. 2. Mechlinensis cum Suffrag. 6. 3. Ultrajectens. cum Suffrag. 5.

In Magna Britannia simulque Scotia & Hibernia Primates duo cum Archiepiscopis 6. inter minores Episcopos circiter 60. emiserunt scilicet

I. Primas Britanniae Meridionalis dictus est Archiepiscopus Cantionum, seu Dorovernensis, dein verò Cantuariensis.

II. Archiepiscopus Londinensis. III. Carleonensis. IV. Eboracensis. V. S. Andreæ. VI. In Scotia Glasceus. VII. In Hibernia Primas Armachanus. VIII. Archiep. Dublinensis & Tuamensis.

Jam verò in Imperio Germanico & vicinis eidem regnis Apostolica auctoritate sunt constituti Archiepiscopi Moguntiae, Treviris, Coloniae, Laureaci; dein Salisburgi & Visuntii cum Episcopis Suffraganeis talibus ac tantis, ut horum auctoritas & potestas amplissima, Archiepiscoporum multorum potestati æquiparari aut anteferri queat. De Archiepiscopatibus his dictum abundè satis superius; id solum non pigebit fortè Lectorem intelligere, quinam Archiepiscopatus & Episcopatus novi antiquis

quis accesserint in Occidentis Imperio & partibus Septentrioni propinquis.

Seculo itaque VII. à D. Benedicto II. Pont. Rom. missum venisse in Franciam Orientalem D. Kilianum cum Sociis Colonato & Theodnano natione Scotis testatur unà cum Historicis Orthodoxis Hübnerus etiam tomul. VII. pag. 155. An verò D. Kilianus unà cum Sociis vocati sint jure Franconiae Episcopi primi, parum interest litigare. Legatos venisse Româ Episcopali potestate munitos, abundè certum est Historicis. Post extinctum crudelissima morte Kilianum succedit ab Urbe missus D. Bonifacius Moguntiae Archiepiscopus, author & restaurator simul Episcopatum Seculo VIII. in Francia Orientali & aliis in provinciis plurium.

Eodem Seculo VIII. Caroli M. Imperatoris adiutorio potentissimè animatos Apostolos, varios annuente Pontifice fundamēta jecisse Episcopatibus per universam Saxoniam & confines provincias diversis, nōrunt Authores Orthodoxi & fatentur Heterodoxi. Eosdem inter Apostolos celeberrimum nomen obtinuerunt D. Stephanus Magdeburgensium, D. Wilehadus verò Bremensium Doctores; quibus inter imitatores accesserunt DD. Herimbertus & Wilehadius.

Seculo IX. D. Ludgerus Herimberto ultrò concessit Mindensem Insulam; Nuitardus Bremæ, Hermarius Paderbornæ, S. Suibertus Verdæ sederunt Episcopi: S. Ansgarius verò Archiepiscopus omnium primus S. Remberto cessit Bremensem simul & Hamburgensem Mitram, ut abire liceret in provincias Septentrioni proximiores, ad lucrandum Deo animas.

Seculo X. Imperatore Ottone M. desiderante, & Joan. XIII. Pontifice concedente, Archiepiscopali Pallio Magdeburgi exornatus D. Adelbertus, partim sibi præmisit, partim post se traxit Episcopos diversos in Borealibus regnis instar clarissimorum Siderum exortos:

Merse-

Merseburgi namque an. 968. præluere cœpit Episcoporum primus B. Boso in S. Emerami monasterio Ratisbonæ celeberrimo quondam Monachus.

Havelbergæ annis prioribus B. Udo primus constitutus est Episcopus.

Lubecæ, Schlesvici & Oldenburgi triplieis instar Episcopi circa idem tempus sedere cœpit B. Marcus, quondam Ottoni I. à consiliis.

Lebusii an. 965. B. Stephanus instituit Episcopatum, creatus ipse Episcoporum ibidem primus.

Naumburgi Episcoporum omnium primus circa annum 966. doctrinam Christianam Explicavit B. Hugo.

Misniæ Episcopus primus eodem ferè cœpit tempore fulgere B. Burchardus ex monasterio S. Emerami Ratisbonæ evocatus.

Brandeburgi eadem ætate B. Dulim primus confirmatus est Episcopus.

Eodem Seculo X. suadente Ottone M. Haraldus VIII. Danorum Rex laudante Pontifice erexit Episcopatum Schlesvicensem in Ducatu ejusdem nominis; Archufiensem & Ripensem in Juthia; Odeenseensem in Fionia.

Seculo XI. an. 1012. adjectus est Episcopatus Roschildensis in Seelandia.

An. 1065. ex liberalitate Suenonis III. Danorum Regis acceperunt novi Episcopatus quatuor, nimirum Lundensis, conversus deinde in Archiepiscopatum in Sconia, in qua simul erectus Dalbyensis, Wiburgensis verò & Alburgensis in Juthia.

In Sueciam Doctore D. Ansgario Christi Dogmata illata jecerunt fundamentum Episcopatibus successu temporis omnino variis, præsertim verò Upsalensi, qui volente Alexandro III. Pont. conversus est an. 1164. in Archiepiscopatum.

In Polonia Archiepiscopatus Gnesnensis & Cracoviensis beneficio Micislai Ducis ad Orthodoxa sacra conversi, sunt erecti circa

circa annum 965. consentiente Benedicto VII. Rom. Pont. accessit Archiepiscopatus Leopoliensis in Russia Rubra-cum Episcopis Suffraganeis 4. cum prius numerarentur 12. aut plures.

In Bohemia adjectore Boleslao II. Bohemorum Duce Pragæ Episcopatus erectus, Episcopum I. nactus est Dithmarum, alterum verò D. Adelbertum Seculo X.

An. 1343. Joannes Bohemorum Rex, & hujus filius itidem Rex & Imperator ad Clementem VI. Pontificem Avenionem in Galliam profecti, impetrarunt exemptionis privilegium, uti vocamus, adversus Moguntia Archipræfulem; atque adeò Pragæ Archiepiscoporum primus cœpit sedere.

In Hungaria Seculo XI. ex munificentia S. Stephani surrexit Archiepiscopatus Strigonienfis, cui fuerunt subiecti 10. Suffraganei.

Accessit temporis successu Archiepiscopatus Colocensis cum octo Episcopis minoribus.

Omissis multis aliis per orbem universum, jam olim & hodie velut erecto corpore constantibus sibi Archiepiscopatibus, id hoc maximè loco commemoro: nullus Patriarcharum, nullus Primatum, nullus Archiepiscoporum Romano Pontifici, si Constantinopolitanum Seculo VI. primùm & VII. ac unà cum hoc paucos excipias, pertinaciter, vel ut adversarii dicunt, constanter sese opposuit; cujus rei argumento esse potest, quòd ipsimet Scriptores adversarii neminem crebrius & vehementius, & ferè solum nobis Phocam tyrannum opponant: argumenta autem alia & superius, & multis aliis in locis proposita rem evincant adeò, ut usque ad Seculum VI. & VII. Romano Pontifici de Primatu litem Episcoporum propemodum nullus intenderit: post Seculum verò VII. fatentibus ipsis & dolentibus, ac vix non ringentibus Heterodoxis, Præfules in orbe Catholico universi, unanimi consensu Romano Pontifici sese subjecerunt usque ad hanc nostram ætatem cum Episcopis Suffraganeis suis, quorum mul-

ta etiam hodie numeramus millia, ut nihil dicam de Præfultibus, Abbatibus & Præsidibus aliis vel Clericorum vel Monachorum in tota Hierarchia Ecclesiastica, quod hercle instar perpetui miraculi jure merito admiramur & obstupeſcimus: non enim nisi divini digiti, aut brachii, seu dexteræ excelsi opus hoc esse censuerunt omnes illi, qui Statum Hierarchicum & Politicum probè sibi perspectos habuerunt: homines quippe suâmet natura liberi, præsertim in sublimiori gradu constituti, abhorrent plurimum à majorum dominorum jugo seu potestate. Reges idcirco etiam constanti didicerunt experientia, nihil difficilius esse, quàm amplissima & spatiosissima regere regna. Id etiam nôrunt omnes, hominum vires longissimè superare & excedere, pluribus Seculis non uni duntaxat, sed plurimis simulque diversis atque divisis populis unum imperare Imperatorem. Quod si igitur Romanus Pontifex imperavit jam per multa Secula Patriarchis, Primatibus, Archiepiscopis, verbò, universæ Ecclesiæ per Imperia, Regna & Provincias diversissimas divisæ, hoc si quis *Dextera Excelsi* opus esse negaverit, talem ego non sanæ mentis hominem, sed bardum dixerim. Atque hoc ipsum novæ Reflexioni & argumento novò sternit viam ac campum: sit igitur

REFLEXIO XI.

ARGUMENTVM HISTORICVM VII. MAXI-
ME EX HÜBNERO PRO PRIMATU ROM. PONT.
SUNT DEXTERÆ EXCELSI OPERA POST
SECULUM VII. ORBI EXHIBITA.

Repeto verba millies repetenda: si Romanus Pontifex imperavit per multa jam Secula Patriarchis, Primatibus, Archiepiscopis &c, verbo universæ Ecclesiæ, per Imperia, Regna & Provincias diversissimas divisæ, hoc si quis

quis *Dextera Excelsi* opus esse negaverit, talem ego non sanæ mentis hominem, sed bardum dixerim. Quin hoc ipsum negari minimè sustinebunt amici Hübneriani, si tomulos sibi admodum pretiosos lustrabunt, in quibus Hübnerus diversis affirmat paginis, non obscuris divinæ potentiæ signis ac miraculis non minùs post Seculum VII. quàm antea fulsisse, & Episcopatus suos illustrasse Viros Apostolicos nullius alterius, quàm Romani Episcopi Supremæ Potestati subjectos. Quod ne jactantiùs, quàm verius dicere videar, percurramus perfunctoriè tantùm post sextum etiam Seculum Episcoporum aliquot Germanicorum in Divorum Catalogum relatorum, & ab ipso Hübnero laudatorum Seriem. Vide hanc in rem jam enarrata superiùs exempla partim in Serie triplici Archiepiscoporum, partim etiam in Reflexione VII. &c.

Prænotandum hic, Hübneri tomulos denuo typis impressos, (quod probè nunc primùm adverti,) non constare iisdem paginarum numeris, quibus constant tomuli pridem impressi: hujus proin rei monitum volo Lectorem Benevolum, ne errorem irrepsisse putet, ubi error non est. Cæterùm tamen rei veritatem, & ut ajunt, substantiam, satis indicabunt facta sequentibus numeris contenta.

SECVLO VII.

Hübner pag. 27. Tom. 8. S. Rupertus agonis sui præscius Vates puellam mutam beneficio linguæ donavit. Teneræ ætatis prolem vivis restituit. Abbati Baderico post fata jam sua apparuit dicens: quando lucerna mea extinguetur, civitas ista subvertetur.

S. Lambertus Ultrajectensis Episcopus à Dodone Plectrudis pellicis fratre occisus, à Deo mirè vindicatur: sicarii namque mox mortui, Dodo autem toto corpore cæpit putrescere & ole-re pessimè, ut hanc ob rem in Mosam fuerit demersus. *Hüb. pag. 372. Tom. VII.*

Pag. 374. tom. VII. S. Toffo Episcopus Augustanus miraculo illustratus est cereo: cereus namque hic ingruente nocte cœpit sua sponte ardere, aurora autem superveniente quotidie est extinctus, nulla tamen sui parte diminutus.

Pag. 157. tomul. VII. D. Kilianus à Benedicto II. Pont. missus Franconibus Apostolus, Gosbertum Ducem adulterum publicum in viam virtutis reduxit. Geylana adultera ob hoc Kiliano irata subornavit sicarios, qui è medio tollerent virum sibi molestissimum: eosdem verò sicarios omnes evidenti miraculo punivit Deus scelerum vindex.

Pag. 369. tom. VII. Joannes I. Leodiensis Episcopus cognomento *Agnus*, ob innocentiam suam hoc glorioso nomine appellatus, agros suos ipse coluit, & lucrum exinde collectum in pauperes distribuit: unde vir nec Joanni notus dixit: *labor tuus & elemosynæ tuæ ascenderunt in memoriam in conspectu Dei. Actor, 10. v. 40. eris deinceps Episcopus Ultrajecti.* Comparans itaq; sese asinæ Balaami Joannes recepto baculo suo dixit: *Si vera dicis, baculus hic meus fructum feret.* Et continuo floruit virga prius arida; unde versus:

Per stimulis florem, tulit agri cultor honorem.

Pag. 307. tom. VII. S. Amandus Argentoratensis Episcopus Baptismatis flumine abluens Sigebertum Dagoberti I. Francorum Regis filium, audiit ex infantis, non nisi 6. hebdomades nati ore hanc vocem articulatè pronuntiatam: *Amen.*

Pag. eadem. S. Arbogastus S. Amandi Successor Sigebertum Regis Dagoberti filium, in venatione à furioso equo occisum, vitæ beneficio donavit, aliis miraculis etiam clarus.

Pag. 309. eod. tom. D. Florentius Dagoberti I. Regis filiam Rothildin simul cæcam & mutam miraculò docuit loqui & videre.

SEculo IX.

Pag. 980. tom. VII. Bertholdus Monasteriensis Episcopus *re-* *sistatibus novis Lytaniis* tumefactarum linguarum malo gravissimo idoneum invenit remedium, postquam Medici de remedio desperarunt,

Pag.

Pag. 919. & seqq. D. Ansgarius Archiepiscopus Bremensis doctus & probus, Danorum, Suecorum & Norrvegorum Apostolus, vaticiniis clarus de Christo Evangelium explicavit.

Pag. 932. & seqq. tom. 2. S. Rembertus Archiepiscopus Bremensis an. 865. &c vixit miraculis clarissimus: nam Remberti mandato fluctus maris continuo fuerunt sedati. Paraliticos obvios sanavit. Energumenos demoniis liberavit. Ipso presente, & nemine manu admovente captivi catenis suis & vinculis fuerunt liberati. Paucis multa comprehendit hoc ejus elogium:

Dat claudis gressum, salvat quoque dæmone pressum,
Dum mare perfulcans prece placans æquoris undas,
Captum solvit equo, reddit sua lumina cæco.

Miraculorum ab eodem patratorum omnium maximum videtur illud, quod vidit villa Nordvvide: nam Normannis eam in villam irrumpentibus, S. Archiepiscopus instar Moysis flexis genibus, & erectis manibus oravit: orante autem ipso pauci illius villæ inquilini Normannorum 1077. occiderunt. Monticulus, cui insistebat Rembertus, ab eo tempore, etiam rigente hyeme servavit flores. Saxum quoque, cui fessas orando manus imposuit Vir Sanctus, digitorum omnium vestigia posteris videnda servavit.

SECULUM X.

Pag. 940. tom. VIII. Hogerus qualis fuerit Bremæ Archiepiscopus, hic indicat versus.

Sanctus & electus fuit Hoger septimus.

Cadaver ejusdem post 100. annos ex sepulchro non absque prodigio auffugisse creditum est.

Pag. 941. eod. tom. B. Unno Archiepiscopus Bremensis Suecorum & Danorum Apostolus ardentissimus, Normannos Ecclesiæ Bremenfi flammis subdere non verentes miraculoso vento vidit divinitus fugari,

Pag. 780. tom. III. Poppo B. Unnonis in Dania laborum socius, ut Suen Ottonem Danorum Regem ad Aras Christianas reduceret, rogavit Deum signum miraculosum: per soluta oratione ardentes induit manicas, & vestem piceam, atque hæc absque ullius membri læsione flammis est consumpta: manus etiam triumphârunt integræ; unde secuta est conversio multorum ad Christum.

Pag. 378 tom. VII. D. Udalrico Episcopo Augustano jam an. 910. tum Romæ prædixit præsentî Romanus Pontifex Augustanam Mitram, vaticinio ritè impleto: nam Udalricus an. 923. creatus Augustæ Episcopus miraculis pluribus fuit conspicuus: inter miracula veniunt numeranda victoria mirabilis contra Hunnos reportata, & perpetua Diœcesis Augustanæ adversus glires immunitas.

Pag. 429. tom. VII. D. Conradus Constantiensis Episcopus Einsidlensem Basilicam consecraturus, duxit secum D. Udalricum, ubi divinitus consecrari vidit eandem Basilicam, voce cœlesti id miraculum omni præsentî populo testante, & D. Episcopum ne iteraret consecrationem, absterrente.

Pag. 431. tom. VII. D. Gebhardus Constantiensis Episcopus Romam profectus redux secum retulit caput D. Gregorii Pont. Ad Padum fluvium dum pervenit, vidit undas in utramque ripam effusas: cùm nihilominus adversus aquas eundo luctaretur vir Dei, virtute Reliquiarum in partes abiit Padus instar Jordanis, præbens siccum Episcopo transitum.

Idem Gebhardus conditor Monasterii Petershusani brevi moriturus præcepit, ut cadaver suum Petershusii sepulchro conderetur: Constantienses verò cùm in æde cathedrali idem corpus sepelire pararent, sandapila loco moveri minimè potuit. At dum Petershusani bajuli feretro humeros supponere cœperunt, idem nullo negotio potuit elevari & portari in locum testamentò præscriptum: Imò cùm Monasterio imminerent, columba cœlestis feretro insidere stupentibus cunctis est visa. *Pag.*

Pag. 426 tom. IV. D. Adalbertus Romæ confirmatus Pragensium Episcopus diversis omnino inclaruit miraculis : cùm enim auro & argento destitutus naulum non posset solvere iis, qui trans fluvium Albim Episcopum navigiò vexerant, coactus est tractos pedibus calceos avaris concedere. Verùm his, cùm etiam doctrinam Evangelicam sprevisent, ita meritò maledixit, ut hodie etiam ibidem incolæ cogantur pati defectum panis quotidiani singularem.

Idem & Romæ & in Bohemia eodem tempore replicationis beneficio visus est.

Eodem D. Adalberto inter Romanos agente, cùm Strachiquas Bohemorum Ducis frater interea Episcopi munus ambiret maximè, & jam instar Episcopi ad aram facere pararet, iusto Dei iudicio dæmoni est traditus.

SECULUM XI.

Pag. 670 D. Conradus Martyr dum à Trevirensibus in Archiepiscopi Sedem non admittitur, quin ad explorandam Dei ea super re sententiam, iterum iterumque præsentissimæ mortis periculo exponitur, inter manifesta miracula vivus servatur diu, & denique lethali vulnere è medio sublatus miraculis lucere non destitit.

Pag. 672. Egelbertus Trevirorum Archipræsul Henricum Comitem Limburgensem bonorum Ecclesiasticorum invasorem anathemate percussit : at Henricus contempto anathemate inter cachinnos pronuntiavit : quàm parùm canis hic abstinet ab hoc carnis frustillo, tam parùm mē Deo privat Ecclesiæ anathema. Verùm dum mirantibus cunctis canis carnem fugit, teritus Comes à lite & bonorum invasione abstinuit. *Vide hoc Seculo narrata ab Archiepiscopis & Episcopis miracula plura in Serie triplici Archipræsulum, & superius in Reflexione.*

SECULUM XII.

Pag. 493. & 6. tom. VIII. D. Norbertus ab ipsamet B. Virgine specta-

spectabili veste Ordinis sui jam usitata donatus, & à D. Augustino Præsule Regulâ instructus, ac demum apparitione tertia Christi Servatoris nostri confirmatus, instituit Ordinem Præmonstratensem. Totius rei Seriem Hübnerus etiam multis expressit, & tandem clausit his versiculis.

Cruce locus præmonstratur,

Ubi struas regiam.

Sancta tibi Virgo Mater

Vestem præbet niveam.

Sanctus Augustinus Pater,

Auro scribit Regulam.

Pag. 160. tom. VIII D. Albertus M. Ratisbonæ Episcopus beneficio B.^{mæ} Virginis singulari sui temporis Doctor maximus est effectus. Quinquennio ante obitum omni subito destitutus est doctrina juxta prius jam auditum Magnæ Virginis Oraculum. *Hactenus hübnerus pene ad verbum. Vide miracula Episcoporum Germanorum alia in Reflexione.*

En! non minùs Seculorum sex posteriorum, quàm sex priorum multos Archiepiscopos & Episcopos Germanos miraculis, aut certè testimoniis miraculo simillimis clarissimos! quibus testimoniis aut miraculis, ut dicta denuo repetam, illud accessit fanè miraculum prorsus mirandum, quòd post Phocæ Imperatoris sententiam (facingas ita evenisse) Seculis omnibus reliquis Patriarchæ, Archiepiscopi & Episcopi omnes Romano Pontifici expeditissimam exhibuerint obedientiam, Romam ipsi bis, ter, quaterve venerint, literas aut Legatos miserint, nunc ut in causis & casibus dubiis consilium seu sententiam audirent; nunc in angustias conjecti ut securum portum attingerent; nunc in Episcopos electi ut confirmationem impetrarent; nunc ut gratias & privilegia alia peterent &c, qualia verba creberrimè repetit Hübnerus in citt. suis tomulis. Igitur D. Petri & Successorum Pontificum Primatum ipsis etiam testibus Lutheranis Scriptoribus cælum

cælum luculentis confirmavit testimoniis; igitur Ecclesia Romana nondum aberravit à vero, nondum una eadèmq̃ue sola Superis acceptissima Ecclesia in tenebras sub modium vel scamnum abiit, etiamnum Seculo VII. VIII. IX. X. XI. & XII. lucere visa est super candelabrum; tametsi enim enarrata hætenus ex Hübnero etiam testimonia non reipsa patrata essent omnia, sed fortè *conficta eorundem multa*, uti loqui Lutheranis vel quibuscvis aliis libet, nihilominus *penitus omnia* nemini prudentum possunt esse merito suspecta: tametsi quoque memorata hætenus signa *non omnia*, bene tamen *multa*, aut minimùm *nonnulla* in confirmationem Evangelicæ doctrinæ, seu Ecclesiæ etiamnum vivæ & veræ, vigentis & florentis sunt prodita; quod ostenderunt testes optimi miræ multorum conversiones, & idipsum testatur frequentissimè Hübnerus. Cæterùm meminisse id hoc loco lubeat: quamvis nonnunquam Superi ostenderint signa in rerum eventibus, aut parùm, aut nihil ad Dogmata Fidei pertinentibus, rarò tamen, vel nunquam facilè contigisse, ut vel Apostolorum, vel Doctorum quispiam ullo inclaruerit miraculo, si Romanæ Fidei docuerit contraria Dogmata. Quæ omnia ut pateant ampliùs, sequatur

REFLEXIO XII.

ARGUMENTVM HISTORICVM VIII. EX HÜBNERO, EST DOCTRINA à DOCTORIBUS ROMANIS SECLIS VI. VII. VIII. IX. X. &c
TRADITA.

Allatis jam Reflexionibus & Argumentis multis pro Primatu Romanæ Ecclesiæ accedit argumentum auctori suo rursùm penitus adversum: in tomulis enim suis VII. & VIII. item etiam in illis, quæ comprehendunt Seriem Imperatorum, Regum ac Ducum pluribus quàm 10. paginis testatur, Ediscopos nostros partim scientiis, partim virtutibus conspicuos *pradicasse*

H h

ms.

memoratis Seculis Verbum Dei: per eodem promulgatum Evangelium; divina luceib lustrata esse regna; dissipatas fuisse tenebras infernales; demonibus bella mota; sublatis ignorantiam; idola ritè destructa; domos Dei erectas; conversos ad aras Christianas Reges, Duces &c. Ut verbis his meis, imò Hübnerianis suum pondus non desit, lubeat, obsecro, Lectori tomulos Hübneri gnaviter volvere & excutere. At enim, nelector volutandis tomulis Hübnerianis tempus cogatur terere, ex multis paginis, huc obvias juvat adponere, & Lectori velut digito monstrare.

In tomul. I. de Carolo M. Ludovico Pio, Henrico Aucupe, Ottone M. & Successoribus, ubi de conversione gentium, pagina occurrent legenti variæ.

pag. 768. tomul. 3. in editione priori ita habet: Haraldus VI. Danorum Rex celebrem illum Ansgarium Corvejensem Abbatem in Daniam vocavit Apostolum, qui omnium primus ibidem NB. Evangelium explanavit.

Eodem tom. pag. 899. & seqq. De Suecorum Regibus Christianis eadem ferè verba repetit.

Tom. IV. pag. 41. Boleslaum II. Bohemorum Ducem hoc per brevi laudat compendio: *tantis encomiis laudatus est hic Dux, ut passim ab Historicis dictus fuerit propagator. NB Christianæ Fidei, pater pupillorum, protector viduarum, & consolator pauperum. Hic an. 968. fundum dedis pragensi Episcopatu &c.*

pag. 466. tom. IV. Affirmat Micislaum I. Polonorum Ducem cæcum natum, sed oculorum beneficiò per miraculum prosperè donatum & Christianum factum, pari propemodum miraculo connubium impetrâsse non ampliùs sterile, ductâ in thalamum Dambravvka Boleslai I. Bohemorum Ducis filiâ Christianâ, postquam ex septem conjugibus necdum Christianis nullam suscepisset prolem. Inde evenisse, ut Seculo X. per Poloniam universam NB. Religio Christiana fuerit continuò promulgata. Addit Hübnerus, eundem Polonorum Ducem à Benedicto VII. Pont. petiisse Regis nomen.

pag. 756. tom. IV. Geysa Hungarorum Dux ducta in thalamum prin-

principe loco nata fœmina Christiana cœpit amplecti NB. *Fidem Christianam*: anno namque 989. Sacro Baptismate ablutus, anno autem 999. in *Religione* NB. *Vera* est mortuus. Similia aut majora sunt, quæ sequentibus paginis recenset de B. Stephano.

Pag. 119. tom. VI. In Historia Pomeraniæ ita habet: cùm Carolus M. Saxones expugnâset, post Christianam Fidem ipsis publicatam, NB. *lux Evangelii* Venedorum etiam finibus illuxit.

Pag. 142. tom. VII. D. Otto Bambergæ quondam Episcopus an. 1124. in Pomeraniam profectus est, ut NB. *Christo lucraretur* infideles, quod inter difficultates maximas adeo præstitit, ut Julini Episcopatum erexit, & Pomeraniorum deinceps *Apostolus* dici sit promeritus. Hæc exempli causâ duntaxat dicta Lector existimet; plura enim his simillima capita desideranti Lectori se ultro offerent, ex quibus eam colliget sequelam, *Evangelii lucem* profectò etiam ex Lutheranorum mente ad Seculum XII. usque saltem fulsisse & radios suos quaqua versus emisisse, quod ipsum tamen obfirmato animo aliàs negant & pernegant iidem Lutherani.

REFLEXIO XIII.

ARGUMENTVM HISTORICVM IX. EX HÜBNERO PRO PRIMATU ROM. PONT. SUNT VIRTUTES INSIGNES ARCHIEPISCOPORUM ET EPISCOPORVM GERMANORVM NON NISI ROMÆ SUBDITORVM,

HAtenus consideravimus doctrinam maximè & miracula, non pauca; nunc verò considerabimus in synopsi plurimorum Archiepiscoporum & Episcoporum virtutes eximias & gesta clarissima. Hac autem in consideratione observabimus neutiquam illam, quam nobis reliquerunt Authores Orthodoxi scribendi methodum; potiùs eam Lectori perpendendam

dam dabimus, quam suggesserunt Scriptores Heterodoxi: si enim adversariorum etiam testimonio Antistitum nostrorum virtutes & acta probari viderimus, novum nobis denuo suppetit argumentum ab hoste datum. Volvamus itaque rursus Hübneri tomulos VII. & VIII. omnium nimirum per universum Romanum Imperium Archiepiscoporum & Episcoporum quondam compendia; ponantur omnium numeri aut sumaria, ut inde fluat desiderata sequela & conclusio.

I. Moguntia numeravit partim Episcopos partim Archiepiscopos per 17. Secula. 107.				XXIII. Ultrajectum	61.
II. Treviri	-	111.		XXIV. Monasterium	60.
III. Colonia	-	87.		XXV. Osnabruga	59.
IV. Laureac. & Salisbur.	84.			XXVI. Minda	59.
V. Visuntium	-	90.		XXVII. Passavium	76.
VI. Bambergia	-	55.		XXVIII. Frisinga	57.
VII. Herbipolis	-	74.		XXIX. Ratisbona	64.
VIII. Eustadium	-	63.		XXX. Brixinum	87.
IX. Wormatia	-	69.		XXXI. Tridentum	106.
X. Spira	-	75.		XXXII. Gurcum	40.
XI. Argentoratum	86.			XXXIII. Chiemsca	36.
XII. Augusta	-	65.		XXXIV. Secovium	39.
XIII. Constantia	-	86.		XXXV. Lavantum	30.
XIV. Curia	-	86.		XXXVI. Basilea	69.
XV. Hildesia	-	55.		XXXVII. Laufanna	41.
XVI. Paderborna	-	49.		XXXVIII. Magdeb.	42.
XVII. Halberstadium	48.			XXXIX. Merseburg.	45.
XVIII. Verda	-	55.		XL. Naumburgum	40.
XIX. Meta	-	80.		XLI. Misnia	44.
XX. Tullum	-	76.		XLII. Brandburgum	42.
XXI. Verdunum	-	84.		XLIII. Havelberga	39.
XXII. Leodium	-	64.		XLIV. Brema	42.

XLV. Lubeca	33.	XLVIII. Schwverinum	34.
XLVI. Schlesvica	35.	XLX. Lebusium	30.
XLVII. Razeburgum	30.	L. Caminum	25.

Atque hic ipsissimus est expressus ab Hübnero Archiepiscoporum simulque Episcoporum per Germanicum Imperium numerus, cui addidère Authores Orthodoxi plures, eo tamen augmento non magno, ut singuli conficere possint circiter 3000.

Jam verò in tanto Præfulum numero, Hübnerus ipse duodecim post Christi natales sæculis, Episcoporum simulque Archiepiscoporum plerosque usque adeò laudibus extulit, ut vix singuli denariorum numeri unum numerent non magis laudatum, quam vituperatum, cæteris omnibus maximè laudatis.

Feliciores profectò dixerim nostros Antistites, quàm fuerunt suo tempore Apostolorum & Episcoporum primi, quorum Collegio non numeroso Iscariotes grandem inussit notam, dum Episcopatum ejus accepit alter tanto munere dignior, dignissimus Mathias.

Encomiorum verò per utrumque tomulum sparforum hocce est ferme compendium. Archiepiscoporum & Episcoporum plurimi laudantur à doctrinâ, prudentia, morum probitate virtutumque aliarum selectissimarum pretio, quales sunt oratio, in adversis patientia & constantia, divitiarum contemptus, humanitas, humilitas, liberalitas, vigilantia, zelus animarum, cura Ecclesiæ, concordia, pax, justitia &c.

Virtutes alias perfunctoriè tantùm tetigit Hübnerus, fortassis eam ob causam, ne videretur laudare, quod non delectat imitari plurimos. Dabunt virtutes illas Reflexiones & argumenta, ubi de cœlibatu Clericorum occurreret locus. Atque is ipse ut occurrat brevè, sit

REFLEXIO XIV.

ARGVMENTVM HISTORICVM X. EX HÜBNE-
RO PRO PRIMATU ROM. ECCLESIAE, EST IN-
SIGNIS NOBILITAS ARCHIEPISCOPORUM ET
EPISCOPORUM, PRÆSERTIM GERMANICORUM.

QUamvis ornatus regius, antiquissimæ ceræ nobilium & generis splendor, vel fundandæ, vel exornandæ Ecclesiæ ex se minùs sint utiles aut necessarii, quàm virtutù splendor; cùm nihilominus ipsiusmet Summi Sacerdotis Historiographus Matthæus & Lucas antiquissimam juxtà ac nobilissimā nati Servatoris nostri Genealogiam nobis legendam in Sacro Codice reliquerint, inde documenta capimus, ingens accessisse decus, & accedere hodie dum Ecclesiæ Romanæ, si & ipsa splenderit & splendeat in Episcopis & Sacerdotibus non minùs antiquæ prosapiæ, quàm virtutum ornamentò clarissimis. Quemadmodum nimirum pulchrior in pulchro corpore virtus venit, & ab iis magni æstimatur etiam, qui virtutibus suòmet vitiò & voluntate carent, ita Ecclesia in Viris Illustribus splendet magis, atque in sui admirationem rapit eos etiam, qui cæteroquin fugiunt Aras Orthodoxas. Ita rem habere quotidiana docet experientia, & pridem docuit Historia à Scriptoribus etiam Heterodoxis conscripta & laudata. Omnium loco testis sit Hübnerus nobis: qui in citt. tomulis sedulò curavit plurimorum Archiepiscoporum & Episcoporum natales nobilissimos unà cum virtutibus eorundem ita conjungere & extollere, ut illud miratus sim ante alia, quòd Scriptor Religione ab his Præfulis longissimè diversus non rapiatur in amorem ardentissimum, quo accensus statuat quamprimum novis Lutheri, vel si mavis, antiquis sed simul erroneis placitis nuntium remittere, ut absque mora sanguine simul & virtutibus nobilissimis

Episco-

Episcopis propiùs liceat accedere , simulque aras & focus jun-
gere. Omitto hoc loco Præfulum ex Illustrissimo Comitum,
Baronum & aliorum Nobilium stemmate prognatorum præclara
nomina , quæ profectò in superiùs relato ter milleno numero
sunt plurima. Solùm hìc est animus summorum in Imperio
Principum , Regum & ferè Ducum filios , fratres & nepotes
complures memorare , ut inde Lector , quod lubet , aut sanæ
rationi licet , statuatur.

EX IMPERATORIA, REGIA, ARCHIDUCALI,
DUCALI ET PRINCIPE FAMILIA ARCHIE-
PISCOPI ET EPISCOPI

S. Quirinus Imperatoris Philippi cognomento Arabis in Pan-
nonia, seu Hungaria nati, natus & ipse filius creatus est Lau-
reaci Seculo III. Episcopus, dum vel simul, vel antea fuit
Illyricorum & Hungarorum Apostolus , & tandem Martyr in-
signis, cujus Reliquiæ sacræ in Monasterio Tegernsee quiescere
creduntur.

Rupertus Rudolphi II. Burgundorum Regis filius , Divæ
Adelhaidis Imperatricis frater Archiepiscopus Trevirensis Se-
culo X.

Bruno Ottonis M. Cæsaris ex Luitgarde filia, conjuge Con-
radi Lotharingiæ, aut veriùs Francorum Ducis nepos, primò Ver-
densis Episcopus, promeritus est eligi in Romanum Pontificem,
dictum Gregorium V. principem authorem Electoratûs in Im-
perio Germanico. *Vid. Secul. X.*

EX FAMILIA AUSTRIACA.

Conradus II. Archiepiscopus Salisburgensis Leopoldi Sancti
Austriæ Marchionis filius maximè laudatus , & Alexandro III.
Pontifici Romano pretiosissimus, quoniam in adversis fuit con-
stantissimus Secul XII.

Otto

Otto Frisingensis Conradi Archiepiscopi Salisburgensis frater germanus, Episcopus Frisingensis, de quo hunc in modum scripsit Card. Bellarminus: *Leopoldi Sancti Austriæ Archiducis pius filius, quinque Archi-Ducum frater Otto Frisingensis Episcopus, insigni nobilitate, pietate & doctrina: fuit enim Henrici IV. Imperatoris nepos, Henrici V. Imperatoris sororius. Conradi III. Imp. frater Vter-nus, Friderici Imperatoris patruus & hujus Historiographus Author clarissimus, qui libros VII. Chronicorum scripsit ab orbe condito usque ad annum Christi 1146. quibus addidit VIII. librum permagnum de fine mundi, de Anti-Christi persecutione, de resurrectione mortuorum, de judicio finali, de gloria Beatorum, de suppliciis damnatorum: scripsit præterea libros duos de gestis Friderici I. Imperatoris &c. Tandem in ipso suo Monasterio Cisterciensi, in quo Abbas quondam præerat, animam Deo reddidit an. 1159. Romano Pontifici in cunctis obediensissimus, revocans in mortis articulo, si quicquam dixisset aut scripsisset, quod fidei Christianæ contrarium videri posset.*

Poppo Leopoldi cognomento Illustris Austriæ Marchionis filius Elector & Archiepiscopus Trevirensis Secul. XI.

Rudolphus II. sanguinis propinquitate Rudolpho Habsburgico conjunctus Constantiæ Episcopus Secul. XIII.

Andreas Ferdinandi Archiducis filius Maximiliani II. Cæsaris nepos Episcopus simul Constantiensis & Brixinensis Romæ an. 1600. in brachiis Clementis VIII. Pontificis mortuus.

Carolus Ferdinandi II. Cæsaris frater Episcopus Breslaviensis, Brixinensis & simul Magister Ord. Teuton. mortuus an. 1624.

Leopoldus Ferdinandi II. frater Episcopus Argentoratensis & Passaviensis an. 1626. mort.

Leopoldus Wilhelmus Ferdinandi II. Imperatoris filius, Episcopus Passaviensis, Argentoratensis, Breslaviensis & Olmuzensis an. 1662. mortuus.

Sigismundus Franciscus Leopoldi V. Archiducis filius Episcopus Augustanus simul & Tridentinus an. 1665. mortuus.

EX DOMO BAVARICA.

Gerbaldus Dux Baviaræ Episcopus Leodiensis Secul. VIII.

Chrodogandus Dux Baviaræ Thassilonis III. frater Episcopus Metensis Secul. VIII.

Bruno

Bruno S. Henrici Imperatoris frater Episcopus Augustanus
Secul. XI.

Theodvinus Dux Bavarie Episcopus Leodiensis Secul. XI.

Conradus III. Archiepiscopus Salisburgensis Ottonis V. Bavarie Ducis ex stemmate Wittelsbachio frater; idem electus est Moguntie Elector Secul. XII.

Joannes VI. Alberti I. filius, Ludovici Bavari Imperatoris nepos, Episcopus Leodiensis Secul. XIV.

Ernestus Alberti IV. filius Archiepiscopus Salisburgensis Archiepiscopatus Secul. XVI. an. 1560. nuntium remisit, ut solitudini & librorum lectioni sese totum impenderet.

Philippus Dux Bavarie Maximiliani I. Electoris frater, Episcopus Ratisbonensis, & S. R. E. Card. in juventute mortuus an. 1598.

Ernestus Alberti V. Ducis filius, Elector Colonie, Episcopus Frisingensis, Hildesienensis & Leodiensis an. 1612. defunctus.

Ferdinandus Maximiliani I. Electoris frater, Elector Colonienensis, Episcopus Leodiensis, Monasterienensis & Paderbornensis an. 1650. mort.

Albertus Sigismundus Ducis Alberti simulque Comitis Leuchtenbergici filius, Episcopus Frisingensis & Ratisbonensis an. 1685. mort.

Maximilianus Henricus Elector Colonienensis & Episcopus Leodiensis, Maximiliani I. Electoris ex filio Alberto VI. nepos, Alberti Sigismundi Episcopi Frisingensis frater an. 1688. mort.

Josephus Clemens Maximiliani II. Electoris frater, Elector Colonie, Episcopus Monasterienensis, Leodiensis, Frisingensis & Ratisbonensis an. 1723. Mort.

Clemens Augustus Maximiliani II. Electoris filius, Elector Colonienensis & Episcopus Monasterienensis, Baderbornensis & Hildesienensis vivus.

Joannes Theodorus Maximiliani II. Electoris filius Episcopus Ratisbonensis & Coadjutor Episcopi Frisingensis vivus.

EX DOMO PALATINA.

Hermannus II. Henrici de Lacu Electoris Palatini frater, Elector Coloniae Secul. XI.

Eberhardus Hezilonis Comititis Palatini filius, Elector Trevirensis Secul. XI.

Theodoricus II. D. Cunegundis Imperatricis frater, Episcopus Metensis Secul. XI.

Aribo (alii Erbo dictus) Comes Palatinus & Archiepiscopus Moguntiae Secul. XI.

Rupertus Stephani Ducis filius, Ruperti Caesaris abnepos, Episcopus Argenteratensis Secul. XV.

Albertus Ruperti Caesaris ex filio Ottone nepos, Episcopus Argenteratensis Secul. XV.

Rupertus Friderici Victoriosi Electoris frater, Elector Coloniae Secul. XV.

Rupertus Ottonis Ducis Palatini filius, Alberti Episcopi Argenteratensis frater, Episcopus Ratisbonensis Secul. XV.

Joannes Comes Palatinus Bipontinus Archiepiscopus Magdeburgicus simul & Episcopus Monasteriensis Secul. XV.

Joannes Philippus Ingenui Electoris filius Episcopus Ratisbonensis, trium Episcoporum frater, nimirum Philippi Episcopi Frisingensis simul & Naumburgensis, Georgii Episcopi Spirensis, & Henrici Episcopi Wormatiensis Secul. XVI.

Henricus II. Philippus Electoris filius, Episcopus simul Wormatiensis, Ultrajectensis & Frisingensis Secul. XVI.

Rupertus II. Friderici Comititis Palatini Simmerensis filius, Episcopus Ratisbonensis ad initium Secul. XVI.

Ludovicus Antonius Caroli Electoris frater, Coadjutor Moguntinus, Episcopus Wormatiensis simul & Leodiensis an. 1694. mort. Ale

Alexander Sigismundus Caroli Electoris frater, Episcopus Augustanus ab an. 1690. usque hodie.

Franciscus Ludovicus Caroli Electoris frater, Elector Tre-
virensis, Episcopus Wormatiæ, Uratislaviæ, Magister Teut.
Ord. Præpositus Elvacensis & Coadjutor Moguntiæ.

EX FAMILIA SAXONICA.

Heraclius Leodienfis Episcopus Secul. X.

Wilhelmus Ottonis M. filius, Archiepiscopus Moguntinus
Secul. X.

Gero Marchio Lusatiae ex stemmate Saxonico, Archiepi-
scopus Coloniae Secul. X.

Albertus I. Archiepiscopus Bremensis simulque Episcopus
Hamburgensis Secul. XI.

Albertus Alberti II. Electoris ex stemmate Ascanio filius,
Episcopus Passaviensis, Secul. XIV.

Sigismundus natus Marchio Misniae, Electoris Friderici cog-
nomento Bellicosi frater, Episcopus Herbipolensis Secul. XV.

Ernestus Ernesti Electoris filius, Archiepiscopus Magdeburgi-
cus & Episcopus Halberstadiensis Secul. XV. & XVI.

Magnus Saxo-Lauenburgicus, Episcopus Hildesienfis simul
& Caminus Secul. XV.

Joannes IV. Saxo-Lauenburgicus, Episcopus Hildesienfis
Secul. XVI.

Ericus Saxo-Lauenburgicus, Episcopus Hildesienfis simul &
Monasterienfis Secul. XVI.

Eminentissimus S. R. E. Cardinalis Christianus Augustus
Strigonii Archiepiscopus, Protector Nationis Germanicae, Su-
premus Secretarius & Cancellarius regni Hungariae, Legatus Se-
dis Apostolicae &c vivus.

EX FAMILIA BRANDEBURGICA.

Sigfridus Marchio Brandeburgicus, Archiepiscopus Bremensis & Episcopus Brandeburgicus Secul. XII.

Ericus Marchio Brandeburgicus, Archiepiscopus Magdeburgensis Secul. XIII.

Rudolphus Onolspacensis, Episcopus Halberstadiensis Secul. XIV.

Henricus II. Onolspacensis, Episcopus Halberstadiensis Secul. XVI.

Joannes Albertus Friderici Senioris Onolspacensis filius, Episcopus Halberstadiensis ad initium Seculi XVI.

Albertus IV. Electoris Brandeburgici filius., Archiepiscopus Moguntinus simul & Magdeburgicus, nec non Administrator Halberstadiensis, & S. R. E. Cardinalis an. 1545. mortuus.

Fridericus IV. Joachimi II. Electoris filius Archiepiscopus simul & Episcopus Halberstadiensis Secul. XVI.

EX FAMILIA BRUNSVICENSI.

Otto I. Ducis Alberti M. filius, Episcopus Hildesienfis Secul. XIII.

Henricus III. Ducis Alberti cognomento Pinguis filius, Episcopus Hildesienfis Secul. XIV.

Conradus I. Ottonis, cui Pueri cognomen, Ducis filius, Episcopus Verdenfis Secul. XIV.

Otto II. Ducis Magni Torquati filius, Bremenfis Archiepiscopus Secul. XV.

Albertus II. Ducis dicti Pii filius, Magni Torquati frater, Archiepiscopus Bremenfis Secul. XVI.

Christophorus Henrici Senioris filius, Henrici Junioris frater, Bremenfis Archiepiscopus Secul. XVI.

SE

SEQUUNTUR ALIORUM DUCUM FAMILIÆ ORDINE ALPHABETI.

DUCES BEREGENSES SEU MONTIUM.

Rupertus & Wilhelmus Episcopi Paderbornenses Secul. XIV.

DUCES CARINTHIÆ.

S. Bruno Conradi Carinthiæ Ducis filius, Episcopus Herbpolenfis Seculo XI.

Hartvvicus Engelberti Ducis Carinthiæ filius, Episcopus Ratisbonensis Secul. XII.

DUCES LOTHARINGIÆ.

Fridericus Giselberti Ducis Lotharingi frater, Moguntinus Archiepiscopus Secul. X.

Adalbero I. Friderici Lotharingiæ Ducis frater, Metensis Episcopus Secul. X.

Adalbero II. Friderici ejusdem Ducis filius, Episcopus Metensis Secul. X.

Theodoricus IV. Matthæi Lotharingorum Ducis filius, Episcopus Metensis Secul. XII.

Henricus I. Theodorici Loth. Ducis filius, Episcopus Tullensis Secul. XII.

Matthæus Matthæi Ducis Loth. filius, Tullensis Episcopus Secul. XII.

Joannes II. Lotharingiæ Dux ex Linea Sircensi, Episcopus Ultrajectensis Secul. XIII.

Carolus Loth. Dux, Episcopus Metensis, Argentoratensis & S. R. E. Cardinalis Secul. XVI.

Ludovicus IV. Renati Lotharingiæ Ducis filius, Episcopus Secul. XVI.

Joannes VII. frater germanus Ludovici IV. Episcopus Verdunensis eod. Secul.

Carolus Josephus haud ita pridem magno bonorum omnium dolore mortuus.

DUCES MERANIÆ.

Poppo I. Bertholdi IV. Ducis frater, Episcopus Bambergensis Secul. XII.

Erimbertus Bertholdi IV. Ducis Merani filius, Episcopus Bambergensis Secul. XIII.

Poppo II. Ottonis M. Ducis filius, Episcopus Bambergensis Secul. XIII.

DUCES, AUT SALTEM COMITES ANTIQUISSIMI EX WÜRTENBERGICORUM DUCUM STEM-

MATE NATI.

Bruno, electus Pontifex Romanus, & dictus S. Leo IX. Secul. XI.

Gebhardus Episcopus Eustadianus electus Pont. Rom. dictus Victor II. Secul. XI.

DUCES ZERINGENSES.

Gebhardus & Otto II. Episcopi Constantienses Secul. XII.

Rudolphus Episcopus Leodiensis, Secul. XII.

FAMILIÆ IN IMPERIO PRINCIPES RELIQUÆ ORD. ALPHABETI.

EX FAMILIA MARCHIONUM BADENSIIUM.

Georgius Marchio Badensis Episcopus Metensis Secul. XV.

Joannes II. Elector Trevirensis Secul. XV.

Jacobus II. Elector Trevirensis Successor Joannis Secul. XVI.

Fridericus Episcopus Ultrajectensis, Secul. XVI.

Gustavus Adolphus Princeps Abbas Fuldensis, Campidunensis, & tandem S. R. E. Card.

EX FAMILIA PRINCIPUM FÜRSTENBERGICORUM.

Conradus Egonis IX. Auracensis Comitis filius S. R. E., Card. Secul. XIII.

Geb-

& Episcoporum.

255

Gebhardus Egonis X. cognomento Barbati Comitis Frisingensis & Brisacensis filius, Episcopus Spirensis Seculo XIII.

Franciscus Egon, Egonis ex Linea Heiligenbergica filius Friderici nepos, Episcopus Argentoratensis Seculo XVII.

Wilhelmus Egon Francisci Egonis frater, Episcopus Argentoratensis, S. R. E. Card. & Coadjutor Moguntinus.

EX FAMILIA PRINCIPUM HOHENZOLLRANORUM.

Fridericus I. Eitel-Friderici II. filius, Episcopus Constantiensis Secul. XIII.

Fridericus III. cognomento Æpplin, Friderici VI. seu Nigri filius, Episcopus Constant. Secul. XV.

Fridericus inter Episcopos hujus nominis Augustæ III. ad initium Seculi XVI. Episcopus Augustanus.

EX FAMILIA PRINCIPUM NASSOVIÆ.

Hazego Nassovius, Wormatiensis Episcopus Secul. XI.

Gerlachus Nassoviæ Comes, Elector Moguntinus Secul. XIV.

Adolphus Nassovius, Elector Moguntinus Secul. XIV.

Joannes Nassovius, Elector Moguntinus Secul. XV.

EX FAMILIA PRINCIPUM ET COMITUM OETINGANORUM.

D. Notgerus Episcopus Leodiensis Secul. X.

Fridericus Episcopus Eustadianus Secul. XV.

EX FAMILIA PRINCIPUM SCHWARZENBURGICORUM.

Gerhardus Episcopus Herbipolensis & Naumburgensis Secul. XV.

Güntherus Archiepiscopus Magdeburgicus Secul. XV.

Henricus Archiepiscopus Bremenensis Secul. XV.

Ha-

Hactenus de solis Archiepiscopis & Episcopis ex multorum Virorum Principum in Romano Imperio prosapia prognatis catalogus perfunctoriâ operâ est collectus: moliminis namque magni opus non foret, multò plures quamprimum invenire, si quærendi animus non deesset. Profectò properè percurrenti Genealogicas Virorum in Imperio tabulas occurrunt passim præter nonnullos Romanos Pontifices, Archiepiscopi, Episcopi, & Principes Abbates magno numero. Quodsi jam addere luberet ingentem numerum Illustrissimorum Comitum & Baronum in solo Romano Imperio enatorum, quos vel in Archipræsules, vel quoscunque alios Ecclesiæ Præsules lapsis Seculis multis elegerunt: quodsi etiam volupe esset huc adducere generis splendore nobilissimos Antistites quosvis, qui floruerunt in Italia, Hispania, Gallia, Anglia, Scotia, Hibernia, Dania, Suecia, Polonia, Bohemia, Hungaria, & demum in Asia, Africa & America, tunc enimvero in admirationem sui raperet æquissimè Lectorem decus clarissimum & splendor lucidissimus, quem natalium nobilitas virtuti conjuncta generavit Romanæ Ecclesiæ. Nemini certè, nisi fortè obscurissimis faunis, potuit unquam displicere & ingens virtutis pretium, & nobilitatis decus eximium. Utrumque ardentissimè amari, utrumque maximi æstimari à se, fatetur Germanus, Anglus, Danus, Suecus &c, tametsi à Romano Dogmate sit alienissimus: iidem verò omnes virtutem simulque nobilitatem elegantiori & firmiori vinculo conjunctam nullibi in terrarum orbe citiùs invenient, quàm in Germana, Hispana, Gallicana &c, quæ omnes sunt Romanæ, atque adeò omnes una Ecclesiæ nobilissima.

REFLEXIO XV.

DE CÆLIBATV ARCHIEPISCOPORVM, EPI-
SCOPORUM &c, PRÆSERTIM GER-
MANORUM.

§. I.

Cum de Archiepiscoporum, Episcoporum & Clericorum virtutibus ac dotibus præclaris multa hæcenus dixerimus, non oportet omittere multa, quæ de eorundem Cælibatu dici poterunt. Mirè studuit Hübnerus eorum solerter neminisse Episcoporum, quos matrimonii vinculo ligatos fuisse vel verè existimat, vel vana suspicione permotus temere affirmat. Veritati testis sit Hübnerianus calamus, qui tom. VII. pag. 875. Floribertum Leodiensem Episcopum S. Huberti Successorem his paucis depinxit lineis : fuit Floribertus filius Huberti, qualem filium alii dicunt spiritualement, alii naturalem.

Tomul. VII. pag. 17. in Moguntina Histor. de Gervilione Archiepiscopo ita habet: *Gervilio legitimus Geroldi Archiepiscopi Moguntini & Antecessoris sui filius mortem parentis sui tanto desiderio ulcisci statuit, ut ipsemet adversus Saxones hostes in aciem descenderit.*

Eod. tomul. in Curienfium Episcoporum Serie hunc in modum scribit pag. 465. *Paschalis Episcopus natus est wigantii Comes: coniux huius Espeja nomine pariter e Comitum genere descendit. Inveniuntur antiquissimæ epistolæ, quibus etiam suum subscripsit nomen, & sese dixit Antistitam. Ex quo colligimus etiam Seculo VIII. Episcopos vixisse, qui D. Pauli monitum secuti, unam duxerunt uxorem.* Mox ita sequuntur alia:

Victor I. (Episcopus Curienfis) legitimus antecessoris sui filius sepultus est unà cum parentibus suis in Virginum monasterio Cazenfi.

Eod. tom. VII. pag. 837. & seqq. commendat Gebhardum Electorem Colonienfem, quòd Agnetem Comitem Mansfeldianam uxorem duxerit, & nihilominus Colonienfem Ecclesiam sibi servare laborârît geminæ sponsæ dissimillimæ unus sponsus.

K k

Lo-

Locis aliis pluribus affirmat, nullo autem argumento confirmat, Clericis licitum fuisse celebrare nuptias.

§. II.

Antequam his infirmis satisfiat narratiunculis, argumenta pro Archiepiscoporum, Episcoporum, & quod sequitur, Clericorum omnium in Romana Ecclesia à Sæculo I. usque ad hoc nostrum XVIII. Cælibatu constanti ac perpetuo juvat præmittere: hoc enim modo contraria juxta se posita elucescent magis.

ARGUMENTUM I.

Votò perpetuam Castitatem Deo promittentium valor omni tempore in Romana Ecclesia fuit maximus, eò quòd ab ejusdem Ecclesiæ exordio exempla ad sui imitationem plurimos raperint validissimè. De exemplis Christi Servatoris nostri, ejusdem magnæ Matris, simul & Apostolorum, præsertim D. Pauli, in Apostolatu non nubentium abundè constat omnibus. Verba Christi sunt Matth. 19. v. 10. 11. *Dicunt discipuli ejus: si ita est causa hominis cum uxore, non expedit nubere.* Qui dixit illis: *non omnes capiunt verbum istud, sed quibus datum est.* v. 12. *Sunt eunuchi, qui facti sunt ab hominibus: & sunt eunuchi, qui seipso castraverunt propter regnum celorum.* Luc. 14. v. 26. *Si quis venit ad me, & non odit patrem suum, & matrem, & uxorem, & filios, & fratres, adhuc autem animam suam, non potest meus esse discipulus.* Matth. 19. v. 21. *Si vis perfectus esse, vade, vende quæ habes, & da pauperibus, & habebis thesaurum in celo: & veni sequere me.* Ibidem v. 28. *Ecce nos reliquimus omnia, & secuti sumus te: quid ergo erit nobis?* Ibid. v. 29. *Omnis qui reliquerit domum, vel fratres, aut sorores, aut patrem, aut matrem, aut uxorem, &c, centuplum accipiet.*

Verba Magnæ Virginis & Matris Lucas 1. cap. habet v. 34. *Quomodo fiet istud, quoniam virum non cognoscat?* Paulus 1. Corinth. c. 7. à versu 25. ferè per totum caput reliquum ita disseruit: *De Virginibus autem præceptum Domini non habeo: consilium autem do.* v. 38. *clarissimè profertur: igitur & qui matrimonio jungit Virginem suam, bene facit, & qui non jungit.*

jungit, melius facit. Et demum in fine capitis : *beatior autem erit si sic permanseris secundum meum consilium: puto autem, quod & ego spiritum Dei habeam.*

His clarissimis exemplis & verbis divinisissimis persuasa firmissimè Ecclesia Romana, constanter tenuit, insistendum esse vestigiis castissimis Christi, Deiparæ & Apostolorum iis universis ac singulis, qui sponte sua eligunt statum Ecclesiasticum.

ARGUMENTUM II.

Quanto authoritatis robore præter allatos ex S. Codice textus nos Catholici contra quosvis Virginitatis hostes instructi sumus, lubeat ex Conciliis etiam intelligere :

Concilium itaque *Nicanum* I. Seculo IV. tempore D. Sylvestri celebratum Can. 3. prohibuit Episcopis, Presbyteris & Diaconis domi alere foeminam præter *matrem, sororem, amitam,*

Concilium *Romanum* sub eodem D. Sylvestro Pont. congregatum prorsus idem statuit. His accesserunt Concilia per orbem ferè universum habita; nimirum

Concilium *Ancyranum* ante XIII. Secula jam in Galatia collectum Can. 10. dicit, Diaconos, qui in ipsa ordinatione non protestantur, se velle uxorem habere, non posse post ordinationem eam ducere: si autem protestentur, posse ducere, quia tunc censetur Episcopus cum eis dispensasse.

Concilium *Neocæsariense*; paulò post *Ancyranum* in Cappadocia indictum Can. 1. inquit : *presbyter, si uxorem duxerit, ordine suo moveatur.*

Concilium *Carthaginense* II. an. 390. celebratum Can. 2. sic statuit : *omnibus placet, ut Episcopi, presbyteri, vel Diaconi, vel qui sacramenta contrahant, pudicitie custodes etiam ab uxore se abstineant, ut quod Apostoli docuerunt, & ipsa servavit antiquitas, nos quoque custodiamus.*

Concilium *Elibertinum* Seculo IV. circa annum 370. congregatum Can. 33. decrevit hunc in modum : *Placuit in totum prohibere Episcopis, Presbyteris, Diaconis ac Subdiaconis, abstinere se à conjugibus, & non generare filios: Similia habent Concilium Toletanum II. IV. & VII.*

Concilium Arelatense Seculo V. institutum Can. 1. eavit, *ne ullus conjugatus ad Sacerdotium assumatur, nisi continentiam ab uxore promiserit.* Prorsus similia statuerunt Concilia Turonense I. & II. Agathense & Aurelianense, cujus ultimi Can. 3. verba leges: *ut nullus Clericorum à Subdiacono & supra, propriæ, si fortè jam habeas, miscetur uxori.*

En Concilia Asiæ, Africæ, & maximæ partis in Europa, nimirum Italiæ, Hispaniæ, Galliæ & nostræ Germaniæ: id ipsum namque statuerunt, & pridem statutum esse agnoverunt Concilia Germanica Aquisgrani, Wormatiæ & Moguntiæ Seculo VIII. & IX. habita. Sanè Concilium Wormatiense ferè repetiit verba Concilii Elibertini: Can. enim 9. hoc modo decrevit: *placuit, ut Episcopi, Presbyteri, Diaconi & Subdiaconi abstineant sè ab uxoribus, & non generent filios.*

ARGUMENTUM III.

Conciliorum Testimoniis jungo antiquissimorum Pontificum Decreta:

D. Clemens enim Seculi I. quartus Ordine Pontifex Can. 27. hæc habet: *Innuptis autem, qui ad Clerum proveci sunt, præcipimus, ut si voluerint, uxores accipiant, sed lectores cantoresque tantummodo.*

D. Calixtus Seculi III. Pontifex secundus Dist. 27. apud Gratianum Canone Presbyteris hæc præcepit: *Presbyteris, Diaconis, Subdiaconis & Monachis concubinas habere, seu matrimonia contrahere, penitus interdiciamus.*

D. Siricius Seculi IV. Pont. ultimus in epistol. ad Himericum cap. 7. *prohibet cum uxore commercium iis, qui sunt in sacris, quod non negavit Calvinus ipse.* Non latent etiam nos præcepta

D. Innocentii I. Seculi V. Pontificis secundi,

D. Leonis I. ejusdem Seculi V. Pontificis septimi

D. Gregorii M. Seculi VI. Pontificis ultimi. Taceantur horum & multorum aliorum Pontificum verba, solius D. Leonis audiat sententia, quæ est ista: *omnium Sacerdotum tam excellens est electio, ut hæc, quæ in aliis membris ecclesiæ vacant à culpa, in illis tamen habeantur illicita. Cum enim extra Clericorum Ordinem constitutis nuptiarum societati & proco-*

procreationi filiorum studere sit liberum, ad exhibendam perfectæ continentie puritatem, nec Subdiaconis quidem carnale connubium conceditur, ut & qui habent, sint tanquam non habentes, & qui non habent, permaneant singulares & innupti: quod si in hoc ordine qui quartus extat a capite, dignum est custodiri, quantum magis in primo, vel in secundo, tertio servandum est, ne aut Levitico ministerio, aut Presbyterali honore, aut Episcopali excellentia quisquam idoneus existimetur, qui se à voluptate uxoria, necdum firmasse detegitur.

ARGUMENTUM IV.

Præceptis Pontificum accedant testimonia antiquissimorum Patrum.

Origines Homil. 2. 3. in librum Numeri: certum est, quia impeditur sacrificium indefinens iis, qui conjugalibus necessitatibus serviunt; unde videtur mihi, quoddam illius solius est offerre sacrificium, qui indefinenti & perpetuæ se devoverit castitati.

D. Epiphanius contra hæreses: Sanctum Sacerdotium ex Virginibus, ut plurimum, aut ex solitariis, aut si hi ad ministerium non suffecerint, de his qui se à propriis uxoribus continent, & si quis ab initio continens viduus fuerit, habere potest locum Episcopi, Presbyteri, Diaconi, Hypodiaconi.

D. Chrysostom. Homil. 2. de patientia Job: dixit unus uxoris virum, non ea ratione, ut id nunc in Ecclesia observetur: oportet enim omni prorsus castitate Sacerdotem ornatum esse.

D. Cyrillus Cathechesi 12. si, qui apud Iesum bene fungitur sacerdos, abstinere a muliere: ipse Iesus, quomodo ex viro, & muliere proditurus esset?

Oecumenius in cap. 3. epist. 1. ad Timoth. explicat verba D. Pauli notissima, nimirum: unus uxoris virum hac sua & ritè credentium omnium sententia: non statuit, ut ab uxore pendeat Episcopus, aut uxorem necessariò habeat, sed fit à mundanis, non sit saltem bigamus, ita tamen, ut vocatus ad Episcopii munus, illud compleat: quòd qui habent uxores, sint tanquam non habentes.

D. Hieronymus lib. in Vigilantium: quid facient Orientis Ecclesiæ? quid Aegypti & sedis Apostolicae, quæ aut virgines Clericos accipiunt, aut continent, aut si uxores habuerint, mariti esse desistunt.

Idem in fine Apologiæ pro libris contra Jovinianum: episcopi, Presbyteri, Diaconi, aut Virgines eliguntur, aut vidui, aut certe post Sacerdotium pudicici

D. Ambrosius lib. 1. de officiis cap. ult. *Inoffensum exhibendum & immaculatum ministerium, nec ullo conjugali coitu violandum cognoscitis, qui in segro corpore, incorrupto pudore, alieni etiam ab ipso consortio conjugali, sacri ministerii gratiam receperitis &c.*

D. Augustinus lib. 2. de adulterinis conjugii cap. 20. *solemus eis proponere continentiam Clericorum, qui plerumque ad eandem sarcinam subeundam capiuntur inviti, eamque susceptam usque ad debitum finem Domino adjuvante perducunt.*

Idem lib. de S. Virg. c. 21. *nos secundum scripturarum sanctarum fidem sanctamque doctrinam nec peccatum esse dicimus nuptiarum, & earum tamen bonum non solum infra Virginealem, verum etiam infra vidualem continentiam constitutum.* Satis sit adduxisse Patrum antiquissimorum & verba & exempla; non indigemus pluribus: non desit tamen uberior locus argumentis reliquis.

ARGUMENTUM V.

Plerorumque Heterodoxorum hoc nostro tempore constans est sententia, primis minimùm tribus aut quatuor Seculis post Servatoris nostri gloriosam ascensionem præceptis & consiliis divinis simulque Apostolicis Ecclesiam Romanam attendisse plurimum, conformasse doctrinam & mores, extitisse per eum temporis decursum Episcopos nostris etiam seculis imitatione dignissimos. Obtestor jam per Superos & inferos, Scriptores Heterodoxos, ut exhibeant tandem *absque erroris periculo* nomen ullius Romani Pontificis, ullius Archiepiscopi aut Episcopi per Italiam, Africam, Hispaniam, Galliam, Angliam, Germaniam &c, qui vel exemplo suo, vel alio testimonio publico Ecclesiæ probato docuerit, Clericis fuisse liberum, integrum & decorum in Latina præsertim Ecclesia uxorem ducere, ductam servare, more maritorum diligere.

ARGUMENTUM VI.

Demonstrant Hübneriani tomuli, per universum Romanum Imperium & hujus vicinas provincias sedisse Seculis XVII. par-

partim Episcoporum, partim Archiepiscoporum abundè magnam copiam: atqui ex hac magna Antistitum copia Hübnerus & socii observatores sedulissimi non, nisi paucissimos ausi sunt expresso nomine nobis obiicere Episcopos, quos asserunt, neutiquàm verò vel authoritatis vel alterius argumenti adminiculo ostendunt, matrimonii lege fuisse adstrictos: qualis inde fluat illatio, æquo rerum arbitro censendam relinquo.

ARGUMENTUM VII.

Sì ullo unquam tempore fuisset liberum, integrum, aut minus etiam decorum Sacerdotibus nubere, plurimi procul dubio Seculis primis & mediis vigente libertatis & licentiæ copia duxissent conjuges, quemadmodum videmus per duo jam Secula ministros Lutheranos & Calvinianos ambabus, ut ajunt, non solum manibus, sed brachiis totis ambire consortes thalami. De quibus tamen omnibus in utramque partem, cum adeò constet, ut prius omnino lateat, posterius pateat, noverint prudentes judicium ferre.

ARGUMENTUM VIII

Fingamus verò Sacerdotibus Romanis usque ad Nicolai I. vel Gregorii VII. ætatem integerrimum fuisse D. Pauli consilium sequi, vel matrimonio jungi. Fingamus denuò, non nisi dimidiam, aut fortè quartam eorundem classèm conjugii vinculis manus dedisse: hoc si finxerimus, oportebit ex veterum annalibus eruere, scribere & pingere non tantùm Archiepiscoporum & Episcoporum, sed & *Archiepiscoporum & Episcoporum Seriem*: (liceat obsecro loqui methodo Hübneriana) atque adeò haud difficilius fuisset Hübnero genealogiam earundem contexere, quàm difficile fuit plerorumque Imperatorum, Regum, Virorum Principum, harum conjugum, quin & multarum concubinarum lineas genealogicas solerterprehendere. Certè cum Hübnerus Gebhardi

hardi Electoris à Romana Ecclesia transgæ Agnetem Mansfeldianam & Paschalis Curiensis Episcopi Etopejam & genere & nomine tenus nullo fere negotio potuerit cognoscere, res facilis omnino fuisset plurima similium mulierum nomina, stirpes, filios & filias recensere, quemadmodum nimirum hodie non est difficile Martini Lutheri Catharinam de Bore conjugem qualemcunque & horum filios nominare.

ARGUMENTUM IX.

Minimè verentur dicere Latini, in Ecclesia Græca seculis postremis, non verò primis, fuisse integrum viris, qui primam duxissent conjugem, inter Viros Ecclesiasticos etiam suscepto Sacerdotio numerari: quodsi igitur paribus argumentis permoti intelligerent, in Ecclesia Latina non absimilem nubendi datam fuisse licentiam, cur obsecro erubescerent fateri, quod res esset? cùm Oecumenica Concilia ipsamet palàm confessà sint hæcenus, in Ecclesiæ potestate constanter fuisse, & esse hodie, Clericis nuptias non malè concedere, vel melius negare.

ARGUMENTUM X.

Docet Historia, dictat experientia, notum est lippis & tonforibus, ministris Ecclesiæ Eg. Lutheranis vicinis nostris rem oppidò difficilem reddi curis domesticis, nimirum uxore ipsa, filiis, filiabus, nepotibus, caterisque hæredibus apertis & occultis: has verò supervacaneas difficultates à Doctore gentium ritè notatas, ut maximam partem sublatas esse gauderet Romana Ecclesia, an non jure interdixit matrimonio iis, in quorum potestate & libertate est vel fugere vel accedere, eligere inter bonum & malum, inter bonum & melius? An non etiam in statu militari aut politico vel munus vel onus liberè in humeros susceptum, portandum est unà cum multarum difficultatum appendice? quamquam prudentum nemo dicit facilè, Clerico difficilior

cilius esse non nubere, quàm nubere, de ara tantùm, quàm de ara simul & Sara sollicitum esse, præsertim si nascatur brevi nec à Deo promissus Isaac, nec optatus Ismael.

ARGUMENTUM XI.

Affirmat equidem Hübnerus, D. Bonifacium severitate maxima animadvertisse Seculo VIII. in Parochos uxoribus alligatos. Is ipse refert, Suecorum saltem Sacerdotibus aliquo tempore vel concessum, vel permissum esse conjugii vinculum. Verùm similes levis armaturæ milites nullo labore repelluntur tum armis Hübnerianis, tum nostris: Hübnerus namque iisdem paginis confitetur, non modò Sacerdotibus Clericis, sed etiam Religiosis non paucis volupe fuisse non tantùm simplici, sed & multiplici adhærere mulieri: igitur vel arcus Hübnerianus est sine nervo, vel ita scopum attingit, ut evincat, Religiosis etiam viris nuptias fuisse concessas, & simul his aut aliis Sacerdotibus polygamiam non fuisse vetitam: Bonifacius enim *omnia in omnibus* Sacerdotibus, Diaconis & Subdiaconis carnis vitia detestatus est, & repetitis Pontificiis præceptis è medio sustulit: ex D. Bonifacii igitur odio, vel injuncto Clericis non nubendi præcepto nihil favoris aut valoris sperare sibi potuit Hübnerus. Multa sanè vetantur vitia annis à nato Christo fermè singulis, quæ nullo unquam ævo fuère licita, quod quàm de adulteriis Eg. non ambiguum sit, nemo ambigit. Cæterùm de nubendi licentia primis Suecorum Sacerdotibus data, ut vel modicè constaret, ampliùs optandum est. Verumenimvero quidquid demum contigisse inter Suecos vel referat Historia, vel fingat Hübneriana fabula, parùm aut omnino nihil refert: jam enim memoravimus, ab aliquot Seculis Græcorum Sacerdotibus licuisse nuptias celebrare ante susceptos Ordines. Simile beneficium, vel ut dicam meliùs, carnis illicitum si permisisset Ecclesia, minimè foret vituperanda; nisi fortè ipsum Supremum Numen ob hoc vitupe-

ARGUMENTUM XII.

Tandem propositis nostris argumentis jure desideramus iterum iterumque authorum legitimorum eorumque maximè veterum tabulas & monumenta, quibus ob oculos ponant nobis amici Hübneriani, ullo unquam per XVII. Secula tempore Sacerdotibus Germanis licuisse nuptias impunè contrahere: de pœnis enim & mandatis Ecclesiasticis à Seculo VII. crebrò repetitis, ipse creberrimè dicit testimonium Hübnerus in tomulis suis contra se & suos testis validissimus. De prioribus autem Seculis tot, ut vidimus, tot sunt inquam castissimorum Archiepiscoporum, Episcoporum, Præsulam, & minorum Sacerdotum exempla, verba & monumenta, ut sua multitudine & robore penitus elidant, enervent & absument quasvis adversariorum narratiunculas anilibus fabulis simillimas. Opponat jam, per me licet, Hübnerus etiam hoc loco, haud paucos fortè ex Pontificibus quoque Romanis usos esse prorsus illicito carnis commercio; quid tum postea? An Iscariotes mæchus, an magus, an fur fuerit, parùm interest, fuit nihilominus Christi discipulus, Apostolus minister Ecclesiæ. Vitia igitur tam parùm obesse possunt legitimæ Pontificum potestati, quàm parùm obesse novimus legitimæ Imperatorum Regum, aut aliorum virorum Principum authoritati. Nega si potes, quisquis audacter negare consuevisti, & tum quid firmum validumque in orbe terrarum dici queat, haud amplius invenio. Habeant jam, quod tantopere desiderant Hederodoxi, fuerint pauci ex Romanorum Pontificum longissima Serie carnis vitio assueti, tum verò dent etiam nobis, quod magnopere exoptamus, videlicet paucos saltem ex eadem Pontificum Serie, matrimonii vinculo ligatos: at votis nostris minimè damnamur: Hübnerus enim
 fin-

singulorum Pontificum solertissimus observator, & plurimorum criminator de solo Hormisda ausus est dicere, hunc connubii legem junxisse Pontificatui, atque adeò genuisse patrem Pontificem, genitum esse filium non minùs Pontificem. Verùm quàm vanè, quàm fictè sit ausus asserere, videatur Series Pontificum Friburgi in lucem edita.

Jam verò Gervilionis Archiepiscopi Moguntini & Pascalis Episcopi Curiensis exempla Hübneriana, quem Lectorum, obsecro, à communi tramite absterreant; aut in semitam nobis adversam abripiant. Vera enim vel falsa dicant adversarii, nec pilum nec hilum tamen inde lucrantur: fingamus, vel liberalitate maxima concedamus reipsa evenisse, ut Archiepiscopus & Episcopus suam duxerit uxorem, & tum sequitur planissimè, quòd uterque à rectissima Antistitum reliquorum omnium via aberrârît longissimè more ovium perditarum, aut potiùs more pastorum, quos ajunt lupos.

REFLEXIO XVI.

DE COELIBATV ET MORIBVS CLERICORUM ANTIQUORUM PRÆSERTIM GERMANORUM.

QUoniam Hübnerus variis iisque multis paginis Clericorum præcipuè antiquòrum mores parùm honorifico pingere penicillo, aut describere calamo non est veritus adeò, ut miraculi aut monstri instar eidem visum sit invenisse *Parochum* in Divorum catalogum ritè adscriptum: hac de causa oportet etiam quæpiam opponere de statu Clericorum Episcopis minorum. Priusquam verò pro horum, præcipuè verò Parochorum causa justissima dicere aggredior, pauca præmit-

to, quæ observanda priùs & præmittenda dedit cum sociis Hübnerus : meminisse itaque juvat

I. Hübnerum cum aſſectis in eo totum eſſe , ut vel ſuâ Hiſtoriâ evincat , vel pridem evictum credi jubeat , Clericis non minùs quàm laicis licuiſſe uxores ducere.

II. Hanc ob cauſam iniquis præceptis inſtituiſſe , & pœniſuiſſe D. Nicolaum I. Gregorium VII. aliòſque Pontifices Romanos , ut Sacerdotes à contrahendis nuptiis procul arcerent.

III. Non minùs malè , imò pejùs egiſſe in Germania D. Bonifacium , quòd totis viribus in id unum incubuerit , ut ſuas Parochis adimeret uxores.

IV. E contrario Henricum IV. Imperatorem juſtiſſimè contraveniſſe Gregorii VII. præceptis & pœnis , concedendo ſuas Clericis conjuges. Legat hac ſuper re cuicunque placuerit, Hübneri tomulum I. III. VII. & VIII. in quibus multoties repetit data hîc compendio.

His præmiſſis delectat ex Hübnero quærere : vel tulit antiqua Eccleſia legem , qua Sacerdotibus negandæ erant nuptiæ , vel veriùs legis non meminit ? Horum prius ſi aſſerat cum ſociis Hübnerus , tunc hercle ruit pars nimium magna de tomulis Hübnerianis , in quibus propugnavit , veluti pro aris & focis pugnaret , miniſtrorum in Dei Eccleſia nuptias , uxores , filios filiasque ut vocat creberrimè , *legitimas*. Sin poſteriùs affirmet , tunc nefas non fuit Clericis conjugem unam , & hac mortua ſecundam , & deinceps tertiam cum ancillis domi alere , amare & liberos ſuſcipere. At enimvero ſic denuò pars abundè magna de Hübnerianis argumentis evaneſcit : argumenta quippe , quibus Sacerdotum mores convellit sæpe , ſunt ea maximè , quibus intendit docere , Sacerdotes Parochos noſtros teneriùs dilexiſſe ſponſas profanas , quàm ſacras ; liberis generandis majorè navâſſe operam , quàm libris legendis ; paucis multa : inter curas domeſticas & uxorias illecebras parùm curâſſe animas &c.

Haſce

Hæc verò illecebras & curas maritorum more domesticas si lex nulla vetuerit, nec hodie Lutherana Religio suis ministris interdixit vellet, non capio, cur usque adeò Hübneriani libri reprehendant liberum quorundam Sacerdotum cum uxoribus suis olim commercium & studium domesticum: conjugia namque è vestigio sequuntur multa commercia à Gentium Doctore pluribus descripta. *Qui sine uxore est, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & divisus est.* Corinth. 7. Hæc ad hominem, cui ut multa fingendi amore permittamus, fingamus tantisper per varia Secula non nisi à paucioribus Clericis Venerem & quosvis vitorum deos fuisse victos triumphatósque, quid tum postea? an ob pravos multorum etiam Sacerdotum mores ruit continuò Romanum ædificium? minimè gentium: abusus namque neutiquam tollant usum, & vitia reddant nequaquam ejus authoris doctrinam vitiosam, cujus essentia, uti cum Theologis loquimur, ipsissima est virtus. Hæc nisi capiant adversarii, de Ecclesia Testamenti Veteris pauca oportet dicere. Suos nimirum passi sunt manes cum Pontificibus Testamenti Veteris Duces, Reges, Judices: quin & Patriarcharum ac Prophetarum nonnulli: in vitiosissimorum hostium manibus erant Arca fœderis, & multo tempore universa Hebræorum Ecclesia: nec tamen Ecclesia, nec Arca de suo pretio amittere quicquam. Obsecro fingat Hübnerus, aut fingant amici Hübneriani fuisse aliquo tempore Lutheranis placitis haud imèritò magnum pretium; si pravi mores ministrorum aut Virorum Principum hoc quaecunque diminuunt, aut tollunt omnino pretium, actum est de Lutherana Ecclesia. Testor Historiam publicam; testor quotidianos rumores & famam minimè dubiam: testor confessiones Lutheranorum & Calvinianorum publicas, quibus præter suorum partim Ecclesiasticorum, partim Politicorum Ministrorum infirmitatem maximam, utinam non etiam Principum consiteri cogentur nævos & errores.

Hucusque profectò multa dissimulavi atque permittenda putavi, quæ deinceps permittam nuspiam & nunquam: probatos enim maximè doctrinâ, virtute multiplici, imò virtutum sanctitate clarissimos, & maxima veneratione dignissimos Parochos aliòsque Clericos plurimos ex antiquissimo; medio & ultimo Ecclesiæ statu, ex Hübnerò ipso, sed sui denuo oblito ostendere, est perquam jucundum, suave ac facile: meminit enim

I. Ipse Hübnerus præsertim tomulo suo VII. & VIII. per sepe ab Archiepiscopis & Episcopis à Seculo Reparatae Salutis VIII. nunc Wormatiæ, nunc Moguntiæ, nunc Coloniae, nunc aliis in Germaniæ urbibus celebrata esse Concilia, ut emendarentur non paucorum Sacerdotum mores & sacra. An non illi saltem probatis fuerunt moribus, qui authores & adjuutores extiterunt horum Conciliorum?

II. Meminit, Episcopos ex Germania etiam multos unà cum Clericis longissimarum viarum sociis in Palæstinam venisse, ut venerentur in suis vestigiis & monumentis posteritati relictis Servatorem suum unicè dilectum. An non horum saltem pars major aut magna promerita est multis celebrari laudibus?

III. Afferit, plenos animarum zelo & charitatis ardore incensos contendisse Apostolorum more *cum sociis Sacerdotibus* ad convertendos Frisones S. Bonifacium; ad Danos, Suecos & Polonos S. Ansgarium & S. Rembertum; ad Bohemos & Moravos S. Adalbertum; ad Brandeburgicos & Pomeranos S. Ottonem; ad Magdeburgicos S. Suibertum; ad Norvvegos S. Olaum; ad Westphalos S. Ludgerum &c. An non horum plerique saltem inter laudatissimos Apostolorum æmulos sunt numerandi?

IV. Refert, ex universis per Germaniam Archiepiscopis & Episcopis, si ipsi non venerint in provincias à se dissitas, non paucos sedulò curasse, ut mitterentur idonei viri ex Clericorum statu

statu, ad erudiendas primò, vel plenius instruendas infidelium turmas. An non suus hos maneat honos ?

V. Affirmat, universam denique Germaniam à Seculo VII. VIII. & IX. usque ad X. aut XI. Romanis accessisse sacris, abdicata esse fœminarum consortia; Clericos Romano jugo esse subiectos. An non reformatio hæc jure placeat ?

VI. Cum honore & laude refert, institutas esse & ordinatas per Occidentales præsertim & Septentrionales partes, dioceses novas unà cum paræciis diversissimis : ipsos vicatim venisse Episcopos, ut sacerdotum subditorum coram arbitri & censores observarent statum. An possit Hübnerus vituperare Clericos, quos paulò antè laudavit ?

VII. Confirmat suo suffragio, quamvis schismata inter Pontifices & Imperatores præcipue Francos natione & Suevos oborta, multis repleverint malis Ecclesiam & Imperium; inter adversitates nihilominus maximas Archiepiscopos & Episcopos plerosque cum subditis Clericis Pontifici Romano constantissimè adhæsisse, contemptis quibusvis rerum temporalium periculis. Quis tales tantosque Clericos jure reprehendat ?

VIII. Assert Hübnerus ipse Archipræsules cum Episcopis ex Clericorum statu electis à Seculo VI. ad hanc æram usque ætatem nostram profectò multos partim generis splendore, partim scientiarum peritiâ, partim morum probitate, partim virtutum sanctitate, partim miraculorum claritate plurimum conspicuos; argumento sit triplex Archiepiscoporum nostrorum Series & Reflexiones superius allatæ. An saltem hos encomiis extollere non pergat Hübnerus Clericos & Parochos maximos ?

IX. In Serie Romanorum Pontificum tametsi Hübnerus industria singulari conquiescit omnes omnium ferè nævos per Sæcula singula; iisdem tamen Sæculis in comparatione meliorum, imò optimorum simulque multorum Pontificum ex Clericorum statu electorum invenit admodum paucos, quos invitâ minervâ
verius

verius voluit, quàm jure potuit reprehendere, & Lectori exosos reddere. Optatam igitur extollendi Clericos nostros obtulit ansam Hübnerus licet maximè invitus.

X. Veniant jam nobis Parochorum clarissimorum nomina, ut ex paucorum exemplis appareat, quales quantique fuerint plurimi, quos sua quæque novitas, & eos posteritati licet facile intelligere ex multorum authorum libris, ac fortè etiam ex hoc præfenti libello. Argumenti instar eadem præclara nomina erunt nobis ob id etiam, quòd Hübnerus ipse eorundem aliquot suo more laudârit:

**EX DIVORVM CLERICORVM MAXIMO
NUMERO NONNULLA NOMINA OR-
DINE ALPHABETHI.**

- S. Albanus Epilepticorum solatium *disu.*
- S. Aquilinus peste laborantium salus.
- S. Batho famelicorum nutritius.
- S. Burchardus claudorum baculus.
- S. Eulogius Verbi Divini seminator zelosus,
- S. Felix suppressæ veritatis defensor.
- S. Florinus indefessi pastoris cætypon.
- S. Gamelbertus Propheta sanctus.
- S. Gisilarius Cathechista sedulus.
- S. Goar adversus detractores Patronus.
- S. Guilielmus vocatus à Deo Sacerdos.
- B. Hieronymus Simon Passionis Dominicæ cultor.
- S. Joannes Nepomucenus silentii custos & justii honoris defensor.
- Ven. Joannes Sarcander Martyr invictus.
- S. Jvo pauperum advocatus.
- S. Præcordius in provocandis pluviis alter Elias.
- S. Tosso cereus nunquam deficiens.
- S. Trudo Hasbaniorum Apostolus.

- S. Valentinus veritatis Christianæ zelotes.
 S. Wolfoldus contra calculum Patronus.
 S. Wonedulffus claudorum & cæcorum Adjutor.

Hos paucos ex multis colligere veluti in fasciculum florum placuit, ut virtutum multarum odorem olfaciendum darem Lectoribus Orthodoxis & Heterodoxis.

En! amicissime Lector argumenta decem ab ipsismet Clericorum nostrorum reprehensoribus in Hübneri tomulis ipsomet authore errorem suum non notante sparsim conscripta, & causæ melioris partibus relicta, ex quibus rem persunctiorè etiam consideranti facile patebit, partem Clericorum sanè magnam Seculis non modò à morte Servatoris nostri proximis, sed & omnibus reliquis constitissè sibi plurimùm in mun. r Apostolico ritè obeundo. Quod ipsum quàm egregiè, præsertim à Tridentini Concilii ætate præstetur à Pontificibus Romanis tanquam Supremis Ecclesiæ Parochis, item à Patriarchis, Primatibus, Archiepiscopis, Episcopis, Præsulibus minoribus, & Parochis plurimis omni virtutum & scientiarum genere celeberrimis, minimè opusest, ut pluribus scribat calamus, dum orbis Catholicus loquitur universus. Si igitur, veluti crebrò contendit Hübnerus cum sociis, fuit plurimorum Sacerdotum crassa ignorantia, legum divinarum ac humanarum libera transgressio, Veneris & Bacchi connubia perpetua &c, quæ vocat deficientis Ecclesiæ Romanæ argumenta; tunc considerent etiam atque etiam æquissimi rerum arbitri, an non hæc ipsa fuerint invalescentis, & instar lolii inter vepres crescentis Lutheranae Religionis nutrimenta & augmenta ac prima fundamenta: considerent pariter, an si hodie cum sociis venirent, veluti venerunt Calvinus, Lutherus, Zvvinglius &c, an putas his locum concederent Parochi plurimi Romani, natione Germani literis, moribus & virtutibus instructissimi simulque præstantissimi, quales ac quantos nimirum ante aliquot Secula multo tempore exoptârunt boni.

omnes sibi & expectârunt, non tamen impetrârunt, atque adeo ovium instar ex defectu pastorum & pabuli melioris ad deteriora pascua declinârunt plurimi, haudquaquam declinaturi hodie, si res foret integra. Argumento sint Reges, Duces, Viri fœminæque Principes per Europam maximè, ad Orthodoxa Sacra reduces unâ cum multis mortalium resipiscientium millibus.

Leg. Seriem Rom. Pont. Imperatorum, & reductorum passim nomina multa.

REFLEXIO XVII.

AN CONSULTIVS FVERIT ADHÆRERE ALBERTO ELECTORI MOGUNTINO IN FIDE ROMANA FIRMISSIMO, AN VERO IOANNI FRIDERICO ELECTORI SAXONICO LUTHERI PLACITA AMPLECTENTI.

Quantæ turbæ in Ecclesia & Imperio Germanico secutæ fuerint duobus abhinc Seculis vel ob id maximè, quòd Albertus natus Marchio Brandenburgicus, electus dein Magdeburgicus Arhipræful, & Moguntia Elector, posthabito Luthero Joannem Tezelium ex Ordine Prædicatorum Virum doctissimum sibi delegerit ad promulgandas Jubilæi indulgentias, non inter doctos duntaxat, sed in vulgus etiam est notissimum. In illo maximo rerum discrimine Tezelius Alberto Electori tanquam petrae institit & adhæsit firmissimè: Lutherus ut & ipse inniteretur columnis, providit sibi de Viris Principibus, præsertim verò de Joanne Friderico Electore. Anigitur Albertus, an Fridericus, an Tezelius, an Lutherus ex prudentiæ regula egerit magis, jam paucis est discutiendum.

I. Albertus eligendo sibi in promulgatorem indulgentiarum Joannem Tezelium jure suo usus, nullius jus læsit: Fridericus Lutherum electo Joanni summopere invidentem nullo jure, aut saltem maximâ Alberti offensâ, sibi propugnandum suscepit.

II. Alber-

II. Albertus ut motos componeret fluctus, testibus epistolis etiam ad Lutherum datis, rem totam suaviter discutiendam esse docuit. Fridericus suadente Luthero turbas amavit, & turmas armavit.

III. Albertus ut de fide controversias identidem excitari magis advertit, in causis Ecclesiasticis ad Pontificem, in Politicis ad Cæsarem confugit: Fridericus urgente Luthero, & Pontificis, & Cæsaris sententias si non despexit, minimùm neglexit.

IV. Albertus ex communi bonorum omnium consilio Tridenti celebrandum esse Oecumenicum Concilium esse & ipse censuit: ejusdem consilii primò, sed non postremò fuit Fridericus.

V. Albertus ut staret promissis, & Ecclesiæ bono communi prodesset plurimùm, præsens Concilio adesse studuit: Fridericus parùm promissi, aut propositi sui tenax, nec ad Concilium venit, nec legatos misit.

VI. Albertus Concilii Canones, consilia & sententias examussim est secutus: Fridericus privatorum Doctorum inter se parùm convenientium mentem est secutus.

VII. Albertus in Imperii Comitibus constanter præsens verbo & opere prodesse Reipublicæ firmiter secum constituit: Fridericus unà cum sociis multa clam egit & comitia turbavit.

VIII. Albertus instar angeli pacis omni tempore bella dissuasit; obedientiam & reverentiam exhibendam esse & Pontifici & Imperatori perseveranter dixit: Fridericus clam agitat de gerendo bello consiliis in apertos denique campos exercitum adversus Ecclesiam & Imperium eduxit.

IX. Albertus decorem domûs Dei constanter diligendum optimè ratus, Ecclesiæ thesauros sanctè custodiri imperavit: Fridericus, aut hujus multiplex socius ablatis ex Ecclesia auro, argento & omni pretiosa suppellectile vacuas Deo ædes sine cul-

tu, sine decore, pecorum stabulis non multum ab similes reliquit teste hodiernâ experientiâ.

X. Albertus antiquissimæ Ecclesiæ mores & præcepta ritè edoctus, nunc jejunandum, nunc à comedendis carnibus abstinendum, nunc Sacerdotibus ad aram facientibus attendendum, nunc de peccatis, ut vocamus, mortalibus, secundum numerum & speciem Sacerdoti confitendum; nunc juxta D. Doctoris gentium doctrinam, corpus castigandum & servituti subjiciendum; Clericis verò universis ac singulis à conjugii vinculo fugiendum &c. verbò, leges, licet sint difficiliores, in Ecclesia esse conservandas, & sanctè custodiendas unà cum maxima orbis parte Catholica censuit: Fridericus cum minori longè opinantium grege faciliora & periculosiora omnia arripuit.

XI. Albertus malis bellorum plurimis obrutus, inexpugnabilem & invictissimum se ostendit: Fridericus victus & captus à Cæsare, ut victori victas denique daret manus, cælum monere & mandare est visum: sed monuit non audientem, mandavit renuenti, an constantius, an pertinacius, Fridericus jam didicerit.

XII. Albertus Ecclesiam Romanam à veritatis tramite aberrasse, quod affirmarunt Lutherani, haud bene doceri, minus ostendi argumentis, minimè demonstrari asseruit: Fridericus nimium facilis ad credendum incredulis absque solido fundamento dixit: *Ecclesia in multis erravit, reformatione opus est.*

XIII. Albertus usurpans sibi sententiam illam hodiernis Protestantibus communissimam: moriendum est in Religione illa, in qua nati sumus, nisi ratio luce meridiana clarior mutationem suadeat: Fridericus rerum gravissimarum momentis in utramque partem satis haudquaquam perpensis & consideratis, januam latissimam placitis novis & sacris an non temere aperuit?

XIV. Albertus ea virtute & felicitate vixit tandemque factis concessit, ut vivo & mortuo multas dixerint laudes non modò

dò Orthodoxi, sed & Heterodoxi, convicti Albertinis virtutibus: an ita evenit Friderico?

XV. Albertus ea virtute & felicitate vivens ac moriens præcessit exemplo Viros in Imperio Principes, ut ejusdem vestigiis pedem figere relicta Friderici via gavisi sint hæcenus multi; veluti demonstrat reductorum Principum numerus. An (edite obsecro) à multis omnino lustris nactus est sectatorem Virum in Imperio Principem Fridericus?

Statue igitur amice Lector, an Joannes Tezelius Albertum, an Martinus Lutherus Fridericum secutus sit tutius. Statue pariter, an Albertus in stadio Romano felicius ad metam usque currere perseveraverit, quam Fridericus currere cœperit, cursum tamen non consummaverit Elector meliori via, duce, doctore faniori dignissimus, si Superis placuisset, aut placere amplius stuidisset.

REFLEXIO XVIII.

UTRUM IMPERIO PROSINT MINUS VIRI PRINCIPES
ECCLESIASTICI, QUAM SECULARES.

Plurimum interest Europæ nostræ Romanum Imperium in statu constitutum esse optimo; huc tendunt bonorum omnium vota ac desideria; huc collimat Bulla Aurea Reipublicæ Germanicæ publica Regula, quæ eos Imperatori requirit ac desiderat adjuutores, ut tanquam columnis insistere possit ædificium Imperii firmissimum, aut veluti membris ritè dispositis & compositis Caput Supremum Cæsar. Non defuerunt elapsis Seculis hostes multi, qui Electoribus in Imperio tribus Ecclesiasticis, Archiepiscopis reliquis, Episcopis & Præsulibus aliis omnem dignitatis gradum, & quamlibet bonorum temporalium possessionem jure invidendam, quin occasione quavis diripiendam esse existimârunt, eo etiam persuasi argumento

M m 3

falla-

fallacissimo, quòd minimè è re Germanici Imperii sit Principes Ecclesiasticos tanto numero intueri ac venerari. Num ita res habeat, nunc paucis considerandum. Imperatori ut integrum, planum, facile & expeditum sit pro potestate ac majestate sua quovis tempore imperare, virum & aurum dare, consiliis & auxiliis, præsertim si necessitas postulet, succurrere, nequaquam graventur Status Imperii. Respiciamus jam præterlapia ab institutione Electorum & aliorum Virorum Principum Secula omnia, an Ordines Ecclesiastici, an ab his diversi suo tempore expeditius jure poscenti auxilia Cæsari obediverint. Nisi odium pareret multorum singularia nomina & auxilia memorare, res continuò pateret, & discrimen appareret. Absit verò à nobis remotissimè cujusunque demum Viri Principis nomen adducere, vel famam in discrimen vocare: exempla multis communia veluti per tenebras respexisse sufficiat. Probè autem meminisse juvat, inter eos intestinos Imperii hostes veriùs, quàm amicos, & rarò, & non nisi paucissimos numeratos fuisse Viros Principes Ecclesiasticos, si tamen excipias Henrici IV. Friderici II. Adolphi aliorumque Imperatorum iniquissima tempora, quibus eosdem Imperatores omni dignitate ac potestate Imperii exuendos esse judicârunt denique Status in Imperio ferè singuli & universi; atque adeò nemini vitio vertendum fuit, partes talium Imperatorum deseruisse. Si verò imperârunt Imperatores ab his maximè diversi, hoc est supremo solio & sceptro dignissimi, tunc oculis intueri licuit nunc militum copias, nunc aurum belli nervum, nunc auxilia alia Cæsari ab Ecclesiasticis Ordinibus omni tempore longè expeditius, quàm ab aliquot Imperii Civibus subministrari. Dum multa hic silens prætereo, non silendum est, quòd Ecclesiasticorum Statuum sit illa virtus maximè propria, qua consueverunt cives suos non nimium gravibus onerare tributis, non indulgere luxui, rem oppidò curare domesticam, prospicere tempori, consulere futuris tempestatibus, pau-

paucis accipe multa, providè rem agere, ut in omnibus agatur prosperè. Non fugit Imperatores, Reges, Duces & milites multos Principum Ecclesiasticorum ac in Monasteriis Præfulum solertia, cura domestica, & res Oeconomica; unde non rarò in angustiis nunc petièrunt, nunc armatis precibus postulârunt suppetias aureas. Sileo hìc denuò multa, ne vel eminusetiam detur offensæ locus. Hæc pauca proinde pro Ecclesiasticorum in Imperio Statuum honore debito dixisse satis: plura animo vovere, oculis in Historia publica legere, & calamo scribere relinquamus aliis.

REFLEXIO XIX.

AN LVTHERANI SCRIPTORES CITRA
PRÆJUDICIUM SUI SCRIBERE POSSINT
HISTORIAS RELIGIONIS CAUSA CREBRO
PERMIXTAS.

Postquam Lutheranorum Historicorum libros non paucos volvi & revolvi, legi ac relegi, antecedentia & consequentia, majora & minora, Ecclesiastica & Politica, quo ordine aut methodo sibimet respondeant, consideravi, dubitare mecum non vanè occepi, num Lutheranæ fidei aut religionis author quispiam absque aperta verborum & sententiarum, atque in fide etiam articulorum repugnantia calamum instar gladii possit stringere, simulque in hostem dirigere sine proprio vulnere. Nec multo hìc, nec magno labore opus erat, ut ipsa planissima veritas sese insinuaret, negans ac pernegans, ritè fieri posse, ut Scriptor hodiernus Lutherò Eg. addictus Viro- rum in Imperio Principum Historiam conscribat, nisi manu altera ædificet, altera destruat; vel profectò non nisi nominum & annorum jejunam Seriem confarcinet, quod Historicum commendat minimè. Multorum loco & exemplorum instar veniant nobis

nobis Hübneriani tomuli Germanorum plurimis non ignoti, Tomuli hi universi Historiam partim Ecclesiasticam, partim Politicam complexi, qua verborum concordia & sententiarum constantia sibi met respondeant in Serie Romanorum Pontificum, Imperatorum & nunc Ecclesiasticorum Electorum, multis in locisprehendimus & manu palpavimus. E.g.

In Serie Romanorum Pontificum omiſſis miraculis & laudatissimis factis sola propemodum recenset nomina & vitia, quæ ullo unquam tempore evenisse limati ingenii authores & Lectores Lutherani ne opinantur quidem: in tomulis autem aliis amplissimum concedit locum Archiepiscoporum, Episcoporum factis egregiis, Regum, Ducum ac aliorum Virorum foeminarumque ad Romanas aras conversionibus prodigiis &c.

In eadem Pontificum Serie antiquæ Religionis seu Fidei lumen vel Seculo III. aut IV. aut certe his proximo absconditum, modii aut scamni tenebris concreditum esse fidenter asserit; Pontificis Romani auctoritatem in Episcopos alios, in Principes Politicos pernegat, ridet, contemnit: in tomulis aliis Eg. VII. & VIII. uti memoriâ probe tenemus, est sibi met contrarius.

In tomulo I. laudat Lotharium II. quod Sacerdotibus ad aram facientibus summo mane per unam alteramve horam adesse firmiter statuerit: in tomulis verò aliis eos maximè commendat, qui Catholicorum sacris adesse recusarunt.

In Serie Imperatorum, Regum ac Ducum diffitetur neutiquam, patris multis etiam Seculo VII. VIII. IX. & X miraculis plantatam & propagatam esse Ecclesiam: in Serie autem eadem, aut non multum diversa eradicatam ferè esse ritè credentium Religionem affirmat.

In tomulorum suorum partibus variis, ubi Religio Catholica & Lutherana veluti in arena sibi occurrunt hostes, signa cœlestia facili negotio pro se suisque admittit: at verò in partibus aliis eadem pro Romanis asserta extenuat, somnia vocat aut fabulas.

In

In tomulis VII. VIII. & aliis Divorum Evergetum apparitiones, auxilia prompta & solatia commemorat: at in tomulis iisdem, vel aliis honorem perexiguum Divorum choris admittit, negata penitus eorundem invocatione. Taceo res multas alias, quæ Historiæ concordiam maximopere desiderant. Et sanè argumentis pluribus ostendere non est difficile, Historias ab Heterodoxis scriptas aut scribendas, si de Religione, more sibi jam consueto non cessent multa sparsim inferere capita, absque narrationum discordia & pugna propria consistere vix posse: Historicis enim Lutheranam Ecclesiam propugnantibus incumbit

I. Palàm facere, Ecclesiam Romanam primis Seculis Deo dilectam ex visibili, ut ajunt ipsi, transiisse in invisibilem. Incumbit

II. In causâ hac omnium gravissima argumentis non vero similibus duntaxat, sed certis, & luce meridiana clarioribus demonstrare, Romanam Ecclesiam aliquo tempore integram, fuisse verè corruptam.

III. Coguntur exhibere, quo anno aut Seculo tantam metamorphosin passa sit Romana Ecclesia.

IV. Adiguntur edicere, quis aut quæ demum causâ tantæ eclipsis in Ecclesia extiterit. Hinc si reponant, Romanos Pontifices tanti mali originem fuisse; tunc enimvero

V. Obligantur testimoniis declarare, Eg. Gregorium M. vel Bonifacium III. vel alium horum Successorem in Dogmate saltem aliquo certè errasse, & in errorem traxisse pene infinitos alios mortalium miseros.

VI. Tenentur historiâ suâ edocere Judicem, qua ratione urbes & orbis ferè universus, vel simul, vel sensim sine sensu derelicto Deo Romano Pontifici jam non vera, sed fallax Ecclesia pertinaciùs quàm firmiùs adhærere cœperit.

VII. Jubentur patefacere, cur Ecclesia per plurimorum annorum centurias omnino extingui non queat, si possit per multa omnino secula abscondi, vel in paucis duntaxat capitibus, iisque confertissimæ hominum multitudini penitus ignotis conservari.

VIII. Docere ipsorum est, cur cælorum, ut vocamus, janua omnino non possit seris firmissimis concludi per dena Seacula, si tam multis Seculis nemini ferè pateat (nam non nisi ritè credentibus patet) Ecclesia, quæ dicitur verè *Porta celi*.

IX. Oportet manifestare, textus S. Codicis, qui communissimè in medium afferuntur pro Ecclesia perpetuò visibili, in diverso longissimè sensu procul dubio esse accipiendos, quàm nunc à Romana accipiuntur Ecclesia.

X. Ipsos decet defendere, in sacris paginis patere textus alios, quibus demonstrentur tempora, aut locus, aut modus Ecclesiæ veluti sub terris absconditæ.

XI. Demonstrandum est Romanæ Ecclesiæ hostibus tam Græcorum, quàm Latinorum Patrum testimonia & Historicorum Historiam pro Ecclesiæ nostræ perpetua visibilitate editam, esse prorsus vanam ac fatuam.

XII. Oneribus aliis accedit & hoc; aperire nimirum & ostendere, imitatores Christi innumeros pene Martyres vel à Seculo IV. vel V. VI. &c usque ad Lutheri tempora fuisse deceptos, dum sanguinem haudquaquam in testimonium latentis, sed apertæ Ecclesiæ, scilicet Romanæ fuderunt.

XIII. Ostendant necesse est, sinistrâ prorsus doctrinâ fuisse instructos eos viros & fœminas Principes, quos à Seculo IV. V. VI. &c Romanæ Ecclesiæ propius accessisse ex Historia etiam Hübneriana novimus.

XIV. Evincere oportet, Ecclesiam nostram in variis omnino dogmatibus *certissime* differre ab ea Ecclesia, quæ floruit primis Seculis.

XV. Coguntur ob oculos ponere, quot & quænam censeantur ea diversa dogmata.

XVI. Officii ratio postulat inde, ut luce meridiana clariùs exponant, suam scilicet Lutheri Ecclesiam prorsus non differre ab ea Ecclesia, quæ primis Seculis supra candelabrum luxit.

XVII. Oportet demum Lutheri affectas respondere an ipsorum Ecclesia sit manifestè vera & visibilis.

XVIII. Item an non & ipsa ex visibili mutari possit denique in non visibilem.

XIX. Si reponant, Ecclesiam suam esse veram ac visibilem, incumbit obligatio pandendi signa illa, an nimirum similia, an diversa sint ab iis, quæ vidit Ecclesia nostra à primis & mediis Seculis.

XX. Si respondeant esse similia nostris: tunc patrocinantur nobis. Si diversa placeant signa, necessitas cogit dicere, quæ & qualia sint illa; an nimirum extraordinariæ Eg. Virorum Principum conversiones, an miracula, an doctrinæ unitas, puritas, sanctitas &c? Si hæc non displiceant

XXI. Aperiant necesse est, quænam illæ fuerint conversiones, quænam illa miracula, qualis doctrinæ unitas, puritas &c, ita ut in nostra Ecclesia non sint omnia hoc etiam ex capite plura, illustriora, veriora?

XXII. Tandem cum Ecclesiam nostram in multis errasse afferant, & documentis Historicis assertum firmare laborent, Scriptores adversi, incumbit his ante omnia alia argumentis solidissimis ante oculos Lectorum ponere, Historiam nostram

longè antiquiorem sua recentiori superari, confutari, atque confundi.

XXIII. His aliisve similibus rerum capitibus ritè datis & probatis, atque in fronte librorum suorum præfixis, aut si placeat, à tergo positis, si scribant Historias fidei controversis mixtas, non vitandi, non vituperandi, sed legitimis Lectoribus sunt digni Scriptores Lutherani. *Vide argumenta plura in Serie Rom. Imperatorum pag. 15. 16. & 17.*

REFLEXIO XX.

QUANTI HÜBNERIANA ADMONITIO SIT
EACIENDA, QUA UNO ALTEROVE DE AR-
CHIEPISCOPIIS ET EPISCOPIIS LOCO OBSCU-

RE INTENDIT DICERE, SE POTIUS SCRIBERE MORE
CATHOLICO ROMANORUM, QUAM LUTHE-
RANORUM.

Scripsit ut memini, Hübnerus in una & altera pagina, præsertim verò de origine antiquissimorum Episcoporum, & horum uno alterove stupendo prorsus miraculo, fidem admodum dubiam adhiberi meritis his aliisque Papistarum narratiunculis. Item non tam suam, quam Papistarum credulam hic aperiri mentem &c. *Vid. tom. VII. pag. 462. de Curienſium Episcoporum origine. Eod. tom. pag. 25. de Archiep. Mogunt. Eod. tom. pag. 774 &c.* Scripsit, inquam, hunc in modum Hübnerus, at ita scripsisse ac monuisse an Orthodoxis, an Heterodoxis proſit magis, haud obscurum est: tametsi enim in una alterave pagina dicto moneat modo, tale tamen monitum omisit in mille paginis, Catholicorum quasi manu & more, utinam & fide ab Hübnero exaratis. Monita item Hübneriana neutiquam multiplex, sed unum alterumve Lutheranis parum acceptum caput, aut facinus attendunt, quod abundè Lectori testantur monitis & cautelis Hübnerianis notatæ paginæ. Adde, Hübnerum nunquam facile omisisse nunc dicteria, nunc acerba
mo-

monita, nunc oppositiones Catholicis adversas, quotiescunque libuit magis, quam liquit: libuit autem scribenti creberrimè non solum Seriem de Romanis Pontificibus, sed etiam de Archiepiscopis, Episcopis & aliis Viris Principibus. Denique optarem sanè, ut Archiepiscoporum & Episcoporum Series scripsisset fidei calamo, veluti scriptas jam invenit in Authoribus Catholicis, tum enimvero apparet continuò discrimen inter veros & truncatos libros. Dum Serarii & Brovveri libros de Archiepiscopis Moguntinis & Trevirensibus in lucem editos crebrò perlegi, & manibus, ut ajunt, palpavi, Hübnerum pleraque hisce ex Authoribus collegisse & suum addidisse, justissima indignatione accensus & iratus sum Scriptori, quòd multa & meliora planè omiserit, pauca & pejora expresserit. Quàm sæpe igitur pro Catholicis contra se suosque scripsit, *suimet oblitus, & Historiæ veritate convictus* scripsisse censendus est. Minimè proin solvuntur continuò argumenta nostra Hübnero Historiæ suæ & tomulorum discordiam maximam opponentia, dum fortassis reponit Hübnerianus hæres aut amicus, Hübnerum in tomulo VII. VIII. & aliis multa potiùs Catholicorum more & fide recensuisse: enimvero si hæc scribendi historiam methodus placuit in tomulis postremis, cur non pariter in primis, ubi de Romano Pontifice & Imperatore præsertim de Phoca rem legendam dedit? Sinistrâ demere, quod dedit dextera; nunc affirmare, nunc affirmatum negare; nunc album, nunc nigrum dicere; nunc calidum nunc frigidum spirare, nec Superis, quin nec inferis jure potest placere. Doctrinæ constantia, Historiæ concordia, dictorum & scriptorum conformitas maximè commendant Authorem: vitia quævis his virtutibus contraria condemnant Historicum. Secus si res habeat, Hübnero epitaphium hoc brevissimum quadrabit perbene:

Hübnerus hic jacet ,
 Quem dicunt Historicum,
 Multa is scripsit ,
 Quæ ipse non credidit ,
 Quæ putas fide dignum ?
 Liberos & libros
 Posteris reliquit :
 Ipse ad plures abiit ;
 An ad Historicos ,
 An ad Fabulatores ,
 Viator ita & discute.

Hæc si minùs arrideant , fingamus obsecro , uti aliàs , non more Hübneri fingere libuit & licuit, Authorem Catholicum attentâsse scribere Lutheranae Ecclesiae Historiam eadem prorsus methodo , qua Hübnerus scripsit Seriem Archiepiscoporum , Episcoporum & Virorum multorum in Romana Ecclesia clarissimorum ; an non continuo Lutheri asseclæ scriberent , clamarent , & vociferarentur : *en ! ipsimet Papistæ fatentur non obscure , Lutherum non perperam docuisse , non vano aut vanatico spiritu impulsam reformâsse Ecclesiam , damnâsse superstitiones , & supervacaneos Romani Pontificis rigores , abusus &c.* Si ita Themistocles , cur non & Epaminondas ? Si ita novissimi , cur non & antiquissimi ? Si ita Germanico - Lutherani , cur non ita Romano - Germanici ? Intelligitis rem amici Hübneriani ; quotiescunque nimirum in Authore Catholico , præsertim Societatis nostræ deprehendere fuit sententiam , aut periodum verborum vobis in speciem etiam faventem , ambabus manibus vestrorum Scriptorum , Lectorum , & Oratorum plurimi continuo arripuerunt tanquam oracula , aut documenta saltem vobis jucundissima. Testes sunt à C. Bellarmino & aliis Authoribus relictorum librorum Lectores amici & inimici ; horum namq; ultimi objectiones , uti appellamus , à Purpurato Doctore positas , crebro in partem suam accepere , omiſsa penitus objectionum solutione

tionem, & argumentis à capite sententiarum positis. Ita ferè non raro sustinuit facere Hübnerus, quem secutus est unà cum aliis Erdmannus Uhlen, quemadmodum nos docuit ejusdem Series de Romanis Imperatoribus fidei calamo minimè conscripta. Superi boni ! qualis fides multorum nomine non re Historicorum ! Si non volentibus, aut invitis error irreperet, uti errare humanum est, venia responderet facilè errori. At verò studiosè, non dicam malitiosè scribere, fallere, nullum concedit inter peritos veniæ locum. Absit igitur à nobis remotissimè hæc narrandi, hæc pugnandi, hæc fallendi aut decipiendi methodus. Abstergatur fucus, nativus color in ore & vultu, in verbis & factis placeat æternum. Scapham scapham dicat Historicus: synceritas & veritas vincant, triumphant, floreat inter vepres & senticeta. Erudiatur, instruatur, & si opus sit in viam veritatis ducatur, aut reducatur
 Lector Tros & Rutilus, Orthodoxus
 & Heterodoxus.



IN.

I N D E X

PRÆCIPUORUM NO-

MINUM AC RERUM ORDI-

NE PAGINARVM.

A.

A Dalbero Eugenio III. Pont. & Lothario II. Jmp. chartus	Pag. <u>116.</u>
Adalbero ambit Electoratum Trevirensē.	<u>108.</u>
Adelbertus L . Henrici V. Jmp. fortis adversarius.	<u>36.</u>
Adalbertus II. Innocentio II. Pont. gratus.	<u>37.</u>
Ado Comes Nellenburgicus author Martyrologii &c.	<u>112.</u>
Adolphus L . in Imperii solium promovit Ottonem IV.	<u>170.</u>
Adolphus II. abdicavit se Sede Colonienſi thorum eligens.	<u>176.</u>
D. Agilolphus L . Colonix Archiepiſcopus.	<u>156.</u>
D. Agritius I. Trevirorum Archiepiſcopus &c.	<u>82.</u>
Aistulphus B. Lulli diſcipulus clariffimus.	<u>19.</u>
D. Albani mons, locus plurimorum MM.	<u>7.</u>
Albana vidua excepit D. Eucharium.	<u>77.</u>
Albertus L . juvenis mortuus.	<u>56.</u>
Albertus II. Marchio Brandeburgicus Lutheri hoſtis potens.	<u>60.</u>
Amalherius à Carolo M. Legatus in Orientem miſſus.	<u>99.</u>
	Am.

Index rerum:

Ambrosius Pelargus Ord. S. Dominici propugnator fidei insignis.	135.
Anno Divorum Episcoporum socius.	155.
D. Anno de Sonneberg Henrici IV. Imp. instructor infelix.	165.
Anselmus Calimirus Wambold dura passus à Suecis,	69.
Anselmus de Ingelheim coronavit Josephum Rom. Reg.	73.
Antonius de Schauenburg Lutheri osor singularis,	181.
D. Aprunculus Treviris sanctitate notissimus,	91.
D. Aquilinus Coloniae Episcopus.	149.
Argumenta contra Heterodoxos ex S. Codice pro Primatu Rom. Pont.	190. & seqq.
Contra eosdem ex epistolis SS. Pontificum antiquissimorum.	196.
Contra eosdem ex Conciliis antiquioribus.	199.
Contra eosdem ex Graecis & Latinis Patribus.	201. & seqq.
Contra eosdem ex Imperatorum sententiis.	205.

Argumenta alia contra Heterodoxos sunt sequentia

I. Vocatio Episcoporum antiquissimorum,	206.
II. Ingens numerus DD. Episcoporum,	210.
III. Multa Episcoporum miracula.	214.
IV. Rom. Pont. Bonifacii III. & Phocæ Imp. circumstantiæ.	222.
V. Supposita Heterodoxorum malè fundata.	225.
VI. Institutio Episcoporum per orbem universum.	227.
VII. Dexteræ Exelsi opera post Seculum VII. orbi exhibita.	234.
VIII. Doctrina à Doëtoribus Romanis Sec. VI. VII. & tradita.	241.
IX. Insignes virtutes Archiepiscoporum & Episcoporum Germanorum &c.	243.
X. Insignis nobilitas Archiepiscoporum & Episcoporum præsertim Germanorum.	246.
Argumenta multa alia pro Parochorum & Clericorum propugnatione vide	258. & seqq.
Ariani etiam in Europa Superiori.	2.

Index Rerum.

Aribo Comes Palat. variarum Synodorum author.	<u>32.</u>
Arnoldus à subditis occisus & in fimetum abjectus.	<u>39.</u>
Arnoldus vidit Venetiis Alexandrum III. Pont. & Fridericum <u>I.</u>	<u>117.</u>
Imp. conciliari.	<u>121.</u>
Arnoldus II. Isenburgicus Friderici II. adversarius integerrimus.	<u>168.</u>
Arnoldus <u>I.</u> perperam accusatus de Simonia.	<u>168.</u>
Arnoldus II. de Wied mortem D. Bernardi luxit.	<u>9. & 83.</u>
D. Athanasius missus Treviros in exilium.	<u>10.</u>
Artila Hunnorum Rex.	<u>78.</u>
D. Auspicius IV. Trevirorum Episcopus.	<u>80.</u>
D. Author <u>I.</u> sæviante Maximino <u>I.</u> Martyr cecidit.	<u>87.</u>
D. Author II. à civibus Trevirensibus multum pressus.	

B.

Balduinus Henrici Lüzelburgici Imp. frater victus à Spanhemienfi principe vidua.	<u>124.</u>
D. Bardo D. Chrysostomo comparatus vates.	<u>32.</u>
D. Basinus S. Willibrordum cum sociis benignè excepit.	<u>25.</u>
Bertholdus procurator Pacis dictus, suavitæ fœdus Suevicum & Judicium Camerale Spiræ.	<u>56.</u>
Bertholinus Pipino Regi & Carolo M. peracceptus.	<u>157.</u>
Bertholphus à Normannis vexatus plurimum.	<u>102.</u>
Bocaldus Colonix Episcopus.	<u>154.</u>
Boemundus in dissidio Canonicorum providus.	<u>123.</u>
Boemundus II. Carolum IV. Imp. honorificè excepit.	<u>125.</u>
D. Bonifacius in Anglia natus Germanorum Apostolus.	<u>16.</u>
D. Bonnosus Valentino I. Imp. pretiosus.	<u>85.</u>
Bruno Henrici IV. & V. Imperatorum adulator respiscit.	<u>114.</u>
Bruno Henrici Aucupis Imp. frater Colonix profuit.	<u>160.</u>

Bru.

Index Rerum.

Bruno II. de Altena D. Bernardi consilio permotus Sedem Coloniae conscendit.	<u>167.</u>
Bruno III. abdicavit se Archiepiscopatu Coloniae,	<u>170.</u>
Bruno IV. de Sayn à Philppo Imp. captus.	<u>171.</u>

C.

Carentinus Sigeberti & Childeberti Regum favore tutus.	<u>159.</u>
Carolus Casparus de Leyen mala perpeffus gravia à Gallis.	<u>143.</u>
Carolus Crassus Imp. demonio liberatus.	<u>24.</u>
Carolus Henricus de Metternich Leopoldo Imp. pretiosus.	<u>72.</u>
Carolus Josephus Dux Lotharing. duro & brevi tempore Elector.	<u>145.</u>
Carolus Pipini Aquitaniae Regis filius Elector Moguntiae.	<u>22.</u>
D. Celsus Moguntiae Episcopus.	<u>6.</u>
D. Celsus Trevirorum Episcopus miraculis clarus.	<u>78.</u>
Christianus I. multarum linguarum peritus &c.	<u>40.</u>
Christianus II. author Historiae geminae.	<u>34.</u>
Clemens Augustus Dux Bavar. Coloniae Elector.	<u>186.</u>
Conradus I. fortiter pro Alexandro III. pugnavit.	<u>39.</u>
Conradus II. Waldenses haeret. severè puniit.	<u>52.</u>
Conradus III. Sigismundo Imp. charus, conviviis indulgens nimium.	<u>54.</u>
D. Conradi Coloniae Praepositi martyrium.	<u>111.</u>
Conradus de Höchsteden Salomon sui temporis vocatus.	<u>173.</u>
Constantinus M. Treviris agit.	<u>81.</u>
Corbejense monasterium celeberrimum.	<u>22.</u>
Crepitaculorum ligneorum usus primus in Germ.	<u>99.</u>
D. Crescens Moguntiae Episcopus,	<u>1, 2. & seqq.</u>
D. Crescentius.	<u>6.</u>
D. Cunibertus Aulam in Ecclesiam convertit.	<u>154.</u>

Index Rerum.

Cuno Falckensteinus pacis amans & religionis.	116.
Idem rem Colonix restituit & Sede se abdicavit.	177.
Cyrillus templorum Conditor.	88.

D.

Damianus Hartadus de Leyen zelotes gloriæ divinæ.	72.
Daniel ab Hompert Elector plurimum laudatus.	63.
Dietherus frater Adolphi Imp. à civibus vexatus.	124.

E.

Eberhardus ex Comite Palatino Elector Trevirorum.	110.
Ebregisilus tempore Guntrami & Childeberti Regum floruit.	159.
Egbertus II. Reliquiarum curam habuit singulare.	107.
Egelbertus ab Henrico IV. Imp. intrusus. defendit tamen jura Ecclesiæ Deo percanem mira operante.	113.
Electores Moguntix olim imposuerunt coronas Bohemiæ Regibus.	42.
D. Elisabetha Beatorum numero adscripta, & à Sigfrido III. honorata.	42.
D. Engelbertus dictus est columna Ecclesiæ, Cleri decus &c.	172.
Engelbertus II. de Valckenburg civili bello implicitus.	174.
Engelbertus III. Altenanus ægrè admisit Colonix Insulam.	177.
Erckenbaldus unà cum 71. Episcopis Bambergæ adfuit Benedicto VIII. Pont.	31.
Ernestus Dux Bavarus Pedit & Gladio fortis.	183.
D. Eucharius, Trevirensium primus Episcopus.	76.
Evermerus vidit collabi Imperium Occidentis.	89.
D. Evergisilus in patria haud acceptus Propheta.	152.
Evergerus ultimus Archiepiscopus nondum Elector.	161.
Euphrates Synodo Sardicensi interfuit condemnatus in Coloniensi.	150.
F. D. Felix	

F.

- D. Felix imperante Lucio Vero martyrium subiit. 79.
 Ferdinandus Dux Bavarus decus Academiae Ingolstadiensis, Heterodoxis obex. 184.
 D. Fibitius miraculis clarus. 21.
 Franciscus Ludovicus Dux Palatinus laude dignissimus. 145.
 Fridericus Altenanus Hadriano IV. Pont. charus. 169.
 Fridericus Ebersteinus durissimam poenam sustinuit. 44.
 Fridericus D. Bernardi consiliis probe usus. 167.
 Fridericus Isenburgicus Comes miram constantiam gravissimum sustinens supplicium. 172.
 Fridericus III. de Saarwerden Gregorii XI. Pont. condiscipulus, Author Athenarum Colonienfis. 177.
 Fridericus IV. de Wied abdicavit se Sede. 181.
 Fulda Episcoporum seminarium gloriosum. Pag. 21. 24.
 26. 27. 28. 32. 33. &c. &c.

G.

- Galli Treviris Deo vindice puniti varie. 143.
 Gebhardus Truchsessius ex Electore Coloniae Lutheri sectator sacrilegus. 182.
 Georgius Fridericus de Greiffenclau author Edicti Restitutorii. 68.
 Gerardus L. in praelio captus & annua captivitate detentus. 43.
 Gerardus II. Adolphum Nassovium fere solus Imperatorem eligi & deponi curavit. 46.
 Gerlachus Bullam Auream cum Electoribus erexit, & Höchstium impetravit. 50.
 D. Gero Ottoni II. Imp. parum gratus primo, dein vero gratissimus, occiditur ab aemulo. 161.
 Geroldus Episcopus Martis, quam mortis memor magis. 14.

Index Rerum.

Gervilius Episcopus parùm laudatus.	15.
D. Goaris innocentia.	92.
Godefridus abdicavit se Electoratu.	115.
Godeschalcus cum fociis damnatus à Rabano.	22.
D. Gothardus.	7.
Guilielmus Ottonis M. Imp. filius laudatus.	28.
Guiso in Frisia & Westphalia promovit Ecclesiam.	155.
Gundericus Asymbolus.	93.
Guntharius Waldradæ adulteræ fautor à D. Nicolao Pont. anathemate confixus.	159.

H.

Hadebaldus in Concilio Aquisgrani & Moguntiaë habito conversioni Danorum consuluit.	158.
Haraldus Danorum Rex baptizatus.	20.
Hatto I. veriùs miles quàm Sacerdos.	24.
Hatto II. Obscuravit nomen suum proditione.	25.
Hatto III. Pauperum osor à Deo punitus.	28.
D. Helena Treviris profuit.	82.
Henricus I. à D. Bernardo magni æstimatus, Romæ tamen male accusatus.	38.
Henricus II. Ord. Seraph. ex Doctore Episcopus Basileæ, & demum Elector Moguntiaë.	45.
Henricus III. in Sedem Moguntiaë ægrè admissus.	49.
Henricus D. Wolffgangi condiscipulus Ottonis M. Imp. affinis.	105.
Henricus variorum ædificiorum author.	122.
Henricus de Molenarck ultor D. Engelberti.	172.
Henricus tempore Ludovici Bavari Elector.	175.
Herigerus Henrico Aucupi gratus.	26.
D. Heribertus Elector Coloniaë I.	162.
Her-	

Index Rerum.

Hermannus cognomento Pius.	159.
Hermannus Com. Palatinus, <i>Pius & Nobilis</i> vocatus.	164.
Hermannus de Notheim SS. Reliquiarum cultor.	167.
Hermannus IV. Hassiæ Landgravius Pater pauperum dictus	179.
Hermannus V. de Wied Luthero addictus, sed proscriptus.	180.
Hetti Ludovici Imp. gratiâ usus strenuè.	100.
Hetto Lothario Regi Theutbertam conjugem repudianti male consensit.	101.
D. Hilarius non nisi nomine Sanctitatis notus.	6.
Hildebertus Ottonem M. coronavit dono prophetiæ clarus.	26.
D. Hildegardis monialis vates.	39. 116.
D. Hildeboldus Pont. Hadriano L. Leoni III. & Carolo M. à consiliis.	158.
D. Hildegarus ab idololatrâ occisus.	157.
D. Hildolphus relicta Sede Archiepiscopali eremum petiit.	97.
Hildolphus sub D. Annonis cura crevit.	166.
Hillinus Conradi III. & Friderici L. Imp. tempore se cautum ostendit.	117.
Himerius vir sanctus ac consummatissimus dictus.	88.
Hugo Sponhemius brevissimo tempore Elector.	168.

I.

Jacobus Laynius S. I. Treviris.	137.
Jacobus Liebensteinius laudatissimus.	57.
Jacobus Sirckius Eugenio IV. conciliatus author Academiæ Coloniensis extitit.	131.
Jacobus II. Marchio Badensis Maximiliano Cæsari pretiosus.	133.
Jacobus III. strenuè conservavit rem Catholicam Treviris.	138.
Joannes Commendonus Legatus Pontificius Treviris.	137.
Joannes II. Herbipoli Erfordiam transtulit Academiam.	52.

Joan-

Index Rerum.

- Joannes Bikius lasciviam detestatus, Heiligenstadiensis Collegii Fundator, aliàs etiam rem Catholicam valde promovit. 66.
 Joan. I. Dux Lûzelburgicus ovis & agnus cognominatus. 51.
 Joan. Isenburgicus Com. Synodo Trid. & Carolo V. Imp. fortiter adstitit. 136.
 Joan. de Leyen rem Catholicam strenuè Treviris conservavit. 137.
 Joan. Ludovic. de Hagen Carolo V. pretiosus. 136.
 Joan. Marchio Badensis gloriosè à Trevirensibus exceptus, Academiam Coloniensem absolvit, & alia multa egregia præstitit, unde servatus est bonis etiam miraculo. 132.
 Joannes ex Metzenhusana familia Elector Academiæ Trevirensis restitutor. 135.
 Joannes Philippus de Schönborn viam Montanam redemit; littem de coronando Cæsare composuit cum Electore Colonix; Erfurdiam privilegio libertatis Imperialis privavit. 70.
 Joannes Schvvicardus de Cronenburg Rudolphum II. & Mathiam Augustos fratres conciliavit. 67.
 Josephus Clemens Dux Bavarus zelo animarum clarissimus. 185.
 Isidorus Mercator Compiler Juris Pontificiû, 19.

L.

- D. Lambertus ab adultero occisus. 155.
 Latomus à consiliis fuit Joan. Ludovic. Electori. 135.
 D. Leontius Aquitanus è Pontiorum genere. 87.
 Leopoldus Elect. Moguntix II. D. Leoni IX. Pont. acceptus, littem de coronando Imperatore movit Arch. Colonienfi. 33.
 Levvoldus Colonix Episcopus. 150.
 Lindbertus à constantia laudatus maximè. 23.
 Lotharius Austrasiæ Rex repudiavit Theutbertam. 23.
 Lotharius Cæsar ingreditur Monasterium. 23.
 Lotharius Franc. de Schönborn. 73.
 Lotha,

Index Rerum.

Lotharius Fridericus de Metternich à Gallis pressus.	<u>71. & 140.</u>
D. Lucius <u>L.</u> solo sanctitatis nomine notus.	<u>6.</u>
D. Lucius II. contra Arianos fortis.	<u>8.</u>
Ludegastus excepit fugitivum Regem Theodebertum.	<u>13.</u>
Ludolphus <u>L.</u> Elector Trevirorum.	<u>108.</u>
D. Ludvvinus contemptis Seculi honoribus monachum induit.	<u>96.</u>
D. Lullus D. Bonifacii in zelo animarum & dignitate Successor.	<u>18.</u>

M.

D. Magnericus ædificiis & miraculis clarus.	<u>23.</u>
D. Marcellus sub Diocletiano cum MM. innumerabilium numero cecidit.	<u>81.</u>
Marcolphus brevi tempore Archipræsul.	<u>37.</u>
D. Marinus Successor D. Crescentis Moguntia.	<u>6.</u>
D. Marus miraculis clarissimus.	<u>89.</u>
D. Maternus tertius Trevirorum, Colonia primus Episcopus.	<u>148. & 78.</u>
Maternus II. contra Donatistas pugnavit.	<u>150.</u>
Mathias à Medicis & Venere frustra tentatus.	<u>49.</u>
D. Mathia Reliquia Treviris reperta.	<u>111.</u>
Mauritius à Wandalis dura passus.	<u>86.</u>
Mauritius Elector Saxon. à Carolo Imp. deficiens.	<u>136.</u>
Maximilianus Dux Bavarus bellis fatigatus.	<u>185.</u>
D. Maximinus <u>L.</u> veneratus Constantinum M. Treviris.	<u>81.</u>
D. Maximinus II. in Concilio Sardicensi & aliis contra Arianos pugnavit.	<u>83.</u>
D. Maximus adversus Arianos fortissimus.	<u>9.</u>
Megingaudus adversarium habuit Adalberonem D. Henrici Imp. affinem.	<u>108.</u>
Megingerus in carcere moritur.	<u>115.</u>
D. Miletus vidit Treviros subici Francis Orientalibus.	<u>90.</u>

Index Rerum

Milo haud laudatus Archipræsul.	97.
D. Môdoaldus variorum Monasteriorum Author,	98.
D. Modestus uno Sanctitatis nomine notus,	90.

N.

D. Nicetius Theodobertum Regem ob adulteria castigavit.	
Idem Bischoffsteinii author fuit.	91.
D. Nicomedis area dicta est planities prope Moguntiam,	7.
D. Numerianus ferè solo Sanctitatis nomine notus,	95.

O.

Otgarius an fuerit Campidunensis Antistes dubitatur.	10.
Otto Ziegenhemius à multis virtutibus valde laudatus	129.

P.

D. Paulinus Arianorum hostis à Constantio Imp. ejectus est in exilium.	84.
D. Paulini tumba in aere pendet longo tempore non absque miraculo.	102.
D. Paulinus M. an Colonix fuerit Episcopus, dubitatur.	148.
Petrus ex Medico factus Elector Moguntix.	47.
Pharamundus brevi tempore Episcopus.	155.
Philippus Christoph. de Stetern bellis fatigatus, Pontifici & Imperatori gravis.	142.
Philippus & Ferdinandus Bavari Principes Canonici Trevirenses.	139.
Philippus Westphaliæ Ducatum & Angrix Comitatum sibi vendicavit.	170.
Philippus Ebersteinius severus in cives.	180.

Ra.

Index Rerum.

R.

Rabanus Fuldensium ingens decus,	216.
Rabanus Helmstadius multis pressus malis.	192.
Radbodus restituit Trevirensium Ecclesiam.	103.
Raginfredus Carolo Martello acceptissimus.	156.
Reflexiones viginti contra Heterodoxos pro Romana & Germana Ecclesia à pag. 188. usque ad finem.	
Reinoldus de Dasselien à Friderico Imp. laudatus.	169.
Reliquiæ DD. Magorum Mediolano Coloniam translatae.	169.
Remedius iniquo tempore Episcopus.	153.
Responsa ad argumenta Heterodoxorum ex S. Codice.	191.
Richardus de Greiffenclau Ecclesiae & Imperii studiosissimus.	134.
Richbertus nomine tantum notus.	14.
Richbodus Archipræsul ferè omissus ab Historicis.	98.
Richolphus Juris Pontificii in Germania promotor.	19.
Richolphus occisus à sicariis.	157.
Ruotbertus ossa Divorum singulari honore profecutus.	105.
Ruotgerus Ecclesiasticarum quarundam Sanctionum author.	104.
Rupertus ultimus Ep. Moguntiae, qui non fuit Archipræsul.	29.
Rupertus Dux Palat. incendiarios è medio sustulit.	52.
Rupertus Dux Palat. dura lege electus Elector.	178.
D. Rusticus conversus miris modis.	22.
Ruthardus fortissimus adversarius Henrici IV. Imp.	35.

S.

Salentinus Isenburgicus relicta Sede sacra duxit conjugem.	1822
Sebastianus Heusenstammus Carolo V. Imp. constanter adherens.	62.
Sebaudus virtutis famâ quàm Historiæ memoriâ clarior.	24.
S. Severinus Sanctitatis nomine tantum notus.	24.

Index Rerum.

D. Severinus alter Euphratis loco lectus Coloniae Episcopus sanctior est eremicola sancto.	<u>151.</u>
D. Severus Apostolus zelosissimus.	88.
D. Severi Reliquiae in Germaniam allatae.	21.
Sidonius <u>1.</u> & Sidonius II.	9. & 11.
Sigevvinus D. Annonis exemplo probatus.	<u>166.</u>
Sigfridus cum Episcopis pluribus petiit Palaestinam.	<u>33.</u>
Sigfridus II. Innocentio III. Pont. gratus.	<u>41.</u>
Sigfridus III. instituit Moguntiae Synodum dictam Germanicam.	42.
Sigfridus Westerburgicus de Adolpho Comite Montenſi talionis poenam sumpsit more barbaro.	174.
Simoneus tempore Clodovæi <u>1.</u> Episcopus.	<u>152.</u>
Solanus vidit Coloniam à Francis expugnari.	<u>152.</u>
Suffraganeorum Episcoporum origo in Germania.	120.
Sunderoldus à literis & virtutibus laudatus.	<u>24.</u>

T.

Theodoricus & Theodebertus fratres regi.	15.
Theodorici <u>1.</u> Reg. aulam passim dixerunt Paradysum.	<u>54.</u>
Theodoricus II. ægrè conscendit solium Moguntiae.	55.
Theodoricus <u>1.</u> Archipræsul Trevirorum à doctrina & virtute Laudatus.	106.
Theodoricus II. Com. de Weida Lateranenſi Concilio interfuit, & D. Elisabethæ ossa levavit.	<u>119.</u>
Theodoricus <u>1.</u> Coloniae intrusus, ab Innoc. III. Pont. rejectus est.	<u>171.</u>
Theodoricus II. de Mörs Dei Eucharistici eximius cultor.	<u>178.</u>

V.

D. Valerius II. Trevirorum Episcopus.	<u>77.</u>
D. Veomadus ex Abbate Archipræsul & SS. Reliquiarum custos.	<u>98.</u>
Volma-	


Index Rerum.

Volmarus difficilem passus accessum ad sedem Coloniz.	160.
Volusianus Primatus dignitatem curavit renovari à D. Sylvestro Pont.	89.
Uriel de Gemmingen ex Legum Doctore Archipræsul, ex Archipræsule Carthusianus.	18.
D. Ursula quando Martyrium passa.	149. 152. 154.

W.

Walramus Juliacensis Joan. XXII. Pont. condiscipulus.	175.
Warinns occisor D. Geronis conscientiz stimulis agitatus Romam proficiscitur.	161.
Wazzo D. Leonem III. Pont. Treviris excepit.	99.
Wernerus Falckensteinus celebravit Moguntiz Synodum, Rudolpho Habsburgico acceptissimus.	44.
Idem Moguntia expulit Hebræos ob tria crimina.	45.
Wernerus königsteinus Witlichium castro communivit, & suo suffragio etiam Wenceslaum Imperatorem removit.	128.
Wezilo adulator Henrici IV. Imp. respuit.	26.
Wichboldus de Holte Elector Coloniz.	174.
Wichfridus Ottonis M. tempore Elector.	159.
Wilibertus in locum Gunthari remoti promotus.	159.
Wilhelmus de Gennep. insignis DD. Apostolorum Petri & Pauli cultor.	176.
Wiligisius L. Elector Moguntiz celeberrimus.	30.
Witekindus Saxonum Rex.	18.
Wolfgangus de Dalberg defensor Soc. JESU.	64.

F I N I S



ERRORES TYPI CRASSIORES.

Pag. 2. enūmcratis	Lege enumeratis.
pag. 4. inferiūs. 96.	69.
pag. 5. hac more	hoc more.
pag. 11. temlis	templis.
pag. 17. Thuringa	Thuringia.
ibid. Pipni	Pipini.
pag. 23. examinatur	examinatur.
pag. 28. Hatto II.	Hatto III.
pag. 33. Gigfridus	Sigfridus.
pag. 61. Synodos Diœcesanos	Diœcesanas.
Herpipolensem	Herbipolensem.
pag. 67. confumatus	consummatus.
pag. 65. Joannes	Joan. III.
pag. 67. Joannes	Joan. IV.
pag. 70. defidium	dissidium.
pag. 72. Contendit,	conscendit.
pag. 85. habebeantur	habeantur.
pag. 99. hebdomate	hebdomade.
pag. 122. Theodorico	Henrico.
pag. 138. de cretis	decretis.
pag. 156. Franorum	Francorum.
pag. 189. Censetur	consentur.
pag. 190. haud alium nostrum	haud aliū quàm nostrū sensum,
pag. 191. Godicis	Codicis.
pag. 205. In idolis	idolis.
pag. 252. Eiscopus	Episcopus.
pag. 253. Beregenses.	Bergenses.



